

71XV+40
RB168,656



Presented to the
LIBRARY *of the*
UNIVERSITY OF TORONTO
by

Prof. Stillman Drake

STILLMAN DRAKE

A. 18

11W

See WAWallose

Gahico + H9 Sources pp 12-22

BK2 Dissemination

44- From Paul Yello 95

~~11.8.~~

J. 1. 10. 8

Francis Carver

ms
ms
ms
ms

INTRODVCTIONIS IN VNIVERSAM PHILOSOPHIAM

LIBRI QVATTVOR:

IN QVIBVS PHILOSOPHIAE
humanæq; Scientiæ ortus, natura, partēs, & attributa,
multorumq; Philosophorum scholæ, ac errata expli-
cantur, atq; recta philosophandi ratio docetur:

LVDOVICI CARBONIS A
Costacciarq, Academici Parthenij, & Sacræ
Theologiæ in almo Gymnasio Perusino
olim publici Magistri:

CVM DVPLICI INDICE.

Quibus accessit Catalogus amplissimus Expositōrum om-
nium librorum Philosophiæ Aristotelis, aliorumq;
Scriptorum de rebus ad vniuersam Philo-
sophiam pertinentibus.

CVM PRIVILEGIO.



VENETIIS, MXCIX.

Apud Marcum Antonium Zalterium.

Est autem vnus dies, bene, & ex præceptis
Philosophiæ actus, peccanti immortalitati
anteponendus.

M. Tullius Tusculana 5.

*Ad summam, sapiens vno minor est Ioue, diues
Liber, honoratus, pulcher, Rex deniq; Regum.*

Horatius lib. i. Epist. ad Mecæn.



ILLVSTRISSIMO,

AC REVERENDISS.^{MO}

D. HIERONYMO BERNERIO
S. R. E. Cardinali dignissimo,

Ludovicus Carbo, S. D.



VAE fortunæ vo-
cantur bona, ea
qui cum possint, &
debeant, cum alijs
non communicāt,
ij contra humanas,
diuinasque leges,

vt tu, Cardinalis Amplissime optime
nostis, facere censentur: & vt in sacris
legitur litteris, qui abscondunt frumen-
ta, maledicentur in populis. Contra
vero, qui eadem bona, suis præsertim

a 2 labo-

laboribus comparata, & Gentium iure propria, virtutis beneficio communia faciunt, ij laudantur, & quasi pro dijs inter homines habentur. Hæc si vera sunt, vt certe quidem sunt, illi profecto nō erunt laude digni, qui animi bona suis pãta vigilijs inclusa teneant: qui vero vel docendo, vel libros edendo, publici iuris fieri enixe curāt, ij, & amore, & laudibus, & honoribus afficiendi erunt: & quidem eo magis, quam qui externa bona communicāt, quo pluri ingenij partus, quam agrorum fructus faciendi sunt. Et, vt qui rerum suarum aliquid, etiam minoris momenti, alijs impertiunt, nō damnantur, si id animo bono faciant, nec quod datur, respuitur; ita, nec qui ingenij sui exiguos fructus edunt, vituperari debent, & quod iuuandi desiderio præbent, contemnendum non erit; modo sit eiusmodi, quod vtilitatem aliquam reip. sit allaturum: quem vnum finem, qui suas lucubrationes diuulgant, propositum habere eos oportet. Hæc dum

intra

intra domesticos parietes bonos variosque auctores lego, & lecta asseruo, asseruataque commentando in varia opuscula digero, mecum interdum cogito; non ita obtrectatorum voces publicamque censuram timeo (nec enim desunt Momi) edere ut nihil velim. Nam qui hoc præclarum munus, quod præstare possent, inani timore perterriti refugiunt, ij præsentibus illiberales, posteris inuidi, & Deo qui concessit, lenti usuram requirit, existunt ingrati. Contra vero, qui aliquid non inutile in lucem proferunt, maiorum industriam æmulantur, de omnibus bene merentur, atque præsentibus & posteros ad idem faciendum extimulant: ij cum videant quantis vigilijs, quantisque laboribus in hoc vnum incubuerint, ut res necessarias & salutares humane reipublice, cui nemo est, qui totum quod potest, non debeat, relinquerent. Denique, si litteratorum atque insignium hominum tabula pinguntur, & signa fiunt, ut his inspectis, ad eorum præclara faci-

nora imitanda, qui eos spectant, commoueantur; cur non etiam ingenij monumenta, quasi viuæ animi imagines, per quas melius homines cognoscuntur, quam si pîcti, vel ficti spectentur, litteris consignanda non erunt? Quod qui faciunt, non solum æternam nominis sui gloriam sibi comparant, quam omnes, velint, nolint naturæ instinctu concupiscunt, sed etiam erga Deum gratos, & erga homines beneficos se esse ostendunt. Valeant igitur illi, qui cum in otio esse, vel sibi solis sapere volunt, eos vituperant, qui plures, & varios ingenij sui partus posteritati relinquere conantur. Cum ergo his annis, tum naturæ, tum morum Philosophiam priuate docendo, quasdam præfationes præmittere solitus essem, quas discipuli auide, sed interdum non integre excipiebant, eas vt ederem sapissime efflagitarunt; cum viderent non esse vulgares, sed scitu dignas & maxime fructuosas: quorum precibus tandem satisfaciendum fuit. Eas itaque in quatuor

tuor libros quodã ordine digessimus,
& sub nomine Introductionis in vniuer-
sam Philosophiam nunc foras damus.
Quod sane opus magis absolutum
atque perpolitum exiret, si maioris
momenti opera, quorum editio nos
vrget, impedimento non fuissent.
Cum itaque hanc meam lucubratio-
nem in publicum venturam, Patrono
non vulgari egere animaduertērem, te
vnum e multis, qui occurrebant, Illu-
stris. Princeps, elegi, cui prudenter
nuncupare possem, ac deberem. Pri-
mum quidem, quia in te uno, illæ om-
nes sunt partes, quæ in optimo Patro-
no desiderari possunt, auctoritas, do-
ctrina, & probitas: cum, & uitæ integri-
tate, & doctrinæ copia, atque gradus
amplitudine, Illustrissimi appellatio-
nem iure sis consequutus. Tu igitur
quid hoc meum opus valeat, tua singu-
lari doctrina cognoscere, contra ob-
trectatores auctoritate defendere po-
teris, & ad hoc faciendum tua te pro-
bitas commouebit. Quantum autem

in te auctoritatis, doctrinæ, ac probi-
tatis sit, nunc plane demonstrarem, si
quæ vix integro volumine dici, vnius
nuncupatoriæ angustijs, comprehendi
possent. Dicerem itaque de tua hono-
rifica nobilique progenie, vt qui opti-
me noui quam sit Illustris Berneriorum
familia, ac etiâ de patriæ, hoc est Cor-
regij splendore; quam vrbem viri lit-
teris insignes illustrarunt, præsertim F.
Ioannes Bernerius Patruus tuus, sacræ
Theologiæ Magister egregius, qui in-
ter alios discipulos habuit F. Felicem
Perettum, qui postea Sixtus Quintus
fuit; sed, nec familiam, nec patriam
nemo vnquam te magis. Nam, cum a-
primis annis non solum in patria, sed
etiam Bononiæ humanioribus litteris
operam nauasses, atque interim ita vi-
xisses, vt omnia præterquâ seruire Deo
vana esse didicisses, id quod etiam in
matura ætate pauci intelligunt, ei in
optima, & integerrima Dominicano-
rum religione, te totum deuouisti.
Vbi tantum in humana diuinaque sa-
pientia

piencia profecisti, vt & regendo, & docendo sæpe honorifice præfueris. Quibus in muneribus, eiusmodi de te specimen dedisti, vt Genuæ sanctæ Inquisitionis officium grauissimum obtinere merueris; in cuius administratione, te vere virum esse, ac maiorum munerum dignissimū plane monstrasti. Ideoque ad Urbē accersitus, non multo post aduentum, Asculanorum Episcopus creatus fuisti; cuius loci cura, non nisi grauioribus, & maioris auctoritatis viris dari consuevit. In hoc etiam difficillimo munere ita te gessisti, vt intra paucos menses a Sixto Quinto hominū æstimatore acerrimo, tuarum virtutum splendore ac meritis, non humano fauore moto, in Cardinalium numerum fueris adscriptus; non vt numerum augeres, sed vt tua singulari sapientia eximiaque prudentia vniuersæ Ecclesiæ consuleres, præsertim in consultationibus grauissimis sanctæ Inquisitionis. Quod, si quā ratione, in omnibus tuæ vitæ partibus, quæ a te gesta sunt, expli-

explicare vellem, ut, quam facile cupi-
deque litteras didiceris, quam perspi-
cue, & quanta cum pietate cum alijs
communicaueris, qua cum vigilantia
Inquisitionis munus administraueris,
atque quanta prudentia Episcopa-
tum rexeris, & denique, qua ratione
Purpurati personam sustineas, amplif-
simus ad dicendum pateret campus,
in quo fusc lateque excurrere posset
oratio. Sed quoniam hæc paucis ex-
plicari non queunt, ne aliquid de eis
detrahere uelle uidear, silentio præ-
teribo, vel potius venerabor; quo quæ
maiora & diuiniora sunt, omnis ve-
nerari consuevit antiquitas. Illud ta-
men priuatim de doctrinæ tuæ magni-
tudine testimonium referam, quod
cuidam oratori Veneto in Comitijis
quibusdam publicis Dominicanæ fa-
milix, interroganti, qui nam in vniuer-
so ordine doctrinæ principatum tene-
ret, responsum fuit, R. P. Corregius.
De auctoritate illud dixerim, Par-
mensium & Mantuanorum Duces tua
pru-

prudentia, atque consilio in grauissimis rebus sæpe usos fuisse. Sed hæc fortasse cum alijs communia, hoc uero quod ad uitæ integritatem attinet, solummodo tuū, quod ad Ecclesiæ regimen e Coenobio euocatus, ita, & habitu, & uitæ genere uiuas, atque nuncupata uota serues, non secus, ac si intra Monasteri claustra degeres: id quod eos qui norunt, in admirationem rapit: cum nihil unquam rerum externarum, ut concessione & usu quodam alij facere consueuere, tuum feceris: sed quidquid tibi sumere posses, uel prudenter negligas, uel pie in pios usus eroges. Tu itaque post aurum nō abijisti, tu in pecuniæ thesauris non sperasti; ac proinde singularem quandam laudem tibi iure comparasti, quia mirabilia fecisti in uita tua. Tu in sæculari uita iuuenem prudentem, bonarumque litterarum amantem, in religiosa integerrimum, & obseruantem, in Episcopali, ut cum Paulo uno uerbo omnia dicam, irreprehensibilem

te exhibuisti. Illa deinde me ad hoc opus tibi nuncupandum caussa mouit, quod elapso anno, cum Venetijs fuisti, aditum ad te mihi perhumaniter patefecisti; quod ego uehementer optabam, ut quanta obseruantia te colerem, tibi declararem. In quo congressu, tantum in te humanitatis, pietatisque esse animaduerti, quantum in alio nunquam. Huc accessit tua erga me animi sincera significatio, qua me mirum in modum tibi deuinxisti, ut etiam omnes, qui tecum agunt, deuincire soles. Quare, multum debeo Perillustri & Reuerendissimo D. Ioan. Bap. Cucinæ Sec. Apost. Vtr. Sig. Referendario, & ut nunc mihi hæc scribenti, non sine summa animi mei lætitia, nuntiatum est, Romanæ Rotæ Auditori dignissimo, ex quattuor a Rep. Veneta propositis, iure selecto; cum per eum ad te mihi aditus patuerit. Is enim, cum te ob singularem tuum in eum amorem, aut potius pietatem, unice colat, te domi suæ magnifice hospitio

tio exceperat. Gaudeo itaque quod
eum, quem aliquando ut discipulum
me magnopere amantem, & obser-
uantem ego dilexi, nunc uero ut Do-
minum obseruo, tu Cardinalis Am-
plissi. amandum & ornandum suscepe-
ris, quotidieque ornes; ut qui optime
nosti, quantum ob suā probitatem di-
gnus sit, qui ametur, atque ornetur.
Cum ergo cuperem aliqua publica te-
stificatione ostendere, quantum te co-
lam, ac tibi debeam, hoc meum mu-
nusculum ad te mittere uolui: quod
etsi exiguum sit; tamen, si animum quo
tibi offertur, spectaueris, ut sane specta-
re debes, si quemadmodum in cæteris
rebus facis, in hac etiam Deum imita-
ri uolueris; tibi nihil unquam maius
datum fuisse, aut dari posse facile exi-
stimabis. Excipe igitur, Princeps opt.
hoc obseruantix erga te meæ pignus,
maximo quo tibi offertur animo, ut
fiat maximum, & tua tutela dignum.
Quod si, ut spero, feceris, me nouo de-
bitionis uinculo deuincies: ego uero
nouo

nouo beneficio affectus Deum preca-
bor, ut diu in suæ Ecclesię utilitatem te
incolumem conseruet, & ad altiora
prouehat.



INDEX CAPITVM

singulorum librorum.

Libri primi.



Vscepti operis ratio, & partitio. c. 1. p. 1.

De nomine philosophiæ, atque philosophi. c. 2. p. 2.

Afferuntur & explicantur variæ philosophiæ definitiones. c. 3. 7.

Quid sit Philosophus, quod eius officiũ,

c. 4. 13.

De Sophistarum nomine, natura, & moribus, & qui vere dicantur Sophistæ. c. 5. 15.

De materia Philosophiæ subiecta, eiusdemque fine. cap. 6. 19.

De philosophiæ ortu, atque origine c. 7. 23.

Qua ratione humana Philosophia ab hominibus inventa fuerit. c. 8. 33.

Philosophiæ humanæ studium non esse damnandum, nec Christianis interdicens. c. 9. 41.

Quam utile, quamque fructuosum sit philosophiæ studium. c. 10. 54.

Soluuntur argumenta allata ad impugnandum philosophiæ studium c. 11. 77.

Philosophiæ studium esse maxime delectabile. c. 12. 81.

Quam sit necessarium humanæ Philosophiæ studium in humana vita, & in rep. Christiana. c. 13. 88.

Utra philosophiæ pars sit fructuosior, speculatiua, an practica. cap. 14. 93.

Christianæ & humanæ philosophiæ cõparatio. c. 15. 103.

An paucis philosophandum sit. cap. 16. 112.

Index capitum .

Libri Secundi capita .

Quid sit scientia, & cuius sit artificis agere de scientia. cap. 1. 121.

Scientiam dari posse, atque dari contra Academicos Aporeticos demonstratur. c. 2. 125.

De origine scientiæ, siue vnde humana habeatur scientia. c. 3. 137.

De causis scientiam conficientibus, & quibus modis, atque instrumentis acquiratur. c. 4. 149.

Quid sit scientia & quarundam dubitationum explicatio circa naturam scientiæ. c. 5. 157.

De humanæ scientiæ perfectione. cap. 6. 165.

De vnitatē sciētīæ, an sit vna simplex qualitas. c. 7. 171.

Vnde sumatur totalis sciētīæ vnitās, & qua rōne scientia dicatur vna. cap. 8. 183.

Explicantur quattuor scientiæ attributa, euidētia, veritas, certitudo, & nobilitas. cap. 9. 192.

De diuisionibus scientiæ. cap. 10. 196.

Quid sit propriē praxis, & habitus practicus. c. 11. 204.

An distinctio scientiæ in practicam & speculatiuam sumatur ab obiecto, vel a fine, & vtra magis propriē dicatur scientia. cap. 12. 215.

An esse practicum & speculatiuum sint duę differentiæ essēciales scientiæ. cap. 13. 221.

An Physica, Metaphysica, & Mathematica sint tres sciētīæ distinctæ totales, an vero vnius scientiæ partes. cap. 14. 229.

An Physica, Mathematica, Metaphysica, & scientia de Deo, & Intelligentijs essentialiter distinguantur, sintque vniuocæ scientiæ. cap. 15. 246.

De scientiarum comparatione ratione ordinis, inuentionis, doctrinæ, & naturæ. cap. 16. 252.

De scientiarum, siue partium philosophiæ comparatione ratione nobilitatis, & certitudinis. c. 17. 258.

Quid & quotuplex sit subalternatio. cap. 18. 262.

De conditionibus ad veram subalternationem requisitis.

fitis. cap. 19. 268.

Quibus modis subalternans, & subalternata. c. 20. 273.

An scientia subalternata cognoscat sua principia. c. 21. 276.

Quæ scientiæ sint subalternantes, & quæ subalternatæ. c. 22. 282.

Dubitationes quædam circa scientias Mathematicas. c. 23. 288.

De nomine & definitione opinionis. cap. 24. 302.

De opinionis diuisione. Cap. 25. 305.

Quomodo opinio differat ab alijs habitibus, & qui habitus intellectus dicantur imperfecti. cap. 26. 320.

An formido sit necessario cum opinione coniuncta. c. 27. 325.

An rationes probabiles aliquid conferant ad producendam scientiam, & cur afferri soleant. cap. 28. 320.

An opinio & scientia possint esse simul in eodem subiecto, eodem tempore, respectu eiusdem rei. cap. 29. 324.

Libri Tertij capita.

DE Ionica & Italica philosophia. cap. 1. 333.

De quibusdam Ionicæ, & Italicæ Philosophia successoribus. cap. 2. 338.

De Ionica Philosophia in varia genera dissecta, deque Academiæ ortu. cap. 3. 343.

De Academiæ varietate & successione cap. 4. 347.

De Pyrrhonia secta, cæterisque Academiæ formis. c. 5. 352.

De Platonis vita & scriptis. cap. 6. 358

Quid de Platonis doctrina, scriptisque sentiendum sit. c. 7. 362.

De Aristotelis vita, eiusque moribus. cap. 8. 368.

De libris Aristotelis. cap. 9. 372.

Quid de Aristotele, & eius doctrina sentiendum sit. c. 10. 367.

De Aristotelis interpretibus , eorumque selectu. cap.

11. 186.

Recententur nonnulla Aristotelis errata, & a quibusdā calumnijs defenditur. cap. 12. 392.

De Epicureæ, atque Stoicæ sectæ auctorib. cap. 13. 397

De quibusdā illustrioribus Peripateticis, & Aristotelis interpretibus. cap. 14. 402.

Cur M. Tullius libros Academicos scripserit, quid ipse de rerum comprehensione senserit, & eiusdem a quibusdā calumnijs defensio. cap. 15. 407.

Libri Quarti capita .

QUam sit necessaria præparatio , siue institutio, ad sapientiam acquirendam. cap. 1. 419.

Traduntur nonnulla præcepta communia ad recte philosophandum, pro philosophiæ magistro. cap. 2. 427.

Traduntur alia præcepta pro homine Christiano philosophiam profitente. cap. 3. 457.

Traduntur nonnulla præcepta pro discipulis philosophiæ cursum conficere volentibus cap. 4. 448.

Recententur antiquorum philosophorum grauiores in re philosophica errores. cap. 5. 452.

Quā turpe sit philosophando inhoneste uiuere. c. 6. 460

INDEX RERVM

MEMORABILIVM.

A



Abstractiones scientiarũ tres. car. 251
Abstractio triplex. car. 185

Academia qui locus, & ubi. 345. academiarum uarietas. 347. & seq.

Academia aporetica, & noua, & uetus quæ. 350. media 451. quarta academia 353. quinta. ibid. sexta a quibus 354. eius diuisio in alias ibi. academia Aegyptiaca quæ, 355. Romana quæ. ibi. Nonna academia 355. Decima. 356. academiarum genera. 356. & seq. Academia, de qua quid sentiendum 417

Academicor. varia genera 347

Actio quid sit & significet. 200. quotuplex 201

Actus humani dupliciter ordinantur 214

Actus sciendi ab anima producitur 146

Adamus omnes habuit scientias a Deo 29. & 30

Admiratio philosoph. causata 36

Aegyptiaca academia q̃ 355

Agentiũ duo genera 153

Alexãder Aphrodisæus 404

Amor concupiscentiæ & amicitia 207

Anaxagoras qui fuerit, eiusdẽ opiniones. 339. quando floruit. 340 eius discipuli. ibi. Anacharsis factum. 447. eius statua. ibi.

Anaximenes opiniones 335

Animã nõ est ante corpus. 141

Animarum trãsmigratio non datur. 145

Animi morbi plures quã corporis, & curari posse 58.

Animi sanitas in quo sita ibi. Animorum ægrotudo unde 59

Antiochus quis fuerit 353

Aporetici cur ueritatem negauerunt 131

Arabex expositores quo loco habendi 390

Arcefilæ opinio de scientia. 344. 350. eius decreta 32

Archimedes lætabatur, ex re de nouo inuenta. 84

Aristoteles praxim in uoluntate posuit. 212. qua ratione loquutus est. 363. Aristoteles Platoni præfatus. 366. Aristotelis uita, & moribus. ubi natus. & quãdo. 367 Præceptores 368. Mens vocatus, & ueritatis Philosophus. ibi. Quando docere, cepit, & quid 369

Discipuli. 369. Eius mors. ibi. in quo notatus, ibi. & 370. uocatus sepiā. ibid. cur accusatus & defensus. ibi. de libris Arist. 372. & seq. qui libri exoterici, qui acromatistici. 373. Aristot. libri quō ad nos puene int, 375. Aristoteles oībus Græcis præferendus 377. Quid de Aristotelis doctrina sit sentiendū. ibi & seq. Plinij iudicium de Aristotele 378. Quantum tribuendū Aristoteli. 378. & 380. cur suū præceptorem superauerit. 379. cur minus excusandus quam Plato 381. Aristotelis lector quali ingenio debeat esse p̄ditus 382. Aristotelis opera non omnino incorrupta. 383. quæ obseruanda sint ab eo qui velit Arist. legere. 383. & seq. Aristoteles cur tanto in honore habeatur 384 & seq. Aristoteles minus errauit quam Plato & Stoici 385. Aristotelis interpretes q̄ legendi. 387. & sequen. Aristoteles quomodo explicandus, 387. qui interpretes præferendi 388. Aristotelis errata quæ 392. & seq. Aristoteli nonnulla errata attributa, a quibus purgatur. 394. Aristoteles an negauerit prouidentiam. 396

Aristotelis meliores interpretes qui. 402. & seq. Aristotelis opinio de humana scientia 344
Aristobulus quis fuerit. 404
Arithmeticæ inuentio 25
Ars quid sit 219
Artes oēs iuuantur a Phil. 74
Artes mechanicæ quæ, cur sic dictæ 220
Artes liberales quæ. 220. cur sic dictæ ibi.
Artifices dicuntur scire 37
Astrologia est scientia speculatiua. 276. quomodo differat ab Astronomia. 284. obiectum. 298. quomodo differat a Physica 301
Auctoritas magis valet, quam ratio probabilis 314
Auerroes quanti faciendus in philosophia 391. & seq.
D. Augustinus conuersus est ob cognitionem philos. 72
Auicennæ opinio de causa scientiæ 140
Auicenna quo loco inter expositores Aristotelis habendus 391

B.

Beatitudo humana in quo sita 93. & seq.
Beatitudo perpetua 71
Beatitud. cōdōnes q̄. 93. 115
Beatitudo quotuplex 90. & 91
Beatus quis, & quantum dicatur 116
Boetius quis fuerit, & quando flo-

floruerit	405
Bona fortunæ quomodo ex- petenda	116
Boni natura quæ	102

C.

C Arneadis opinio de sciē tia	351
Castitas necessaria philoso- phanti	442
Certitudo quid , quotuplex	
193. vnde pendeat	194
Cæsar petebat noctu sapien- tiam a Mercurio	448
Christianæ & humanæ philo- sophiæ comparatio, & quo- modo vna ab alia supere- tur	103. & seq.
Cicero quas veritates de Deo docuerit. 51. Cicero ubi se vicerit 51. eius doctrina 73	
Vide M. Tullius.	

Clitomachus q's fuerit.	353
Cirenaici qui fuerint	349
Contradictio qualis esse de- beat	132
Cratippus quis fuerit	404
Cretenses cur mendaces di- cti	132
Criteriū qd, i quo situm	425
Cynici qui fuerint	349

D.

D Efinitio facit scire per causam	163
Dei prouidentia & cura erga res creatas 65. & 66. Deus quos sibi adoptet 66. Deus cur mundum fecerit	114
Deus potest esse causa scien-	

tiæ. 155. scientia de Deo qualis 236. 250. Deus nul- lo modo mētiri potest. 304 contra Deum nō est dispu- tandum, & quomodo. 440. Deus sine Deo cognosci non pōt. 449. de Deo erro- res varij	452
--	-----

Dei ignorantia causa malo- rum	169
-----------------------------------	-----

Delectatio cur a natura in- stituta	81
--	----

Demetrius Phaleræus qui, quanti factus ab Athenien- sibus, eius doctrina	403
--	-----

Democritus quis fuerit, a qui- bus eruditus 340. cur se oc- cæcauerit. 340. eius doctri- na. ibi. eius elogium, ibi.	
---	--

Demon imitator Dei	18
--------------------	----

Dialectica quæ apud Platonē 422. Dialectica distincta ab alijs scientiis. 202. Diale- ctica materia, 21.	
---	--

Discipuli quæ vitia vitare de- beāt 440. Discipuli errant nō interrogando q̄ nesciūt 450. Discipulus instructus ad philosophiā accedat 450	
--	--

Dispositio ad producendum aliquid duplex.	321
--	-----

Disputatio quō facienda. 448	
------------------------------	--

Diuisio qualis esse deat	225
--------------------------	-----

Diuitiæ & bona fortunæ cur non expetenda. 54. & seq.	
---	--

Diuitiæ nō hēndæ i bonis	80
--------------------------	----

Diuites qui	80
-------------	----

Docilitas quid sit	311
--------------------	-----

E.

Eleatica philosophia que 338

Eloquentia cum sapientia cōiungenda 431. non spernenda a philosopho 435

Empedocles qs fuerit, & qualis, eiusdem opiniones. 342

Ens est vnum analogice 244

Epicurij opinio de scientia & virtute 344. eius locus. 346

etiam mulierculas, admitterebant ad philosophiā. 419

Epicuri errata varia. 397.

qualis eius doctrina ibid.

Qualis ipse fuerit. ibi. quo

loco natus: quos magistros

habuerit 398

Epicuri quales fuerint. 399.

Errores varij philosophorum

452. & seq.

Errores de aīa & homine 456

Errores in Philosophia natu-

rali 458

Errores ī morali philoso. 457

Errores de cēlo & mūdo. 455

Euidencia quid. 192. non est

idem quod certitudo, quo

tuplex. ibi d.

Experiētia initiū sciētiae. 203

F.

Felicitas quid. 8. & 93.

Fidei diuinæ non potest

subesse falsum 312. fides

certa & ineuidens, ibi. non

est opinio. 313 fides inclu-

dit piam affectionem 313

Fides humana q̄ necel. 305

Finis qui dicatur 22

Formido quid 307

Formicę industria. 442

G.

Galli prius quam Græci
scientias coluere. 29

Geometriæ inuentio. 25

Gloria paruifacienda 30

Græci a quibus didicerint. 28

græca philosophia sēper ma-

le audiuit. 30. Græci quo-

modo philosophētur, Græ-

ci putarunt animas morta-

les 31. Græciæ cur philoso-

phia multū dēat. 31. Græ-

ci quales sint. 25

Græcorum scriptorum quis

præferendus 376

Gulæ vitium fugiendum. 445

gymnasia attica quot & q̄ 345

H.

Habitus scientiæ nō sūt

simplices qualitates 177

Habitus practici diuisio. 219

Habitus imperfecti qui 510

Habitus duplex & cur 206

Habit⁹ humanæ mentis quot

166. habitus tres 201

Habitus cur dicatur vnus 191

Hebræorum sapientia anti-

quior græca 337

Heraclitus quis fuerit & quā

do, eius scripta. 338. eius

opiniones 339

Hieronymus Rhodius quis

fuerit, & q̄ ei⁹ doctrina 404

Hippocrati laus. 367. & 377

Historia necessaria philoso-

pho

pho 424
 Homerus cur laudandus 377
 Hominis natura qualis esse de
 beat. 438. Hominis natura
 quibus corrumpatur. 56.
 hominis duplex felicitas .
 90. in quo eius beatitudo
 posita. 92. & seq. hominis
 munera quæ. 118. hominis
 finis 8. & 115. homines na-
 tura scire desiderant . 187.
 hoīs natura & dignitas 449
 homo quō fiat Deo simi-
 lis. 8. homini quid faciendū
 vt sit beatus. 8. hominis ui-
 ta quæ 10. hominis vsus.
 10. hominis mors metapho-
 rica quæ 12. Homo ad quid
 factus. 441. Hominis finis
 qui & quot 22
 Honor & fama cur non magni
 facienda 60
 Horati⁹ cōtra Epicureos. 398
 Honores quomodo distribuē
 di 207
 Humanitatis studia quæ 197

I

Ignorantia Dei causā malo-
 rum 100
 Ingenium philosophicum qua-
 le. 488
 Instrumenta sciendi quæ 38. q̄
 eorū vsus, & vtilitas. ibi.
 Intellectus efficienter produ-
 cit actū intelligēdi. 148. In-
 tellectus cur duplex practi-
 cus & speculatiuus. 205.
 Intellectus humanis tres or-

dines 4. Intellectus practici
 & speculatiui obiecta. 207.
 cur vnus moueat, & non al-
 ter. 208
 Intellectus agens ponendus,
 151 & quid sit. 152
 Intellectus intelligit etiam sin-
 gulare 308
 Intelligentiarū scientia qua-
 lis. 236. & modus proceden-
 di in ea. ibi.
 Intelligent potest esse causa
 scientiæ & quō. 155. qua-
 lis 250
 Intelligentiarū cognitio qua-
 lis. 164. de Intelligentis va-
 rij errores. 454. & sequen.
 Io. Philoponus quis fuerit, &
 quando floruerit 408
 Ionica philosophia a quo. 334
 successo. es. 338 & seq. eius
 diuisio 343
 Italica philosophia a quo, &
 quando 335
 Itali doctrinam accepere a fi-
 lijs Noe 29
 Iulianus Apostata interdixit
 studia christianis. 75
 Iuuenes cur minus apti ad
 Philosophiam. 420

L

Laboris laus. 441. & seq.
 Libri prohibiti non legē-
 di. 447. Litterarum inuen-
 tio an vtilis. 451
 Logica, distincta ab alijs scien-
 tiis. 202. Logica non distin-
 guit, scientiarum obiecta.

245. philosophiæ pars. 255.
non subalternat. sibi alias
scientias. 283. nec ipsa alijs
284.

Logica necessaria philosophiæ
424

Lucretius qualis fuerit. 398
Latinis cur Philosophia de-
beat. 31

Luxuriæ vitiū damnatū. 442.
& seq.

Lyceū qui locus fuerit. 345
M

M Agistri quales esse de-
bent 446. & seq.

M. Tullius cur Academicos li-
bros scripserit 407. eorun-
dem librorum ratio. ibi &
seq. quibus in rebus a qui-
busdam damnatus 409. an
fuerit Academicus. 409.
414. quomodo differeret.
411. Tulij opinio de scien-
tia quæ fuerit, 414. doctri-
na, & laus. 415. & 417. de-
fensus. 415

Mathematicæ materia, & mo-
dus procedendi. 235. 240.
Mathematica est distincta
a metaph. 237. nō est prior
physica. 257. non est subal-
ternata metaphys. 283. Ma-
thematicæ sciētix quas si-
bi sciētias subalternēt. 284.
mathem. materia q̄. 239.
abstractio quæ 290. quomō
abstrahat a materia intellig.
& quæ sit ista materia. 291.

quomō abstrahat a motu
283. quomō abstrahat a bo-
no & fine. 294. Mathemati-
ca scientia an bona 195. &
seq. mathematicæ an sint
vtilis & bonæ 295. quomō
distinguantur a physica. 296
quomodo diuidantur. 296.
quomodo mathem. agat de
quantitate. 297. Mathema-
ticarū diuisio, ibi an cōfide-
ret vllas causas. 301

Mathematicus quomodo res
consideret. 232

Mecanicus qui dicatur. 220

Medicina subalternata phys-
icæ, eius duo habitus. 285.
est tamen vna sciētia. 286.

Memoria non est re distincta
ab intellectu. 151

Metaphysicæ materia, & mo-
dus procedendi. 235. 240.
cur consideret ens in parti-
culari. 286. metaphys. quo-
modo consideret res om-
nes. 239. Metaphys. phys. &
mathem. sunt scientiæ tota-
liter distinctæ. 239. Meta-
physica cur dialectica apud
Platonem. 422. & 23

Metaphysicus quomodo res
consideret. 232

Methodus quid 38

Mundus cur factus. 114. mun-
dus quid sit. 161. & 66.

Musæ cur cæcæ fingantur. 444

Musicæ subiectum. 299

N

Naturale quot modis ali
quid dicatur. 141
Naturæ ordo qui. 145
Necessarium aliquid duplici-
ter. 92
Nobilitas scientiæ unde sum-
tur. 195
Nominū cognitio necessaria 2

O

Opinionis nomen & defi-
nitio. 302. & seq.
Opinio habet propositiones
immediatas. 303. qd 304.
305. variæ diuisiones. 305.
opinio an de re necessaria
307. quib. modis genere-
tur 309. quomodo differat ab
alijs habitibus, 310. est ha-
bitus imperfectus. 312. di-
stinguitur a solertia & a fi-
de ibi. includit piā affectio-
nē. 313. non est fides huma-
na 314. distinguitur a scien-
tia, & quomodo. 314. an in-
cludit formidinem. 318.
opinionis natura quæ. 316.
317. non auget scientiam.
322. opinio non contemnē-
da. 324. an possit esse cum
scientia. 324. & seq.
Opinionum diuersarum noti-
tia quam utilis 406
Ordines scientiarū uarij 252
Ordo acqrendæ scientiæ 175
Ordo doctrinæ qualis 257
Orpheus a quo didicerit 20
Otium vitandum. 440. & seq.

P

Parua vita laudata & neces-
saria philosopho 445
Parmenides quis fuerit, cuius
auditor. 341. eius opin. ibi.
Passionum duo genera 316
Patres antiq. cur Philosophos
damnarunt. 46. & seq.
Paupertate qui delectati sunt.
59. & 60. paupertas virtutū
inuentrix 60
Pædia qd apud Aris. 423. 424
Pædiæ capita s'm Arist. 426
Peritus quis dicatur, qd eius
munus 245
Perspectiue subiectum 299
Philo quis fuerit 353
Philosophandum quantum, &
quamdiu 112. & seq. 116.
philosophari quid, ibi. phi-
losophari patiens non est fa-
cile. 117. philosophandum
quatenus. 118. & 119. Philo-
sophādū quādo & ubi 449
Philosophari & male viuere,
quam turpe sit 460
Philos. illustres tituli. 472
Philos. persona qualis. 472
Philosophia quid signent. 3.
philosophiæ partes 5. Philo-
sophiæ nomen quādo inue-
nientur. 5. quomodo sumat-
ur. 620. philosophiæ mu-
nus 11. descriptiones varie
11. 14. & 50. Philosophia
quō sit commentatio mor-
tis 12. Philosophiæ materia
quæ. 20. & 21. finis 22. &

23.72.428. ortus & origo.
 23. auctores qui fuerint. 24
 & seq. Philosophi quæ a di-
 uinis litteris acceperint 27
 a quibus didicerit. 27. & 28
 Philosophiæ auctor Deus.
 31. Philosophia quomodo
 tradita & cōseruata fuerit.
 32. qua ratione inuenta. 33
 Philosophiæ principia quæ.
 33. & seq. Philosophiæ calū-
 niandæ causæ duæ 41. cur
 damnata. 44. & seq. Philoso-
 phiæ studium non est dam-
 nandum. 43. Philosophia pæ-
 dagogus ad Christum & ma-
 gistra gentium. 49. non est
 interdicienda. 49. est donum
 Dei. 50. non est vana & om-
 nino incerta 50. Philos. stu-
 dium, quā utile 54. & seq.
 medicina animorū 58. Phi-
 losophiæ utilitates 58. 64.
 in quo differat ab alijs arti-
 bus 62. Philosophia bonum
 honestum. 64. Philosophia
 utilis omnibus artis 74. Phi-
 losophiæ delectatio quanta
 81. & seq. Philosophia diues
 83. Philosophiæ studiū quā
 sit necessarium 88. & seq.
 84. ecclesiæ necessaria. 95.
 Philosophiæ doctrina cur
 non reuelata 96. Vera Phi-
 losophiæ pars utilior practi-
 ca, an speculatiua. 98. & seq.
 Philosophia vera quæ Plat.
 101. Philosophiæ humanæ

cum christiana cōparatio &
 vna ab alia vt superetur. 103
 & seq. Philosophiæ, an diu-
 danda opera. 112. & seq.
 Philosophia excitat ad Dei
 amorem. 117. cur diuidatur
 in practicam & speculatiuā
 220. Philoſtam practice, tã
 speculatiue diuisiones 220
 & seq. Partium Philos. ordo
 252. & seq. quo ordine inuē-
 tæ. 255 quo ordine docen-
 dæ. 255. ordine nature quō
 distribuendæ. Quæ partes
 nobiliores. 258. & seq. ordo
 ratione nobilitatis. ibi. ratio-
 ne certitudinis 260. Philo-
 sophia Ionica quæ. 334. Ita-
 lica quæ 335. Philosophia
 præparationē requirit. 419
 Philosophia quæ apud Pla-
 tonem, eiusdem diuisio se-
 cundum eundem. 423. Phi-
 losophia operā daturus qui-
 bus rebus debeat esse in-
 structus. 450
 Philoſophicum ingenium qua-
 le esse debeat. 448
 Philosophus quid signent 4.
 philosopharum appellatio-
 nes uariæ. 5. Philosophi no-
 men. 5. Philosophus qd. 13.
 Philos. munera. 13. finis. 14.
 Philosophi, & sophistæ diffe-
 rentiæ. 18. Philosophus an
 debeat esse sophista. 19. Phi-
 losophus absolutus qui. 21.
 Philos. cur damnati. 44. seq.

- cur a Patribus dānati . 46.
 & seq. Philosophi quomodo Athei habiti 54. q. Philosophi a principibus honorati fuerint 62. philosophorum vita dulcis. 87. philosophi bene remp. gerunt. 93. Philosophi qui vocari possit. 99
- Philosophorū . ecta vnde nomenē sumpserē 46. philosophus in quo veri feri debeat. 422. philosophis recte philosophari volentis praecepta. 428. & seq. quæ vitia vitari ta a philosopho. 429. Theolo. instrumenta quæ. 431. philosophus an debeat esse eloquentiæ studiosus. 434. & seq.
- Philosophus Christianus quā liter philosophari debeat. 437. & seq. philosophandum quatenus. 445. philosophari recte volenti quid necessarium 447. philosophi vita qualis. 441. philosophi quā diu vixerint ibi. Philosophorū errores varij. 452. & seq. Philosophus qualis esse debet 470
- Physica bona facit bonā ethicam. 470
- Physicæ obiectum quod. 234 & 240. modus procedendi 101. est distincta a Metaphysica. 239 Physica, meta. & math. quomodo distinguantur. 248. & seq. Physica prior mathem. 257
- Physica non est subalternata metaphysicæ 283. Physicæ q. scientiæ subalternēt. 285 Physica quomodo differat ab Astrologia 301
- Physicus quomodo res consideret 232
- Plato quis fuerit. 23. & quæ a scriptura acceperit. 27 Platonis opinio de sciētia 137
- Plato cur philosophando erravit 145. vocavit omnes scientia virtutes. 211. vnā videtur facere sciētiā. 233. Platonis scripta qualis 347
- Platonis schola diuisa 348. Platonis successores 399. opinio de corpore humano 354. eius error de anima. ibi. Plato cur sic dictus, q. fuerit, & qn. 358. eius magistri. 359. eius discipuli ibi. mores ibid. ei dicata ab Arist. 360. eius scripta ad ordinē redacta libri qui dubij, an sint Platonis, 362. 364. de doctrina Platonis quid sit sentiēdū. 362. Platonis laudatores 363. & 364. Platonis errata 365. quomodo legēdus 366. Plato postponēdus Arist. 366. in quo pēferēdus. 367. Platonici qui legēdi 367
- Plotinus quis fuerit. 367
- Porphyrus quis fuerit. 404
- Potentia proxima & remota quæ

quæ 178
 Praxis qd sit & significet 200
 204. & seq. praxis quid sit
 & significet. 200. 210. 214.
 quib. modis varietur. 205.
 quæ operatio dicatur pra-
 xis. 211. & seq. quotuplex.
 214. practicū quid 215. pra-
 cticū & speculatiuum quō
 differant 226
 Practicum & speculatiuū, an
 sint duæ differentię intrin-
 secæ. 221. & seq.
 Præcepta ad recte philosophā
 dū p magistro 427. & seq.
 Præcepta p philosophiæ Ma-
 gistro Christ. 437. & seq.
 Præcepta p philosophiæ disci-
 pulis 448. & seq.
 Præceptor colendus a discipu-
 lo. 439 & seq.
 Præceptor qualis eligēd⁹. 439
 Principes qui philosophia, &
 philosophis sint delectati 93
 Principia quomodo possunt
 esse communia 264
 Priuatio quō sit forma 318
 Probationum gradus 445
 Prudentia quid. 219. & 310
 Pueri quid docēdi essent. 420
 quomodo educandi. 421
 Purgatio hominū duplex. 421
 Pseudomena quomodo acci-
 pienda. 131. & seq.
 Pyrrho quis fuerit, quæ eius
 opinio de scientia 352. quæ
 eius vita. 353
 Pythagoras cur sic dictus, quis

fuerit & quando 26. & 336
 qui eius discipuli. 336. eius
 symbola. ibi. eius laus. 337.
 obitus. 337. successores 338
 Pythagoreorū cōsuetudo 420

Quantitas cur habeat sciē-
 tiam distinctam. 242.
 eius natura. ibi. a quib. sciē-
 tijs consideretur. 243

Quæ artes tractēt res omnes,
 & quomodo 21

Quæstiones quæ de homine
 fiant 67

Quies necessaria volentibus
 philosophari 424

Qui sapientiæ discendæ cau-
 sa exteros adiuuerint. 26. 27

Ratio est philosophiæ in-
 strumentum 144. & 431

Rationes scientiæ tres 184

Rationes probabiles cur afferā-
 tur, qñ adsunt necessariæ.
 320. & seq. non disponunt
 ad scientiam 322

Relatiua sē dici qualia. 223

Reminiscētia, an sit cā sciētiæ.
 138. & seq. quorū sit. 142

Rerum tria genera 142

Rerum vsus quid sit. 10

Res aliqua quando dicatur p-
 fecta 157

Romana academia quæ. 355

Romanorum mores quando
 corrumpendi essent 30

Sapiens vera voluptate per-
 funditur 82

Sapiens quis dicatur 4.5.21
 Sapiens quis non dicatur. 12
 Sapientes septem qui 334
 Sapiētes qui iudicati ab Apol-
 line 25
 Sapientes barbari varij 26
 Sapientia petenda a Deo 448
 Sapientia q̄ propriæ dicatur 4
 Sapientia quot modis suma-
 tur 6. Sapientia cum elo-
 quentia coniungenda 432
 Sapientia comunicāda 433
 Sciendi appetitus q̄ tus 33.34
 Sapientis persona qualis. 472
 Scientia a quibus negata. 410
 Sciētīæ omnes ab Adamo ma-
 narunt.29 30.Scientia quo
 ordine acquiratur.36. qui-
 bus instrumētis acquiratur.
 37.& 38. quibus uijs acqui-
 ratur.38. Scientia humana
 nō est uana 50.Sciētīa quo-
 modo dicatur inflare.53. q̄
 bus modis sumatur. 122.
 agere de scēnitia cuius sit.
 123. Scientias quis distin-
 guere debeat.124. scientiā
 dari posse, & dari.125. non
 dari quibus argumentis p-
 betur.126. scire cū quis di-
 catur.127. sciētīæ humanæ
 fundamenta.129.scientia,si
 ue rerū cōprehensio datur.
 134.scientīæ origo. 137. &
 seq.an per reminiscētiā.
 138. & seq.142. scīa naturæ
 virib. acquiri pōt.146.sciē-
 tiæ causæ quæ.150. & seq.

quib.instrumētis acq̄ratur.
 156. Scia quibus modis su-
 matur.149. scīa finis.150.
 ad scīam generandā q̄ req̄-
 rantur.154. duobus modis
 acq̄ritur.154. Quid sit.157.
 & seq.scīa duo includit 158
 nō est substātia.159. & q̄o
 sit substātia.ibi.non est spe-
 cies intelligibiles, ibi. Scīæ
 definitiones.160.& seq.sciē-
 tiæ causæ.162. Scīa q̄o di-
 stinguatur ab aliis habitib.
 164. Scientiæ p̄fectio vnde
 sumatur.165. Scīa q̄o p̄fe-
 cta.167. scientia rerū oīum
 nō habetur naturaliter.167
 scīa humana q̄o p̄fecta,
 vel imperfecta.169. scīæ hu-
 manæ imperfectio vnde su-
 matur.170. scīa q̄o ordine
 acquiritur.175. non est sim-
 plex qualitas 176.179. scīæ
 vnitas triplex 183. distin-
 ctio vnde sumatur.184. scīæ
 rōnes tres. ibi. scīæ vnitas
 generica vnde sumatur.186
 Vnitas scīæ vnde sumatur.
 188.& seq. scīæ diuersæ vbi
 sint.189 sciētīæ habitus cū
 vnus dicatur.191. scīa quā
 euidentīā requirat.192. re-
 quirat veritatē.193.requirat
 certitudinē 194.& seq.scīæ
 nobilitas vnde sumatur.197
 scientia de malo, bona.195.
 q̄o vna nobilior alia 196.
 Scīæ diuisiones variæ.196.

- & seq. scia an bene diuidatur in practicā & speculatiuā. 199. & seq. Scie diuisiones quæ bonæ 202. Scie diuisi in practicam & speculatiuā vnde sumatur. 216. & seq. in scia tria cōsiderantur. 216. Scie pfectio an cōsistat in hoc qd sit speculatiua. 217. Scientia proprie sumpta est speculatiua. 218. Scie diuisioni practicam & speculatiuā qualis. 221. & seq. essentialis. 225. Scia primo dicit analogie de speculatiua & practica. 226. scia speculatiua est prior & pfectior practica 227. Vna scia q dicat. 233. Scie vnitas vñ sumatur, & quot modis pōt dici vna. ibi. 238. sciētia de Deo qualis. 235. scia de ente qualis. 236. Qñ scia est totalis. 236. Vna scia nō est oīum rerū. 238. scia realis speculatiua in quas partes diuidenda 240
- Sciarum** variæ cōparationes. 252. earum ordo, ibi. & seq. quo ordine inuētæ. 253. q nobiliores. 258. & seq. earū ordo rōne nobilitatis qū ordinādæ ratione certitudinis. 260. Scia an dicatur vni uoce de varijs sciētij. 261. Scie debēt esse subalternatæ. 262. Scie inter se iuuāt. 286. scie medie quæ & cui subalternentur. 299. an sint magis math. quā phys. 300. qūo differant a phys. 300. Scie necessitas vnde sumit 307. scia cur astando nomē acceperit apud Græcos 424
- Sepuluedæ** error circa libros Aristotelis 374
- Similitudo** cauenda 18
- Simplicius** qualis auctor & qñ floruerit. 405
- Socrates** q s fuerit eius pceptores, auctor Philos. morum 24. & 342. frugi homo. 348 eius opiniones ibi qñ nat², & mortuus, ibi eius discipuli. ibi. qūo philosophar. 344
- Socrat.** ironia laudata. 412. cur hoīum sapientissimus iudicatis. ibi. & 90 Socrat. hoīes ad virtutum ortabatur. 412
- Socratica** disserendi rō q. 411
- Sol** quid. 66
- Solertia** quid. 311
- Solers** quis dicatur. 311
- Sophistæ** nomen quot modis sumatur 16
- Sophista** quid sit. 17. sophistæ & philosophi differētiæ. 18
- Sophistica** ars quid. 17. sophistica quomodo differat ab alijs 19. quæ eius materia 21
- Species** intelligibiles aqua causa producantur 151
- Stoa** qui locus fuerit 246
- Stoicorū** varia errata in vtraque philosophia 385. Stoici, omnes admittebant ad philo-

philosophiam. 419. Stoico-
rum doctrina quæ 400
Strato Lampfacenus qui 403.
qualis eius doctrina ibi.
quando floruerit. ibi.
Studendi tempus 449
Subalternatio necessaria, quo-
tuplex, & quid. 262. vera
subalternatio quid reqrat
264. quib. modis fiat. 264.
et seq. conditiones necessa-
riæ ad subalternationē 268
& seq. subalternās. & subal-
ternata quomodo differāt.
273. An sciētia subalterna-
ta cognoscat sua principia.
276. & seq. sciētia subalter-
nata ni principia noscat, nō
est vere scientia 277. quæ
scientiæ sint subalternates
& subalternatæ 282. & seq.
scientiæ practicæ subalter-
nantur speculatiuis. 284
Substātia prior accidēte. 257

T

Thales quis fuerit & quā-
do floruerit 334. eius
discipuli. 335
Themistius quis fuerit, & quā-
do fluerit. 407
Theologi qualiter philosophē-
tur. 439
Theologia scientiarū domina.
443
Theophrastus quis fuerit quā-
ta eius doctrina 402
D. Thomas quanti faciendus
inter expositores Ar st. 39

a multis laudatus. ibid.

V

Veritas tantum vna 440
Veritas omnis a Deo 78
Veritas quanti facienda & fa-
cta a Pyth. 428
Veritas quomodo sit scientia-
rum finis 251
Veritas quid sit. 193. quotu-
plex 114. id.
Veritas ubi sit 127
Verum duplex 208
Virtus magis quærenda & pa-
randa quam alia bona. 115
Virtus sola nos bonos facit. 101
Vitam aliam dari qua ratione
probatur 444
Vitium quid sit 397
Vnum quid sit 248
Vnitas generica scientiæ vn-
de sumatur 186
Vnitas sciētiae quotuplex 183
Vniuersum quid 66
Voluptas qd 57. eius mala ibi.
intēperatiæ, & qd effect⁹ 57
Voluptas fugienda 444
Voluptatib. veris q fruāt 82

Z

Zenones plures 401
Zenonis opinio de scien-
tia. 344 & 357 quis fuerit
399 ubi natus ibi.
Quos ā magistros habuerit
390. qualis doctrina 400.
eius sectatores. 400. quibus
disc. debet a peripatetici &
Academicis 401

Maiores quæ irreplere menda sic emendato : Hic solum ponuntur
verba emendata.

P Ag. ver. 34. nimirum. p. 22. u. 37. alter. p. 25. u. 33. colentes. p. 45. u. 17.
pauciores. p. 48. u. 13. pugnet. p. 49. v. 22. auctoritate sacr. p. 61. u.
13. adhuc. p. 75. u. 20. pauci. u. 37. canet. p. 80. u. 10. candiduli. p. 84. u.
20. diuinarum. p. 85. u. 25. cernuntur. p. 95. u. 15. denique. p. 99. u. 9. hi. p.
105. u. 20. aspersa. p. 135. u. 12. ut ex p. 139. u. 24. notionem p. 144. u. 27.
habuisse. p. 149. u. 20. modo quo. p. 151. u. 14. nam p. 157. u. 24. scientiâ.
p. 161. u. 28. aliter. p. 166. u. 17. seunçtæ. u. 27. in poten. u. 31. fuerunt. p.
174. u. 10. demonstrationes. p. 199. u. 20. lectu, & conf. p. 200. u. 31. pratto
p. 226. u. 35. non, vacat. p. 228. u. 4. quam quant. p. 323. u. 4. in, uacat. u.
30. uel illa. p. 237. u. 26. nam. p. 247. u. 5. subalt ernante. p. 283. u. 14. a. p.
286. u. 26. ab. p. 289. u. 6. expeti. u. 7. affert attribus. p. 325. u. 6. cum actu p.
331. u. 21. separat. p. 336. u. 1. cuiasnam, a, vacat. p. 344. u. 36. uoluntate.
p. 379. u. 15. Græci select. p. 401. u. 16. coryphæus. p. 413. u. 5. adibat. p. 428
u. 27. ridiculos.



INTRODVCTIONIS in vniuersam Philosophiam

LIBER PRIMVS:

In quo de Philosophiæ natura, causis, proprietatibusque agitur.

Suscepti operis ratio atque partitio. Cap. I.



Atque ipse mecum, amice Lector, animo cogitavi, quæ causâ fuerit, cur hucusque multi extiterint, qui in omnes fere artes Isagoges, Institutionesve scripserunt; in Philosophiam vero omnium bonarum artium parentem, scientiarumque


Cicer.
Tus. 5.
lib. 1.
deleg.

grauissimam, nihil tale, unico & absoluto opere, quod sciam, adhuc in lucem datum fuerit. Et tamen, meo quidem iudicio, nulla est disciplina, quæ pluribus maioribusque de causis, quas nunc missas facio, aliquo aditu, atque pædia indigeat, quam ea quæ cunctorum benedictorum, atque benefactorum mater iure nominatur.

Cic. in
Bruto.

Quamvis ergo, quæ de re proposita scribi possunt, nonnulla sparsim apud diuersos auctores, aliquis reperiret, omnia tamen in vnum corpus collecta, non facile inueniet; id quod, in gloriam Dei totius Philosophiæ parentis, & in eorum, qui eiusdem perdiscendæ studio flagrant, utilitatem, nos facturi sumus. Bre-

Plat.
M. Tul.



ui igitur & facili quadam ratione in hac nostra Isagoge ea omnia attingemus, quæ ijs qui totius Philosophiæ cursum conficere, & in penitiores diuinæ humanæque sapientiæ aditus penetrare volunt, scitu sunt necessaria.

Id autem præstabimus, dum de natura, causis, attributis, partibusque Philosophiæ, humanæque scientiæ, de Philosophorum scholis, atque de recta philosophandi ratione scribemus. Hæc enim summam sunt, de quibus nobis agendum est: quæ capita suis locis in alias distribuentur partes.

O P U S itaque non ingratum, neque inutile me facturum spero: de cuius utilitatibus non nihil in præsentia dicerem, ni cuiq; manifestum esse pro certo haberem, id aliquem posse afferre fructum, quod nos ad eam rem comparandam magis idoneos reddere potest, quæ totum illud ipsum quod est homo, perficit de orat. atque exornat, & ad nosmetipsos cognoscendos, atque ad vitam recte instituendam plurimum valet, cuiusmodi est Philosophia, de qua nostra futura est disputatio. Quid autem nomine Philosophiæ intelligendum sit, sequenti capite, ad rem ipsam aggredientes, plenissime explicabimus.

De nomine Philosophiæ, atque Philosophi. Cap. I I.

Xenophon.

Lib. I.
post. t. 2.
Arian.



HUMANÆ doctrinæ exordium a recta nominum intelligentia sumendum esse, is sapienter dixit, qui Apollinis oraculo, hominum sapientissimus est iudicatus. Quare, iure optimo a Peripateticæ scholæ Principe inter eas notiones ex quibus humana fieri doctrina debet, nominis prænotio connumerata fuit. Cum ergo hoc pronuntiatum verissimum sit, eruditionis principium, esse vocabulorum intelligentiam, Philosophiæ sapientiæve naturā explicaturus, a nominis notatione initiū capiā.

E A igitur rerum cognitio, qua humana mens perficitur, grauiſſimo nomine, primum a Græcis Sophia,

Lat 1-

Latine, sapientia, postea nomine composito, Philosophia, hoc est, amor, siue studium & indagatio sapientiae nominata fuit: hinc Philosophus, sapientiae studiosus, siue indagator: & Philosophor, hoc est studeo, indago, comminiscor, & circa aliquid intentus sum, studiosè contendo, tracto, & speciatim in veritate inuestiganda occupor. Sed quoniam hoc nomen nonnullis calumnijs est expositū, ideo antequam ad rem nomini subiectam accedo, eas in medium afferam, atq; refellā.

Cic.lib.
1.de leg.

Bud,

PRIMUM, hoc sapientiae & sapientis nomen non videtur esse ita splendidum atque magnificum, vt aliqui arbitrantur; cum huiusmodi appellationes ad vulgares & mechanicas artes, atque artifices a scriptoribus non vulgaribus accommodari soleat: ac proinde non erit minus sapiens pictor Apelles, quam Philosophus Plato, & minus sapientia, ars statuaria, quam Astrologia.

Homer,
Arist.
lib.6.
eth.c.6,

DEINDE, si hoc nomen a rebus & artibus inferioribus, ad praeclaras artes & illustres homines solum accommodare, atque magis stricte vsurpare velimus; tunc is non poterit arrogantiae & superbiae virium subterfugere, qui sibi soli sapientis nomen accommodare voluerit; cum haec splendida atque diuina appellatio soli conueniat Deo; vt quidam, & recte quidem, scripserunt,

Plat. in
apol.

PRAETEREA, si diceres, eos hanc culpam vitare, qui disciplinam quam profitentur, Philosophiam, & se Philosophos, hoc est sapientiae cupidos vocant, id, hanc notam non delet; cum nō solum isti, qui hoc sibi nomen tribuunt, sed cuncti homines, se sapientiae cupidos esse, affirmare queant, sicuti & risuos: cū omnibus hominibus veritatis cognoscendae innata sit cupiditas.

DENIQUE, veritas & sapientia quam haec disciplina quaerit, est in intelligentia, animove, quo sapiamus & intelligimus: quare male appellatur Philosophia, quae vox non doctrinam & cognitionem, sed amorem studiumque designat, quod ad voluntatem pertinet.

Arist. 1.
Met.c.1.

Ad has obiectiones tollendas hæc subijcio fundamēta.

PRIMUM fundamentum , intellectus humanus tres habet respectus; vnum ad seipsum, alterum ad voluntatem , cui quid agendum, quidque fugiendum sit proponit, tertium ad cæteras hominis facultates & actiones, quas dirigit. Ratione primi, intellectus seipsum respicit, & per rerum cognitionem & veritatem , quæ est veluti eius forma atque absolutio, omnia, quantum fieri potest, cognoscendo , se perficit , & absoluit.

Atque hæc omnium rerum notitia , veritatisque lumen, Sapientiæ nomen meruit : & speciatim ea cognitio quæ de rebus æternis atque diuinis habetur , vniuerseque omnium rerum formas ac naturas, atque omnium scientiarum prima principia nouit : ita vt speciatim ea notitia dicatur Sapientia, quæ rerum sublimium summas causas, & omnia principia nouit, quam Theologiam , & Metaphysicam vocant ; & is sapiens , qui istam cognitionem est adeptus. Ille vero qui certæ rei causas cognitæ habet , dicitur quidem sapiens , sed in tali genere: quo modo nature speculatorem sapientem vocabimus. At vero intellectus, vt aspectat voluntatem, cuius est quasi consultor & auriga , non solum ea debet habere perspecta , quæ sola cogitatione attinguntur, sed etiam alia quibus humana vita regitur, honestatis nimirum rationes , quæ ad se & alios recte instituendos, atque tuendos pertinent : id quod sine virtutibus morum , quibus voluntas bene afficitur , fieri

Cic. 1. haudquaquam potest. Atque hæc plena rerum diuinorum & humanarum notitia cum honesta viuendi ratione coniuncta, grauissimum Sapientiæ nomen plene meretur , & is qui hanc consequutus est abolutionem plene Sapiens nominatur: & hæc est vera Sapiētia, hoc est sapida quædam scientia , quæ & mentem & voluntatem , totum nimirum hominem, perficit, penitusque absoluit , & in optimo vitæ statu constituit. Quod autem præter nudam rerum notitiam ad humanæ mentis abolutionem vitæ candor sit necessarius, satis plane

ne is indicauit, qui cecinit, *At bene non poterat sine puro pectore vini*. Ideo sapienter Plato, hominem iustum atque prudentem, sapientem vocabat. Ila vero notitia per quam intellectus cæteras hominis operationes respicit, ac dirigit, quæ artis nomine designatur, licet interdum per abusionem sapientia nominetur, & is, qui ea est præditus, sapiens, tamen à sapientiæ & Philosophiæ consortio remouenda est. Cæterum, quibusdam ingenuis artibus id honoris concedi potest, si eas sapientiæ adinistras ancillasve vocemus. Atque ex his primo colligere licet, nomine Philosophiæ, si vniuersæ sumatur, non designari certum quendam habitum definitæ rei, sed diuersos, quibus omnia diuina & humana, iuxta diuersas eorum rationes, cognoscuntur, vt postea docebo. Deinde, ex dictis intelligitur, vniuersam Philosophiam duas in partes esse distributam, in diuinam, siue speculantem, & in humanam, siue agentem, quibus de partibus suo loco accurate dicet.

Luc.
lib. 5.

M. Tull.

SECUNDVM fundamentum, qui primo ad veritatem inuestigandam, aut colendam se contulerunt, & in hac re laborarunt, apud Græcos, Sophi, hoc est sapientes fuerunt appellati, sicuti apud Persas Magi, apud Indos Gimnosophistæ, apud Gallos Druidæ, & apud Hebræos, Pharisei, qui, vt aliqui scribunt, respondent Theologis nostris. Huius nominis postea facta est mutatio, cuius hæc extitit occasio. Cum Pythagoras a Leonte Philiasorum principe apud quæ multa docte & copiose disseruerat, interrogatus fuisset, qua maxima arte consideret, respondit, artem quidem se scire nullam, sed se esse Philosophum, hoc est sapientiæ studiosum; vnde factum est, vt veritatis inquirendæ disciplina, Philotopia, hoc est sapientiæ studium sit appellata; non quod ipsa sit studium, cupiditasque illa sciendi, cum in cognitione consistat; sed, vel id fecit modestiæ gratia, ne se vocaret sapientem, quod cognomen, vt ait Plato, soli Deo conuenit: vel quia animaduertebat quam minima & incerta sit humana scientia,

Diogen.
Cic. Tu-
sc. 5.

Dial. de
pulchro

vel vt eorum iactantiam comprimeret, qui gloria & literari causa sapientiam profitebantur. Apud Græcos scriptores Philosophi nomine illi interdum designantur, quos vulgato nomine Monachos vocamus, quod ab humanis negocijs seiuncti, se totos rebus diuinis tradant. Cæterum hæc vox, pro eodem apud omnes sumitur, atque sapientiæ nomen, quod interdum pro sapientia, siue Philosophia imperfecta, quæ studio acquiritur, interdum pro habitu iam adepto atque absoluto, capitur. Neque est inconueniens, vt homines sibi illud nomen tribuant, quod ab ipsa arte quam profitentur, sumitur, cum per eam, vt postea dicitur, Deo similes euadant: & diuinæ literæ probos homines, non modo sapientes, sed etiam Deos vocent. Quod sane nomen ijs qui eas artes tractant per quas homo non perficitur simpliciter, satis improprie conceditur.

TERTIVM fundamentum, cum Philosophia, vt diximus, pro eodem sumatur, ac sophia, siue sapientia, ideo totidem fere modis vsurpari potest ac sapientiæ nomen vsurpatur. Sapientia primo sumitur pro cognitione omnium rerum, quæ haberi potest: secundo speciatim pro cognitione rerum diuinarum æternarumque: tertio pro cognitione alicuius certæ naturæ per suas causas: quarto pro scientia cum actione coniuncta: quinto pro cognitione alicuius artis, maxime si sit ars liberalis: postremo apud Theologos sumitur pro quodam dono Spiritus sancti. Atqui Philosophiæ nomen quattuor primis modis vsurpari solet, maxime in

Pla. dial. prima & secunda significatione; quibus modis speciatim a nobis in hac tractatione sumetur. Verum olim, de Pul. illi priuatim nominabantur Philosophi, qui a communi chr.

Lib. 6. ni vsui atque reip. administratione semoti, toti in re-
eth. c. 7. rum occultarum atq; admirabilium inquisitione erant
M. Tul. occupati. Ideo Aristoteles Anaxagoram & Thaletem
li. i. off. sapientes vocauit, non autem prudentes. At vero qui
in pro. Philosophiam ad rerum humanarum tractationem
am. traduxerant, eum Philosophi nomine dignum putant,

qui

qui in tradendis officij præceptis, & in communi vita fuerit occupatus. Atq; de nomine hæc satis. Obiectiones vero quas attulimus, quia ex dictis facillime solvuntur, ideo earum solutionem omittimus, vt ad alia pergamus.

Afferuntur & explicantur varia Philosophiæ definitiones. Cap. III.



VT Philosophiæ nomen varie a varijs scriptoribus vsurpatum fuisse diximus; ita eius naturam diuersa ratione a diuersis auctoribus descriptam fuisse secundo loco dicemus. Nec cuiquam mirum videri debet, quod ea disciplina varie descripta fuerit, quæ formas, & aspectus habet varios: cum ea sit rerum præstantissimarum natura, vt non vna simplici oratione, sed pluribus atque diuersis, ob earum præstantiam ob oculos poni soleant. Cum ergo Philosophiæ nomine diuersi contineantur habitus, diuersaque obiecta & munera, diuersique fines, subordinati tamen; ideo alij diuersa ratione ab alijs eam delinearunt. vt autem quæ circumferuntur Philosophiæ descriptiones melius intelligi possint, nonnulla fundamenta ponenda sunt.

PRIMUM fundamentum, Philosophia generatim considerata, cum varios contineat habitus, non est perfectæ definitionis capax; ac proinde solum describi atq; delineari potest. Solent autem cognitionis & actionis habitus ex tribus maxime rebus describi: ex subiecta materia, ex fine, munereve, & proprietatibus, atque ex utroque simul: vt si definiendo morum disciplinam, dicerés, esse cognitionem virtutis, humanarumve actionum doctrinam, vel rectam felicitatis acquirendæ rationem: vel denique, scientiam de virtutibus, beatitudinis adipiscendæ gratia comparatam. Quare, cum Philosophia sit quidam habitus, quo cognoscenda, & agen-

da noscuntur, ex tribus iam dictis capitibus potissimum descripta atque delineata fuit.

- SECVNDVM fundamentum, de meliorum Philosophorū snia, finis hoīs in hoc est sitis, vt quantum fieri potest, se Deo similem reddat: ad cuius finis consequutionem nos cœlestis horrabatur Magister, cum dicebat, Effote perfecti, sicut & Pater vester cœlestis perfectus est. Ideo recte, vt est apud Arianum, aiebat Epictetus, *εἰ γὰρ οὐκ εἰσὶ θεοὶ, πῶς ἐσεῖν τέλος ἐπεσθαι θεοῖς*; hoc est, Etenim, si dij non sunt, quomodo finis est Deos sequi? Et Iulianus apostata, vt scriptum reliquit Cyrillus, eandem veritatem ex Philosophorum consensu confirmavit, cum dixit, Philosophi nos imitari Deum suadent. Hęc similitudo in eo sita esse videtur, vt sicuti Deus se & omnia quæ efficere potest cognoscit, & cognoscendo procreat, atque procreata moderatur, inque suos fines dirigit, & dirigendo ad se reuocat, cum rerum creatarum idem sit principium & finis; ita & homo auctorem suum, seque cognoscat, & suas atque aliorum viuendi rationes, quantum ei licuerit, prudēter pieq; regat; vt & ipse & alij per ipsum eo redeant, vnde defluerunt; cum, vt quidam præclare dixit, Felicitas nihil aliud sit, quam cuiusque rei redditus ad suum principium. Homini itaque Deo similem euadere, & ad felicitatem peruenire volenti, necesse est, vt res sublimes cognitione comprehendat, prudentia humana disponat, & religione diuina veneretur & colat, atque geminam ineat vitam, cogitantem nimirum, atque agentem; ita tamen, vt cogitatio ad actionem, quæ est nuda cogitatione præstantior, referatur; vt quantum fieri potest, quam proxime ad Deum accedat, & diuiniorum vitæ rationem degat: quod ita est homini a natura insitum, vt qui in aliam partem sua studia conferunt, optimum hominis statum hi sibi inuidisse videantur. Hanc viuendi rationem ij minime inire possunt, qui sese voluptatibus, sensuumque obsequio deditere: quorum mens perturbationibus agitata,

tata, claram veritatis lucem intueri, virtutisque pulchritudinem aspectare minime potest: quam si cenemus, sui in nobis mirabiles excitaret amores. Mens itaque a sensibus ei euocanda est, qui uitam diuinis mentibus similem, & suæ naturæ consentaneam viuere cupit; ac proinde quodammodo moriendum, sensibus nimirum, ac mundo, ei præsertim, qui cogitationis vitam sibi præcipue eligendam putaret. Ideo aliquando diuine prorsus a M. Tullio dictum fuit, dum de Philosophiæ partibus, deque earum dignitate atque vtilitate differebat, Physicæ quoque non sine causa tributus idem est honos: propterea quod, qui conuenienter naturæ victurus sit, ei & proficiscendum est ab omni mundo, & ab eius procuratione. Nec vero potest quisquam de bonis & malis vere iudicare, nisi omni cognita ratione naturæ, & vitæ, etiam deorum, & vtrum conueniat nec ne, natura hominis cum vniuersa. Admirabilis sane sententia, & diuino illo M. Tullij ingenio digna: ad quam melius intelligendam, aliud subijcio fundamentum.

Tul. lib.
I. offic.

Lib. 3.
de Fin.

TERTIVM fundamentum, innata nostris mentibus notione, nemo est qui non intelligat, omnium rerum quæ gignuntur & fiunt, præstantiorem esse vsum, quam sit cuiuscunque rei effectio: id quod adeo verum est, vt ni rei vsus accesserit, nihil sit necesse cur res vlla fiat. Quid enim frænis, calceis, vrceis, malleis, & artibus quæ ista efficerent, opus fuit, ni eorum aliquis sit futurus vsus? Quo fit, vt efficientes artes, non solum earum quæ vtuntur sint ancillæ, sed hoc ipsum quod sint, ab illis omnino obtineant: atq; idem de ijs quæ a natura gignuntur, dicendum puta. Etenim, si quid esset in natura, quod nihil ageret, & nullum exhiberet vsum, causâ fuisset nulla cur gigni debuisset. Pro certo itaque habeatur, quidquid genitum in natura rerum est, ad aliquem vsum esse genitum, & cuiusque rei vsum ipsa rei effectione esse præstantiorem, eundemque fuisse causam, cur quæque res gignatur & fiat. Et quo-

niam

niam nec ars, nec natura quicquam facit, ut peruerse in
vsum adhibeatur, sed apte & conuenienter; ideo ca-
uendus est abusus, cum re quapiam bene & male uti
fas erit. In eo autem cuiusque rei congruus & laudabi-
lis vsus positus esse videtur, ut id exequatur munus,
ad quod a natura fuerit procreatum. Ex quibus intelli-
gi licet, naturæ humanæ absolutionem, & veram vitæ
felicitatem in eo esse sitam, ut conuenienter se quis-
que ipso utatur. Cæterum, cum homo ex tribus natu-
ræ gradibus, vegetante, sentiente, & intelligente con-
stet, quorum duo priores sunt ei cum rebus sensu &
ratione carentibus communes; hic maxime cauendum
est, ne rectum sui vsum in eo positum esse putet, ut cor-
pus curet, sensibusque satisficiat; cum præcipuus eius
vsus ad quem alij referendi sunt, in recta rationis fun-
ctione sit collocatus; quippe, ratio id ipsum est, quod
cuiusque est homo: ut vere M. Tullius dixerit, viuere ho-
minis esse cogitare, non ali, non frui voluptatibus, quæ
qui præcipue curant, non hominem, sed plantam, &
brutum viuunt. Euocanda itaque mens est, a corpo-
ris cura, & a sensuum illecebris, ei qui veritatis cibo
naturæ nostræ congruo, & veris voluptatibus, quæ ex
rerum contemplatione, & ex honestis vitæ rationibus
hauriuntur, perfrui voluerit: quod qui faciunt, ij tandem
se ipsis recte vtuntur. Sunt itaque rationis naturæque
nostræ vsus recti duo; alter, quo homo rerum præser-
tim sublimium atque æternarum naturas contempla-
tur: alter, quo vitæ suæ rationes, atque aliorum etiam,
si in vita familiari atque communi versari volet, mo-
deratur ac regit. Quare, qui vtramque viuendi ratio-
nem, quæ omnem hominis absolutionem vsumque
comprehendit, sequi voluerit, is interdum totum se ad
res supræmas atque diuinas conuertet, & ab aliorum
aspectu se tollet; ut inde maiorem lucem capiat: non
secus ac Luna, quæ interdum se totam radijs solaribus
subijcit, & nostros oculos fugit: interdum vero ad com-
munem vsum redibit, suumque lumen cum alijs com-
municabit,

municabit, vt eadem Luna facit, cum plena est luminis, quæ totam se conspiciendam præbet. Atque ex his quæ diximus facile intelligi poterit, quæ sit Philosophiæ natura; quodque munus, hoc nimirum, vt eam nobis doctrinam suppeditet, qua nobis quam optime vti, & actiones nostras sine vlllo errore dirigere possimus. Hoc itaque Philosophia proficitur, daturam se nobis viam & rationem, qua nobis ipsis quam rectissime vtamur. Atque hæc est illa vna sapientia, quæ nos Dei similes, eiusque vitæ æmulatores facit, quantum tamen per naturæ vires licet; per quas nunquam ad eam similitudinem ad quam cœlestis magister Christus nos hortabatur, nisi eius affulgeat gratia; perueniet vnquam nemo: Et multo minus ad cœlestem patriam, ad quam facti sumus, & per honestæ vitæ rationes pergimus; cum hic, vt diuinæ literæ docent, ciuitatem non habeamus permanentem.

Ergo nihil quoniam vita est quod amemus in ista. Aulon.

Nec tamen in cassum fas est nos credere natos.

Auctorem vita, si iustum credimus esse,

Vita alia est nobis illi viuendo paranda;

Cum quo post istam possimus viuere vitam.

ATQVE hæc adnotasse sufficiat. Nunc nonnullas Philosophiæ descriptiones, quæ eius naturam breuiter ob oculos ponunt, subiiciemus, quas, ex ijs quæ diximus, facile quisque intelliget.

PRIMA descriptio, Philosophia est scientia veritatis contemplatrix: quæ sumitur a fine proximo, & tex. 3. priuatim Philosophiæ theoriæ conuenit.

SECUNDA, Philosophia, siue scientia, est rerum diuinarum & humanarum, causarumque quibus hæ res continentur, scientia: quæ sumitur ex lib. 2. of obiecto. Per res diuinas intelligendæ sunt res supernæ scilicet & atque sublimes. Per humanas res infernæ, & quæ in hominum vita continentur. Quo fit, vt hæc descriptio Platoni conuenire possit vtrique Philosophiæ parti, agentis, & cognoscenti.

TERTIA, Philosophia est notitia per quam Deo similes efficiuntur: vel Dei similitudo quædam. Hæc assignatur per effectum, vel finem: cuius plena intelligentia patet ex ijs quæ adnotauimus, & utramque philosophandi rationem complectitur; cum is solus Dei similitudinem plene referat, qui veritatem nouit, & ex ea uiuit. Neque enim is sapiens haberi potest, qui solo rerum admirabilium aspectu, & indagandæ naturæ studio occupatus, seipsum ignorat, nec quid ipse sit explorat, nec perfectæ sapientiæ frænis seipsum cohibet, neque etiam alios, si id ei agendum sit, in officio continet, & moderatur.

QVARTA, Philosophia est scientia semetipso recte conuenienterque utendi: atque ita utendi, ut totius hominis vsum, & vniuersam in homine rationem complectatur. Hoc enim ipsa profitetur, ut nobis viam rationemque commostret, qua nobis ipsis quam rectissime utamur, ut plane in secundo exposuimus fundamento.

QVINTA Philosophia, seu Philosophorum vita est commentatio mortis, seu separatio animi a corpore. Hæc metaphorica descriptio sumpta est ex doctrina Platonis, quam apud varios scriptores explicatam inuenies. Intelligitur itaque ista commentatio de quadam morte metaphorica, qua mens rebus cognoscendis dedita, & a sensibus semota, ut adnotauimus, quadam ecstasi patitur. Quid enim aliud ait M. Tullius, agimus, cum a voluptate, id est a corpore, cum a re familiari, quæ est ministra & famula corporis, cum a republica, cum a negotio omni seuocamus animum? quid, inquit, tunc agimus? nisi animum ad seipsum reuocamus, secum esse cogimus, maximeq; a corpore abducimus? secernere autem a corpore animum, ne quidquam aliud est, quam emori ediscere; & quæ apud ipsum non minus sapienter, quam eleganter sequuntur: qui locus est omnino legendus.

DENIQUE, ut quasdam alias descriptiones breuiter

uiter perstringam, Philosophia, vt Senecæ homini Stoi-
co placuit, est recta viuendi ratio, vel honeste viuendi
scientia: vel ars rectæ vitæ agendæ. Item ex M. Tullio,
Philosophia est beatæ vitæ & omniū bonarum artium
mater: Rerum optimarum cognitio, & in his exerci-
tio. Item, Philosophia est vitæ dux, virtutis indagatrix,
vitiūque expultrix. Et ut hoc caput concludam, ex
ijs quæ adnotauimus, talem conficeres descriptionem,
Philosophia est rerum cognoscendarum & agendarum
scientia, qua Deī similes contemplando & agendo effi-
cimur. Atq; de Philosophiæ natura hæc satis: cuius fa-
cies ex ijs quæ deinceps scripturi sumus, multo melius
adhuc innotescet. Ad alia igitur stylum conuertamus.

Quid sit Philosophus, & quod eius officium. Cap. IIII.



QUONIAM vero ex ijs quæ de Philoso-
phiæ natura diximus, facile intelligi potest,
quid sit Philosophus; ideo pauca de eo di-
cenda erunt; quibus, non tam Philosophi
natura, quam eius munera explicabuntur. Et quia con-
traria, cum contrariis collata magis elucescunt, ideo
non nihil de Sophista, qui non re, sed nomine est Philo-
sophus, atque de arte sophistica adiciamus.

QUOD igitur ad primum attinet, Philosophus is
dicitur, qui est veritatis, sapientiæque cognoscendæ cu-
pidus: vel qui res humanas atque diuinas cognos-
cendæ, ac recte agendo se Deī similem reddere studet: vel,
qui polymathia instructus, se & alios recte instituere
conatur, vel quod idem est, qui se ipso recte vti, alios
que dirigere nouit. Philosophus, inquit M. Tullius, sap-
is est, qui studet omnium rerum diuinarum atque hu-
manarum vim, naturam, causasque nosse, & omnem rat-
bene viuendi rationem tenere, & persequi.

AT QVÆ ex his descriptionibus colligere licet,
quænam sint veri Philosophi munera. Primum veri
Philosophi est, mentem a corporis contagione volupta-
tibusque

Plat. in
Theag.
Sad.

ribusque auocare, & commentando mori, aut potius vitam beatam viuere; cum, vt Tullius scripsit, homini viuere, sit cogitare. Deinde, eiusdem est res diuinas per sapientiam noscere, & humana per prudentiam gubernare. Præterea, se & alios bonos efficere. Item, recte seipso uti, ad eos quidem vsus, ex quibus decus, & dignitas, & pulchritudo, non in externa aliqua re, sed in eo ipso qui utitur, habeat, & constituta sit. Hoc item est Philosophiæ officium, eam doctrinam præstare, qua nobis quam optime uti, & nostras actiones sine vilo errore dirigere possimus. Denique, nosse & tenere quid in vnaquaque re deceat maxime proprium putatur esse sapientis, atque quibusdam frænis populum in ea quæ concupiuerit, temere ruentem continere.

Aug.
lib. 10.
de ciu.
Maz.

Ex quibus facile intelligi potest, qui nam sit Philosophi finis, veritatis nimirum cognitio cum honestate coniuncta, beata nimirum vita, qua Deo similis efficitur, cum eoque coniungitur. Quare sapienter, a M. Varone dictum fuit, Nulla est homini alia causa Philosophandi, nisi vt sit beatus. Sed de fine accuratius infra. Hûc finem spectando neotericus quidam auctor, Philosophiæ formam ob oculos philosophari volentium hac verborum circumscriptione posuit. Philosophia est habitus veritatis scibilium & agibilium in homine instructo, lumine naturali ortus, vel propter inspectionem, vel propter effectiõnem veritatis. Quam

3. Met.
t. 15. in
proœd.
ani.
2. post.

descriptionem explicando, ait datam esse per omnes causas, iuxta doctrinam de recte definiendo ab Aristotele traditam. Pro forma ponitur habitus, cum non sit potentia, vel affectio, sed habitus quo inspicitur veritas, quæ particula ponitur loco differentię, vt habitus loco generis, sicuti pro materia dicitur, scibilium & agibilium, quæ sunt materia in qua Philosophia versatur & veluti obiecta relata ad habitum. Dicitur, in homine instructo, quia necessaria est pædia & purgatio ad suscipiendam Philosophiam: quibus verbis designatur materia in qua, mens nimirum ad philosophan-

dum idonea. Dicitur, lumine naturali ortus, vt indicetur caussa efficiens, & vt distinguatur a Theologia christiana, quæ oritur ex lumine supernaturali; quod non est contra naturæ lumen, vt perperam aliqui putarunt. Denique finalis caussa ostenditur, aliis verbis, in quibus vtriusque partis Philosophiæ, hoc est cognoscentis & agentis finis designatur.

Rober.
Olchor.

A T Q V E ex iis quæ hucusque diximus, optime intelligi potest, quid Philosophiæ sapientiæve nomine intelligendum sit, non nuda mentis agitatio, & quasi ingenii vigilia, quæ si sit a virtute, & innocentia disjuncta, non tam sapientia, quam stultitia, vel potius malitia nominanda est; sed eadem cum prudentia & iustitia consociata; ita vt vtraque hominis pars, ratio nimirum & voluntas sit absoluta. Nam qui rationem scientiis excoluere, & voluntatem vitiis habent depravatam, hi non homines, sed monstra quædam sunt, & talis notitia non Philosophia, sed Pseudosophia vocanda est; qua qui sunt affecti, aut potius infecti, Sophistæ, de quibus nunc dicemus, nominantur. Vt ergo adhuc Philosophiæ, atque Philosophi vera exprimaturs forma, de doctrina Sophistica atq; Sophistis sequenti capite aliquid dicemus.

De Sophistarum nomine, natura, & moribus, & qui vere dicantur Sophista. Cap. V.

A est rerum mutabilium vis atque natura, vt nihil earum sit tam stabile atque sincerum, quod interdum a suo genere, aliqua saltem parte, non desciscat, & in aliud non migret: idque eo fit facilius, quo plures dotes ad rem quampiam conficiendam sunt necessariae. Hinc est, vt fructuosa sterilia, & urbana syluestria euadât, & homines, vt ita dicam, obbrutescant, & in omni rerum dictatum genere varia exoriantur monstra. Quare, mirum videri haudquaquam debet, si in Philosophia humane

nite

vitz cultrice,extorta est quædam Philosophandi ratio syluestris, infructuosa, & monstruosa, quam antiqui scriptores Sophisticam appellarunt, atque quoddam Philosophorum genus quod ab iisdem sophisticum nuncupatum fuit; de quo hoc loco nos aliquid scripturi sumus, breuiter tamen pro nostro instituto; cum hoc tempore corrupta philosophandi ratio non ita vigeat, ut olim, apud Græcos præsertim, uigebat: unde Philosophia maximas calumnias & detrimenta perpeffa est maxima. Sophisticæ artis formam ornate atque copiose olim Plato, ut uerus Philosophus, suis scriptis effinxit, Sophistarumque deprauatas uiuendi rationes insectatus est: ex quo omnia fere quæ nos dicemus, erunt deprompta.

In Pro-
tag. &
Soph.

Lib. r.
de nat.
Deor.
Lamb.
Ficin.

Suid.

Et ut ab ipso nomine quod uarias significationes habet, auspicemur, hoc nomen Sophista olim honestam habebat significationem, & idem valebat, quod Sophos, hoc est sapiens: in qua significatione hanc uocem accepit M. Tullius, cum Protagoram Abderitem Sophistem maximum appellauit. Deinde, hoc nomen, ut aliqui adnotarunt, idem ualeat quod imitator, & æmulator; ita ut Sophistes is dicatur, qui alium æmulari conatur: & quia emulorum alii boni, alii mali sunt; hinc factum est, ut ij speciatim appellati sint Sophistæ, qui perperam æmulantur, qui artem aliquam exercendo bonos artifices non imitantur, nec artis uerum exemplar assequuntur: quorum etiam opera, sophistica, hoc est, non uera, sed clementita & ficta dicuntur. Quare, qui alchimia delectantur, cum male naturam in auro conficiendo imitentur, sophistæ, & eorū aurum sophisticum potest appellari. Vnde factum est, ut hoc nomen abierit in inuidiam. Præterea, apud ueros Philosophos, hoc nomen speciatim designat eum qui praue philosophatur, nec uere Philosophiæ, sed pseudosophiæ est studiosus: & de hoc Sophista nos priuatim acturi sumus. Iam uero, apud Rhetores is dicitur Sophista, qui non solidam eloquentiam, sed adumbratam quandam eloquen-

eloquentiæ formam sectatur: qui non a sapientia, sed a uerborum profluentia dicendi rationem petendam esse existimat: qui non in rebus cognoscendis, sed in uocibus componendis præcipuam eloquentiæ uim positam esse putat, ac proinde Sophistæ Logododali nūcupari solent, quod solum uerborum flosculos consectentur, & sapientiam, ueræ eloquentiæ parentem, penitus omittant, ut alio loco plenius docuimus. Denique, hoc nomen traduci solet ad designandos omnes eos, qui peruerse artem aliquam disciplinamve tractant.

SOPHISTAM hunc in modum descripsit Suidas, Sophista est omnis artifex, & qui eloquentiam exercet, & qui in uerbis calumniatur, atque fallacijs. Tullius vero hoc pacto, Sophista est is qui ostentationis atque quæstus gratia philosophatur. Plato etiam varijs descriptionibus Sophistam Philosophiæque corruptorem pinxit, quas nos summam referemus. Est ergo Sophista ex Platonis sententiâ, mercenarius, venator iuuenum & diuitum: mercator quidam circa animi doctrinas; dum eas vendit, emitque: caupo circa hæc eadem, quia partim quæ ipse inuenit, partim quæ ab alijs accipit commutat: artificiosus circa sermones litigator, & certator: præstigiator & imitator quidam, non tamen bonus. Denique dialogum concludendo his verbis Sophistam delineauit, Sophista est is, qui in sermonibus disputantem cogit contradicere sibiipso, qui & hironici pars est ab imitatore opinioso ueniens, phantastici item generis, ab imaginaria facultate profluens, non diuinæ, sed humanæ determinata progenies, ex eorumque numero, qui uerbis, quasi quibusdam præstigijs mirum in modum decipiunt auditores: cuius descriptionis explicatio, ex ijs quæ Plato scribit, petenda est. Sophisticam uero artem his uerbis expressit, Sophistica hominum priuata captura ob numerum mercedem, iuuenum & diuitum opinione uirtutis & disciplinæ irretitio.

ERANT igitur olim Sophistæ, ut ex Platone discimus, genus quoddam Philosophorum, & doctrina &

Lib. 1.
de Arte
dic. dip.
1.

In lib. 1.
eloq. o-
rat. De
arte di-
cen.

Lib. 1.
Acad.

moribus corruptum : doctrina quidem, quia vel falsa, vel inutilia docebant, & ea se docere profitebātur, quę ignorabant : moribus vero, quia iactabundi, gloriosi, æmerarij, auari, fallaces & inuētutis corruptores erāt.

V B I nota, quod sicuti Deus vt verius & bonus, est omnium quę vere sunt effector, Dæmon uero ut malus & mendax, operum Dei falsus imitatur; ita qui recte philosophatur, est uerus Dei imitator, qui uero corrupte & simulate sapientiam querit, est uerus Dæmonis emulatur : ac proinde, ille a Platone sapiens, hic Sophista nominatur. Atq; ex his intelligere licet, quantum Philos. a Sophista distet. Ille est Dei imitator, hic Dæmonis æmulatur: ille ueritatis amator, hic falsitatis studiosus: ille honestæ uitæ cultor, hic morum deprauator : ille se aliosque honeste instituit, hic se & alios corrumpit : ille a sensibus mentem auocat, hic a sensuum illecebris se trahi sinit: ille ueris rationibus nititur, hic falsis utitur: ille ciuitatibus salutaris, & ideo retinendus ac fouendus, hic uero perniciosus, ac proinde penitus explodendus : ille ueritatis diuinę splendore circumdatus, hic errorum tenebris septus, quamuis lucem quandam præ se ferat, ac proinde cauendus, cum a patre suo edoctus, transfiguret se in Angelum lucis, & ouis ueste tectus in medium prodeat. Ideo sapienter monebat Plato, ut similitudinem caueremus. Quam cautionem expressius nobis a cœleste magistro datam, si nonnulli populi olim pietate & religione illustres obseruassent, nunquam a nouis Sophistis sub pelliculis ouium se intrudentibus decepti fuissent. Isti namque sunt uere Sophistæ, cum in eos tota Sophistę ratio, omnes Sophistarum causę proprietates, & effectus omnes cadant; cum sint Dæmonis æmulatores, ueritatis deprauatores, populorum corruptores, uoluptatum sectatores: isti phanaticis rationibus utuntur, isti ciuitatibus perniciem afferunt : isti tanquam lupi rapaces, sub ouina pelle in dominicum gregem irruunt. Isti, inquam, ueri sophiste, qui Sophisticę loquuntur, & uera

discerendi

2. Cor.

II.

Mat. 7.

discerendi ratione, quam ignorant, abutuntur : non illi quos ipsi, Sophistarum more, qui ueris rationibus destituti, ad maledicta confugiunt, Sophistas uocant: cum hoc nomine notandus non sit is, qui puram & a maioribus traditam doctrinam seruat, atque tuetur. Sed quid mirum, si illi quibus ignoratio oculos effodit, quibus Sophistę odiosum nomē cōueniat, uidere nō potuerint? Sed his omiſſis, ad nostrum institutū reuertamur. *Lib. 4. t.*

AD extremum, de Sophistica illud addiderim, 5. quod Aristoteles in Metaphysicis scriptum reliquit, Sophisticam, quam apparentem uocat sapientiam, dialecticam, & Philosophiam, eandem subire figuram, quia versantur circa idem genus, nimirum circa ens, quod *Plat. ia* est omnibus commune. Verum, Philosophia ab utraque *soph.* differt, a Dialectica modo potestatis, hoc est, facultatis quia non eadem est utriusque vis in demonstrando: a Sophistica electione vitę, quia Philosophus refert *D. Tho.* tam suam ad cognitionem veritatis, Sophista vero, ad hoc *lo-* cognitionem apparentem. Rursus dialectica est tenta- *co.* tiua, de quibus Philosophia est cognitiua: Sophistica vero apparens, existens vero minime, hoc est cognoscere & probare uidetur, sed non uere.

SED peteret hoc loco quispiam, an Philosophus debeat noscere Sophisticam? cui responderem cum *Lib. 1.* Aristotele, ei esse necessariam, non ut ipsa utatur, quia non *elem. c.* est sapientis mentiri, quidquid aliqui minus sapienter *2.* dixerint, sed ut mētiētē detegere & redarguere queat.

De materia Philosophia subiecta, eiusdemque fine.

Cap. V I.



T quod in postrema proximi capitis parte diximus, & ut adhuc liquidius Philosophię natura intelligi possit, de eius materia, ac fine aliquid speciatim scribendum duximus: quamuis ex ijs quę scripsimus utrumque aliqua parte, sit explicatum. Quod igitur ad materiam attinet,

alii ipsum ens, siue res omnes Philosophiæ subiiciunt; alij res diuinas, atque humanas: per diuinas, res æternas & immortales intelligunt, per humanas ea quæ sunt mutationi obnoxia: alij solum ea quæ cogitatione attinguntur: alij uero, quæ sub actionem cadunt, & moribus continentur. Denique, non defuerunt, qui etiam artes quasdam, quas liberales uocant, ei subiectas esse existimarunt.

S E D hoc loco due exoriuntur dubitationes: altera, quomodo uere a Philosophis dicatur, Philosophiæ materiam esse ipsum ens, siue res omnes, cum hoc subiectum uni parti Philosophiæ quam Primam Philosophiam, Metaphysicam, Theologiamque uocant, ab omnibus tribuatur; cum pars non ita late pateant, atque totum. Altera, quomodo uerum sit id, quod supra ex Aristotele dicebamus, Philosophiâ, Dialecticam, & Sophisticam uersari in eadem materia, cum sint facultates omnino diuersæ.

U T priori satisfiat difficultati, animaduertendum est, appellatione Philosophiæ, ut supra docuimus, non intelligi unam quandam definitam doctrinam artemue, sed cumulum earum omnium facultatum, quæ ex se primo & proxime conferunt ad hominem, ut homo est, perficiendum, atque beandum; in quarum usu & exercitatione uita consistit beata. Quare, non quæcumque cuiuscunque rei notitia, atque tractatio Philosophiam conficit, sed præclararû, & ad beate uiuendum necessariarum; non rerum singularium, sed uniuersarum, earum inquam, quæ encyclopædia continentur. Et hinc fit ut Philosophiæ omnes res dicantur esse subiectæ, quia includit omnium bonarum artium modum iam dicto cumulum: quæ artes de rebus diuersis sub diuersa ratione agunt. At uero Metaphysica, seu prima Philosophia habet pro subiecto ens, non sub quacunque priuata ratione, sed uniuerse, prout rerum rationes, attributiones, causasque communes tractat, quas priuatim aliæ Philosophiæ partes considerant;

ut

ut planius infra alio dicetur loco . Patet igitur qua ratione ad primam dubitationem respondendum sit.

DE secunda, ideo illæ tres disciplinæ res omnes tractare dicuntur, quod nullius sint determinati generis, ut de Metaphysica, & Dialectica Aristoteles non uno in loco docet. & loco supra citato de sophistica: sed tamen, non eodem modo, in eodem genere uersantur. Etenim prima Philosophia ea tractat, quæ per se conueniunt rebus, & rationibus necessariis utitur: Dialectica, & Sophistica accidentia, & quæ extra rem sunt, considerant, sed illa probabilibus utitur rationibus, hæc uero apparentibus & captiosis. En igitur, quomodo hæc tres facultates eandem subiectam habent materiam, & tamen sunt inter se diuersæ.

Lib. 1.
post.
Lib. 1.
Rhet. 6.
1.

R V R S V S circa Philosophæ materiam animaduertendum est, ideo auctores interdum aliter sentire, uel inter se discordes uideri, quod nunc unius partis, nimirum speculatiuæ, nunc alterius, hæc est actiuæ subiectam materiam assignent. Ideo aliqui dicunt, & recte quidem, Philosophiam tractare res sublimes, æternas, & uniuersas, quarum perpetuus, & uniusmodi est status, ut fere priore Philosophi omnes. Alii uero, Philosophiæ subiecerunt hominum mores, & suam cuiusque uitam, ac rectum atque conuenientem rationis usum; ut fere Stoici omnes, & qui socraticam philosophandi rationem sunt sequuti. Alii denique utramque complexi sunt materiam; & sane is absolutus Philosophus censendus est, utramque qui partem nouit; & recte uiuit: cum sine germanis uirtutibus sapientia, & sine sapientia uirtutes esse non queant: nec is uocandus sit sapiens, qui sibi non sapit. utra autem pars sit fructuosior, infra suo loco dicetur.

Epiqt.
apud A.
ria. lib.
1. c. 15.
lib. 4.
c. 8.

Sed iam de fine dicamus, cuius notitia in omni humana actione est maxime necessaria; cum ab eo omnes recte cognoscendi atque agendi sint metiendæ rationes: quem qui ignorant, & præ oculis non habent, ii omnia temere agunt, & frustra laborant. Finis appella-

Lib. 2.
Physi.

tionem id intelligitur cuius gratia omnia fiunt; cum sic quoddam bonum, quo cuiusque rei natura perficitur; quo adepti, res perfectæ atque beatæ esse putantur. Cum ergo Philosophia, ut supra diximus, id profiteatur, ut hominem perfectum atque beatum reddat, is eius esse dicetur finis, qui est hominis. Porro hominis finis duplex est; alter naturalis uiribus naturæ accommodatus; alter supernaturalis, ad quem, & si propensionem habet naturalem, tamen sine diuino auxilio ad eum peruenire nequit: nos in præsentia de prioribus uerba facturi sumus, posteriorem Theologis relinquentes.

Aug. de Et quamuis in assignando hominis fine, tot fere olim
ciu. Cic. extiterint hominum sententiæ, quot philosophantium
in lib. d capita: tamen, qui ad ueritatem proxime accedere;
fin. eum non in bonis fortunæ, non corporis, sed animi posuere: cuius cum duæ sint partes, quas Philosophia sibi perficiendas sumpsit, intelligentia, & uoluntas, quarum altera, res cognoscimus, altera honeste uiuimus; hinc factum est, ut in Philosophiæ fine assignando, sicuti de materia: agentes diximus, scriptores dissentire uideantur; cum alii pro fine assignent ueritatis cognitionem, alii honestam uitam; sed utrique bene, ex quorum tamen complexu unus ultimus atque absolutus exoritur finis, beata nimirum uita. Verum, si hominum priuata studia spectemus, cum alii a rebus ciuilibus semoti, sibi solis uiuant, isti altero tantum fine uidentur esse contenti; quorum tamen philosophandi ratio, cum honesta uiuendi ratione, ut supra docuimus, debet esse coniuncta: alii uero, cum se ad societatem & communem uitam factos esse uideant, alterum uitæ genus, actiuosum nimirum, sunt amplexi, & non solum de sua, sed etiam de aliorum felicitate, suscipiunt curam, ac potissimum in actione uersantur; in qua tamen is conuenienter uersari nequit, qui aliquam rerum notitiam non fuerit consequutus. Quo fit, ut neuter utriusque Philosophiæ partis finis possit omnino esse solitarius, quamuis in uno uitæ genere, magis unus, quam alter appareat.

appareat. Atque hinc intelligi licet, cur Aristoteles, vt absolutus Philosophus duos homini assignauerit fines, vnum in actione positum, qui nihil aliud est, quam operatio secundum virtutem in vita perfecta: alterum in rerum maximarum contemplatione, qua intelligendi vis, quasi quodam nectare pascitur.

Lib. 1.
& 10.
eth.
Lib. 1.
eth. c. 7.

CONCLVDA MV S igitur, Philosophiæ uniuerse consideratæ vltimum finem, esse efficere vniuersos & singulos homines beatos, quantum per naturæ vires licet, ad quem per ueritatis notitiam, & honestæ uitæ rationes perducit; quo philosophantium omnium oculi, quo connatus omnes debent esse conuersi, ni magis Sophistæ, quam Philosophi, hoc est, diuini numinis æmulatores esse uolunt; cum is etiam finis Philosophiæ assignari possit, præpotentis Dei æmulatio, atque ad eundem reditus: quem hic cognoscentes amamus, & colimus, ut post hanc uitam, quod etiam nonnulli Philosophi dixerunt, & nos supra diximus, cum eo perpetuo beati esse possimus. A qua ueritate non abhorruit ille, qui cum dixisset, mortem non esse malum, sed bonum potius, hanc reddidit rationem, siquidem uel dii ipsi, uel cum dijs futuri sumus. Ad quem finem ille contendebat, qui hunc in modum de se loquebatur, An non totus me intendo in Deum, eiusque præcepta & iussa meditor, habens semper illa in manibus, atque ipse me in his exerceo. Sed de materia & fine Philosophiæ hucusque. Nunc de eius ortu & efficiente causa, & qua ratione accepta, aut inuenta fuit, agere aggrediamur.

Cic. Tus-
sc. 1.
Epiæt.
Arian.
lib. 3. c.
24.

De Philosophiæ ortu atque origine. Cap. VII.



INTER ea quæ de Philosophia uniuerse disputari solent, id est, quod nobis hoc capite explicandum proposuimus, ex quonam fonte tantum bonum ad homines dimanat. De qua re, ut testatum reliquit Cyrillus Alexan-
B 4 drinus,

lib. 1.
Stro.

Tacian. drinus, olim a nostris, ad Græcorum fastum comprimen-
& Cas- dum, diligenter disputatum fuit. Græcia namque, non
fian. modo se Philosophiæ cultricem, sed etiam auctricem
Cic. lib. facit: & aliqui, Græcos Philosophiæ fontes appellarunt.
i. Acad. Vnde Logicę inuentorem nonnulli faciunt Zenonem,
q. eiusdem perfectorem Platonem & Aristotelem: Physi-
Tert. cæ Thaletem, qui ex septem sapientibus primus nume-
cõt.gét. ratur; cui socius datur Anaximander. Ethicæ Socratē,
Cyr. lib. quod præter alios uarijs in locis testatum reliquit M.
i. cõtra Tullius, ut cum scripsit, Socrates, mihi uidetur, id quod
Iul. constat inter omnes, primus a rebus occultis & ab ipsa
Tusc. 3. natura inuolutis, in quibus omnes ante eum Philosophi
& 5. occupati fuerunt, auocasse Philosophiã, & ad uitam cõ-
Lib. i. munem adduxisse, & quæ apud ipsum sequuntur. At
Acad. q. vero alij Logicæ, Physiologiæ, & Metaphysicæ aucto-
Theod. rem faciunt Aristotelem; tum quia alij parum quid di-
lib. 4. cõ xerant, tum quia omnia quæ Aristoteles dixit, sunt ue-
tra Gr. ra: sed tamen neutrum est verum. Alij denique, quo-
xenoph. rum verissima est sententia, affirmant Philosophiam,
Auenr. prius fuisse apud Barbaros, qua voce Græci designant
 cæteros populos, se exceptis.

DE hac difficultate legendus est Theodoretus con-
Tit. 7. tra Græcos, Eusebius libro decimo de præparatione,
cap. 2. Iosephus libro primo contra Apionem, Franciscus Pa-
 tritius libro secundo de rep. Annii Viterbiensis in
 annotationibus in suum Berosium: Franciscus Geor-
 gius initio canticorum, & ut alios omittam, Augusti-
 nus Steuchus libro secundo de perenni Philosophia.
 Nos quid de re proposita sentiendum sit, quibusdam
 positionibus statuemus.

PRIMA positio, Philosophæ primi auctores siue
 cultores, non fuerunt Græci, sed Barbari, quos illi pro
 magistris agnoscere hac in parte debent. Primo pro-
 batur hæc positio auctoritate ipsorummet Græcorum:
 id expresse colligitur ex Philebo, Phædro, Timeo, Cra-
Alcib. i. tylo, Epinomide, & Symposio Platonis: & speciatim ex
 hac sententia a quodam Barbaro coram Solone homine
 Græco

Græco pronuntiata, quâ Plato refert, O Solon, Solon, vos quidem Græci pueri semper estis : senex autem Græcorum, nemo. Nulla est. n. apud uos disciplina, quæ senio incanuerit. Aristoteles scriptum reliquit, quosdam Græcos Philosophos adijisse exterarum nationes discendi gratia. Porphyrius Christianorum acerrimus hostis, eandem veritatem confessus est, ut ex Theodoro discimus. Aristarcus Peripateticus, lib. de somno testatur, Aristotelem multa & egregia a quodam Hebræo didicisse. Accedat etiam Diodorus Siculus, qui Græcos ab alijs scientias accepisse scribit.

Lib. 1.
Meta.

Lib. 1.
cont.
græc.

Lib. 2.
de gest.

Aegyp.

SECUNDO, idem confirmatur auctoritate notiorum, qui hac de re aduersus Græcos scribendo, quod nos posuimus, docent. Clemens Alexandrinus antiquissimus ac doctissimus pater, hac de re differendo hæc litteris commendauit. Primum, sapientiam prius fuisse apud Barbaros : Platonem semper plurimi eos fecisse : & postea venisse ad Græcos ; quos omnes ab alijs accepisse ait. Deinde barbaram Philosophiam esse veram, quæ facta, & non verba proficitur, & Græca facere conueit ; quod vitium etiam Tullius Græcis obicere solet : & eosdem damnat Anacharsis sententia, qua Græcos, pueros appellabat. Cyrillus refutendo Iulianum, qui græcam Philosophiam christiana doctrinæ præferebat, docet apud omnes nationes, fuisse viros sapientes. Rursus, eandem Iuliani iactantia reprimendo ait, Geometriam ab Aegyptiis, & Arithmeticam a Phœnicibus fuisse inuentam. Huc etiâ facit quod de quodam scribitur, qui cum aueret scire, quæ nationes adeptæ fuissent sapientiam, adiuit Apollinē Pythium, a quo tale responsum accepit.

Lib. 4.

Lib. 5.

Soli Chaldaei sapientiam sortiti sunt, atque Hebraei,

Per se genitum regem ipsorum Deorum colentes.

THEODORETVS inter alias Græcorum affectioris hanc etiam curare conatus est, qui late probat cur. Græcos ab alijs didicisse, & a multis nationibus ingenio doctrina, & prudentia eos superatos fuisse, & hanc

Lib. 5.

Anachar-

Anacharsis Scythæ in Græcos sententiam refert: ἐμοὶ πάντες Ἕλληνες σκοθίζουσι, idest, Mihi omnes Græci scythizant. Denique, idem in suo admonitorio docuit Iustinus Martyr, & Philosophus.

TERTIO, eadem veritas confirmatur ex eo, quod qui habitati sunt sapientes, maiore ex parte, fuerunt Barbari: Anacharsis Scythæ, Thales Phœnix, Phericides Syrus, Orpheus Trax, Mercurius Aegyptius, Zoroaster Persæ, Atlas Lybicus, Berosus Chaldaus, qui docuit Athenis disciplinas, cui Athenienses auream statuam posuere: Empedocles Agrigentinus, Agragas autem est in Sicilia, Zamolxis Trax, & Timæus Locreris: & ut supra diximus, omnes fere nationes suos habuere sapientes, Persæ Magos, India Gymnosophistas, Gallia Druidas, Italia Cimerios & Pythagoræos. Vbi illud adnotauerim, non propterea aliquem scriptorem putandum esse natione Græcum, quod græce scripserit; cum olim per nonnulla tempora lingua græca, apud orientis solis populos valde communis fuerit.

QUARTO, optima sumitur ratio ex eo, quod post diluuium primi homines habitauerunt in Mesopotamia, & Chaldaea, qui postea ad alias regiones migrarunt; & ita qui primo in Græciam venerunt, secum rerum diuinarum & humanarum doctrinam, quæ prius apud Chaldaeos & Phœnices fuit, portarunt.

QUINCTO, bona etiam sumitur ratio ex eo, quod illi qui apud Græcos pro Philosophiæ auctoribus habentur, ad alias nationes sapientiæ comparandæ gratia se contulerunt. Pythagoras, qui, ut quidam volunt, vitæ genere sapiens, & cuiusdam Hebræi discipulus, multos annos fuit apud Aegyptios, & ut ei esse liceret, ut Clemens Alexandrinus & Ambrosius scribunt, circuncidi voluit; ex cuius doctrina Socrates, & Plato, qui æuam se in Italiam contulit, multa hausere: & ideo Soates pro vnius Dei veritate ab eo cognita mortem persequutus est. Idem, non solum Aegyptum lustravit, sed etiam Persarum Magos adiit, aliasque barbarorum regiones

peditur

pēdibus obiit. Orpheus etiam in Aegyptum profectus est, vbi didicit vnum esse Deum, & eorum quæ prius docuerat palinodiam cecinit, idque Musæum docuit. Ideo in argonauta de se cecinit.

Aegyptique sacra omni sum regione vagatus.

Illustrem Memphim, sacrasque accessimus vrbes

Apidis, has ingens Nili præterfluit annis.

Eodem etiam, eiusdem rei causa, se contulerunt Thales, & Democritus.

D E N I Q U E, idem probari euidenter potest, quod Græcorum scripta ægyptiacam & hebraicam redolent doctrinam: vnde & sermo & literæ manarunt. Hinc Pythagoras sua deprompsit symbola: hinc Homerus, quæ tam alte cecinit: hinc Plato suas ideas, suos hortos; illas ex forma tabernaculi a Deo Mosi indicata, hos ex canticis Salomonis: &, si Numenio Pythagoræo, & Iustino martyri credimus, nihil aliud est Plato, quam Moses attice differens: vnde meliora dogmata sumpsit, quæ, ob Areopagi metum fabulis obtexit, & aliqua parte, Aegyptiorum tenebris inuolutus, corripit. Vnde aliquando vere dixit, Græcos a Barbaris didicisse, sed quod subiécit, false, sed ab eis accepta meliora fecisse. Quæ Plato a sacris libris sumpsit; late, præter alios; notauit Leo a Castro in suis commentarijs in Isaiam; vt veritatem de vno Deo, de rerum creatione, de prouidentia, de finibus bonorum & malorum, de animorum immortalitate, & alia multa. Sunt etiam qui scribunt, eum fuisse edoctum ab Ieremia, quod non facile crediderim, & mosaica legisse:

Q U O D si obijcias; eo tempore græcos non potuisse consulere sacros libros, cum non dum fuissent in græcum sermonem conuersi; Respondeo, non fuisse verfos versione illa celebratissima, facta per Septuaginta interpretes; tempore Ptolomæi Philadelphi, sed vt Aristobulus & Eusebius scripserunt; erat quædam minus perfecta versio: & ita non solum magistros & interpretes audire, sed etiam ipsos libros videre potuerunt;

SECVN-

Ioan.
Franc.
Pic. lib.

I. C. 29.

In Epi-
no.

Ambr.

Cap. 40

Mazon.

August.

Fran.

Geor.

Aug. 8.
de ciuit.

S E C U N D A positio , græci didicerunt Philosophiam ab externis , & maxime ab Aegyptijs , a Chaldæis, & ab Hebræis . Patet hæc positio ex ijs quæ diximus: quam ex Porphyrio probat Theodoretus : & eandem confirmat auctoritas Diodori Siculi , de gestis Aegyptiorum : ac etiam Cyrilli , libro primo contra Iulianum : ubi ait, melius sensisse eos qui fuerunt apud Aegyptios ; vt qui non tam turbidum habuerunt mentis oculum; quos propterea strabos vocat.

T E R T I A positio , omnes Philosophi , qui magis ad veritatem accesserunt , & maiora quædam docuerunt, siue Græci, siue Chaldæi, siue Aegyptij fuerint , ea a diuinis literis , vel ab Hæbreis , vel a primis hominibus, theodidactis, hoc est a Deo edoctis, acceperunt. Hanc positionem probant nonnullæ auctoritates supracitatae, & speciatim Cyrilli , qui ideo ait melius sensisse eos, qui in Aegypto fuerunt, præsertim de rebus diuinis, quod Mosaisca legerint : & de Trismegisto ait, semper docuisse quæ sunt Mosis , sed non irreprehensibiliter . Et sane, quæ de rebus diuinis iste auctor scripsit, & Plato itidem, vt alios missos faciam, nunquam solis naturæ viribus attingere potuissent . Quare, si homines solis naturæ præsidij de rebus diuinis, de mûdi origine, deque eiusdem administratione , differuissent , in multo grauiores errores incidissent, & non melius philosophari essent, quam nunc Synenses , Iaponij , & alij quidam populi nunc philosophentur: qui pessime de rebus similibus sentiunt. Dyodorus Siculus scriptum reliquit, Philosophos e sacris libris sumpsisse: idem ex Porphyrio, & Numenio late probat Theodoretus . Clemens Alexandrinus refert Aristobulum docuisse Platonem , & hunc Mosis scripta legisse ; atque illud quod Dominus apud Ioannem dixit, Omnes quotquot venerunt, fures sunt & latrones , intelligendum esse de Philosophis , qui ex diuinis libris doctrinam furati sunt . Denique, quis poetarum, quis sophistarum , ait Tertullianus, qui non omnino de Prophetarum fonte potauerit? & paulo

Ioan.
Pet.
Mas.
lib. i.
contra
Græc.
lib. i.
Stro.
Ioan. 10.
Lib. con
tra Gët.

lo post, vetus instrumentum ingenia Philosophorum interuertunt. Et quod attinet ad artem Rethoricam, Cassiod. cam inde sumere potuisse, is intelliget, qui nostros leget de Oratore diuino libros: in quibus vniuersam dicendi artem plenissime docuimus, quam tamen totam ex sacris libris deprompsimus. Nec defuerunt qui scripserint, Gallos prius habuisse scientias, easque coluisse, quam Græcos, & hos ab illis accepisse: ideo Ioan. Picar. quidam cecinit. Iulius Cels.

Gallia doctrina genitrix, tu prima probasti.

Quidquid mendaci Gracia voce refert.

A T Q V I aliquis verius diceret, omnes artes & disciplinas prius fuisse apud Italos, qui a suo parente Iapeto, optimo Nochi filio, & religionem, veramque sapientiam, quam ipse conseruauerat, ac etiam primum primi Parentis sermonem acceperunt. Hinc Cimeriorum & Tuscorum disciplina. Hic enim est Cadmus ille, cui litterarum & scientiarum tribuitur inuentio: vt alio loco scripsi: vbi plane filiorum Nochi in omnes mundi partes progressionem demonstraui.

Q V A R T A positio, Philosophia, & præstantiores atque magis necessariae disciplinae & artes, ab Adamo, cui diuinitus a Deo traditæ fuere, per manus traditionem, ad posteros dimanarunt. Quod primo parenti omnium naturalium scientiarum habitus fuerint diuinitus infusi, non modo ex diuinis literis colligitur, quæ plane docent Deum fecisse hominem perfectum, idque omnes Theologi consentunt, sed etiam hæc ratio confirmat; Quia nõ erat consentaneum, vt opus ab optimo artifice fabricatum, esset mens nuda, informis, & tanquam tabula sine vllis rerum imaginibus. Neque debuit homo in ætate perfecta fabricatus, tanquam imperfectus puer, rerum notitiam sibi de nouo cõparare: nec proprijs laboribus innatæ appetitionis sciendi famem explere, qui cibum ad corpus sustentandum habebat in promptu. Illud etiam argumento esse potest, quod statim a creatione, nomina imposuit animalibus, quod sa-

Eccs. 7.

Ecci. 17.

ne munus hominis est sapientis. In summa, cum Deus nonnullas artes hominibus reuelauerit vt sacra pagina testatur, cur etiam homini a se formato sapientiam humanæ naturæ maxime propriam non donauerit? Concludamus igitur, eum qui futurus erat per multa sæcula omnium hominum & populorum magister & princeps, a primo magistro & Principe omnium scientiarum genere fuisse dotatum. Quod autem ipse posteris quam accepit diuinitus sapientiam tradiderit, quis dubitare audeat? idque factū fuisse ex diuinis literis haud obscure colligitur. Huc facit id quod nonnulli referunt, filios Noe ante diluuium omnes artes liberales incidisse in quattuordecim columnis, & septem æneis, ne aqua perirent, & in septē lateritijs, ne igne absumerentur; cum mundum esse euertendum scirent.

QVINTA positio, græca Philosophia, hoc est doctrina quæ tradita est a scriptoribus Græcis, semper male audiuit. Quod hoc loco affirmo, vniuerse intelligi volo; neq; enim quosdā bonos auctores damno, qui tamen, quod boni habent, aliunde accepere. Quod autem a nobis positum est, sit verum, patet primum ex illa sententia in Solonem pronunciata, quam supra recensuimus. Deinde, quia in Græcia potissimum abundarunt Sophistæ, qui doctrinæ puritatem contaminabant. Postea, idem docet Diodorus Siculus, qui de græcanica philosophandi ratione ita scribit, Græci vero lucri gratia nouis semper opinionibus incumbentes, deque maximis disciplinis inter se altercantes discipulos reddūt, animumque eorum per omnem vitam dubium, nulla certa sententia, errare compellunt. M. Cato, cuius auctoritas vt viri doctissimi & spectatissimi maximi fieri debet, aiebat, Tunc fore, vt Romani corrumperentur, cum ad eos Græcorum litteræ deuenirent, & Hetruscos abstinuissse a litteris latinis, quia græcas horrebant. Eosdem etiam damnat, quod iactent se tanquam Italiæ parentes: cum tamen aureo sæculo, sub Iano a gente phœnicia, vel potius a Iano Nochi filio, ortum habue-

Meta-
phen. lib.
3. Iud.
rerum.

Annius
annot.
Berof.

Iust. in
admon.

Lib. 3.
de gest.
Aegyp.

Lib. de
Origin.

rit. Huc pertinet quod aliqui scribunt, olim Græcos omnes censuisse hominum animos esse mortales; & idcirco Getas finitimos, per ludibrium, Atanatzondas vocabant; quasi eorum esset proprium animorum æternitatem credere. Lege Theodoretum libro quinto, vbi, non modo Græcorum Philosophandi rationem damnat, sed etiam Romanos prudentiores, & argutiores in rebus inueniendis esse docet: vt M. Tullius uere non vno loco dixerit, Græcos verbis, Romanos vero reipsa philosophari, apud quos tamen fuerunt Philosophi non ignobiles.

Pro Cælio.

SEXTA positio, quamuis Græcia non fuerit Philosophiæ inuentrix: tamen Philosophia non parum Græciæ debet, cum per multos annos ab ea culta, & litteris consignata fuerit; ita vt, eius cura ad posteros dimanare potuerit. Cæterum, si aliorum populorum scripta ad nos peruenissent, non tantum Græcis deberemus, vt sane debemus. Sed quid, si nō minus Latinis, quam Græcis Philosophiam debere dixerit quispiam? Cum non solum olim eam Latini coluerint, quamuis quibusdam temporibus minus accurate, quam Græci, sed etiam, cum ex Græcia migrare cæpit, vbi ab hinc multa annorum sæcula nullum habet domicilium, ab eisdem hospitio excepta, ciuitate donata, in honore conseruata, aucta, illustrata, & ad nouas nationes suis litteris etiam propagata fuerit. Factum itaque est id, quod Tullius optabat, vt languescenti Græciæ huius generis laus eriperetur, & in Urbem perferretur.

Tuf. 2.

Ex hac nostra disputatione, eum fructum percipi velim, tanti boni, hoc est sapientiæ, auctorem agnoscendū esse Deum; cum non modo ex primo parente, & ex alijs quibusdam, quibus ipse rerum maximarum & celestium, sicuti & multarum artium doctrinam reuelauit, sed etiam ex sacris libris suo spiritu dictatis, quidquid est boni in humana sapiētia, ad nos dimanauerit.

Plat. Cic.

QVOD autem in ea aliquando fuit mendii, id totum irrepfit, cum ob temporum iniuriam synceræ sapientiæ

In lib.
de cœ-
lo.

Lib. 2.
Met.

scientiæ traditio fuit interrupta, & cum homines solo naturæ lumine, reliâs antiquorum decretis, philosophari cæperunt: cum tamen in rebus quæ nostros sensus fugiunt, & ab humana intelligentia sunt remotæ, nō minus antiquitati, quam rationibus sit tribuendum, ut aliquando, præter alios, vere docuit Aristoteles: quod præceptum, si ipse seruasset, puriorem nobis Philosophiam tradidisset, nec solo naturæ lumine fidendum esse credidisset: cum id sit uerissimum, quod ipse aliquando pronuntiauit, Intellectum nostrū ad res æternas atque diuinas, non secus se habere, atque noctuæ oculus ad lumen solis habet.

Q u o loco illud adnotauerim, per tres tantum homines eam sapientiam quam primo parenti Deus donauit, eamque rerum notitiam quam primi homines a Deo edocti habuere, nimirum per Adamum, Nochum, & Abrahamum, per duo annorum milia, traditione conseruari potuisse. Cæterum, ut dicebam, temporum iniuria interrupta est, & humana ratione potissimum cæptum est philosophari.

Lib. de
orat. di-
uino.

Lib. 5.
de fin.

Q u o d autem bona Philosophia diu apud aliquos præsertim populos conseruata fuerit, ex eo colligitur, quod in Iobi libro, omnium librorum antiquissimo, diuersi homines de rebus ad omnes Philosophiæ partes pertinentibus optime disputant: quod sane facere non potuissent, nisi bona Philosophia instructi fuissent: ex quo libro, ut alibi scripsi, omnis recte differendi, beneque dicendi doctrina colligi posset. Concludamus igitur, nullius partis Philosophiæ, non Logicæ, non Physicæ, non Metaphysicæ, non Astrologiæ, non Moralis prudentiæ auctores fuisse Græcos, quos ideo Cicero appellauit fontes, quia nullos alios superiores & antiquiores scriptores nouerat: qui tamen, meliores Græcos ad alios fontes se contulisse, plane testatum reliquit, sed iam sit huic difficultati finis.



Ex diuinis oraculis discimus, Deum primum parentem diuinarum humanarumque rerum notitia, quam sapientiam appellamus, dotasse; ita ex eisdem cognoscimus talem ab eodem hominum generi fuisse naturam tributam, vt per se eandem doctrinam, licet non ita perfecte, sed quantum ei satis esset, sibi comparare potuisset. Ista namque doctrina futura erat veluti hominum magistra in lege naturæ, apud eos præsertim homines, qui nihil diuinitus fuere eruditi: cuius beneficio in omnium rerum fabricatorem & procuratorem, quem colerent, venire, atque etiam per insita rationi lumina cõuenienter naturæ viuere debebant. Quam veritatem plane explicatam, & demonstratam, qui videre vult, nostram Introductionem in sacram Theologiam legat.

A&. 17.
Rom. 1.

Lib. 2.

H I N C fit, vt alium querere liceat humanæ sapientiæ ortum, quem explicandum hoc capite nobis proposuimus: de quo hæc breuiter attingemus, quæ sint prima Philosophiæ fundamenta: quo ordine in rerum cognitionem peruentum sit: quibus instrumentis, & demum qua via. Quod igitur ad primum attinet, primum sapientiæ comparandæ principium est maxima illa inclinatio atque sciendi appetitio, a qua suæ Theologiæ, de re in qua nos versamur acturus, initium cœpit Aristoteles, cum dixit, Omnes homines natura scire desiderant. Natura, inquit Tullius, cupiditatem ingenuit homini veri inueniendi; quod facillime apparet, cum vacui curis, etiam quid in cœlo fiat, scire auemus. Et alio loco, Tantus igitur est innatus in omnibus cognitionis, amor, & scientiæ, vt nemo dubitare possit, quin ad eas res hominum natura, nullo emolumento inuitata rapiatur. Videmus ne, vt pueri, ne verberibus quidem a contemplandis rebus, perquirendisque deterreantur? vt

Lib. 2. d
fin.
Lib. 5. d
fin.

Cic. 1. d
orat.

pulsi requirant, & aliquid scire se gaudeant. Quare, si verum est illud quod Socrates aiebat, quibus id persuasum esset, ut nihil mallent se esse, quam bonos viros, ijs reliquam facilem esse doctrinam, maximum profecto nobis a natura, vel ab eius parente Deo tributum erit philosophandi principium. Vnde recte Epictetus

Arian.

lib. 1. c.

29.

hominē describēdo dixit, φιλοθεώρων το' ζῶον ὁ ἄνθρωπος, id est homo est animal contemplationis veri appetens. At frustra nobis ingenerata esset hæc sciendi cupiditas, ni ad eam explendam idoneæ datæ fuissent vires, siue instrumenta, ut mens, ut notiones quædam, ut externi, & interni sensus. Et quod ad mentem attinet,

Lib. 2. d

fn.

homo, ait Tullius, a natura mentem accepit, & acrem, & vigentem, celeremque multa simul agitantem, & ut ita dicam sagacem: quæ & causas rerum, & consequtiones, videat, & similitudines transferat, & disjuncta coniungat, & cum presentibus futura copulet, omnemque complectatur vitæ consequentis statum.

Menti vero quæ est in corpore inclusa, dati sunt sensus tanquam administri, qui rerum species per vniuersum vagantes exciperent, & quasi ianitores, ad intelligentiam per sensus internos traducerent; ut tandem in intellectu, quasi in propria sede conquiescant. Ideo Aristoteles, loco supra citato, eleganter probauit nos

Joā. Fer

rarius

Pede-

mont.

Lib. 1. d

leg:

esse sciendi cupidos, quod sensum aspectus diligamus, cum per eum plures rerum formæ percipiuntur: quam

nis auctor quidam hoc, ut minus verum, impugnare conatus sit. Ipsum hominem, ait M. Tullius, eadem na-

tura, non solum celeritate mentis donauit, sed etiam sensus satellites attribuit, & nuncios: & rerum plurima

rum obscuras & necessarias intelligentias enudauit, quasi fundamenta quædam scientiæ: figuramque corporis habilem, & aptam ingenio humano datam. Nam

cum cæteras animantes abiecisset ad pastum solum hominem erexit, & ad cæli, quasi cognitionis domici-

lijque pristinæ, conspectum excitauit. Cæterum, non solum his præsidij bonus nos muniuit Pater, sed etiā

initia

initia quædam, & intelligentias, quas Græcis *γνῶσις* vocant, nostræ menti indidit, quæ, translate, rationis lumina, igniculi, & naturæ semina vocantur. Ingenuit, Tullius loquitur, sine doctrina notitias paruas rerum maximarum. Nostrum est ad ea principia quæ excepimus, consequentia exquirere, quoad sit id, quod volumus effectum. Sine quibus notitijs, vt idem alibi docet, nec intelligi quidquam, nec quæri, disputariue potest: quas nullo modo falsas esse eleganter demonstrat. Harum autem notionum alia proxime ad actionem, hoc est ad recte vitam degendam referuntur, aliæ vero ad veritatem cognoscendam; de quibus locus proxime citatus intelligendus est; vt de alijs hic alius. Quod si tales nos natura (intellige auctorem naturæ) genuisset, vt eam ipsam intueri, & perspicere, eademque optima vitæ duce cursum vitæ conficere possemus; haud erat sane quod quisquā rationem, ac doctrinam requireret. Nunc paruulos nobis dedit igniculos, quos celeriter malis moribus, opinionibusque deprauatis, sic restringimus, vt nusquam naturæ lumem appareat. sunt. n. ingenijs nostris semina innata virtutum; quæ, si adolescere liceret, ipsa nos ad beatam vitam natura perduceret. Indidit ergo Deus semina quædam menti nostræ veritatum omnium, quemadmodum oculo vim ad colores spectandos, sine alijs sensibus, ad obiecta dignoscenda; verorum, inquam, informationes, & anticipationes, non falsorum; cum verum sit omnibus ad cognoscendum expositum, non falsum, a vero verorum opifice. Vnde quæ irrepsērunt falsa, non ex naturæ luce, sed ex falsa opinione & deceptione fluxere, obscuratis iam primis naturæ luminibus errorum & peccatorum tenebris.

AT QVÆ ex dictis aliud colligitur humanæ sapientiæ fundamentum, sensuum externorum cognitio; cum vere a Philosopho dictum sit, Nihil esse in intellectu, quod prius non fuerit in sensu. Et Lucullus apud Ciceronem, ordimur igitur a sensibus: quorum

Lib. 2.
Aca. q.

Lib. 2.
Aca. q.

Euseb.
orat. de
laud. cō
stan.
Tusc. 3.

Lud. Vi.
ues.

Arist.

lib. 2. d
ani.

Cicero

lib. de

Facto.

Cic. 1. d

nat. d. or.

Arist. 1.

met. c.

2.

Plato in

Theet.

ita clara iudicia & certa sunt, vt, si optio naturæ nostræ
detur, & ab ea Deus aliquis requirat, contenta ne sit
suis integris, incorruptisque sensibus, an postulet me-
lius aliquid, non videam quid querat amplius. Et paul-
lo infra, Meo autem iudicio, ita est maxima in sensibus
veritas, si sani sint, ac valentes, & omnia remoueantur,
quæ obstant, & impediunt. Visa itaque obiecta, impri-
munt species in sensus, per quos ad intelligentiam per-
ueniunt, quam suis formis signant atque figurant. Vbi
vero rerum imagines extrinsecus in animos nostros
per corpus irruperunt, ex rerum magnitudine nasci-
tur admiratio, cum eorum quæ cernimus causas igno-
remus; & ideo aliqui Philosophiæ principium in scien-
tiam esse dixerunt, alij vero admirationem, & vtrique
bene, cum non admiretur nisi is qui ignorat, & qui ad-
miratur, ad causæ ignoratæ inquisitionem sese cōuer-
tit. En igitur prima humanæ sapientiæ fundamenta
atque initia, Ad cognoscendum innata propensio, insi-
tæ notiones, mens, sensuum organa, rerum species in
animum ingredientes, & admiratio.

S E D iam de secundo dicamus, hoc est de ordine
atque progressu nostræ scientiæ, cuius facilis est expli-
catio ex ijs quæ diximus. Primum igitur nouam de re
aliqua notitiam mendicamus a sensibus; ac proinde qui
aliquo sensu est orbatus, id non potest percipere, quod
sub illum cadit: vnde dici solet, Cæcus non iudicat de
colore. Ex varijs sensationibus phantasiæ beneficio ex-
oritur memoria, quæ cum in homine sit cum auditu
coniuncta, eum reddit capacem doctrinæ, non solum
per propriam inuentionem & prudentiam adeptæ, sed
etiam per disciplinam ab alijs acceptæ. Ex varijs me-
morijs gignitur experimentum, quod sit ex collatione
plurium singularium in memoria receptorum. Quæ
collatio est homini propria, & ad rationem particula-
rem quæ cogitativa, græce *δύναμις* nominatur perti-
net, qua conseruantur res singule, sicuti intelligentia
res vniuersæ. Et quia ex multis sensibus, & ex memoria,
animalia

Arist.

lib. 1.

Met. c. 1

animalia ad aliquid prosequendum, vel vitandum consuefcere solent; ideo aliquid habent experimenti, licet parum: homo vero multum ob rationem vniuersalem per quam proxime viuit. Ex varijs experientijs nascitur ars, & scientia: Tunc. n. ars exoritur, cum ex multis experientia conceptionibus una de similibus vniuersalis fit existimatio, siue acceptio. quare, ut experimentum fit ex multis memorijs; ita ex multis experimentis ars, cum aliquid vniuerse comprehenditur: vt si ex eo quod aliquod medicamentum multis salutare fuit, vniuerse concluderetur, omnibus qui eodem morbo laborant, prodesse: quo fit, vt sicut experimentũ in singulis, ita ars in vniuersalibus versetur. Et licet is qui experimento pollet melius agat, cum actiones sint circa singula, quam qui artem solam tenet: tamen quod ad cognitionem attinet, ars præfertur experientia: & ideo magis scire dicuntur artifices, quam expertes; cum sapientie nomen magis cognitioni accommodetur, quam actioni; & artifices causas sciant, quas expertes ignorant: atqui tunc scire dicimur, cum causas scimus. Huc etiam facit, quod artifices qui causas no-

1. Post.

c. 2.

1. Phys.

t. 1.

Arist.

scunt, demonstrationes possunt conficere, quibus alios doceant; signum autem scientis est posse docere: quia tunc aliquid dicitur esse in actu, cum alterum sibi simile potest procreare. At, qui solo experimento doceret, solum opinionem, & fidem quandam in eo quem docet gigneret. Denique, experimentum proprie est singularium rerum, quæ sensibus percipiuntur: at nullius sensus cognitionem vocamus scientiam, siue sapientiam; quæ appellatio magis arti speculatrici, quàm effectrici tribuitur, vt postea planius docebitur: igit. Et hæc de secundo.

DE tertio, hoc caput, ideo breuiter attingam, quod non sit huius loci exponere naturam instrumentorum, quibus humana acquiritur scientia. Quoniam igitur ad perfectam rerum notitiam acquirendam non satis sunt

quæ natura tribuit, præsidia, ideo ab humana indu-

Cic. lib.

2.

Aca. q.

stria alia superaddita fuere, quæ artificialia vocantur, in quibus hæc speciatim numerantur, Definitio, Diuisio, Argumentatio, siue Demonstratio, & Methodus, quæ alio opere nos late explicuimus. Definitione latentes rerum naturas patefacimus, & id ipsum quod sunt, explicamus: qua qui non vtuntur, qui prætermittunt, ij recte docere nihil possunt. Diuisione, res cõfusas atque multiplices partimur, & singulas in sua serie, locoque statuimus, quæ ad indagandas abditas rerum rationes plurimum confert. Quibus instrumentis, rerum naturis patefactis, argumētationis beneficio, earū proprietates per causas demonstramus: Demonstrare enim ni-

Lib. 1.

post. c. 2.

Lib. 1.

Phys. c.

1.

hil aliud est, quam res per causas scire: & tunc scire dicimur, cum proprias & necessarias causas cognoscimus. Et quoniam nihil rectè discitur, aut docetur, ni id conuenienti ordine, & perspicua faciliq; ratione fiat: ideo postremo loco adhibita est tractandi rō, quā Græci Methodum appellant: cuius beneficio, eo ordine modoque de re quapiam agitur, quem vel res ipsa, uel discientium conditio flagitat. Est enim Methodus eorum quæ in aliqua arte traduntur dispositio, secundum prius, vel posterius, prout naturæ rerum, aut captui, & affectui audientium congruit: qua, cum Aristoteles melius quam alij usus sit, iure optimo alijs scriptoribus antefertur. Et hæc pauca de instrumentis ad recte philosophandū

In Addi

tion ad

log. Tol.

Tole. in

proleg.

c. 4.

necessariis hoc loco dicta sufficiant. *sat. n.* fuit ea in mentem reuocare, quæ alibi plenius exposui.

Q u o d attinet ad id quod ultimo loco proposui, viz, quibus in rerum notitiam itur, sunt fere istæ, similitudo, siue conuenientia, separatio, resolutio, compositio, proportio. De prima, animaduertendum est, res singulares & concretas quæ sub sensum cadunt varios habere gradus; vt hominem intelligere, sentire, augeri, loco moueri, & in seipso consistere; quorum aliqui latius patent, quam alij: quibus gradibus varia respondent, magis minusque communia accidentia, quæ sola sensus percipit, cum ad intimas naturas, ut qui corpo-

reus

reus est, penetrare nequit. quo fit, ut vnaquæque res varijs sit septa accidentibus, atque inuoluta: quorum alia sunt similia, alia dissimilia, & partim pluribus, partim paucioribus conueniunt rebus, & naturarum arguunt similitudine ac diuersitate; cum nonnulla ita sint alicui naturæ propria, ut in alia nunquam reperiantur, alia uero maxime. Similitudine atque dissimilitudinem accidentium, diuersorum sensuum beneficio perspecta, multa singularia in quibus similia sunt accidentia, quæ in alijs non inueniunt, reuocata sunt ad quandam communem naturam, quam specificam vocant. similiter, cum multa accidentia varijs speciebus communia inuenta sint; ideo variæ species ad vnum commune genus reuocatæ fuere, ut omnia bruta ad naturam animalis, & omnia animalia, ad naturam viventem. En igitur, vt similitudo fuit ratio copulandi res singulas, & inferiores in naturas communes, de quibus solis potest haberi scientia, cum singularis, & sensitiua notitia, vt supra diximus, scientiæ nomen non mereatur.

*Arist. 1.
post.*

DE secunda via, facta per similitudinem naturarum sensibiliu a singularibus separatione, præparata est materia, intellectui in qua versari possit: & cum per eam non dum res distincte, sed solùm confuse cognoscantur, nec naturæ ab accidentibus separætur, alia est opus via, qua accidens seiungatur a substantia, quod cum non facerent antiqui Philosophi, ideo, oia esse vnum, & solum quibusdã accidentibus differre putarunt. Adhuc ita igitur est via separationis, quam abstractionem formalem vocant, qua accidens seiungitur a substantia. Obseruatum itaque fuit unam & eandem naturam, modo affectam esse vno accidente, modo alio, etiam cōtrario, eiusdem substantia manente; ac proinde facta est coniectura de aliqua alia natura diuersa ab accidentibus, quæ sensu percipiuntur: cum accidentia, quæ modo insunt, modo absunt, alicui inhærere debeant, quod per se subsistat: quam ab hoc effectu, quod in se sit, & alijs substat, substantiam, sicuti eas naturas quæ in alio sunt, accidentia

*Arist. 1.
lib. 1.
Physic. 7.*

nominarunt: Quorum distinctio non modo per varios sensus quibus diuersa accidentia percipiuntur, innouit, sed etiã quia obseruatum est, vnum interdum esse cum alio coniunctum, vt album cum frigido in niue, & in lacte ab eodem separatum: atque idem de alijs dicas. Hæc enim est optima ratio distinguendi vnum ab alio, cum vnum sine alio, vel vnum cum diuersis reperiri potest; ut quantitas cum diuersis figuris.

DE tertia, optima via ad res adhuc plenius cognoscendas, fuit resolutio, qua sepe vsus est Aristoteles, tum in logicis, tum in Physicis, tum in politicis. Tunc autem prior. & postea. hanc viam tenemus, ut alibi latius exposui, cum accepto aliquo toto, illud in suas partes & principia per analysim reuocamus: tunc enim rem aliquam scire dicimur: cum eius prima principia cognoscimus: uel cum aliquem effectum in suas primas & proprias causas reuocamus: vt si quis videret ignem ascendere, & ascensum referret in leuitatem, & hanc in raritatem materiæ, quam ignis natura requirit.


DE quarta, hoc est de compositione, quæ via est à superiore diuersa, qua tunc utimur, cum unam rem cum aliam componimus, ei que attribuimus, unde & effectus & proprietates rerum inuestigamus, & rebus cum quibus copulantur, conuenire cognoscimus.

DE vltima, plurimum ualet ad res cognoscendas, proportio, & analogia, quam inter se habent: qua via Aristoteles indagauit materiam primam per proportionem ad ea quæ arte fiunt, & nonnulla de natura probauit, per analogiam quam habet ad formam: & per transformationem accidentalem inuenit substantialem: in Lib. 1. phys. Lib. 2. phys. Lib. 1. phys. summa, per sensibilia sepe inuestigatur natura intelligibilium; vt per actum videndi, actus intelligendi: & per pulchritudinem corporis, ea quæ est in animo.

ATQVE ex his quæ diximus, aliud apparet Philosophiæ ortus, per humanam indagationem atque industriam. Et quoniam eius prima fundamenta a Deo nobis concessa sunt, ideo uere dicere possumus, ex hac etiã parte

parte Philosophiam habere ortum a Deo: cum humana philosophandi ratio, dona supponat diuina. Et, hucusq; de Philosophiæ natura, & causis: deinceps de eius proprietatibus agemus.

Philosophia humana studium non esse damnandum, nec Christianis interdicens. Cap. IX.



Quoniam nulla cum re, quantumvis præstantissima, unquam ita præclare actû est, ut nullum habuerit vituperatorem; ideo mirum videri non debet, si sapientiæ studium, quod Philosophiam appellamus, omni fere tempore, suos habuerit impugnatores, insipientes nimirum homines. Sunt autem duo præcipua capita ex quibus omnis calumniandæ Philosophiæ sumitur ratio; rerum quæ in ea tractantur incertitudo, cum nihil exploratum in ea esse videatur: & parua vtilitas, quæ ex hoc studio capitur, aut potius detrimentum, quod secum asferre videtur. De primo capite infra late disputabo, alterû hoc loco discutiâ; sed pro meo instituto, paucis. Est autem hic dubitatio de ea Philosophia, quam ab Ethnicis accepimus: de qua dux assignari possunt auctorum sententiæ.

PRIMA eorum, qui quodam pietatis zelo Philosophiam reiiciendam, aut ab ea abstinendum esse putarunt, quod Philosophorum doctrina a veritatis orbita sæpe deflectat, & dubium sit, an plus emolumenti, quam detrimenti Christianis afferat: ut olim existimarunt quidam, quibus respondit Clemens Alexandrinus, qui omnino super hac re est legendus. Secunda aliorum, qui potius malitia & prauitate quam ulla firma ratione compulsi, eam omnino reiiciendam putant; quod Philosophica doctrina, suos errores refelli, & veritatem, quam ipsi temerare conantur, defendi videant: ita Lutherus, Erasmus, & alij noui euangelij doctores: quibus quas subiiciam rationes, eæ fauere possunt,

Io. Fran.
Pic.
Lud.
Viu.

PRIMO auctoritates nonnullæ ex diuinis literis sumptæ. Salomon monebat, ut nobis caueremus, a muliere fallaci : quem locum aliqui exponunt de humana sapientia, a qua decipimur. Et per quendam Prophetam prænunciatū fuit, fore, vt sapientia sapientiū perderetur. Item alius, dixit, sapientiæ inquisitores eā non inuenisse : & ideo eos fabulatores appellat : Paulus quoque ait, Philosophos euanuisse in cogitationibus suis : quare vanum esse videtur, in eorum doctrina uelle versari. Idem alibi docuit canendum esse, ne quis nos per Philosophiam decipiat, & sciētiā inflare, id quod maxime humanæ scientiæ conuenit.

SECUNDO auctoritate nostrorum Patrum : Iustinus Mart. cōtra Aristot. & Philosophos nō nihil scripsit ; quos fures & impostores vocat. Lactātius Firmianus nullibi eos non vituperat, non damnat, & eorum errata atque vitia vbique insectatur. Hieronymus describendo Philosophum, sic ait, Philosophus gloriæ animal, & popularis auræ atque venale rumorū mancipium. Tertullianus varijs in locis Philosophos damnat, & reijcit, vt cum eos vocat pseudopphetas, & hæreticorum patriarchas : & eos mimice affectare veritatem dicit, & affectando corrumpere, vt qui gloriam captant : Item, eorum ingenijs omnem hæresim animari : & vt multa alia omittam, plane docet, Philosophum nihil habere cum Christiano, ac proinde nec Christianus quicquam cum Philosopho habere debet. Omitto hic quasdam auctoritates, quas apud Gratianum, qui vult, leget. Denique, concilium Carthaginense quartum plane statuit, vt episcopi Gentium libros non legerēt, cum tamen hæreticorum lectionem concesserit.

TERTIO, idem confirmatur auctoritate ipsorum Philosophorum, qua nulla alia, hac in parte, potest esse maior. Plato, ridiculum esse putabat hominem natu grādiorem philosophari : & se ita affectum esse aiebat circa eos qui Philosophiæ dant operam, atque circa illos qui balbutiunt, ac ludūt. Epictetus, vt est apud Ari-

num,

num, de quo auctore aliquando meminit Gellius, hunc in modum Philosophum descripsit, cum tamen ipse esset Philosophus, τὸ τοῦ ζῶντος, ἔπαντες καταγελῶσιν, id est. Tale animal, ut ab omnibus irrideatur. Accedat grauiissima auctoritas M. Catonis, quā supra citauimus; licet is speciatim de græcanica loquat Philosophia.

DENIQUE, ne priuatim multos huius ordinis auctores citem, sæpe Oratores, atque Poetæ, Philosophiam & Philosophos insectati sunt, ut Pacuius, Aristophanes, Iuuenalis, & quidem integra satyra, Quintilianus, Xenophon, & Lucianus.

QUARTO, accedat auctoritas publica bene administratarum ciuitatum, quæ Philosophos cum sua Philosophia tanquam inutiles eiecerunt, præsertim Romanæ vrbs; unde, referente Gellio, non semel fuerunt pulsi, & tota Italia interdicti, etiam eo tempore, quo Philosophia erat in pretio, ut sub Domitiano, cum Epictetus degebat Romæ.

QUINTO, Philosophi, & Philosophiæ, ut supra docuimus, duo sunt maxime propria, doctrina, & mores: quod attinet ad doctrinā, Philosophi nihil certi, nihil explorati, nihil comprehensi habent; sed omnia opinionibus etiam contrariis apud ipsos sunt confusa, & temerata; ob quam causam, Philosophiam male audire aliquando Tullius docuit. De moribus nihil est quod dicam; cum, qui ex illis habiti sunt sanctiores, multis vitijs fuerint infecti, ut libro secundo introductionis in sacram Theologiam, ea recensendo, plane demonstrari. Ut omittam, quod nonnulli Athei fuerunt, in quibus Eumenus Agrigentinus, Nicanor Cyprius, Diagoras, Hippon, Theodorus Cyreneus, & Protagoras, qui dixit, se nescire sit ne Deus, nec ne alij male de diuinitate senserunt: Epicurus, Deo subtraxit rerum curam; Stoici corporeum fecerunt, hominis liberum arbitrium negarunt: ut merito antiqui Patres Philosophos damnauerint. quod si ob impias opiniones a suis, ut a Spartanis, a Thebanis, ab Argiuijs, & a Romanis reiecti fuerint,

In Tit. mone.

Lib. 15.
cap. 11.
Lib. 10.
c. 22.

Tert. cōtra hæret. & Nermo.

Lib. de
an.

Hier. in
Nahû.

Epist. ad
Mar.

Pâmac.

Et Cie-
siph.

Euf. in
Chron.

Aug.

Lib. ult.
de cur.

græc. af-
fect.

Lib. 2. c.
16.

fuere, quanto magis a Christianis reiiciendi erunt. Vt huic difficultati satisfaciam, nonnulla fundamenta præmittenda sunt.

P R I M V M fundamentum, nulla res est adeo bona, una excepta uirtute, qua humana malitia abuti non soleat. Bona eloquentia, bona nostri corporis membra, Sacra scriptura bona, & in summa res omnes creatæ bonæ: & tamen, omni tempore, omni loco quam plurimi inuenti sunt, qui hisce rebus bonis non bene sunt usi. quare, si quæ res uituperanda ac reiicienda esset, quod homines ea præpostere utantur, nil fere inuenies quod uituperari & explodi non possit; ut copiose & eleganter Theodoretus, nostræ religionis causam agendo, disputat; demonstrando christianam religionem nō esse damnādā, ob id quod aliqui ex nostris male uiuāt. eandem ueritatem demonstratam inuenies apud Quintilianum, dum Rhetoricam a quorundam calumnijs tuetur. Atque ex hac doctrina omnia fere allata solueres argumenta: quæ adhuc planius ex alijs fundamentis diluentur.

S E C V N D V M fundamentum, nonnullæ sunt causæ ob quas, etiam apud Alienigenas, Philosophi male audiuerūt, & eorum culpa, etiam Philosophia: quæ sunt fere istæ. Prima, quia aliqui tanquam sibi soli nati, humanam consuetudinem omnino abhorrentes, umbratilem vitam degebant, & reip. curam omnino aspernabantur; & illud munus quod est sapientis maxime proprium, de alijs recte instituendis, penitus deserebant. Quod philosophandi genus, aliquando meliores Philosophi uituperarunt, vel certe minus probarunt, & speciatim Tullius cum scripsit, Multi autem sunt & fuerunt, qui eam quam dico tranquillitatem expetentes, a negocijs publicis se remouerunt, ad ociumque profugerunt: quorum vitam tutiorem, & minus molestatam esse docet: fructuosiore autem hominum generi, & ad claritatem amplitudinemque aptiorem, eorum qui se ad rempub. & ad res magnas geren-

as accommodarunt. Verum hoc Philosophorum genus non omnino contemnendum videtur, si valetudinis imbecillitate, vel aliqua alia graviore causa impeditum a rep. recesserit: secus, si ob labores & molestias offensionesque quibus franguntur, cum in rebus contrariis parum sibi contenti.

SECUNDA, quoniam nonnulli olim ab opificijs & artibus, præsertim si in illis excellebant, ad philosophandum se conferebant; ad quod opus, ob animi imbecillitatem iam ab opificijs depressam, ut Plato scribit, erant parum idonei; ac proinde magis specie, aspectu, barba, pallioque, quam re ipsa philosophabantur: quod dum faciebant, se alijs ridiculos ostendebant. In quo genere his temporibus eos reponeres, qui ab officina aromataria, a tonditina, & a ludo grammaticali, ad medicinam, quæ sine Philosophia esse nequit, se conferunt. Huius generis Philosophos eleganter, more suo, aliquando idem descripsit Plato, qui inter alia hæc litteris commendavit, An censes eos aspectu quicquid Dial. 6. differre a fabro ætario diuite, paruo, caluoque, qui e de rep. vinculis exijt, balneisque se lauit, & noua se veste tanquam sponsu ornauit, & filiam domini sui inopia oppressi, nec alium cui daret habentis, in matrimonium sibi coniunxit? Qualem ex his prolem nasci putandum est? non ne notham scilicet, & abiectam? Et quæ apud ipsum sequuntur.

TERTIA, quoniã alij, licet essent ad Philosophandum accommodati, & in rebus gerendis, cum alijs communicando, se occuparent, atque veritatis, sapientiæque magistros præberent, tamen inanis gloriæ, atque iactantiæ vitio infecti, cæteros despicientes, & inter se altercantes, & maiorem sui nominis, quam veritatis rationem habentes, se odiosos, & inuisos reddebant; & veritatis lucem suis contentionibus obscurabant; ita ut Cic. lib. 1. d. leg. qui ab eis veritatem de animorum æternitate, de bonorum & malorum finibus, de mundi administratione, de vno rerum omnium molitore, deq; alijs rebus, sine

Lib. 2. sine quibus humana uita recte institui, et homines be-
 Acad. q. ti esse non poterant, expectare debebāt, cum quodam
 dicere potuissent, Itaque cogimur, dissensione sapien-
 tum, dominum nostrum ignorare, Deum nimirum.

Q V A R T A , omnium maxima, quia multi non amo-
 re veritatis cognoscendæ, sed spe quæstus facien-
 di ad Philosophiam accedebant; ut fuerunt Sophistæ,
 quos supra satis abunde descripsimus: qui non verita-
 tis lucem amabant, sed umbram quandam, cum ea
 ignorarent, quæ profitebantur: qui, cum doctrina & mo-
 ribus essent corrupti, alios inficiebant, & iuventutem
 a bonis studiis reuocabant; & ideo sibi & reip. perni-
 ciam afferebant. Et hoc Philosophorum genus fuit a
 ciuitatibus pulsum, & a bonis Philosophis alijsque scri-
 ptoribus damnatum, atque reiectum. At vero inuenti
 sunt semper aliqui, superioribus contrarij, quamuis nu-
 mero pauciores.

Iuue.
 Sat. 15.

*Rari quippe boni, numero vix sunt totidem, quot
 Thebarum porta, vel diuitis ostia Nili:*

Clem.
 Alex.
 Theod.

Q V I veritatis cognoscendæ, & vitæ recte insti-
 tuendæ gratia Philosophabantur, & de sua, deque alio-
 rum bona institutione cogitabant, ut ex eorum monu-
 mentis intelligi licet; quo nihil præstantius esse ali-
 quando docuit Plato; quorum Philosophandi ratio-
 nem, etiam nostri approbarunt, dum contra Philoso-
 phos disputabant, ac etiam sequuti sunt; ijs in quibus
 minus bene senserūt reiectis, ut planius postea docebo.

T E R T I V M fundamentum, in quo nonnullas caus-
 sas afferam ob quas antiqui patres Philosophos dam-
 narunt. Prima, quia Philosophi, & heretici philosopho-
 rum doctrina muniti, Christianam doctrinam, ut hu-
 mano sensui repugnantem, refellere sunt conati; pu-
 tantes non posse dari maius lumen, quam id quod na-
 tura, studiumque humanum suppeditat: quo, cum non
 possent diuina arcana comprehendere, ea refellenda
 putarunt. Qui, non secus errarunt, ac idiota erraret,
 qui solem multis partibus terra esse maiorem perne-
 garet,

garet, cum sibi per aspectum bipedalis esse videatur. Ob hanc causam sæpe Theodoretus Philosophos dānavit, & quidem iure optimo.

SECUNDA, quia se difficiles ad excipiendam veritatem præbebant, quam tanquam euidenter credibilem excipere omnino debebant; & interdum auctores erant ut alij in nostros sæuissent; cum eos rationibus se superare non posse videbant. Timent, inquit Lactantius, ne a nobis reuicti, manus dare aliquando, clamante ipsa veritate, cogantur. Obstrepunt igitur, & intercedunt, ne audiant, & oculos suos opprimunt, ne lumen videant, quod offerimus. Quo plane ipsi diffidentiam suæ perditæ rationis ostendunt; cum neque cognoscere, neque congregi audent, quia sciunt se facile superari. Et idcirco disputatione sublata,

Pellitur e medio sapientia, vi geritur res,

UT ait Ennius. Quare cum Philosophi multum nostris facefferint negotij, ideo male apud eos audiebant; cum tamen studio indagandæ veritatis se teneri profiterentur; quam, ut clarum solem sanis & patientibus oculis se ingentem, videre poterant, ut tandem aliquando viderunt.

Lact.
lib.2. c.
20.

TERTIA, quia si quid recte docebant, vitæ genere illud destruebant; & ita non tam re, quam verbo philosophabantur. Idcirco cum nostros bene agentes viderent, admirabantur, ac dicebant, Qui sunt isti, qui ea faciunt, quæ dicunt? de eis vero dici poterat quod Lupus apud Aesopum dicebat, ἄλλα καὶ λέγει ἄλλα καὶ πράττει, alia dicunt, alia faciunt: ac etiam illud, quod, referente Phauorino, Epictetus dicere solebat, eos qui ita viuunt, esse Philosophos, ἄνδρες πρῶτον, μέγιστον τὸ τέλει. Ideo Epictetus tanquam lenocissimus stoicæ disciplinæ magister, suos grauius obiurgabat, quod in probitate, se a Galileis (sic. n. Christianos per contemptrum olim uocabant) sinerent vincere.

Gel.lib.
17.c.19
Arian.
lib.3. c.
21.

Sed nesciebat iste, quantam vim haberet lex illa, quam Christianus scriptam in corde habet: quæ non solum
facienda

Dial. 6. facienda docet, sed etiam ad ea quæ docuit exequenda, vires suppeditat. De hac causâ, hæc scriptis commendauit Plato. Maxima vero & vehementissima Philosophiæ calumnia oritur propter eorum mores, qui Philosophiæ studia profitentur. Et M. Tullius, Quotus enim quisque Philosophorum inuenitur, qui sit ita moratus, ita animo ac vita constitutus, ut ratio postulat: qui disciplinam suam, non ostentatione scientiæ, sed legem vitæ putet; qui obtemperet ipse sibi, & decretis suis pareat? videre licet alios tanta leuitate, & iactatione, ijs ut fuerit non didicisse melius: alios pecuniæ cupidos, gloriæ nonnullos: multos libidinum seruos; ut cum eorû vita mirabiliter prægnet oratio: quod mihi quidem videtur esse turpissimû. His ita positâ fundamentis, ad propositâ difficultatem respondeo his positionibus.

PRIMA positio, Philosophiæ humanæ studium non est damnandum, nec Christianis interdicens. Et quoniam longum omnino facerem, si latissime, ut possem, hanc veritatem confirmare vellem, paucis multa perstringam, ut institutionis ratio flagitat. Primum, allata veritas confirmatur auctoritate scripturæ, quæ monet, ut omnia probemus, & quæ bona sunt teneamus: & Paulus vsus est omni sciëntia, ut omnes lucri faceret. Idem, non damnauit philosophorum doctrinam, quod inuisibilia Dei ex mundi molitione cognouerint, sed quod non ita Deum coluerint, ut cognouere; quod non Philosophiæ, sed ipsorum vitio attribuendum est.

1. Thes. 5. Moses omnium sapientium princeps, eruditus erat in oratore omni scientia Aegyptiorum, & ut alibi docuimus, eloquentissimus: cuius sapientia, & eloquentia vsus est Sap. 9. Deus ad populum suum recte gubernandum. Hanc sapientiam summis precibus Salomon postulauit a Deo, 3. Reg. 4 eamque diuinitus obtinuit; & ideo hominum sapientissimus non Dæmonis oraculo, ut Socrates, sed veri Dei testimonio vocatus fuit: Vnde de omnibus plantis, iumentis, volucris, reptilibus, & piscibus discerebat;

bat: ac proinde ex cunctis populis ad eum veniebant ;
 vt eius sapientiam audirent: Ideo de se aliquando scri-
 bendo dixit , Ipse enim dedit mihi eorum quæ sunt
 scientiam veram ; vt sciam dispositionem orbis terra-
 rum, & virtutes elementorum, & quæ apud ipsum se-
 quuntur , in longa rerum quæ in Philosophia tractan-
 tur enumeratione. Iobum & eius amicos viros illustres
 in Philosophicis fuisse valde instructos, ex illa grauissi-
 ma, & eruditissima , atque eloquentiæ plenissima di-
 sputatione, quam inter se habuerunt, plane cognoscere
 licet. Denique, accedat figura illa de captiua quæ visa
 fuerit pulchra, in vxorem ducenda, rasa cæsarie, circum-
 cis vnguibus, veste qua cum capta fuit deposita, & pa-
 rentibus per mensem defletis . Si autem amaueris ca-
 ptiuam mulierem, ait Hieronymus , hoc est sapien-
 tiam sæcularem, decalua eam, & illecebras crinium, at-
 que ornamenta verborum cum emortuis vnguibus ,
 seca . Laua eam prophetali nitro, & tunc requiescens
 cum illa, dicito, sinistra eius sub capite meo, & dextera
 illius amplexabitur me: & multos fœtus captiua dabit,
 & de Moabitide, fiet Israelitis.

Sap. 7.

Deut.

21.

Ad Pã-
dach.

SECUNDO, eandem veritas confirmatur , sacro-
 rum Conciliorum, & canonum, in quibus sancitum est,
 vt etiam ij qui sunt initiati sacris in studia humanæ
 Philosophiæ incumbant. Possem hoc loco multa adscri-
 bere testimonia, quod non facio, ne in re non neces-
 saria immorer .

Florent.

Trident.

Leg. Cã.

lib. 9. de

loc. c. 9.

TERTIO loco accedat auctoritas sanctorum pa-
 trum: Cirillus Alexandrinus , copiose hanc veritatem
 demonstrat; qui auctor de hac re est omnino legendus:
 & inter alia docet, Philosophiã fuisse pædagogum Græ-
 corum ad Christum: fuisse datam Græcis a Deo vsque
 ad aduentum Domini. Alio loco reprehendit eos , qui
 Philosophiam græcam timent, uerentes ne ab ea abdu-
 cantur; eosque pueris comparat, qui laruas formidant:
 Idem , græcam Philosophiam comparat oleastro , qui
 more arborum agrestium, multum nutritur, & attrahit,

Libr. 2.


stro.

Libr. 6.

stro.

D

quod



quod concoquere non potest, sicut satina, at si inferatur, concoquit; sic Philosophus, si inferatur fidei. Itē, ait Philosophiam esset donum Dei datum Græcis, sicuti Iudæis data fuit Lex. Iustinus Martyr in colloquio cum Triphone, paullo post principium, approbat Philosophiam, eamque hunc in modum describit, Philosophia est entis scientia, & veritatis notitia, cuius sapientiæ præmium est felicitas. Hieronymus, quid de hoc studio senserit, sententia paullo ante allata plane docuit. Locupletissimum testimonium ad hanc veritatem confirmandam sit tota Academia Alexandrina a diuo Marco instituta, in qua & litteris & sapientiæ humanæ opera dabatur; vnde tanquam ex quodam equo Troiano doctissimi patres, diuinis & humanis disciplinis armati prodire, ad nostram religionem contra impugnatores tuendam; ut, Clemens Alexandrinus, Origenes, Hæraclas, Panterius, Tryphon, Dionysius, Anatorius, Theonas, Athanasius, & alij. Et ut, Augustinum, Ambrosium, atque alios Latinos patres omittam, quid de hoc studio sentiendum sit, plane colligitur ex aureo illo libello, quem de consolatione Philosophiæ, vir doctrina & pietate illustris composuit Boetius. Postremo, optima ratio sumitur ex utilitate, & necessitate huius studij, de quibus infra dicemus.

Iuseb.
Hier.
lib. de eccl. scrip.

SECUNDA positio humana Philosophia, siue generum doctrina, non ideo est reiiciensa, quod nihil habeat certi, uel explorati, nec ob eandem causam ab ea abstinendum, uel omnino uana nuncupanda est. Hoc, affirmauerim contra eos, qui plus iusto Gentium doctrinam damnant, & humanam sapientiam minus faciunt, quam facienda est. Primum, si ista doctrina, uniuerse loquendo, nihil certi & explorati habuit, cur Paulus dixit, Philosophos ex ipsa rerum creatione cognouisse inuisibilia Dei? cur eos inexcusabiles appellat, quod non ut cognouerunt, ita coluerint Deum? Cur idem dixit, Deum non deseruisse Gentes & non sine testimonio semetipsum reliquisse, benefaciens de cœlo,

Rom. 2.

lo, dans pluuiâ & tempora fructifera: ac si dixisset, De-
um per res creatas quarum noticiam philosophando
acquirimus, sui cognitionem omnibus præbuisse; quâ
cognitionem aliquando regius Propheta, cum doctri-
na reuelata contulit, & creaturas quasi quosdam Dei Psal. 118.
concionatores ad homines loqui dixit, cū cecinit, Cœli
enarrât gloriam Dei, & opera manuum eius annunciat
firmamentum: dies diei eructat verbum, & nox nocti,
(hoc est, omnes dies noctesque) indicant scientiam.
En vt Propheta vocat scientiam eam quæ per creatas
res habetur: quæ ita loquantur, ita concionantur, vt
nulla sit natio quæ earum loquelam non audiat, non
intelligat. Et alio loco, quem animaduerti vellem, ex Ps. 138.
sui ipsius cognitione, hoc est ex illa admirabili hominis
formatione, atque textura humani corporis in utero
materno, se in quandam admirabilem Dei noticiam
peruenisse ait. In quam etiam Galenus ob eandem causam
aliquando venit. Cur Salomon, si philosophica do- Sap. 13.
ctrina est omnino vana, Vanos vocauit homines, in qui-
bus non subest scientia Dei? Quod de his quæ videntur
bona, non potuerint intelligere enim qui est; neque ope-
ra attendentes agnouerint, quis esset artifex: quam ve-
ritatem certissimum est Philosophos cognouisse: sed
eos reprehendit sapiens, qui stulte idola & res creatas
pro vero Deo colebant, quod sane non fecissent, si Phi-
losophiæ doctrinam tenuissent. Denique, si Gentium
Philosophia est omnino incerta & uana, cur tot patres
in eam incubuerunt? Cur viri docti, & pii eam suis cõ-
mentarijs illustrarunt? Cur tam multa nostra Theolo-
gia ab ea accipit? Quis uana omnino vocet, quæ Aristo-
teles docet de moribus, quæ Cicero de animorum im-
mortalitate, de officijs, de affectibus cõprimedis, de bea Arnob.
ta uita, de legibus, quæ denique de Deo, contra Epi- lib. 3.
cureos, contra Stoicos, & contra idololatrias, in libris de adu. gē.
natura Deorum docuit: in quibus, ut quidam scribunt, Geneb.
se ipsum uicit, & nostris ad idololatriam expugnandam lib. 2.
arma parauit; ita vt aliqui eos per Senatum abrogâdos chron.

esse censuerint. Caueant igitur qui contra sentiunt, ne in eorum errorem incidant, qui per vires naturæ nullam veritatem speculatiuam, vel practicam cognosci posse male existimarunt. Et quoniam quæ tota hac disputatione docuimus, adhuc ex ijs quæ de vtilitate & necessitate Philosophiæ dicemus, nota fient, ideo ad alia pergemus, si prius argumentis in contrarium allatis responderimus.

Lege

Can. lib.

9. d. loc.

cap. 9.

Ad primum, primus locus intelligitur de muliere meretrice, vt ex consequentibus patet: & si mystice intelligeretur de sciētia humana, nō ab omni humana doctrina cauendum est, sed a falsa, a sophistica, & a garula loquacitate, quæ nos decipere potest. Non est itaq; vt quidam scribit, Philosophia meretrix illa vaga & garula, quietis impatiens, procax, blanda, adulatrix, preparata ad decipiendas animas: sed, si quid tale est, est illa Thamar, quæ caussa prolis sedet in triuiu, ad quam studiosus, & fidelis Iudas declinauit, indeque genuit Phares, & Zaram, qui in Euangelijs memorantur. Non sunt Musæ scirenes, vt est apud Pythagoram: Castæ sunt meretrices, veraces sunt, non fallaces: Qui sirenum cantibus delectantur, hi sunt in vitio, qui Musas amant, in vitio non sunt. Secundus, intelligitur de humana sapientia ad hunc sensum, quod adueniente sapientia Christi, humana perderetur sapientia, quantum ad humanum sensum, in credendis mysterijs diuinis, quæ humana ratione percipi non possunt: quod Philosophi fecerunt, cum captiuarunt, vt Paulus loquitur, intellectum in obsequium fidei. Opus. n. fuit, sapientes stultos fieri propter Christum, vt suam perficerent sapientiam. Tertius locus quo modo intelligendus sit, patet ex dictis: ideo enim euanuisse ait, quia quod cognouerunt, opere non compleuerunt. Quartus, intelligitur de falsa & corrupta Philosophia, quam inanem fallaciam Paulus vocat, & de ea falsæ Philosophiæ parte, quæ mundi elementa obseruat, qualis est iudiciaria Astrologia, nunquam satis damnata. Quod scientia dica-

Lact.

tur inflare, intelligitur hic locus de vana persuasione scientiæ: eos enim inflatos vocamus, qui vana scientiæ existimatione sunt repleti, nō illos qui solido doctrinæ cibo nutriuntur.

Ad secundum, Patres non Philosophiam, hoc est verę sapientiæ studium, sed malos Philosophos damnant, ab causis supra numeratas: non Philosophiam, sed Philosophiæ abusum; non veram sapientiam, sed sophisticam erroribus contaminatam. Et si quid grauius dixerunt, pietatis uelo dixerunt; ut priuatim Tertullianus, cum videret per Philosophiam impietatem foueri, & ex Philosophis quosdam primo contra ueritatem insurrexisse. Quid autem in hac re senserit, tunc plane exposuit, cum dixit, Ita nos rethoricari quoque provocant hæretici, sicut & philosophari. Quando autem, uel Patres, uel Concilia docent Gentium libros non esse legendos, de illis loquuntur libris, qui sunt minus utiles: de illis, quorum lectio potest mores corrumpere, ut Comicorum, & Poetarum, ut Lucretij hominis Epicurei, in quo legendo, explicando, & emendando qui plus diligentia, quam in bonorum lectione ponunt, facile ad Epicureum gregem se conferunt.

Ad tertium, eodem modo intelligendi sunt Philosophi, & Gentium scriptores, qui non veros Philosophos, sed Sophistas Philosophiæ corruptores, non Philosophiam, sed pseudophilosophiam, & speciatim Platonem, tum in Sophista, tum in Gorgia, damnant. Alias, cur tanto cum labore exterarum nationes adeundo Philosophiam perquisiuisent, & summis laudibus celebrassent? Epictetus autem eos Philosophos irridendos esse putauit, qui aliter viuunt, quam docet: & sane nihil magis ridiculum excogitari potest, quam profiteri sapientiam & stulte ac inscienter viuere. Cum sapienter quidam dixerit.

Enni,

Qui sibi ipsi prodesse nequit, nec quicquam sapit.

In summa, ut cum Platone concludam, cur aliqui sint mali, non est Philosophiæ culpa.

Dia. - 6
rep.

Plut. de
apoph.
regum.

A D quartum, a ciuitatibus illi fuerunt exclusi Philosophi, quorum Philosophandi ratio supra in secundo fundamento, quarto loco fuit explicata; Sophistæ nimirum ciuitatum lues & peltis. Contra vero boni Philosophi a bonis principibus in pretio sunt habiti, vt ab Augusto, a Traiano, & ab Antonino, vt alios missos faciam.

Clem.
Alex. in
admon.
Aug. de
ciu.

A D quintum, quod attinet ad certitudinem, patet ex ijs quæ diximus in secunda positione. Pernegamus igitur, nihil esse in Philosophia certum: cum multa sint in confesso, & explorata: neque enim attendendum est quid vnus uel alter dicit, sed quid meliores communiter docent. Quod spectat ad Philosophorum mores, quid dicendum sit patet ex primo fundamento. Quod autem aliqui pro Atheis habiti fuerint, quidam e nostris eos defendunt, quod Deos a Gentibus cultos damnare uoluerint: negantes eos esse Deos, quos illi colebant, cum omnes mortales fuerint, vt ex Eumero, docet Augustinus. Et hic sit huius questionis terminus.

Quam utile, quamque fructuosum sit Philosophia studium. Cap. X.



TS I multiplices Philosophiæ utilitates, quasi quædam lucidissimæ stellæ in firmamento veritatis sitæ, omnes in partes collucescent, seque mortalium oculis conspiciendas præbent: tamen, cum a multis vel ob ignorantia caliginem, uel ob humanarum perturbationum agitationem non videantur, non ludemus operam, si eas propius spectandas proponemus. His etenim cognitis, facilius homines sapientiæ studium probabunt, ac sibi retinendum putabunt, atque tot tantarumque utilitatû mole perspecta, non modo ad illud colendum allicientur, sed etiam permouebuntur. Et vt de re præposita in vtranque partem disputem, priore loco quædam argumenta proponam, quæ hoc studium inutile esse probabunt.

P R I -

PRIMUM, si Philosophia esset utilis, maxime ad bene beateque viuendum, vt omnes fatentur Philosophi; atqui videmus solius Philosophiæ studium id non præstare, cum non soleant multum pietate excellere, qui Philosophica tractant, igitur. Vt omittam, esse certa fide tenendum, nos per solâ humanam notitiam nihil posse præstare, quod proxime Deo placeat; cui quod non placet, in bonorum numero poni non debet.

Cic.
Tul. 5.

SECUNDO, Philosophorum scripta sunt multis erroribus referta, ut postea patebit, cū de illis agā; præferim eorum libri, qui quotidie manibus teruntur; vt Aristotelis, Platonis, M. Tulij, & aliorum, qui hac de re aliquando scribendo dixit, Sed nescio quomodo, nihil tam absurdum dici potest, quod non dicatur ab aliquo Philosopho.

Lib. 2. d
diu.

TERTIO, qui Philosophicis studijs se dedunt, exponunt se periculo, ne rationes quas contra veritates nostræ religionis Philosophi facere solent, animū occupent, & a veritate abducant: periculum autem nō est amandū, ut Sapiens monet, ne in eo pereamus, igit.

DENIQUE, ne plures rationes adducam, multi ita disputant; Philosophia opes non parat. nec honores præbet, & consequenter nullam delectationem affert: Hinc dictata illa, Dat Galenus opes, & Iustinianus honores: Philosophia, nuda ac pauper oncedit. Hac ratione quamplurimi adauersi, potius Medicinæ, vel iuris prudentiæ, quam Philosophiæ se dedunt: & si qui sunt, qui in eam incumbant, pauca quædam attingunt, quibus in alijs doctrinis quæ, vt loquuntur, sunt de pane lucrando, vtantur: & ita eam partem quæ diuina tractat, & eam quæ ad mores pertinet, non attingunt, sed a longe saluant. Addeunt etiam aliqui, hoc studium, vt nimis arduum & insuaue obesse corpori, & vitam breuiorem reddere: & ideo Philosophi semper sunt vultu mæsto, macilento, atque toto corpore infirmo. Et hæc pauca argumēta in contrariam partē attulisse sufficiat.

QVOD vero ad opiniones attinet, ex proxima di-

sputatione constat, quid nonnulli de Philosophiæ utilitate senserint: & in summa, alij ob imprbitatem ac peruerfitatem eam reijciunt: alij vero, quod non eos fructus afferat quos homines, ut plurimum desiderant, honores & opes: quibus, ut plene respondeamus, nonnulla subiijcienda sunt fundamenta.

Tuf. 3. PRIMVM fundamentum, Iure quidem optimo ab Romanæ eloquentiæ & sapientiæ principe aliquando quæsitum fuit, quidnam causæ esset, cur, cum ex animo & corpore constemus, corporis curandi tuendique causâ quæsitâ sit ars atque eius utilitas deorum inuentioni consecrata: animi autem medicina, nec tam desiderata sit, antequam inuenta, nec tam culta, postquam cognita est, nec tam multis grata & probata, pluribus etiam suspecta & inuisa. An, inquit ipse, quod corporis grauitatem & dolorem animo iudicamus, animi morbum corpore non sentimus? Quod autem hominum animi varij sint affecti morbis, ac proinde aliquo Medico, ac medicamento egeant, non modo qui diuino lumine sunt illustrati, qui unde oēs in naturâ dimanarint morbi norunt; sed et abj, qui solâ naturæ luce usi sunt, q. naturâ integrâ nos accepisse dixere, & eâ aliunde corrumpi, ut nutricum moribus, magistrorum erratis, poetarum lectione, & denique populi, seu multitudinis ad omnia vitia consentientis exemplo, idem existimarunt. Cur autem non ita de animi cura, sicut de corporis integritate sumus solliciti, ea est ratio, quod quanta sit morborum animi turpitudine atque magnitudo non videmus. An corporis prauitates, ait Cicero, si erunt perinsignes, habebunt aliquid offensionis animi deformitas non habebit? Cuius turpitudine ex ipsis vitijs facillime percipi potest. Quid enim foedius auaritia? quid immenius libidine? quid cōtemptius timiditate? quid abiectius tarditate & stultitia dici potest? Et quod nostræ naturæ vitium auget, id est, quod primos annos non ex ratione, qua ut cum maxime egereamus, sed ex sensibus viuimus: quos etiam integros habemus,

**Lib. 1. d
leg.**

bemus, quos non parens, non nutrix, non magister, non poeta, non scæna deprauat, non multitudinis consensus abducit a vero : animis omnes tenduntur insidiæ, vel ab ijs, quos modo numeravi, qui teneros & rudes cum acceperunt, inficiunt & flectunt, vt volunt : vel ab ea quæ pœnitus in omni sensu implicata insidet imitatrix boni voluptas, malorum autem mater omnium: cuius blanditijs corrupti, quæ natura bona sunt, quia dulcedine hac, & scabie carent, non cernimus satis, quæ dominante, temperantiæ, hoc est virtuti, quæ turpiter & nequiter facere nihil p̄mittit, nullus est oïno locus: nec in uoluptatis regno uirtus p̄t cōsistere: quæ nulla est alia menti capitalior pestis: cū qui ad eā pecudū more suas cogitationes abiecerūt, nihil altū, nihil magnificū, atque diuinum suscipere possint. sensuum itaque uoluptate & titillatione animus commotus, totus rationis status, atque cōsensus perturbatur, & a sua téperatione dimouetur; vnde omnes perturbationes ebulliunt: ac proinde aliqui cunctarum perturbationum fontem intemperantiam faciunt: quæ nihil aliud est, quam a tota mente, & a recta ratione defectio, sic auersa a præscriptione rationis, vt nullo modo appetitiones animi, nec regi, nec contineri queant. Quemadmodum igitur temperantia sedat appetitiones, & efficit, vt hæ rectæ rationi pareant, cōseruatque considerata iudicia mentis: sic huic inimica intemperantia omnem animi statum inflamat, conturbat, incitat. Itaque & ægritudines, & metus, & rel. quæ perturbationes omnes gignūtur ex ea. Quemadmodum cum sanguis corruptus est, aut pituita redundat aut bilis, in corpore morbi, ægrotationesque nascūtur: sic prauarū opinio-num conturbatio, & ipsarum inter se repugnantia, sanitate animum spoliât, morbisque perturbat. Ex perturbationibus autem primum morbi conficiuntur, quæ vocant illi *νοσηματα*; eaque, quæ sunt eis morbis contraria, quæ habent ad res certas vitiosam offensionem, atque fastidium; deinde ægrotationes, quæ appellant a

Cic. lib.
2 d leg.

Cic. de
sen.

Cic. de
amic.

Cic.
Tul. 4.

Stoicis ἀπ' ὁμοιωμάτων; his que item oppositæ contrariæ offensiones. Quamobrem cum animi sint morboſi, his nulla erit adhibenda curatio? Vtrum, quod minus noceant animi ægrotationes, quam corporis? an quod corpora curari poſſint, animorum nulla medicina ſit? At, & morbi pernicioſiores pluresque ſunt animi quam corporis: & cum animus ipſe corporis medicinam inuenerit, & ad corporum ſanationem, multum ipſa corpora & natura valeant; nec omnes qui ſe curari paſſi ſunt, continuo etiam conualeſcant; animi quoque ſanari poterunt, & ſi ſanari voluerint, ſine vlla dubitatione ſanabuntur. Quorum ſanitatem in tranquillitate quadam, conſtantiaque poſitam eſſe ſapientes cenſuere; quibus rebus vacuam mentem inſaniam appellarunt; propterea quod in perturbato animo, ſicut in corpore, ſanitas eſſe non poteſt. Nec minus illud acute, quod animi affectionem, lumine mentis carentem, nominarunt amentiam; vnde intelligi poteſt, omnes inſipientes eſſe non ſanos, & ſapientiam eſſe animi ſanitatem, inſipientiam vero inſanitatem quandam, quæ eſt inſania atque dementia. Sed vnde nam petenda ſunt animorum medicamenta? ab ea ſane arte quæ id proſitetur, vt animorum morbos curet, quæ eſt ipſa philoſophia, id quod omnes ſcriptores fatentur. Eſt, inquit Tullius, proſecto animi medicina Philoſophia: cuius auxilium, non vt in corporibus petendum eſt foris: omnibusque opibus, viribusque, vt noſmetipſi nobis mederi poſſimus elaborandum eſt. Si igitur morboſi ſumus, ſi animorum morbi ſunt periculoſiores, quam corporis, ſi omnes facilius curari poſſunt, modo velint, quis ita ſtultus & ſibi inimicus erit, qui inde nolit medicinam petere, vnde petenda eſt; & eo remedio vt, quod nobis diuinitus eſt paratum? Vnde ſapienter alio loco idem Tullius ſcripſit, Omnium autem rerum natura cognita, leuamur ſuperſtitione, liberamur mortis metu, non conturbamur ignorantia rerum, e qua ipſa horribiles exiſtunt ſæpe formidines;

nes;

Cic.
Tul. 3.Cic.
Tul. 3.Plat.
Boet.
Tul. 3.Lib. 1. d
fin.

nes: denique, etiam morati melius erimus, si didicerimus quæ natura desideret. Patet ergo, quam non modo utilis, sed etiam necessaria censenda sit Philosophia, vera nimirum sapientia, nobis primo a Deo animarum curatore pro medicina concessa.

S E C U N D U M fundamentum, quamvis multiplices sint animorum ægritudines: tamen omnes ad tres radices renocare licet; ad pecuniæ, honorum, & carnis cupiditates: quibus omnibus morbis, uel si item aliquo cum omnes fere homines teneantur, & de eorum curatione non multum curent; hinc est, ut erga eam artem parum sint affecti, quæ ad hos morbos curandos medicamenta præbet, & ista bona, (si in bonis habenda sunt, quæ nihil habent boni) parui facienda docet. Quare, ut in postremo disputabatur argumento, qui pecuniæ cupiditate, qui honorum desiderio, & voluptatum libidine tenentur, Philosophiam morborum curatricem parum amant, immo, quasi furore correpti, damnant, reiiciunt; dicuntque ideo non esse calendam, quod nec opes, nec honores, nec delectationem ullam secum afferat. Sed quod has ob causas non sit reiicienda, ut istorum insaniatem sanem, paucis docebo. Quod igitur ad diuitiarum appetitionem attinet, facile hunc morbum curaret, qui animaduerteret, non esse in bonis habendum, quod non efficit bonum, & est commune cum malis: Alexandrum nihilo effectum fuisse meliorem, post tot habitas uictorias, post tot acquisita regna, & adeptos honores: opes potius improbitatis, quam probitatis esse ministras: pallio & cibo tenui paucisque rebus naturam esse contentam: naturales diuitias cuique esse parabiles, & eas nemini deesse: cum fame & siti suauissime edi & bibi: sobrietatem vitæ, cuius gratia omnia quæuntur, esse conseruatricem, & virtutis omnium bonorum finis tutricem: ut merito, voluptatum magister Epicurus multo plura quàm quicuis alius de tenui victu dixerit: Qui, inquam, mentem ejus qui multo cibo, & potu fuerit reple-

1. Ioã. 2.
Cic.
Tul. 3.
& 5.

Isac. O.
rat. ad
Demõ.

repletus, suo officio fungi non posse intelligeret, & afotos sudantes, cacchinnates, ructantes, & libidine ardentes videret: qui denique sciret omnes sapientes paupertate delectatos fuisse, Anacharsim, Democritum, ut ex eorum epistolis ad amicos scriptis constat, & ceteros omnes; quorum nemo, ut Cicero ait, paupertatem extimuit; adeo ut aliqui, nec bona quidem dicant, ea quæ isti admirantur, & quærunt; sed in animo reponunt omnia: cuius bona qui videret, hæc sola expeteret, hæc sola vere locupletem facere confiteretur, & cum illis omnia alia accedere, una cum Sapiente existimaret. Nam, cum nihil animo melius sit nobis a natura tributum, ea in diuitijs habenda sunt, quibus non arca, sed animus repletur. Potuerunt igitur antiqui Philosophi solo naturæ lumine bona externa parui esse facienda cognoscere, ac etiam parui fecerunt, ut Anacharsis, ut Socrates, ut Democritus, ut ille qui ne a pecunijs perderetur, eas in mare proiecit, denique omnes fere omnium disciplinarum magistri, illis solis demptis, quos a recta ratione natura vitiosa detorsit, & nostri maiore lumine illustrati, & viribus maioribus muniti, idem efficere non poterunt? & Philosophiam, ut pauperem contemnent? cum paupertas bonarum artium inuentrix, virtutum conseruatric & cultrix semper extirerit? Dies deficiet, si uelim paupertatis causam defendere, sed non est opus multis: aperta enim res est, et quotidie nos ipsa natura admonet, quam paucis, quam paruis rebus egeat, quam vilibus. Et ut hunc locum de paupertate concludam, quis nostrum non admiretur, & uerecundia non perfundatur, qui hanc diuinam hominis Alienigenæ sententiam animaduernerit?

Tusc. 5.

Sap. 7.

Cic.

Tusc. 5.

Cic. loci
cit.

Horat.

li. 3. car.

*Quanto quis sibi plura negauerit,**A Dis plura feret. Nil expientium**Nudus castra peto: & transfuga, diuitium**Partes linquere gestio.*

S E D non de populari rumore famaue dicamus,

quæ

quæ tanquam temeraria & inconsiderata plerumque peccatorum vitiorumque se laudatricem præbet. Hunc morbum is facile curaret, qui animaduerneret populari famam esse inconstantem umbram: qui consideraret imperitæ multitudinis iudicium esse incertum: qui miserum putaret, aliunde uiuendi suspensas habere rationes: & multis eos vacare molestiis, qui cum populo multorum capitum bellua, nihil omnino contrahunt. Multi inhonorati proferuntur, & quidem propter id ipsum beatiores: eorum, qui priuatum otium negocijs publicis antetulerunt, nominatim vita laudatur: nec siletur illud potētissimi Regis anapæstum, qui laudat senem, & fortunatum esse dicit, quod inglorius sit atque ignobilis ad supremum diem peruenturus. Num igitur, ait Cicero, ignobilitas aut humilitas, aut etiā popularis offensio sapientem beatum esse prohibebit? vide, ne plus commendatio in vulgus, & hæc quæ expetitur gloria, molestiæ habeat, quam voluptatis. Leuiculus sane noster Demosthenes, qui illo susarro delectari se dicebat, aquam ferrentis mulierculæ, ut mos in Græcia est insusurrantisque alteri, Hic est ille Demosthenes. Quid hoc lenius? at quantus orator? Sed apud alios loqui videlicet didicerat, non multum ipse secum. Intelligendum est igitur, nec gloriam popularem ipsam per se expetendam, nec ignobilitatem extimescendam. Veni, inquit Democritus, Athenas, nec me quisquam ibi nouit: Constantem hominem & grauem, qui gloriarietur a gloria abfuisse. An tibicines, ijque qui fidibus utuntur, suo non multitudinis arbitrio cantus numerosque moderantur? uir sapiens, multo arte maiore præditus, non quid verissimum sit, sed quid velit vulgus exquireret? An quidquam stultius, quam, quos singulos sicut operarios barbarosque contempnas, eos aliquid putare esse vniuersos? Denique, ne in amplo loco diutius uagemur, is de populari gloria colligenda parum esset sollicitus; qui non innanem gloriæ imaginem, sed solidam gloriam, expressam, non adumbratam, quæ est co-

Horat.
Tul. 3.

Tuul. 4.

Cic.
Tul. 11.

sentiens

Chryf.

Pluta in
M. Ant.
Plut. in
Alex.

Cic.

Tuf. 3.

sentiens laus bonorum in corrupta uox bene iudicantiam de eccellente virtute, neceſſario ipſam ſapientiã, veramque virtutem ſequi animaduerteret, eamque ſu-
gientem ſequi, & ſequentem fugere. Ac proinde boni Philoſophi doctique viri ſua gloria non fuerunt defraudati, ſed a Principibus laudati. Dionyſius honorauit Platonem, Pompeius Poſſidonium, Leon Pythagoram, Octauius Arium, M. Antonius Ruſticum, Traianus Zenonem Sophiſtam, Alexander Ariſtotelem, & Gymnoſophiſtas, quos non affecit pœna, vt poterat, ſed cū præmijs, ſolutis ab ſe propoſitis quæſtionibus dimiſit. Populus Romanus M. Tullium, quem patriæ parentem appellauit: Athenieſes Zenonem, & Demetrium, cui trecentas & ſexaginta ſtatuas erexerunt. In ſumma, domus, bibliothecę, & ſacra templa, doctorum hominum ſignis & imaginibus ornantur. Effluat igitur ex animo inanis laudis gloriæque fallacis tumor; cum neceſſe ſit animum inflatum & turgentem in vicio eſſe, ſicuti manus, aliudve corporis membrum, cum turgescit; atque vera ſapientia, veriſque virtutibus repleatur, vnde vera conſequitur gloria, ac etiam vera delectatio, vt poſtea dicetur. Et vt cum Politiano, iam tractatos locos concludant,

*Felix ille animi, diuiſque ſimilimus ipſis.
Quem non mendaci reſplendens gloria fuco,
Sollicitat, nec faſtoſi mala gaudia luxus:
Sed tacitos ſinit ire dies, & paupere cultu.
Exigit innocua tranquilla ſilentia vita.*

C O N T R A corporis voluptates, ad quas natura, non homines, ſed beſtias abiecit, nihil in præſentia diſputare volo, alibi aliquid dicam.

T E R T I U M fundamentum, in quo breuiter indicabo, vnde omnis dimanet error eorum, qui a Philoſophia corporis & fortunę bona expectanda putant. Animaduertendum itaque eſt, in eo Philoſophiam a cæteris humanis artibus vtilitatis, vel voluptatis gratia conquiſitis diſferre, quod hæ non ſunt per ſe expectendæ,

tende, sed ideo expetuntur, quia emolumentum, aut delectamentum aliquid afferunt, quo remoto, nihil esset quamobrem expetantur: Philosophiæ vero possessio, cum sit humanæ naturæ naturalis finis, ipsa per se expetenda est, nec aliquid aliud ab ea requirendum, aut expectandum in vita, quam ipsa, cum sit nostræ naturæ vltima, quæ vi naturæ haberi potest, perfectio, atque absolutio, veri nimirum notitia, cum honesta viuendi ratione coniuncta. hoc. n. tandem est illud summum bonum quod meliores Philosophi homini proposuerunt, ad cuius consequutionem philosophandum esse statuerunt. Quare sapienter quidam, hac de re agendo, dixit, se non desiderare præmium, vbi res ipsa est præmium, sapientiæ videlicet & virtutis possessio; cum quia alia omnia comparata, sunt veluti umbra, vel ut quidam scripsit, nugæ, Quare merito de eadem virtute quidam cecinit.

Ang Po
lit. præf.
in Hom.

*Ipsa quidam virtus precium sibi, solaque late
Fortuna secura nitet, nec fascibus ullis
Erigitur, plausuue petit clarescere vulgi:
Nil opis externa cupiens, nil inuida laudis,
Diuitijs animosa suis, immotaque cunctis
Casibus exalta mortalia despicit arte.*

Claud.
d. q. Ma
nil. con-
sul.

At si propter alias res Philosophia expetenda esset, aliquid ea melius esse necesse esset. Pecuniam ne igitur? an honores? an formam? an valetudinem? quæ, & cum adsunt, perparua sunt, & quandiu affutura sint, certum sciri nullo modo potest: An id quod turpissimum dictum est, voluptatem? at in ea quidem spernenda & repudianda, virtus vel maxime cernitur. Quæ regna, quas opes ait Tullius, de Philosophis loquendo, studijs eorum & delectationibus antepones? Etenim quæ pars optima est in homine, in ea situm esse necesse est illud quod quæris omnium optimum. Quid est autem in homine, sagaci ac bona mente melius? Eius bonum fruendum est igitur, si beati esse volumus. Bonum autem mentis est virtus; ergo, hac beatam vitam continere necesse.

Cic. lib.
1. de fin.
Tul. 5.

ri necesse est. Hinc omnia quæ pulchra, honesta, præclara, & plena gaudiorum sunt. Corporis igitur & externa bona humi iaceant, & tantummodo, quia sumenda sunt, appellentur bona; alia autem diuina longe lateque se pandeant, cælumque contingant; quæ qui adeptus fuerit, cur eum beatum modo, & non beatissimū etiam dixerim? Et hæc fere ex M. Tullio de re proposita disputantur. Et quamuis quæ in tribus fundamentis posuimus satis plane Philosophiæ utilitates, & delectationes demonstrēt; tamen, ut oculis eorum qui ista nō omnino vident, ea expressius proponantur, tres statuarum positiones, in quibus Philosophiæ utilitates ad hunc luculentius demonstrabuntur.

PRIMA positio, Philosophiæ possessio est bonum quoddam honestum & honorabile. Doctrina est manifesta, & satis confirmatur ex ultimo fundamento: quia, cum in ea consistat beata vita, necessario erit per se expetibilis, ut bonum honestum, naturæ maxime consentaneum, ac proinde honorabile. Et si quod nos dicimus, Aristoteles scientiæ de anima tribuit, quanto magis toti Philosophiæ, quæ non solum nostri, sed omnium diuinarum humanarumque rerum cognitionem, & omnes honestæ vitæ rationes continet,tribuendum erit? Sed quoniam ex ijs quæ deinceps dicemus hæc positio plenissime cōfirmabitur, ad alias p̄grediamur.

SECUNDA positio, Philosophiæ studium est maxime utile, ac fructuosum. Hæc positio ad quam probandam integer liber fieri posset, breuiter a nobis confirmabitur, quosdam indicando locos, quos qui copiose tractare volet, poterit. Antequam autem eos attingo, animaduertendum est, hominem constare animo, & corpore, & ex utraque parte esse imperfectum, ita ut nonnulli, qui, vnde ista imperfectio fluxerit, ignorarunt, naturam hominis noueram appellauerint. Ex parte animi in quo duæ resident agendi facultates, intellectus & uoluntas, perficitur rerum cognitione, veritate, nimirum, & virtute, moribusq; atque honesta
vita

Lib. I.
t. I.

Plin.

vita. Ex parte corporis, sensuum integritate, bonoque habitu: ad quas partes perficiendas, tanquam adiumenta quædam, ea iuuant bona, quæ fortunæ uocantur. Rursus obseruandum est, Philosophiam non solum prodesse ijs qui eam possident, sed etiam suas utilitates cum alijs, id quod est boni proprium, communicare. Quod igitur ad intelligentiam attinet, Philosophiæ beneficio, humana mens perficitur per cognitionem Dei, de quo hæc præcipue omnes meliores Philosophi docent, Deum esse, omnium rerum fuisse molitorem, easdem gubernare, & earundem, hominis præsertim, esse finem. Si, qui has veritates cognouerint, & quibus argumentis eas confirmanerint, ostendere vellem, longe a proposito abirem: uno igitur testimonio ero contentus ad singulas confirmandas. Cicerone latinæ Philosophiæ lumen, & Deum esse, & mundum fabricasse, & eiusdem curam gerere in libris de natura Deorum, & neruose, & ornatissime demonstrauit, quem locum qui uolet consulat. Alibi hæc præclarissima verba, in quibus omnia fere quæ diximus continentur, scripta reliquit. Sit igitur hoc iam persuasum ciuibus, dominos esse omnium rerum, ac moderatore Deos: ea quæ gerantur, eorum geri uinditione, atque numine, eosdemque optime de genere hominum mereri, & qualis quisque sit, quid agat, quid in se admittat, qua mente, qua pietate colat religiones, intueri, piorumque & impiorum habere rationem. his enim rebus imbutæ mentes haud sane abhorrebunt ab utili, & a vera sententia. Quid est enim verius, quam neminem esse oportere tam stulte arrogantem, ut in se rationem & mentem putet inesse, in cælo mundoque non putet, quem vero astrorum ordines, quem dierum nocturnumque vicissitudines, quem mensum temperatio quemque ea quæ gignuntur nobis ad fruendum, non gratum esse cogunt, hunc hominem omnino numerari qui decet, cumque omnia quæ rationem habent, præstent ijs, quæ sint rationis expertia, nefasque sit dicere,

Tul. in
li. de na.
deorū.

Libr. 2.
de leg.

ullam rem præstare naturæ omnium rerum: rationem
 inesse in ea confitendum est. Vtiles autem esse has opi-
 niones quis neget? cum intelligat quam multa firmen-
 tur iureiurando, quante salutis sint fœderūt religiones,
 quam multos diuini supplicij metus a scelere reuoca-
 rit, quamque sancta sit societas ciuium inter ipsos, dijs
 immortalibus interpositis, tum iudicibus, tum testibus.

Libr. 2.
 decr.

Quod autem omnia ad hominem, & ad Deum referan-
 tur, haud obscure indicauit, cum scripsit, Principio ip-
 se mundus deorum hominumq; causa factus est, quæ-
 que in eo sunt omnia, ea parata ad hominum fructum,
 & inuenta sunt. Refert Plutarchus, Alexandrum cum
 Psammonem Philosophum in Aegypto audiuiſſet, ex
 eius dictis præcipue hoc probasse, omnes mortales re-
 gi a Deo: quippe, quod in vnaquaque re imperat & do-
 minatur, est diuinum, cūctorumque mortalium Deum
 esse communem parentem, sed peculiariter sibi ado-
 ptare optimum quemque. Denique, mens perficitur ex
 rerum creatarum intelligentia, in quibus contemplan-
 dis potissimum est occupata: per quarum cognitionem
 in rerum omnium auctorem & rectorem Deum perue-
 nit: Est enim hæc rerum vniuersitas veluti quidam ma-
 ximus & explicatus liber, & creatæ res quasi literæ ac
 dictiones, quæ Dei sempiternitatem, potentiam, bo-
 nitatem, simplicitatemque manifestant. Et vt de sole
 illud priuatim dicam, Quid est aliud sol, nisi speculum
 quodam diuinæ lucis & claritatis in cœlo collocatum?
 vt ex eius magnitudine, præstantia, atque efficientia,
 in cognitionem eius a quo fuit fabricatus peruenia-
 mus: Cum res singulæ, & speciatim cœlestes, sint velu-
 ti scintillæ quædam diuinæ, & æternæ lucis: ac proinde
 earum sapientissimus artifex,

Sap. 2.

Rom. 1.

Psal. 18.

Plutar.

*Os homini sublime dedit, cœlumque uidere
 Iussit, & erectos ad sidera tollere vultus.*

Est etiam hæc rerum pulchritudo, atque orna-
 tus, quasi tabula quædam in qua admirabili arte variæ
 sunt pictæ rerum imagines, per quas pictoris cernitur
 præ-

præstantia. Postea Philosophiæ beneficio homo venit in cognitionem sui ipsius, qua nulla potest esse fructuosi- Plat. Al
 fiori, ac proinde illas quinque quæstiones, quæ de ho- cib. 1.
 mine fieri solent, plane intelligit. Vnde veniat, quid sit,
 ubi sit, quo uadat, & per quam viam. Quas omnes, aut
 expresse, aut tacite exposuit M. Tullius cum scripsit, Lib. 2. d
 Ita fit mater bonarum omnium rerum sapientia: a cu- legib.
 ius amore, græco uerbo, Philosophia nomen inuenit:
 qua nihil a dijs immortalibus vberius, nihil florentius,
 nihil præstabilius hominum uitæ datum est. Hæc .n.
 vna nos, cum cæteras res omnes, tum quod est difficil-
 limum docuit, vt nosmetipsos nosceremus: cuius præ-
 cepti tanta vis, tanta sententia est, vt non homini cui-
 piam, sed Delphico deo tribueretur. Nam qui se ipse
 norit, primum aliquid se habere sentiet diuinum, in-
 geniumque in se suum, sicut simulacrum aliquod dedi-
 catum putabit; tantoque munere deorum, semper di-
 gnum aliquod & faciet, & sentiet: &, cum se ipse per-
 spexerit, totumque tentarit, intelliget quemadmodum
 a natura subornatus in vitam venit, quantaque instru-
 menta habeat ad obtinendam, adipiscendamque sa-
 pientiam: quoniam principio, rerum omnium quasi
 adumbratas intelligentias animo ac mente concepe-
 rit, quibus illustratis sapientia duce, bonum virum, &
 ob eam ipsam causam cernat se beatum fore. nam cum
 animus, cognitis perceptisque virtutibus, a corporis
 obsequio, indulgentiaque discesserit, voluptatemque,
 sicut labem aliquam, decoris oppresserit; omnemque
 mortis, dolorisque timorem effugerit, societatemque
 caritatis coierit cum suis; omnesque natura coniunctos
 suos duxerit, cultumque deorum, & puram religionem
 susceperit, & exacerit illam, vt oculorum, sic ingenij
 aciem ad bona deligenda, & reiicienda contraria, quæ
 virtus ex prouidendo appellata est prudentia: quid eo
 dici, aut cogitari poterit beatius? idemque cum cæ-
 lum, terras, maria, rerumque omnium naturam per-
 spexerit, eaque vnde generata, quo reditura, quando,

Lib. 5. d.
fin.

lege lib.
d inter.
hom.
cap. 2.
Lib. 2.
Tul. 9.

quo modo obitura quid in ijs mortale & caducum, quid diuinum æternumque sit, viderit; ipsumque ea moderantem & regentem pœne prehenderit; seseque non vnis circumdatum mœnibus popularẽ alicuius definiti loci, sed ciuem totius mundi, quasi vnus vrbs agnouerit: in hac ille magnificẽtia rerũ, atq; in hoc cõspectu, & cognitione nature, dij immortales, quã se ipse noscet, quod Apollo p̃cepit Pythius; quã contemnet, quam despiciet, quam pro nihilo putabit ea, quæ vulgo dicuntur amplissima? Ad hanc sui notitiam, cum nos a principio fugiat, per rerum externarum cognitionem perueniendum esse, idem Tullius aliquando copiose docuit, & concludendo dixit, Intrandum est igitur in rerum naturam, & penitus quid ea postulet peruidendum, aliter enim nosmetipsos nosse non possumus. Quod præceptum quia maius erat, quam vt ab homine videretur; iccirco assignatum est Deo. Iubet nos Pythius Apollo, (sed ante ipsum, ut nos alibi docuimus, diuinus spiritus) noscere nosmetipsos. Cognitionis autem hæc est vna, vt vim nostri corporis, animique norimus, sequamurque eam vitam, quæ rebus ipsis perfruatur. Et alio loco, Est illud quidem, vel maximũ, animo ipso animum videre. Et nimirum hunc habet vim præceptum Apollinis, quo monet, vt se quisque noscat. Non. n. credo id præcipit, vt membra nostra, aut staturam, figuramve noscamus: neque nos corpora sumus, neque ego tibi dicens hoc, corpori tuo dico. Cum igitur, nosce te dicit, hoc dicit, nosce animum tuum. Nam corpus quidem quasi vas est, aut aliquod animi receptaculum: ab animo tuo quidquid agitur, id agitur a te. Hunc igitur nosse, nisi diuinum esset, hoc acrioris cuiusdam animi præceptum, sic, vt tributum Deo sit. Quo loco illud admonuerim, Tullium non id velle, vt nostra cognitio debeat esse solius animi, & hominem esse solum animum, sed potissimum hominem constare ex animo, huncque præcipue cognoscendum esse; cum non solum ex animi cognitione, sed etiam corporis,

corporis, in nostram & nostri fabricatoris notitiam veniamus.

S E D iam planius videamus quo pacto per Philosophiam illa quinque quæ sita omnibus mortalibus cognitu necessaria nobis innotescant. De primo, hoc est, unde veniamus, illi hanc quæstionem optime explicarunt, qui dixerunt, *Θάραται, ἐπὶ θεῶν γένος ἐστὶ βροτῶσι*. idest esto alacer, quoniã diuinum genus est mortalibus: & *τὸ γὰρ καὶ γένος ἔσμεν*. idest genus ipsius sumus: qua auctoritate aliquando vsus est diuus Paulus. De secundo, quidnam sit homo, his prope diuinis verbis exposuit M. Tullius, Animal hoc prouidum, sagax, multiplex, acutum, memor, plenum rationis, & consilij, quem vocamus hominem præclara quadam conditione generatum esse a summo Deo. Solum est enim e tot animantium generibus atque naturis, particeps rationis & cogitationis; cum cætera sint omnia expertia. Quid est autem non dicam in homine, sed in omni cælo, atque terra ratione diuinius? quæ cum adoleuit, atque perfecta est, nominatur rite sapientia. Est igitur (quoniam nihil est ratione melius, eaque & in homine & in Deo) prima homini cum Deo rationis societas: inter quos autem ratio, inter eosdem etiam recta ratio communis est: quæ cum sit lex, lege quoque consociati homines cum dijs putãdi sumus: inter quos porro est communio legis, inter eos communio iuris est: quibus autem hæc sunt inter eos communia, & ciuitatis eiusdem habendi sunt: si vero ijsdem imperijs, & potestatibus parent, multo etiam magis parent autem huic cælesti descriptioni, mentique diuinæ, & pro potenti Deo: vt iam vniuersus hic mundus, vna ciuitas communis deorum, atque hominum existimanda sit. Et quod in ciuitatibus ratione quadam, de qua dicitur idoneo loco, agnationibus familiarum distinguuntur status, id in rerum natura tanto est magnificentius tantoque præclarius, vt homines deorum agnatione & gente teneantur.

Pyth.

Arat.

Lib. i. d.
leg.
Lib. de
somm.

Ex quibus verbis etiam tertium quæsitum remanet solutum, vbi nam homo sit; in hoc nimirum mundo, quasi in quadam communi ciuitate: quam tamen non tanquam perpetuam patriam agnoscit, sed ad aliā properat; vnde cum eodem auctore interdum in hæc verba prorumpit, Et ex hac vita discedo, tanquam ex hospitio, non tanquam ex domo. Commorandi. n. natura diuersorium nobis, non habitandi dedit. O præclarum diem, cum ad illud animorum concilium, cætumque proficiscar, & cum ex hac turba & colluione discedam.

Lib. de
senect.

Ex quo loco plane intelligitur, quid de quarta quæstione sentiendum sit, quoniam homo; dum in hac vita peregrinatur, tendat, ad cælum nimirum, ex hac mortali ad beatam vitam, vbi perpetuo æuo summis verisque perfruetur voluptatibus. Ideo alio loco de ijs, qui e vita discedunt loquendo, de bonis intellige, ita scribit, Immo hi viuunt, qui ex corporum vinculis, tanquam e carcere euolauerunt: vestra vero quæ dicitur vita, mors est. & alibi, cū egregie demonstrasset mortem non esse malum, sed bonum potius, hanc reddidit rationem, siquidem, vel dii ipsi, vel cum dijs futuri sumus. Huc referres eorum Philosophorum doctrinam qui dixerunt, esse hominis finem contemplari & videre Deum.

De som.
no scip.

Tuf. i.

Steu.
lib. io. d.
peren.
phil. c. 9

Qv o d attinet ad postremum quæsitum, homo primum remeat eo, unde defluxit per separationem a rebus hisce caducis, & per honestā vitā: quorū vtrunq; per Philosophiam præstamus. Nam, quod attinet ad fugam, patet ex ijs quæ supra de eius definitione agendo diximus. Ideo qui conuenienter naturæ victurus sit, ei & proficiscendum est ab omni mundo, & ab eius procuratione: ut bene viuendo Deum sequi, eiusque similibus euadere queat: vnde alia patet eundi in cælum uia, vitam diuinæ similem viuere.

Cic. lib.
33. de
fin.
Plat. in
Theat.

A t qv e ex his alius extat Philosophiæ vberimus fructus, beata nimirum vita, cuius effectrix est Philosophia

phia, ut homo sit similis Dei, quem etiam finem sacræ
proponunt literæ. Vere. n. dictum est. τέλος μὲν εἶναι
τὴν ἐξομοίωσιν τῷ θεῷ, hoc est, Finem esse similitudi-
nem Dei. Sapienter itaque M. Tullius dixit, Omnem
Philosophiæ summam, ad beate viuendum referri: id-
que vnum expetentes homines, se ad hoc studium
contulisse: quo etiam loco eleganter, atque neruose
beatitudinis perpetuitatem demonstrat. Quia si amit-
ti uita beata potest, beata esse non potest: & beatus esse
nequit, qui in maximarum rerum timore est: itaque
æternitate dempta, nihilo est beatior Iupiter, quam Epi-
curus, vt idem ait. Hinc cognitio immortalitatis animo
rum, quam egregie præter cæteros. Tullius prima di-
sputatione Tusculana demonstrat; hinc liberi arbitrij
notitia, quam veritatem omnes Philosophi tradiderūt:
hinc etiam de æternis bonorum præmijs, & malorum
pœnis scientia, quæ est fructuosissima.

Laert.
ex Plat.

Lib. 2.
de fin.

Steu. de
p. phil.
lib. 10.
c. 17. &
19.

Q u o d attinet ad cognitionem corporis, nolo hic
esse longior in demonstrando, quantum capiatur utili-
tis ad se, & ad Deum cognoscendum, ex admirabili hu-
mani corporis ex vilissima materia formatione, ex mē-
brorum varietate, distinctione, ordine, viribus, forma,
vel etiam ex vnius ocelli structura: quia, qui ista accu-
ratius cogitaret, vna cum Galeno, cum de vsu partium De vsu
agebat, exclamaret: aut etiam cum Dauide, ad Deum, part.
tantæ fabricæ auctorem, conuersus diceret; Mirabilis
facta est scientia tua ex me, confortata est, & non pote-
ro ad eam, hoc est, admirabilem formando scientiam
exhibuisti, & sublimiorem, quam vt eam possim attrin-
gere. Qui ex hoc loco se & Deum magis cognoscere
volet, eos legat, qui de corporis humani structura, ali-
quid scripsere.

Steu. li.
p. c. 21.

De vsu
part.
Ps. 138.
Varab.

Lactan.
Firm.
Amb. in
Hexam.
Cic. lib.

Q u o d vero spectat, ad perfectionem quam volū-
tas, quæ est altera animi pars, ex Philosophia capit, tu. Deo.
quid est cur multa dicam? cum bona & melior Philo-
sophiæ pars in hoc vno sit occupata, vt eam virtutum vsu par-
doctrina & vsu excolat? perturbationum motus com-
Titelm.

Tusc. 5. primendo, & ad honestas actiones comouendo: vt Tullius ad Philosophiam conuersus merito exclamauerit, Ouite Philosophia dux, o virtutis indagatrix, expultrix vitiorum; quid non modo nos, sed omnino, uita hominum sine te esse potuisset? Et Paulo infra, Est autem vnus dies, bene & ex-tus præceptis actus, peccanti immortalitati anteponendus. Quid maius? quid magnificentius de Philosophia dici potest? si tantum utilitatis affert, vt vnus diei fructus ab ipsa perceptus, peccantium utilitatibus æterno tempore susceptis, sit præferendus.

Cic. Ex hac nostri & Dei cognitione exoritur pietas, cultusque, & reuerentia in Deum, & in homines caritas, cum similia inter se ament, ac iuuent, quibus officijs nō solum familiæ, & ciuitates, ceterique hominum cætus, **Plut.** sed etiam rerum vniuersitas conseruatur. Ex hac itaque **Steu. li.** cogitatione homo in seipsum intrat, seque ipsum cognoscit: qua notitia adepta, longe melius suum auctorem Deum noscit, eique debitas gratias agit. Ideo, vt **Plur.** Apollinis templum ingredienti præceptum de se cognoscendo, γνῶθι σεαυτόν, id est nosse te ipsum, offerrebatur, ita exeunti, εἶ, id est, Tu es, quasi resalutantis, & gratias referentis, cum solus Deus uere sit: in quo uiuimus, mouemur, & sumus, ut quidam Poeta dixit. **Araz.** Augustinus lecto Tullij libro, in quo Philosophiam contra Hortensium commendabat, cum se ad Deum cognoscendum ex illa lectione permotum esse sentiret, in hæc prorupit uerba, Et ad te ipsum, Domine, mutauit preces meas, & vota ac desideria mea fecit alia. Viuit mihi repente omnis vana spes, & immortalitatem sapientia concupiscebam et tu cordis incredibili: & surgere iam cæperā, vt ad te redirem. Non ad acuendam illam linguam referebam illum librum, neque mihi loquutionem, sed quod loquebatur persuaferat. Hæc Augustinus. qui aliquando indoluit, omnes mirari Ciceronis linguam, pectus non item.

H I N C denique existit vltimus ac supremus Philosophiæ

Philosophiæ finis, quem omnes antiquiores & meliores Philosophi cognouerunt, Dei notitia, atque amor, ex tantorum bonorum nobis collatorum cumulo, atque ex ea similitudine quam eiusdem gerimus exortus, post rerum mortalium contemptionem, & diuinarum cupiditatem: quibus, quasi duabus alis, eo redeunt mortalium immortales animi, vnde defluerunt. Hinc illa perfecta sapientia, quam boni Philosophi agnouerunt, diuinarum humanarumque rerum notitia cum religione coniuncta, qua similes Deo efficiamur: quam etiã Christiana schola approbat, & tuetur.

Nunc parui facienda est hæc alia vtilitas, quod per Philosophiam non solum veritates ad doctrinam & mores pertinentes inueniuntur, conseruantur, & amplificantur, sed etiam errores refelluntur, & ijs, obstititur, qui veritati bellum indixerunt. Hinc fructuosissimæ disputationes M. Tulij de natura diuina contra Stoicos, de finibus bonorum & malorum & de diuina prouidentia, vt alias omittam, contra Epicurum. Quare, ni Philosophiæ studium suum mortalibus lumen præbuisset, vniuersus orbis in densissimis ignorantie tenebris fuisset. Quod tamen non tantum præstare potuit, quin superna opus fuerit luce, quam Oriens ex alto, Christus dominus, perfecta mundi lux mundo attulit.

Quantum vero vtilitatis Philosophiæ doctrina afferat in vtraque fortuna, hoc est in prospero & aduerso rerum statu, in quorum utroque singulis fere diebus quisque versatur, ne secundis rebus efferamur, nec aduersis deprimamur, quis est qui ignoret? & si quis ignorat, aureum, aut potius diuinum de consolatione Philosophiæ Boetij Seuerini, viri doctrina & integritate vitæ illustris, legat, & Tullium hunc in modum loquentem audiat, Sed & huius culpæ & cæterorum vitiorum, peccatorumque nostrorum omnis a Philosophia petenda correctio est. Cuius in sinum, cum a primis temporibus ætatis, nostra voluntas, studiumque

Steu.
lib. 10.
c. 19.
Ibid. c.
10.
Sen. c.
pist. 102
Steu.
lib. 10.
c. 15.
Epist.
Plat.
Steu.
loc. cit.
c. 12.

Luc.

Francis.
Petrar.
Tusc. in
prin.

Loco nos contulisset; his grauissimis casibus in eundem portum, ex quo eramus egressi, magna iactati tempestate, confugimus. Et alio loco, nostris quidem accerbissimis doloribus, varijsque, & vndique circumfusus molestijs, alia nulla potuit inueniri leuatio. Vt omittam ea quæ non minus sapienter, quam eleganter, de morte non timenda, quam omnes timent, idem Tullius scripta reliquit. Quod vero ad prosperam fortunam comprimendam attinet, quis bonus Philosophus in ea fidit vni-

Cic. de quam? cum neque in sermonibus vulgi, nec in humanis præmijs, nec in diuitijs, nec in ullis fortunæ & corporis bonis spem studiumque veri Philosophi ponendum docuerint. Qui itaque Philosophiæ auxilio altè spectare æternamque domum, vt Tullius ait, contueri voluerit, is quidquid est prosperitatis in his humanis angustijs, & in hac breuitate vitæ facile contemnet: & quamuis sit in corpore inclusus; eminebit foras, & quæ extra erunt contemplans, quam maxime se a corpore & a rebus mortalibus abstrahet.

QUOD si deinceps late exponere velle eos fructus quos omnes fere artes a Philosophiæ capiunt, integrum sane conficerem volumen, breuiter igitur agā. Et vt omittā gubernandæ familiæ & ciuitatis artes, quæ totæ a Philosophia partes traduntur & explicantur, ita vt nemo possit sine eis domui rectè præesse, vel pro dignitate reip. gubernacula tenere, sacra doctrina sine humana Philosophia non facile cōsistit, cum multa quæ in ea traduntur; supponat, & ad diuina mysteria elucidanda & defendenda Philosophica doctrina sæpissime vtatur. Quis sex dierum opera? quis integrum Iobum? quis loca fere immunera diuinarum litterarum, in quibus de rebus naturalibus, atque humanis agitur, plane explicet, ni fuerit in Philosophicis nō mediocriter versatus? Vt merito aliqui integros libros scripserint ad explicandas diuinæ scripturæ similitudines a rebus naturalibus petitas, atque etiam rerum naturas, & proprietates: quibus ignoratis, necessario diuina oracula obscu-

Fran. va
les Lem
ni.

ra, & inexplicata manerent. In summa, nihil est in metaphysicis, nihil in mathematicis, nihil in physicis, nihil in ethicis, nihil in medicis, & logicis, quod sæpe usui esse non possit ei, qui in sacra doctrina versatur. Ideo Iulianus apostata, ut est apud Theodoretum in Tripartita historia, cum videret quantum vtilitatis ex humanarum scientiarum studijs nostri caperent, ea Christianis interdixit; vnde dicere solebat, Ex nostris libris armati, nobis bellum inferunt.

DE Medicina, quid est quod aliquid dicam? cum sit Physiologiæ subiecta, & ab ea sua principia petat: ita ut sine ea consistere non queat; ut infra planius patebit, cum de partium Philosophiæ ordine disputabo.

IURISPRUDENTIA est quædam Philosophia practica, ex doctrina de moribus conflata: quæ nunquā legum originem, causas, proprietatesque sine Philosophia plene cognoscet; ut ex M. Tullij & ex nostris libris de legibus facile intelligi potest. Quo fit, ut rari sint boni atque absoluti Iurisperiti, cum ex ijs qui se ad leges conferunt paucis sint, qui prius philosophiam attingant. Eloquentia, sine sapientia, a qua omnis rerum, & uerborum copia fluit, quid aliud est nisi infantia, aut potius loquacitas? Vnde, cum de beato, hoc est de homine sapientia ornato sermonem Tullius haberet, hæc huc pertinentia litteris commendauit. Cumque se ad ciuilem societatem natum senserit; non solum illa subtili disputatione (dialectica nimirum) sibi utendum putabit, sed etiam fusa latius perpetua oratione: qua regat populos, stabiliat leges, qua castiget improbos, qua tueatur bonos, qua laudet claros viros, qua præcepta salutis, et laudis apte ad persuadendum edat suis ciuibus, qua hortari ad decus, reuocare a flagitio, cōsolari possit afflictos, factaque & consilia fortium, & sapientium cum improborum ignominia sempiternis monumentis prodere. Et ut cum Lyrico concludam,

Lib. 6. c. 17.

Greg. Naz. Orat. 1. in Iulian.

Lib. de perf. Orat. Lib. 2. d leg.

Scribendi recte sapere, est & principium, & fons.

POETICÆ, nihil cauet sua maiestate dignum,

n i Philosophia fuerit ornata: vnde q olim illustres fue-
re Poetæ, ij optimi erant Philosophi & Theologi, ut
Orpheus, ut Linus, ut Homerus, in quo, vt quidam
scribunt, vniuersa fere Aegyptiorum cernitur doctri-
na, vt in Virgilio antiqua Cimeriorum mysteria.

Plut. in
Marc.

MILITARI S disciplina ex ea philosophiæ parte,
quæ mathematicas scientias continet, multas & maxi-
mas vtilitates refert: in quibus recensendis immorari
nolo. Vnde Imperatores, Philosophiæ beneficio, non
modo suos recte gubernarunt, cum sine sapientia re-
cte gubernet nemo, sed etiam sepe maximas victorias
retulerunt. Ideo Polibius scriptum reliquit, Duces exer-
citus debere esse Geometras & Astrologos: & Archi-
medes suis machinis diu Marcelli Siracusas obsidentis
solertiam ludificauit, Vnde Cæsar apud Lucanum,

Media inter pralia semper,

Stellarum cœlique plagis, superisque vacauit.

QVARE singularia Alexandri gesta, non tam in
eius fortunam, vt aliqui faciunt, quam in eam sapien-
tiam, quam a magistro sapientissimo didicerat referre.

NAVICA vero, tunc multo melius suo funge-
tur munere, cum cœlorum ventorum, temporū, & lo-
corum naturas, proprietatesque habuerit perspectas;
ac proinde Astronomiæ dicitur esse subiecta. Atque
idem prorsus de Agricultura dicas, quæ maximas vti-
litates ex omnibus Philosophiæ partibus capit, ad ter-
rarum, arborum, temporum, elementorum, & cœlorum
vim cognoscendam.

Lege
Gorop.

GRAMMATICA ad cuius officium pertinet om-
nes scriptores, & speciatim poetas, explicare, sine ali-
qua omnium fere Philosophiæ partium notitia, nihil
recte explanabit vnquam, vt innumeris exemplis de-
monstrari posset.

DENIQUE, vt hunc amplissimum locum, in quo
fusa lateque excurrere posset oratio, aliquando conclu-
dam, omnes fere mechanicæ artes, quæ aliquid indu-
striæ & rationis habent, a Philosophia aliquam vtilita-
tem

tem capiunt : cuius etiam beneficio multæ de nouo inuentæ sunt, atque adhuc fortasse inuenientur artes: vt hic omittam quæ ad naturalem magiam pertinent, cuiusvi multa admirabilia fiunt.

*Soluuntur argumenta allata ad impugnandum
Philosophiæ studium. Cap. XI.*



T adhuc multo magis quæ de Philosophiæ vtilitatibus disputata sunt, confirmantur, quæ in contrariam partem fecimus argumēta dissoluamus oportet.

DE primo, primum quod aliqui male viuant, ex eis fit causis, quas su-

pra in secundo posuimus fundamento : vnde non Philosophiæ culpa, sed hominum mala institutione fit, vt aliqui solum uerbis philosophentur : quos etiam meliores Philosophi reprehendunt, & speciatim Tullius. Deinde, nos non tantum tribuimus humanæ Philosophiæ, vt per eam ad vitæ perfectionē peruenire liceat; vt infra plane docebimus, cum eam cum christiana doctrina comparabimus. Adde etiam, quod uitia magis in ijs apparent, atque notantur, qui virtutum se magistros præbent. Denique, addiderim etiam, multo peiores fuisse eos, qui Philosophiæ lumine caruerunt, quā qui eius susceperunt lucem : quod etiam de ijs, qui Theologiæ operam nauant, dicendum est; quam eodē argumento aliquis refelleret. Quod autem additur de bonorum operum merito, si diuina gratia sint destituta, id libenter concedimus; cum nemo per solas naturæ vires possit aliquid efficere, quod sit Deo gratū. Sed de his accuratius videant Theologi.

Tuf. 2.

Concil.
Araus.
Mileu.
Trid.

DE secundo, concedimus Philosophorum singulorum scripta aliquibus esse aspersa erroribus, id quod etiam in christianis scriptoribus notares; sed illi non sunt sequendi, & ita veritas ab ijs qui melius senserunt, in ea parte in qua alij errarunt, sumenda est. Et
sane,

Steu.

lib. 10.

c. 3.

Act. 14.

Iust.

mar.

Aug.

Exo. 12

Cyril.

Alex.

Clem.

Alex.

sane, si quis diligenter antiquorum scripta perpendat, & bene dicta seligat, in paucis humanam Philosophiā a christiana veritate dissentire inueniet: id quod mirū videri non debet; quia gentes suam debuerunt habere doctrinam, quam ordinaria Dei gubernatione salutē consequi possent. Nec facile crediderim tam multa a multis bene scripta fuisse, sine aliquo priuato Dei auxilio: qui, vt non reliquit gentes sine sui testimonio, dando pluuias de cœlo; ita credendum est dedisse interius doctrinæ lucem, qua mentes humanas redderet fœcundas. Quod legamus eos auctores in quibus nōnulli reperiuntur errores, quid mirum? Si etiam nōnullos ex nostris legimus, qui non sunt omnino puri? Et ideo legimus, ut quidā scripsere, vt ab eis tanquā ab iniustis possessoribus veritates repetamus; cum omnis veritas a summa veritate pendeat; & vt Aegyptum, auctore Deo, suis bonis spoliemus. Quod vero, Philosophi errauerint, & absurdas opiniones habuerint, nihil eos mouere deberet, qui mentem habent: cum illi in aliqua arte peccent, qui eam tractant. Non peccat pictor arando, nec agricola pingēdo, nec Theologus medendo, neque Medicus theologando; ac proinde imprudenter imperita multitudo admiratur, qđ videat eos qui diuina tractant, in eis errare: potius mirandum erat, si agricola, si coriarius.

DE tercio, cum humana Philosophia sit aditus ad diuinam, ut etiam sancti patres docent, cum fere in omnibus vt dicebamus, cum nostra consentiat, una est. n. veritas; cum secum tot fructus afferat, quot numerauimus, & multos alios, quos omisimus, eam ut pueri laruas timere non debemus; cum nec viri sanctissimi eandem timuerint, sed diligenter cognouerint, & ad suam, atque aliorum vtilitatē ea usi sint. Nemo nauiget, ne mo agros colat, nemo medicinā exerceat, nemo Theologiam attingat, cum in his artibus errare contingat. Sint omnes rudes & simplices, veritas et religio nullos habeat defensores humana doctrina armatos. Audiant

diant hic simplices, uirum sanctissimum, atque simul eruditissimum, Sancta quippe rusticitas solum sibi prodest; & quantum ædificat ex vitæ merito Ecclesiam Christi; tantum nocet si destruentibus non resistat. Denique, qui erare timet, explore se gerat, ducem habeat, humilitatem amplectatur, fidei lucem præmittat, & errabit nunquam; quod qui faciet, non dicetur amare periculum.

DE ultimo, quid ad hoc argumentum respondendum sit, etsi satis patet ex ijs, quæ supra in secundo diximus fundamentum: tamen, quia nulla est alia ratio, qua magis homines ab hoc fructuosissimo, & sibi maxime cognato studio reuocet, adhuc nonnulla alia adijciam, ut ea tollantur capita, quæ hoc argumento continentur. Sunt enim omnia illa ex errorum orta radicibus, quæ euellenda & extrahenda penitus, non circumcidenda, & amputanda sunt.

PRIMUM, cōcedamus istis sua esse vè liberiora, ut Tullius cum legum professionibus hæc quædam ait, hæc vero vberiora certe sunt: at non est ingenui hominis, sed cerdonis lucri gratia in bonarum artium studia incumbere, & ea in bonis habere, quæ non sunt vere bona, nec per se vitam faciunt beatam. Et ne vir Christianus hæc dicere videatur, Tullium audiamus. Quos in titulus hic delectat (sapiētis nimirū & beati hominis) insignis & pulcher, Pythagora, Socrate, & Platone dignissimus, inducant in animum illa, quorum splendore capiuntur, vires, valetudinem, pulchritudinem, diuitias honores, opes contemnere, eaque, quæ his contraria sunt, pro nihilo ducere: tum poterunt clarissima voce profiteri, se neque fortunæ impetu, nec multitudinis opinione, nec dolore, neque paupertate terreri, omniaque sibi in sese esse posita, neque esse quicquam extrinsecus, quæ possint ducant in bonis. Neque hunc & hæc loqui, quæ sunt magni cuiusdam, & alti iui, & eadem, & quæ vulgus in malis, & in bonis numerare, concedi vllō modo potest. En igitur, ut vir Ethnicus

Hier.
prol. in
gen.

Lib. i. d
fin.
Leg
lib. Fons
vit. &
sap.

Tuf. 8.

Tul. 5.

Tul. 5. in
fin.Cic. in
perad.
vlt.

vnica sententia a bonorum numero reijcit omnia ea, quæ isti, vero sapientiæ bono relicto, sibi sequenda putant; at vero ille vnum agnoscit bonum, honestum, & vnum malum culpam honesto oppositam. Et alio loco, Omitto, inquit, diuitias, quas, cum quiuis, quamuis indignus, habere possit, in bonis non numero: quod. n. est bonum non quiuis habere potest. Omitto nobilitatem, famamque popularem, stultorum, improborumque consensu excitatam. Hæc quæ sunt minima, tamen bona dicantur necesse est; candidali dentes, venusti oculi, color suauis, & ea quæ Euryclia laudat Vlyssi pedes abluens, lenitudo orationis, mollitudo corporis: ea si bona dicemus. quid erit in Philosophi grauitate, quam in vulgi opinione; stultorumque turba, quod dicatur aut grauius, aut grandius? Quid tandem, a Socrate, & Platone, perfectisque Philosophis faciendum putet? Quorum alij totam præstantiam in bonis animi esse dicunt, vt ab his corporis, & externa bona obscurantur: alij autem hæc ne bona quidem dicunt, in animo reponunt omnia. Quod si in solo animo vera sunt sita bona, Philosophia, & honestas, non erit cassum quiddam, inanis vocis sono decoratum. Omitto, quod etiam Philosophi, si vellent, & diuitias, vt Thales fecit, & honores sibi compararent, vt ex ijs quæ diximus, est omnino manifestum. Quod si homines intelligerent omnes insipientes esse pauperes & vere nudos, profecto eas sibi pararent opes, quibus non arca, sed animus repletur: q̄ nec eripi, nec surripi possunt, nec naufragio, nec incendio omittuntur, nec tempestatum, nec temporum permutatione mutantur: quibus qui muniti sunt, ij soli sunt diuites: soli enim possident res & fructuosas & sempiternas, solique (quod est proprium diuitiarum) contenti sunt rebus suis: satis esse putant: quod est; nihil appetunt, nulla re egent, nihil sibi deesse sentiunt, nihil requirunt. Gloria vero, & humanus rumor, quam sit flocci faciendus, de somno Scipionis, præter alia citata loca, ornatissime docet M. Tullius:

qui

qui locus esset omnino legendus ab istis, qui inani honoris ambitione laborant.

Q V O D vero ad delectationem attinet, sequenti, Virg. in Aeth.
capite late dicemus: sicut etiam de labore non refugendo tanti boni comparandi causa. Nunc breuiter cum bono Poeta hac de re agente dixerim,

Immensus labor est, sed fertilis idem:

Digna laborantis respondent pramia curis.

E T cum eodem, quod attinet ad voluptatem quæ ex rerum creaturarum contemplatione exoritur, hunc in modum concludam,

Diuina est animi, ac incunda voluptas.

Q V I vero, ideo ab hoc honestissimo studio abstinere, vt vitæ consulant, vt corpus conseruent, ij ad Epicureos se conferat, pecudum more vt viuant: cum tamen nihil sit quod vitam diutius protrahat, quam frugalitas, quam temperantia, quam animi quies, quibus præsidij soli Philosophi sunt muniti: ac proinde qui parce, qui continenter vixerunt, ij ad decrepitam usque vt Democritus, Diogenes, Plato, Porphyrius, Priscus, & alij philosophando vixerunt. Atque ex his satis superque in contrarium allatis satisfactum sit argumentis.

Philosophia studium esse maxime delectabile.

Cap. XII.



V O N I A M vero id maximam vim habet ad animos, tum alliciendos, tum detinendos, quod aliquam delectationem secum affert, cum delectatio quasi esca quædam actionibus maioris momenti a natura adiuncta sit: propterea Arist. lib. 10.

non erit inutile, si speciatim de ineffabili oblectatione, eth.
quæ in philosophando percipitur aliquid scripserimus; qui de re, quem integrum librum scribere possem, eum in paucâ conferam. Nonnulli itaque falsa opi

F niope

nione decepti, existimant Philosophię studium esse omnino mœstum, horridum, omnique delectatione orbatum; non solum ob labores quos ad sapientiam acquirendam exantlare est necesse, sed etiam, quia Philosophia perpetuum bellum indixit voluptati: & veri Philosophi, vt ex nulla re aduersa mœrorem capiunt, ita nec secundis rebus, delectatione afficiuntur; immo in maximis miserijs, se beatos esse predicant. Denique, ideo, vt quidam acute disputat, Philosophia omni iucunditate carere videtur, quod, vt Aristoteles docet, intellectus speculatiuus, nihil dicit de rebus fugiendis, 12. inst. prosequēdisque, voluptas autem tota in prosequutione consistit. Sed iā videamus an isti re vera decipiātur.

Cicc.

par. 2. in

Pis.

Lact.

lib. 5. c.

12. inst.

Gaier.

In p. p.

D. Tho.

q. 26. ar.

4.

Lib. 3. d.

an.

Tul.

lib. 2. de

fin.

Tul. 5.

Quo d igitur solus sapiens ueris perfruatur voluptatibus, quæ in animo sunt sitæ, eas enim quæ corpore capiuntur, bestijs relinquitur, ex eo primum demonstratur, quod omnes animantes ex illis operationibus delectationem sumunt, quæ sunt suæ naturæ propriæ. Gallina garritu, cornus crocitatu, apes susurro, & ranæ coaxatione delectantur. Quare, cum propria hominis actio sit cogitatio, profecto ex hac vna operatione potissimum delectationem capiet. Animo autem, inquit Tullius, multis modis, varijsque delectari licet, etiamsi non adhibeatur aspectus: loquor autem de docto homine & erudito, cui viuere est cogitare. Quod si ij hominem viuunt qui cogitant, profecto qui non cogitant mortui erunt: in mortuo autem quænam erit delectatio? necesse igitur est vt homines cogitent, si delectationibus perfrui volunt humanis; & hæc est illa eudæmonia, quæ *θεσπία τις*, vocatur, Dei nimirum & rerum diuinarum cogitatio. Propterea idem Tullius cum Varone de studijs loquendo dixit, Nunc autem quid est, si ne his cur viuere velimus? mihi vero cum his ipsis uiu,

Pla. lib.

6. d. rep.

Plato, ad disciplinas, ac cetera talia omnia desiderio flagrât, puram ipsius animi expetunt voluptatem, corporis autem oblectamenta despiciunt, nisi quis fictus, non

verus

verus Philosophus sit. Videtur, ait Aristoteles, Philosophia mirabiles quasdam, tum synceritate, cum stabilitate continere voluptates. Ideo autem Philosophiæ voluptates stabiles sunt, quia quod actu intelligitur, ab omni mutatione, temporeque abstrahit; ac proinde est quiddam sua natura perpetuum, & immutabile, supra omnem motum & tempus existens: quamvis ei accidat corruptio, ut a phantasmate pendet. Quanta porro sit voluptas quæ ex veritatis investigatione percipitur, eleganter & copiose Plutarchus libro primo contra Colorem demonstrat, qui locus omnino legendus est, ut etiâ Plato in nono de rep. libro.

DE INDE, illud est, & quidem necessario, summe delectabile, in quo cuiusque posita est beatitudo, quæ sola per se est maxime delectabilis, ut maxime bona, ac omnium bonorum cumulus, firmaque eorundem possessio; at qui, ut supra non semel diximus, sapientia cum pietate coniuncta, quæ est ipsa Philosophia, iam adepta est summum hominis bonum; erit igitur summe delectabilis: quod bonum si semel homines gustarent, una cum M. Tullio dicerent, *ἐδ' ἐν γλυκότερον, ἢ πάντ' ἐιδέναι*, hoc est, nihil dulcius, quàm omnia noscere. Cum ergo omnes delectationes, quæ in alijs bonis inneniuntur, sint veluti umbræ quædam illius summæ delectationis, quæ est cum summo bono necessario coniuncta; profecto, qui se voluptatibus explere volent, ad hunc fontem accedent, ad quem qui pleno ore non bibet, perpetuo sitiet. Quare, cum beate viuendi cupiditate, atque perpetuis voluptatibus perfruendi incensi sint omnes, omnes ad veræ sapientiæ fontem aduolent, ibique sitim expleant, si tamen id potest sitim extinguere, quo gustato, maiore sui sitim procreat; ac proinde dum perpetuo satiat, perpetuo etiam detinet, cum nullum hæc satietas fastidium gignat. Lator quidem, Marcus Tullius loquitur; Philosophiam cuius ante suspellectilem pluris æstimabam, quam possessiones reliquorum (ita mihi diues videbatur, ut ab ea petere pos-

Lib. 10.
eth. lib.
1. d. par.
an. c. 3.
Caiet.
p. p. q.
so. ar.
ult.

Lib. 4.
ad Artic.
Epist.
10.
Cic. lib.
5. de fin.

Lib. 5. d.
fin. in fi-
ne,

sem, quidquid in studijs nostris concupiuiſſem) hãc igitur lætor etiam acutiorem repertam, quam ceteras: quod quidam ei deesse dicebant.

PRÆTEREA, ideo Philosophia maximam debet præbere, & præbet delectationem, quia nos ad maximũ, & admirabilium atque reconditarum, nouarumque rerum notitiam quotidie traducit: quod si res admirabiles & novæ, ut omnes docti fatentur, & quisq; in se experitur, lætitiã procreant; profecto non video, quis maioribus & magis perpetuis voluptatibus perfrui possit, quam qui philosophando quotidie noua & admirabilia inuenit, atque cognoscit. Huc pertinet Archimedis Siracusani exemplum, qui cum aliquid philosophando illo suo admirabili ingenio de nouo inuenisset, lætitiã gestiebat, atque in has voces prorumpebat, *ἄρξα, ἄρξα*, reperi, reperi. Et sane, si homines leuissimorum rumorum, qui quotidie in plateis & circulis de nouo afferuntur, desiderio tenent, tantaque cum delectatione eos audiunt, & auditos alijs narrant; quid de rerum diuinar, ac præclarissimarum noua cognitione, præsertim si proprio labore fuerit comparata, dicendũ erit? Sed hic Tullium nostrum hac de re sapientissime loquentem audiamus. Atque omnia quidem scire, cuiuscunque modi sunt cupere curiosorum; duci vero maiorum rerum contemplatione ad cupiditatem sciẽtiæ, summorum virorum est putandum. Quem. n. ardo rê studiij censetis fuisse in Archimede, qui dum in puluere, quædã describit, attentus, ne patriã quidẽ captã esse senserit? quantum Aristoxeni ingenium consumptũ videmus in musicis? quo studio putamus Aristophanem ætatem in literis duxisse? quid de Pythagora, quid de Platone, aut Democrito loquar? a quibus propter discendi cupiditatem videmus vltimas terras esse peragratas. Quæ qui non vident, nihil vnquam magna cognitione dignum amauerunt. Atque hoc loco, qui propter animi voluptates coli dicunt ea studia, quæ dixi, non intelligunt, idcirco esse ea propter se experenda,

Lib. 5. d
fin.

da quod, nulla vtilitate obiecta, delectentur animi, atque ipsa scientia, etiam si incommoda datura sit, gaudeant. Sed quid attinet de rebus tam apertis plura requirere? Ipsi enim quæramus a nobis stellarum motus, contemplationesque rerum cœlestium, eorumque omnium, quæ naturæ obscuritate occultantur, cognitiones quemadmodum nos moueant; & quid historia delectet; quam solemus persequi usque ad extremum; prætermissa repetimus, inchoata persequimur. Hæc Tullius.

I A M vero, si signis, si imaginibus affabre pictis, cū vel montē vel arborem, vel florē, vel fontē, ad naturæ imitationē fictū, ac etiā homines, quasi nos spectantes nobiscumque loquētes cernimus, ita admiramur, & admirando mirifica delectatione perfundimur; quanta oblectatione complebitur is, qui veros flores, veras arbores veros fontes, verasque animantes, non modo extrinsecus, sed etiam intrinsecus cerneret, admirabileque naturæ artificium obseruaret? cogitaretque quonam natura malleo flosculum dilatauerit, quo scalpello perpoliuerit, quo circino dimensa fuerit, quibus forficulis inciderit, quibus coloribus variauerit, quibus denique odoribus sufflauerit. Quid, si quod de vno flosculo dixi, ad omnes omnium rerum quæ in hac mundi pulchritudine cornuntur traduceres? Quid spectaret, quid audiret, quid olfaceret, quid gustaret, quid denique contrectaret, vnde admirationis, & delectationis maximæ occasionem nonsumeret? modo quid ageret, animaduerneret. Cū itaque animus, vt Tullius ait, cognitis perceptisque virtutibus, a corporis obsequio, indulgentiaque discesserit, voluptatemque sicut labem aliquam, decoris oppresserit, omnemque mortis, dolorisque timorem effugerit, societatemque caritatis coierit cum suis, omnesque natura coniunctos suos duxerit, cultumque deorum & puram religionem susceperit, & exacuerit illam, vt oculorum, sic ingenij aciem ad bona deligenda, & reiicienda contraria; quæ

Lib. 2. d.
leg.

virtus ex providendo est appellata prudentia: quid eo dici, aut cogitari poterit beatius? idemque cum celum, terras, maria, rerumque omnium naturam perspexerit; eaque vnde generata, quo reditura, quando, quomodo obitura, quid in ijs mortale & caducum, quid diuinum æternumque sit, viderit; ipsumque ea moderantem & regentem pene prehenderit; seseque non vnus circumdatum mænibus popularem alicuius definiti loci, sed ciuem totius mundi, quasi vnus vrbis agnouerit: in hac ille rerum magnificentia, atque in hoc conspectu, & cognitione naturæ, dii immortales, quam se ipse noscet, quod Apollo præcepit Pythius, quam contemnet, quam despiciet, quam pro nihilo putabit ea, quæ vulgo dicuntur amplissima. Hæc ille.

DENIQUE, ne in hoc latissimo campo latius excurrat oratio, si in hoc sapientiæ studio summa quædam & in explicabilis non contineretur delectatio, cur tot tantique homines spretis oblectamentis corporis, opibusque, & honoribus, quæ bona tanti fieri solent, tanto cum labore, ad exterarum, longeque remotarum nationes, Philosophiæ consequendæ causâ, se contulissent? Pythagoras Democritus, Plato, Tullius, & Apollonius, siue ille magus, vt vulgus loquitur, siue Philosophus, vt Pythagorici tradunt, qui intrauit Persas, pertransiuit caucasum, Albanos, Scythas, Messagetarum, opulentissima Indiæ regna penetrauit, & quæ apud Hieronymum de eius itinæribus & laboribus sequuntur. Quid vero, inquit Tullius, qui ingenuis studiis atque artibus delectantur, nonne videmus eos nec valetudinis, nec rei familiaris habere rationem? omniaque perpeti ipsa cognitione, & scientia captos? & cum maximis curis, & laboribus compensare eam, quam ex discendo capiunt voluptatem? Mihi quidem Homerus huiusmodi quiddam vidisse videtur, in ijs quæ de syrenum cantibus finxerit. Neque enim vocum suauitate videntur, aut nouitate quadam, & varietate cantandi reuocare eos solita, qui præter vehebantur; sed quia multa

Cic. lib.
5. de fin.
Tul. 5.

Prolog. in
Gen.
Lib. 5. d.
fin.

multa se scire profitebantur, ut homines ad earum saxa discendi cupiditate adhærescerent. Quid Democritus se oculis orbasset, quem ut stultum homines stulti rident, quod animi aciem oculorum aspectu impediri putaret, nisi multo maior ex rerum cogitatione, quam oculorum aspectu delectatio perciperetur? qui, licet luminibus amissis, alba & atra discernere non posset; tamen bona & mala, æqua iniqua, honesta & turpia, utilia & inutilia, magna & parua poterat internoscere: & cum alij quæ sunt ante pedes non viderent, ille infinitatem omnem peregrinabatur, ut nulla in extremitate consisteret: cui sine varietate colorum licebat vivere beate, sine rerum notione non licebat. Cæcus Homerus, ut traditum est; at eius picturam, non poesim videmus, ait Cicero. Quæ regio, quæ ora, qui locus Græciæ, quæ species formæ, quæ pugna, quæ aciës, quod remigium, qui motus hominum, qui ferarum non ita expictus est, ut quæ ipse non viderit, nos ut videremus effecerit? Quid ergo, aut Homero ad delectationem animi, ac voluptatem, aut cuiquam docto defuisse unquam arbitramur? In summa, hoc est illud Deorum Nectar, hæc illa ambrosia, ab antiquis decantata scriptoribus, Dei videlicet contemplatio, qua ut Deus efficitur beatus, ita & nos: in qua summam iucunditatem, eximiamque delectationem, sicuti etiam in eiusdem Dei cultu, sapientissimi quique esse confessi sunt. Adeo verum est, quod de voluptate ex studijs Philosophiæ percepta diximus, ut etiam Epicuræ scholæ sectator Lucretius, eam omnibus alijs voluptatibus prætulerit, cum cecinit.

Tus. 5.

*Plus.
Steu.
lib. 6. c.
2.*

Sed nil dulcius est, bene quam munita tenere,

Edita doctrina sapientum templa serena,

Despicere unde queas alios, passimque videre

Errare, atque viam palantes querere vita.

VNDE merito de Philosophorum iucunda vita Ovidius canendo exclamavit.

Felices anima, quibus hæc cognoscere primum,

*Inque domos superas scandere cura fuit.
Credibile est illos pariter, vitijque, iocisque
Altius humanis exeruisse caput.*

*Non Venus & vinum sublimia pectora fregit,
Officiumque fori militiæve labor.*

*Nec levis ambitio, perfuso, & gloria fuso,
Magnarumque fames sollicitauit opum.*

*Admouere oculis distantia syera nostris,
Aethereaque ingenio supposuere suo.*

Plinius.
lib. 12.
c. 1. Plut.
in Camil.

Q V O D si suauitas fructuum, ut ficorum, olei, & vini, quos Italia profert, semel ab exteris nationibus degustata, potuit eas, proprijs sedibus & rebus relictis, ad alienum solum trahere: quanto magis ea summa & inexplicabilis dulcitus, quam secum necessario veritatis cognitio affert, hominum mentes, omni alia sprete voluptate, ad se pertraheret, si semel degustaretur? Quare, quod ex Aristotele obijciebatur, intellectum contemplantem nulla permotione affici, intelligendum est, de ea permotione seu prosecutione, quæ appetitum elicientem sequitur, non de ea quæ necessario & naturaliter ex ipsa operatione proficiscitur. Licet ergo is, qui rem pulchram speculando cognoscit, ab ea non moueatur; tamen ea delectatione perfunditur, quæ ex tali cogitatione nascitur. Sed delectatione hucusque.

Quam sit necessarium humana Philosophia studium in humana uita, & in rep. Christiana. Cap. XIII.



V O N T A M quas supra attulimus Philosophiæ utilitates, ex eiusdem etiam necessitatem plane demonstrant; ideo hoc loco quo modo, & quibus sit Philosophia necessaria priuatim demonstrabo, ne ei nimium tribuatur, ut aliqui fecerunt, aut certe detrahatur aliquid.

Q V O D autē doctrina philosophica tanquam necessaria

saria in rep. Christiana admittenda non sit, hunc in modum aliquis suaderet.

PRIMO, quia nullibi ullum extat de Philosophia perdiscenda præceptum, siue diuinum, siue humanum: igitur tale studium ab omnibus, salua religione, omit-
ti potest.

DEINDE, id habendū est pro necessario, siue quo salus haberi non potest: atqui omnes fideles siue Philo-
sophia salutem consequi valent: non igitur necessaria.

POSTREMŌ, Christiana schola hoc pro rato ha-
bet, felicitatem huius & alterius vitæ non esse sitam hu-
ius, in humanis scientijs, vel in uirtutibus naturæ viri-
bus comparatis, sed in caritate, qua Deum supra omnia
diligimus: falsum igitur erit, quod supra docuimus,
Philosophiam esse hominis finem; vnde eius maxima
cernitur necessitas.

IN hac parte, quidam Philosophi, tantum humanæ
Philosophiæ tribuerunt, ut in ea vltimam hominis feli-
citatem positam esse existimauerint: in quorum nume-
ro fuit impius Auentoes: qui etiam ausus est affirmare,
hominis rationem æquiuoce dici de homine docto, &
de idiota: quod aliqui per hyperbolem dictum putant:
quamuis eius verba & exempla aliter indicare videan-
tur. Huc etiam pertinet quod alij dixere, non reperiri
excellentiorem statum, quam Philosophiæ vacare, & so-
los Philosophos esse huius mundi sapentes. Similiter
quod nonnulli nostrorum temporum hæretici existi-
marunt, quosdam Philosophos, vt Socratem, Catonem,
& horum similes, solis humanis virtutibus, uiribusque,
salutem fuisse adeptos.

AT vero Philosophus Christianus, maiore illustra-
tus lumine, pro certo habet, perfectam felicitatem ne-
mini in hac uita contingere; nec etiam imperfectam
siue priuato Dei auxilio, cum nullus improbus, quod
etiam Tullius diceret, possit esse beatus; at virtutes om-
nes, quibus omnis tollitur improbitas, siue priuato Dei
auxilio, assequitur nemo. Vt quid in hac difficultate re-
pendum

nendum sit perspicue doceam, sequentia pono fundamenta.

P R I M V M fundamentum, tanta est humanę naturę præstantia, atque celsitudo, ut non sit ijs contenta bonis, dotibusque, quas suis viribus ac studio in vita acquirit, sed etiam ad alia maiora aspires; id quod etiam Philosophus ethnicus fateretur, & aliqui fassi sunt: idque quisque in se experitur, quantumvis humanis disciplinis, virtutibusque sit ornatus: ac proinde omnes mortales aliquid amplius optant & expetunt, quàm quod humana præstat Philosophia. Et quod ad rerum notitiam attinet, antiqui illi Philosophi, cum in abditas reconditasque rerum naturas se penetrare non posse viderent, ad morum doctrinam explicandam, & potissime Socratici & Stoici omnes, se contulerunt. Quare, illam rerum humanarum diuinarumque scientiam, quam Philosophi mente

Steu. conceperunt, & descripserunt, ac etiam tanquam absentem desiderarunt, in nulla secta, aut doctrina fuit. Huc

lib. 10. pertinet quod Socrates in sua apologia ait, se neminem inter eos qui sapientiam profitentur, nec inter poetas, nec inter artifices inuenisse plene sapientem; & ideo ab Apolline se iudicatum fuisse omnium sapientissimum, quod existimaret se nihil scire, & solum Deum esse sapientem: & oraculum hoc sibi velle, humanam sapientiam parui, immo nihil pendendam esse. Quare, ad veram beatitudinem, vel in hac, vel in alia vita consequendam, opus semper fuit aliquo maiore lumine, saltem inter-

Lib. 2. no, ut nos alibi plane docuimus, & infra etiam docebi-

Intr. in mus; cum humanam sapientiam cum Christiana compara-

Theol. bimus. Vnde, quæ de sua Philosophia ethnici scriptores magnifice dixerunt, vera quidem fuere: sed ea potius ei sapientiæ, quam animo concipiebant, quam ei quam assequuti sunt congruebant.

S E C V N D V M fundamentum, cum de hominis felicitate habetur sermo, duplicem ei felicitatem assignare possumus: unam perfectam & absolutam in alia vita, quam etiam nonnulli Philosophi, sed vniuersæ & confu-

sc

se viderunt; quæ in clara naturæ diuinæ inspectione & fruitione, vt Christiana schola docet, posita est; alteram imperfectam & inchoatam, quæ in hac vita haberi potest. Hæc rursus duplex est, vna Philosophica, vt ita appellem, ea nimirum, quam homines naturali lumine cognouerunt, & in cognitione veritatis, tum speculatiuæ, tum practicæ, & in honestate vitæ positam esse putarunt, vt ex ijs quæ supra scripsimus, est manifestum: altera Christiana, quam nos Christi lumine illustrati, in cognitione Dei per fidem, & in eius supra omnia dilectione ponimus: quem etiam finem quidam Philosophi suis scriptis insinuarunt: verum solis naturæ præsidij nemo ad hunc etiam finem vnquam peruenire potuit, ut diuini & sacri scriptores docent. Quare, humana felicitas nõ plene cognita & acquisita fuit: ac proinde in quadam imperfecta rerum diuinarum & humanarum notitia, & in vitæ honestate non absoluta, positam fuisse dicendum est: ad quam, (natura vitijs & erroribus debilitata & diuina ope destituta) alij magis, alij minus accessere. Et quidem, qui in hoc vitæ genere maiores faciebant progressus, ij magis erant idonei qui, diuina suppeditante gratia, ad Christianam huius vitæ beatitudinem traducerentur. Et hoc est quod nonnulli ex nostris dixerunt, Philosophiam fuisse veluti pædagogum ad Christum, ac etiam suo modo hominem iustum fecisse. Quo loco obseruandum est, quod licet olim apud Ethnicos, non omnes Philosophiæ operam nauauerint, sicuti nec apud nos omnes in Theologiam incumbunt, quamuis omnes aliqua egeant cognitione, quam a Theologis accipiunt: tamen in statu legis naturæ, necesse fuit, vt aliqui Philosopharent, & ea cognoscerent, quæ ad recte de diuino numine, & de moribus sentiendum, scitu erant necessaria; vt ea tanquam ordinarij magistri alios docerent: vt speciatim sunt hæc duo principia, Deum existere, & remuneratorem esse: quæ duo documenta, aliqui fidei præludia vocant, & quædam alia, quæ cum his sunt coniuncta; vt notitia de bonorum & malorum finibus, de ani-

morum

Clem.
Alex.

Paul. ad
Heb.
D. Tho.

morum immortalitate, de diuina prouidentia, & de moribus, ad legem naturæ pertinentibus. Alias enim oues illæ, Gentes intelligo, necessaria & ordinaria ad bene beateque agendum luce fuissent destitutæ.

TERTIVM fundamentum, aliquid dicitur necessariū dupliciter: vno modo absolute, vt Deum esse, duo & tria efficere quinque, & hominem esse animal rationis particeps: altero, ex suppositione, vt posito aliquo fine, ad eius cōsequutionem necessaria sunt media. Hoc rursus duplex, alterum quod dicitur necessarium simpliciter, sine quo nullo modo finis haberi potest; vt posito quod aliquis velit viuere, necessarius est cibus: alterum quod est utile, & commodum; ad bene esse; vocant; vt volenti Romam ire, utilis est equus. Hic dubitatio est de necessitate ex hypotesi, an Philosophia sit necessaria simpliciter, an solum utilis. Id quod adhuc duobus modis intelligi potest; primo vniuerse in tota rep. humana, aut christiana; secundo respectu singularum, aut aliquarum personarum. Potest etiam dubitari de necessitate partium Philosophiæ comparandō eas inter se; vt de speculatrice, & actiuosa, vtra sit magis necessaria, & de earum partibus. Illud etiam adnotauerim, aliquid esse expetibile, vel solum propter aliud, vt pecunia, & fortunæ bona, quæ non expeterentur, nisi ad aliud bonum obtinendum, conseruandumque conferrent: vel propter se, cuiusmodi est id quod est honestum, quamuis sub alia ratione ad aliud referatur; vt virtus ad consequendam vltimam felicitatem, & veritatis notitia, quæ bona per se expeterentur, etiamsi alio referri nō possent, cum sint bona naturæ maxime consentanea. Quare id solum propter se absolute expetitur, quod nullo modo potest referri ad aliud; vt est beata vita, cuius asciscendæ caussa sunt facienda omnia. hæc sunt quæ adnotasse volui: quæ dicenda restant, quibusdam positionibus cōplectar.

PRIMA positio, vltima ac perfecta hominis felicitas non est sita in cognitione quæ habetur per humanam

nam Philosophiam. Doctrina est certissima fide tenenda, quam quia nos hoc loco tanquam fundamentum ponimus, ideo breuiter confirmabimus; plura qui uolet Theologos consulat. Primum, quia huic bono non conueniunt omnes conditiones, quæ summo bono ultimæque beatitudini tribuuntur; ut quod sit bonum simpliciter perfectum, per se expetibile, ita ut omnia ad ipsum referantur, & ipsum ad nullum: quod sit causa & principium omnium bonorum, & bonum supra omne bonum, optimum, pulcherrimum, delectabilissimum, & maxime honorabile; & in summa, ut nostri docent, quod sit status quidam omnium bonorum aggregatione perfectus: ex quibus conditionibus, nec omnes, nec omni ex parte Philosophiæ bono conueniunt; præsertim illa, quod humanum appetitum satiet. Deinde, ultima felicitas in ea re debet esse posita, quæ ab omnibus acquiri possit: atqui, ut omnino manifestum est, Philosophiæ possessio non est huiusmodi: igitur hoc ei tribuendum non erit. Denique, impius Auenroës hac in parte sibi contradixit, cum alibi scriptum reliquerit, felicitatem aduenire post Philosophiam, & consistere in quadam unione intellectus cum substantiis abstractis; quod etiam est falsissimum, cum in nullius boni creati adoptione consistat, sed in unione per intellectum & uoluntatem cum summo rerum omnium principio. Vnde longe melius quidam de ultimo fine philosophando dixit, Felicitas est cuiuscunque rei reductus ad suum principium: est enim summum bonum, quod omnia appetunt; hoc autem est summum ens, omnium rerum principium. Ex allata doctrina colligeres, ultimum hominis finem simpliciter, non esse congruenter naturæ uiuere, nec naturalem legem efficere hominem beatum. Quare, cum ita a Philosophis ethnicis dicuntur, intelligenda sunt de quadam inchoata & imperfecta beatitudine, quæ in hac vita haberi potest.

SECUNDA positio, vera sed imperfecta huius uitæ
bea-

Arist.

lib. 1.

eth.

Boet.

Arist. 1.

eth.

D. Tho.

1. 2. q. 2.

Ioan. Pic.

proœ.

lib. 7. he

tap.

Conc.
Arauf.
Mileu.
Trip.

beatitudo non consistit in cognitione, & in virtute, quæ solis naturæ uiribus comparatur : & ideo nemo vnquā Philosophorum potuit vere appellari beatus in hac vita per eam noticiam & bonitatem , quam solis naturæ præsidij sibi comparauit . Quoniam nemo eum uocaret beatum, etiam ipsis Philosophis adstipulantibus, qui in aliquo esset vitio, ob quod summo Parenti esset inuisus , cui qui inuisus est , infelix est: atqui veritas catholica docet , nos non posse omnia vitia vitare, & omnes virtutes comparare sine auxilio diuinitus concesso: igitur. Et hoc confitebantur Philosophi, & Gentiles, cum nostrorum viuendi rationes obseruando dicebant, Qui sunt isti, qui ea faciunt, quæ dicunt? Et Epictetus contra suos indignabatur, quod non ita honeste ueretur, ut nostri uiuebant: immo nec ipse eorum magister.

TERTIA positio, huius vitæ vera & inchoata beatitudo consistit in cognitione quarundam veritatum , quæ partim lumine naturæ , partim diuino cuique notæ esse possunt , & in amore Dei supra omnia . Hæc etiam doctrina est certa fide tenenda: quam etiā meliores Philosophi non negarent ; & ex ijs quæ diximus veram esse plane constat. Concludamus igitur, per humanam Philosophiam non tantum bonum nobis accedere, ut dicere debeamus , eam esse necessariam tanquam vltimum finem , etiam si de inchoato & imperfecto fine loquamur.

QUARTA positio, Philosophiæ studium humanæ reip. est simpliciter necessarium , si beata vita in ea sit futura. Hanc veritatem demonstrant nonnullæ utilitates, aut potius necessitates , quas supra attulimus ; ut sunt illæ quæ a cognitione Dei, & nostri, & vltimi finis, ac etiam a confutatione errorum, & a defensione veritatis sumuntur. Et quod attinet ad remp. civilem hoc **Epist. 7.** expresse docuit Plato, cum dixit, Itaque non prius desinere humanum genus in malis versari, quam, aut homines recte vereque philosophantes rerum gubernationem adepti fuerint ; aut hi qui gubernant , diuina qua-

quadam sorte philosophentur: cuius pene diuinam sententiam omnes posteri approbarunt: quam etiam ipsa exempla confirmant. Nam qui principes melius rep. administrarunt, ij Philosophiæ non fuerunt ignari, & Philosophorum delectabantur commercio, eorundemque utebantur consilio. in quibus Numa Pompilius, Alexander, Cæsar Augustus, qui multum Philosophiæ tribuit, Traianus, Antoninus, Lucullus, Brutus, & alij. Ideoque antiquitus melius populi gubernabantur, cum iidem erant Principes, Philosophi, & sacerdotes: Omnes bene administratarum ciuitatum leges a Philosophis fuerunt constitutæ, aut ex eorum doctrina depromptæ. Hi soli ciuitatum beatam vitam cognouerunt, & ad eam consequendam bonas leges statuerunt. De inique, ne in loco amplissimo latius, quam necessitas postulat, calamus excurrat, cum Hospite Atheniense apud Platonem concludam, Omni crimine legum-lator carebit, si melius de dijs, quam prisci sentiat, & optima vsus disciplina, deos hymnis colat, beatitudinemque extollat, atque ita vitam transigat: cuius sententiam, his verbis laudauit Clinias. Recte tu hospes, quandoquidem finis hic legum tibi propositus est, vt Dei cultu & vitæ puritate optimum atque pulcherri- mum exitum consequaris. Huc pertinet hæc pulcherri- ma Lyrici Poetæ sententia,

Frigida curarum fomexta relinquere posses,

Quo te celestis sapientia duceret, ires.

Hoc opus, hoc studium parui properemus, & ampli,

Si patria volumus, si nobis viuere cari.

Q u o d vero attinet ad rempub. Ecclesiasticam & Christianam, vt nunc omittam quod supra dixi, de doctrina rerum creaturarum primo Parenti, & Salomoni ad bene regendum eis tanquam necessaria concessa, si in ecclesia talis doctrina non est eo modo quo diximus necessaria, quæ causa fuit, ut sancti Patres tantopere in eâ incumberent, eamque defenderent? & in hunc finem di- uisus Marcus Academiam Alexandrinam institueret

atque

Plut. in
Apoph.
Lege
Plut. o-
pus.
Lege Ti
raq. lib.
de No-
bilit. c.
s. num.
10. & 11
Aristi in
Pol.
In Epi-
nom.

atque sacra concilia ad hæc studia colēda eos, qui alijs præesse debent obligarent? Quomodo veritas contra pseudophilosophos sine vera Philosophia defendetur? Quis sine miraculo diuina oracula recte exponeret? sane vnquam nemo.

Posszu. SED petat aliquis, si Philosophiæ cognitio est ita necessaria, cur Deus rerum natura constantium arcana nobis non reuelauit? Cui responderem, satis fuisse Deum nobis cœlestem panem cœlitus dedisse, eam ni mirum doctrinam, quam nostris viribus acquirere non poteramus, eum vero quem nostro studio nobis parare fas erat cōueniens fuit, vt nobis, ad nostrū maiorem honorē gloriamque parandum relinqueret; vt in sudo

Eccs. i. re, nostro, nostro vesceremur pane. Dedit itaq; Deus nobis vt Sapiens ait, hanc occupationem pessimam, hoc est laboriosam, ne hanc vitam otiose transfigeremus. Adde etiam, quod Deus a principio hanc doctrinam reuelauit, quæ per traditionem ad posteros potuit dimanare, & per multa sæcula dimanauit; sed hominum improbitate, & speciatim linguarum confusione aliqua parte fuit amissa.

DENIQUE, hæc doctrina, quantum ad ea quæ vniuerse omnibus necessaria erat per diuina oracula instaurata fuit, & speciatim ratione eorum quæ ad Dei ac nostri, & ad morum cognitionem pertinent.

QVINCTA positio, Philosophiæ cognitio quibusdam artibus, si perfecte cognosci, ac exerceri debent, est simpliciter necessaria, Doctrina est manifesta, & patet ex ijs quæ supra de vtilitate agendo diximus.

SEXTA positio, aliqua eorum quæ in Philosophia tractantur notitia, vel proxime, vel remote est omnibus hominibus necessaria. Quoniam nulla resp. vt docuimus, sine ea recte administrari potest: & bona pars earum rerum quæ in sacra Theologia tractantur, ex Philosophia deprompta est: quamuis alijs rationibus res illæ probentur, & ad alium finem referantur; quod si illa, aliqua parte, omnibus est necessaria, hæc etiam

erit : præsertim ratione eorum , quæ sunt veluti fidei præludia.

SEPTIMA positio , Philosophiæ cognitio est quoddam bonum per se expetendum. est Doctrina certissima, & satis patet ex ijs quæ supra docuimus. Atque his positionibus huic difficultati satisfactum puto : argumenta in contrariū allata hunc in modum solueres.

AD primū, in primis, datur præceptum ecclesiasticum de cognitione Philosophiæ, vt supra docuimus : deinde datur etiam præceptum naturale, siue diuinum implicitum, cum id scire quisque debeat, sine quo nec Deū, nec se, nec honestas vitæ rationes cognoscere potest ; quam cognitionem per Philosophiæ doctrinam habemus.

AD secundum, nemo salutem consequetur, nisi vel per se, vel per alios aliquarum rerū notitiam habeat , quæ in Philosophia tractantur ; vt sunt legis naturæ præcepta, & recta eorum quantum cuique satis est intelligentia, quamuis ex diuina beneficentia , in Sacris literis fuerint repetita.

AD tertium , hoc argumentum solum conficit , in sola naturali rerum diuinarum & humanarum notitia non esse sitam nostram absolutam felicitatem, quod libenter concedimus : sed ad eam obtinendam & conseruandam , Philosophicam doctrinam non esse eo modo quo diximus necessariam , non probat. Verum tamen est, nos, qui maiore & perfectiore lumine sumus illustrati, non ita proxime naturalis doctrinæ lumine indigere, vt olim Gentes, quæ in lege naturæ fuere . Sed de his accuratius Theologi disputent : nos nihil amplius Philosophiæ tribuimus , aut tribuere volumus , quam catholica veritas tribuit : quod is sane intelliget, si quid , & quomodo ei tribuimus , animaduertet : & adhuc planius paullo infra cognoscet, vbi Philosophiā cum Christiana doctrina comparabimus .



CUM Philosophia, vt supra diximus, & infra planius dicemus, in duas primas sit distributa partes, in cognoscentem, & agentem has ambas inter se nunc comparare volumus; vt, vbi vtra sit magis necessaria & fructuosa, notum fuerit, in ea magis elaboremus, quæ plus emolumenti afferet. Quamuis ergo multæ inter Philosophiæ partes comparationes fieri possint: nos tamen hac vna, quæ nullo modo est ignoranda, contenti erimus.

Max.
Tyr.
Fran.
Patr. lib.
6. de re-
gno.

• **VBI** animaduertendum est, nos in præsentia nolle examinare celebrem illam disputationem, de præstantia & dignitate. vitæ speculatiuæ & practicæ, quam passim a multis tractatam inuenies, sed solum de fructu & utilitate, quæ ex vtriusque doctrina percipi a nobis potest, differere volumus. Ponimus itaque vtrâque suas habere vtilitates, sed quærimus, vtra maiores, tum respectu sui, tum aliorum. Quod autem ea pars sit fructuosior, quæ res sola cogitatione attingit, his rationibus persuaderi potest.

Tul. 5.

PRIMO, id debet fructuosius censeretur, quod maxime naturam attingit humanam: atqui eiusmodi est ea Philosophiæ pars, quæ sola cogitatione est contenta, cum vita hominis, auctore Tullio, sit cogitatio: igitur.

Lib. 3. d.
fin.

SECUNDO, id est fructuosius, quo congruenter naturæ viuimus, in quo beatam vitam positam esse passim meliores Philosophi docent, & multis in locis M. Tullius: at, eodem auctore, ei qui conuenienter naturæ sit victurus proficiscendum est ab omni mundo, & ab eius procuratione: igitur.

TERTIO, quia honesta vita & Philosophia practica videtur referri ad speculationem; ac proinde in cognitionis vita, tanquam in fine potius commorandum erit, quam in actiuosa.

QVOD

QUOD attinet ad opiniones circa propositam, difficultatem duas hic possumus notare philosophantium sententias: vnam eorum, qui cognitionis vitam magis sibi colendam putarunt: alteram aliorum qui magis actiuosa Philosophia delectati sunt; ut ex eorum vitis cognoscere licet; vnde alij magis in rerum naturis inuestigandis tempus consumpsere, alij vero in formandis hominum moribus elaborarunt: illi quæ extra nos sunt inspexerunt, hic quæ in nobis sunt, & a nobis fiunt examinarunt. Nos de hac re ita statuimus.

PRIMA positio, vt aliquis vere Philosophus vocari, & vitam Philosopho dignam viuere queat, utramque Philosophiæ partem colere dēt. Primo, quia *Horat.* Philosophia hominem perficit, cuius duę sunt partes, ratio, & appetitio: illa veritate, hæc virtute, illa cogitatione, hæc actione perficitur: quare, vt homo sit, vt inquit ille, totus teres atque rotundus, vtraque Philosophiæ parte perficiendus erit. Deinde, idem confirmares a fine hominis, qui ad intelligendum & agendum factus esse videtur, vt his verbis contra *Lib. 2. d* Epicureos disputando docuit M. Tullius, Hi non viderunt, ut ad cursum æquum, ad arandum bouem, ad indagandum canem, sic hominem ad duas res, vt ait *fin.* Aristoteles, intelligendum & agendum esse natum, quasi mortalem deum. Denique, vt in extremis verbis allatæ sententiæ indicatur, Philosophiæ est, reddere hominem Deo similem: at ista similitudo, in cognitione & actione consistit, vt supra docuimus: igitur.

SECOND A positio rerum naturalium, atque sublimium inspectio maxime confert ad proficiendum in vita actionis. Hoc dixerim cōtra eos, qui nō vidētes quātum mens humana rerū creatarum notitia illustrata, in honestate vitæ proficere queat, se totos ad actionem tradunt, qui cum rerum maximarum luce careāt, minus, tardiusque in agendo proficiunt. Hanc doctrinam his luculentis verbis expressit M. Tullius. Neque *Lib. 3. d* vero potest quisquam de bonis & malis vere iudicare, *fin.*

nisi omni cognita ratione naturæ, & uitæ, etiam Deorum, & virum conueniat nec ne, natura hominis cum vniuersa. Quæque sunt vetera præcepta sapientium, qui iubent tempori parere, & si qui Deum, & se noscere. Ad cuius confirmationem facit etiam id quod Arist. lib. de Indum quendam Socrati respondisse perhibent. Cum par. an. Socrates prius in rerum naturis inuestigandis operam c. c. i. fin. posuisset, & postea ad civilem virtutem & vsum se totum tradidisset, a quodam Indo interrogatus, quomodo Euseb. lib. de do & quid faciendo Philosophus fieret, Respondit, si pp. c. 5. quomodo viuendum sit homini consideres: atqui Indus & lib. ridendo dixit, Neminem posse recte res humanas intelligere, qui diuinas ignoret, vt etiam disserre in allata sententia docet M. Tullius. Ignorata itaque Dei natura, mundique prouidentia; necesse vt ingens malorum erumpat congeries, vt merito Iuuenalis in hæc verba proruperit,

Sat. 10. *Heu prima scelerum causa mortalibus ægris,
Naturam ignorasse Dei.*

Quo ignorato, eiusdem ignoratur prouidentia, animorum perpetuitas; & in summa ex eadem ignoratione, sui nascitur ignoratio, & illa de qua dicebamus malorum congeries.

Prud. lib. 2. *Nam si tota mihi cum corpore vita peribit,
Nec poterit super esse meum post funera quicquam.
Quis mihi regnator cæli? quis conditor orbis?
Quis Deus? aut qua iam merito metuenda potestas?
Ibo per impuros feruente libidine luxus,
Incestos torros, sacrum calcabo pudorem;
Inficiabor, &c.*

DE N I Q V E, cum nemo honeste viuere queat, nisi seipsum cognouerit, totumque explorauerit; quod prudens negaret nemo, & ista sui cognitio sine earum rerum quas diximus inspectione, haberi non queat: profecto non multum in vita proficiet humana, qui eas non nouerit. Is itaque deum se, aliosque recte instituet, & cum suo, & alieno fructu in communi vita versabitur,

qui

qui per theoricam Philosophiam, rerum sublimium, inique non mediocrem adeptus fuerit cognitionem.

TERTIA positio, ea supposita de qua diximus scientia, utilius ac fructuosius esse existimarem, eam Philosophiæ partem docendo, scribendo, atque ad usum traducendo excolere, in eaque plus temporis collocare, quæ in actione consistit. Primum, quia experientia docet, eos meliores fuisse Philosophos, vniuersæ loquendo, qui de moribus philosophati sunt, quam qui de solis rebus naturalibus, ut Socratici, Platonici, et Stoici: & ob hanc causam maximam Socrates meruit laudem, quod post naturalem rerum notitiam, ad morum Philosophiam, cuius auctor existimatus fuit, se totum tradiderit. Deinde, quia experientia docet, maiores capi fructus ad recte vitam instituendam, hoc enim nunc quaerimus, si eorum legamus scripta, qui de virtute, de moribus, atque de beata vita egerunt; ut Platonis, & Platoniorum & Stoicorum omnium, Epicteti, Senece, M. Tullij, & similium, quam aliorum, qui in rerum naturis inuestigandis toti fuerunt occupati: de quibus illud dici posse videtur, quod Paulus ait, Eos euuuisse in cogitationibus suis, cum non ita Deum coluerint, seque recte instituerint, ut Deum, & se aliquo modo cognouerunt. Præterea, idem confirmatur auctoritate Platonis, qui epistola ad Aristodorum eam appellat veram Philosophiam, quæ mores spectat: alias vero scientias potius ornamenta recte appellari affirmat. Et sane, cum sola virtus nos bonos, ac proinde vere beatos efficiat, quod de nuda rerum cognitione affirmari minime potest, profecto, ea Philosophiæ pars præcipue colenda erit, quæ mores format, & homines bonos reddit. Huc pertinet hæc præclara Lyrici Poetæ sententia.

Epist.
10.

Hor.
ib. 1.
Ipsist.
c

*Quære fugam morbi, vis recte vivere? quis non?
Si virtus hoc una potest dare, fortis omiſſis
Hoc age delitijs. Virtutem verba puta, ut
Lucum ligna?*

IAM, vero huc facit, quod omnes Theologi docet,
G 3 huius

huius vitæ beatitudinem, potius in amore, quam in cognitione consistere, quidquid nunc sit de alia vita: atqui amor ad vitam pertinet actiuam: igitur, ut magis finis beati, magis eam Philosophiæ partem colamus, quæ in agendo, quam quæ in cognoscendo consistit. Denique, cum in Philosophia sit quoddam singulare bonum, & de boni natura sit se cum alijs communicare, quod in actione consistit, ni minus boni, ni nobis solis natos esse videri volumus, quod ingrati & inuidiosi hominis esse videtur, ob quam causam Philosophia aliquam perpeffa est calumniam, ea præcipue Philosophiæ pars colenda erit, quæ se cum alijs communicat. Quare sapienter a Seneca dictum fuit, si cum hac exceptione detur sapientia, ut non communicem, non est tanti, ut sudem & æstuem; cum nullius boni sine socio sit iucunda possessio. Neque ijs quæ diximus, in contrarium allata obstant argumenta, ut ex eorum solutione patebit.

Ad primum, non minus attingit naturam humanam bonitas, & virtus, quam veritas & scientia quantacunque sit; cum ab ea homo non appelletur simpliciter bonus, ut a vita cum honestate coniuncta appellatur. Hunc facit, sententia illa Euripidis, qua aiebat,

In Ione.

ἢ δ' ἀνέιν, ἢ ζῶ καλῶς,

Id est, Aut moriendum, aut honeste viuendum.

Ad secundum, congruenter naturæ viuere, ex meliorum Philosophorum sententia, & ex Tullio varijs in locis, nihil aliud esse videtur, quam cum virtute viuere, quod qui faciunt, in actione versantur. Illi uero, qui sola mentis agitatione contenti, in umbra viuunt, ab eodem

Lib. 1. Tullio minus laudantur.

offic.

Ad tertium, licet honesta vita ad sapientiam veritatemve comparandam sit necessaria: tamen, ne in cognoscendo mens euanescat, & ut perfecta acquiratur sapientia in utraque vitæ parte collocata, cognitio ad actionem reuocanda est. Sed pro nostro instituto hac de re hæc leuiter attigisse sufficiat.



QUæ multa atque præclara de vtilitate, atque necessitate humanæ Philosophiæ differendo diximus, legentium animos ad eam cognoscendam, Christiana sapientia posthabita, facile commouere possent; ideo ne quis hac in parte pec-

cet, hasce ambas sapientiæ vniuersæ sumptæ partes inter se conferendo, quantum Christiana Philosophia humanam antecedit, paucis demonstrabo. Ex quo planum fiet, quam vere antiqui Patres, contra ethnicos Philosophos agendo, sacram doctrinam profanæ sapientiæ prætulerint: & non tantum humanæ doctrinæ esse tribuendum, quâ tum olim ab ijs, qui solo naturæ vitiatæ lumine utebantur, tributum fuit. Et quamuis de re proposita integrum volumen scribi posset: nobis tamen qui Introductionem conficimus, & alias integro libro de Christiana doctrina copiose egimus, si breuiter egerimus, vitio dandum non erit.

SE D diceret hic aliquis, hunc laborem a nobis frustra suscipi, cum Philosophia humana eadem esse videatur cum diuina. Quandoquidem eandem habent subiectam materiam quam tractant, res diuinas & humanas: eandem efficientem causam, cum Deus vtriusque auctor dicatur: eundemque finem, veritatis cognitionem, & beatam vitam. Cæterum & in his, & in multis alijs differre, nonnulla inter eas assignando discrimina, plane indicabo. Ex quibus etiam intelligetur, quantum Christiana sapientia ethnicam antecellit.

PR I M O igitur differunt ratione causæ efficientis: quia licet Philosophia humana industria, aut inuenta, aut culta, aliquo pacto sit a Deo, remote tamen, non proxime: at vero nostræ proximus auctor fuit Deus ipse; ut merito Hebræi hac de re aduersus Gætes gloriarentur, & nos multo magis gloriari possimus. Et sanæ, si

*Lib. 6.
tis, vitæ
& sapiē
tiæ.*

Rom. 3.

Psal. 147

nostra non fuisset penitus diuina, nunquam sibi subijcere potuisset humanam. Vt vere canere nobis liceat, Non fecit tal ter omni nationi, & iudicia sua non manifestauit eis.

Ambro.
præf. in
Luc.

Epist. 3.
ad vo
lus.

SECUNDO, ratione rerum quas continent: nostra non solum res humanas & diuinas, quæ humano studio attingi possunt, continet, sed etiam multa, ad quorum notitiam humana intelligentia peruenire non potest; ut sunt multa arcana, quæ nostrâ doctrina habet: Mysterium de Deo trino & vno, de corporû excitatione, de clara diuinæ naturæ in omnem æternitatem inspectione, & id genus alia: ac proinde eam superat, & ab ea est diuersa ratione materiæ. Quod si quæ his de rebus humana Philosophia adumbrate & imperfecte dixit, a nostrâ accepit: & quod illa quasi ad obscurum Lunæ lumen vidit, nos ad clarum Solem cernimus. Est itaque nostra Philosophia priscæ & caligantis sapientiæ manifestatio. Ad ea quæ diximus confirmanda & locupletanda facit hic pulcherrimus Augustini locus; ubi, cum de prædictionibus quæ in nostra doctrina habentur, quibus euidenter demonstratur esse diuinam, verba fecisset, ita scribit. Hæc omnia sicut leguntur prædicta, sic cernuntur impleta: atque ex his iam tot, & tantis, quæ restant, expectantur implenda. Quæ tandem mens auida æternitatis, vitæque præsentis breuitate permota, contra huius diuinæ auctoritatis culmen lumenque contendat? Quæ disputationes, quæ litteræ Philosophorum, quæ leges quarumlibet ciuitatum, duobus præceptis ex quibus Christus dicit totam legem Prophetasque pendere, ullo modo sunt comparandæ? Diliges Dominum Deum tuum, ex toto corde tuo, ex tota anima tua, & ex tota mente tua, & proximum tuum tanquam teipsum. Hæc Physica, quoniam omnes omnium naturarum causas in Deo creatore sunt: hæc Ethica quoniam vita bona & honesta non aliunde formantur, quam cum ea quæ diligenda sunt, quemadmodum diligenda sunt, diliguntur,

tur, hoc est Deus, & proximus : Hic logica , quoniam veritas, lumenque animæ rationalis non nisi Deus est: Hic etiam laudabilis reip. salus : neque enim conditur & custoditur optima ciuitas, nisi fundamento & vinculo fidei , firmæque concordie , cum bonum commune diligitur, quod summum, ac verissimum Deus est, atq; in illo uicissim sincerissime, se diligunt homines, cum propter illum se diligant, cui quo animo diligunt, occultare non possunt. Hæc Augustinus.

TERTIO ratione finis, quoniam nostra verum, perfectum, & summum finem hominibus plane manifestat; illud nimirum bonum, quod nunquam sub ullius hominis oculos, aures, & intelligetiam cecidit; de quo solo affirmare licet, esse statum omnium bonorum aggregatione perfectum : at vero humana non item, ut patet ex dictis .

1. *Cof.*
Boet.

QUARTO, ratione perfectionis, quia nostra est ex omni parte perfecta, & absoluta, cum solum vera, & bona contineat, falsi & mali nihil : humana autem nonnullis est aspera erroribus, ut infra plane patebit, cum Philosophorum erriata recensebo .

QUINTO, ratione formæ, qua tradita & scripta fuit : quia nostra, ut quæ a Deo cuius sapientia est infinita, ortum habuit, non differendo, non probando, sed per simplicem veritatis pronuntiationem data fuit. Nec enim decebat, ut cum Deus ad hominem loqueretur, argumentis assereret suas uoces, tanquam fides ei non haberetur; sed ut oportuit, est loquutus, quasi rerum omnium maximus iudex, cuius non est argumentari, sed pronuntiare uerum . Scripsit Aristoteles, ut quidam humanus magister de moribus, disputando, probando, ac refellendo, accommodata ad iuuenes docendos : at diuinus spiritus per effata & pronuntiata; ut sapientem decet, ad sapientes instruendos accommodata loquutus est . Vnde colligeres, quam uerarent illi, qui ideo minus libenter sacra, doctrinam legunt, quod eam sine argumentis datam esse uideant:

Firm.
lib. 3. c.
2.

non

non animaduertentes quid diuinam sapientiã decue-
rit. Scripsit Plato de humanis diuinisque rebus, sed
ornate, & splendide, & quodam uerborum lenocinio;
quo sane fūco ea quæ docebat, ut minus speciosa, &
vera, egebant; quibus extrinsecis additamētis simplex
& nuda veritas, quia satis ornata per se est, cum non
egeat, nullo aliunde ornata quæsito circumlita fuit:
quamuis non fuerit ruditer tradita, ut quidam falso
calumniati sunt; id quod alio libro plane demonstrauit.

Lact.

Loc. cit.

De ora-
tore di-
uino.

SEXTO, nostra doctrina quam longissime distat
ab humana, eamque antecellit, potestate & viribus:
quia licet humana sapientia, aliquid luminis præbeat:
tamen ad ea quæ ostendit agenda, vires suppeditat
nullas. Est itaque hoc unicum & singulare christianæ
doctrinæ priuilegium, atque hæc suprema præemi-
nentia, vt vires ad id efficiendum præbeat, quod fa-
ciendum docet; quod nulli doctrinæ, nulli legi, etiam
antiquæ a Deo datæ, concessum fuit. Hanc singula-
rem nostræ doctrinæ prærogatiuam, his singularibus
verbis, hæc de re agendo, expressit Firmianus. Quod
ergo illi poscente natura faciendum esse senserunt,
sed tamen neque ipsi facere potuerunt, nec a Philoso-
phis fieri posse uiderunt; sola hæc efficit doctrina ce-
lestis, quia sola sapientia est. Illi scilicet persuadere
cuiquam potuerunt, qui nihil persuadent etiam sibi:
aut cuiusquam cupiditates oppriment, iram tempera-
bunt, libidinem coercebunt; cum ipsi cedant uitij, &
fateantur plus ualere naturam. Dei autem præcepta,
quia & simplicia, & facilia sunt, quantum ualeant in
animis hominum, quotidiana experimenta demon-
strant. Da mihi uirum qui sit iracundus, maledicus,
effrœnatus, paucissimis Dei verbis, tam placidum, quã
ouem reddam. Da cupidum, auarum, tenacem, iam ti-
bi eum liberalem dabo, & pecuniam suam plenis ma-
nibus largientem. Da timidum doloris & mortis; iam
cruces, & ignes, & Phalaridis taurum contemnet. Da
libidinosum, adulatorem, ganeonem: iam sobrium,
castum,

castum, continentem videbis. Da crudelem & sanguinis appetentem. iam in veram clementiam furor ille mutabitur. Da iniustum, insipientem, peccatorem: continuo & æquus & prudens, & innocens erit. Vno enim lauacro malitia omnis abolebitur. tanta diuinę sapientię vis est, vt in hominis pectus infusa, matrem delictorum stultitiam vno semel impetu expellat. ad quod faciendum non mercede, non libris, non luctationibus opus est. Gratis ista fiunt, facile cito: modo pateant aures, & pectus sapientiam sitiāt. Hęc ille.

SEPTIMO, in eo nostra ab alijs secernitur & cæteras omnes superat disciplinas, quod se cuique, etiam rudissimo, parabilem præbet, & neminem a se excludit, sed cuiusque ingenio est accommodata: quam prorogatiuam his ornatissimis verbis idem Firmianus exposuit. Summus ille noster (Tullium intelligit) Platonis imitator existimauit Philosophiam non esse vulgarem; quod eam non nisi docti homines assequi possent. Est, inquit, Philosophia paucis contenta iudicibus, multitudinem consulto ipsa fugiens. Non est ergo sapientia, si ab hominum cœtu abhorret. Quoniam si sapientia homini data est, sine vllō discrimine omnibus data est; vt nemo sit prorsus, qui eam capere non possit. At illi virtutem humano generi datam, sic amplexantur, vt soli omnium publico bono frui velle videantur: tam inuidi, quam si velint deligare oculos, aut effodere cæteris, ne solem videant. Nunquid est aliud hominibus negare sapientiam, quam mentibus eorum verum, ac diuinum lumen auferre? quod si natura hominis sapientię capax est, oportuit opifices, & rusticos, & mulieres, & omnes denique, qui humanam formam gerunt, doceri, vt sapiant, populūque ex omni lingua, & conditione, & sexu, & ætate constari. Maximum itaque argumentum est, Philosophiam neque ad sapientiam tendere, neque ipsam esse sapientiam, quod mysterium eius barba tantum celebratur, & pallio. Senferunt hoc adeo Stoici, qui & ieruis, & mulieribus Phi-

losofandum esse dixerunt: Epicurus quoque, qui rudēs omnium literarum ad Philosophiam inuitat: item Plato, qui ciuitatem de sapientibus voluit componere. Conati quidem illi sunt facere, quod veritas exigebat, sed non potuit ultra verba procedi.

Lib. 3. OCTAVO, superat consensione veritatis, & earum rerum quas docet; in quo sane multum humana Philosophia a perfectione recedit: cum nihil fere in ea fuerit, in quo vniuersi vna voce consenserint; quem locum eleganter apud eundem Firmianum tractatum inuenies: qui cum humanæ sapientiæ incertitudinem, c. 15. demonstrasset, de nostra loquendo ita cōcludit, Nulla itaque ratio, vel scientia, vel lex bene viuendi, nisi in hac vnica, & vera, & cœlesti sapientia constituta est, quæ philosophis fuit ignota. Et sicuti vnus est huius mundi constitutor & rector Deus, vna veritas; ita vnā esse ac simplicem sapientiam, necesse est: quia quidquid est verum, ac bonum, id perfectum esse non potest, nisi fuerit singulare.

NONO, superat antiquitate, perpetuitate, & amplitudine: quia ea solum doctrina quā nos profitemur, a mundi exordio fuit, & perpetuo durauit, & ad omnes nationes penetravit: ac proinde hæc sola prima, & perennis Philosophia nuncupanda, & vt vera, stabilis, & catholica retinenda est; cū alię omnes aliquando non fuerint, & postquam extiterūt cessauerint, & certis in locis viguerint, vt longissima inductione probari posset; sed in re manifesta nihil est necesse. Concedendum est igitur argumentum illud, quo vsus est Hortensius, ad demonstrandum, humanam Philosophiam non esse sapientiam (de ea intellige, quam homines solo naturæ lumine excogitarunt) quod eius principium & origo appareat. Quando, inquit, Philosophi esse cæperunt? Lib. 3. c. 16. Lact. Thales, vt opinor primus: recens hæc quidem ætas. Vbi ergo apud antiquiores latuit amor iste inuestigandæ veritatis? Idem fatetur Lucretius,

*Denique natura hac rerum, ratioque reperta est
Nuper;*

Nuper: & hanc, primus cum primis ipse repertus

Nunc ego sum, in patrias qui possum vertere voces.

ET Seneca, Non dum sunt, inquit, mille anni, ex quo initia sapientiæ nota sunt. Multis ergo seculis humanum genus sine ratione vixit. Quod irridens Persius, postquam inquit, sapere vrbi cum pipere & palinis venit: tanquam sapientia cum saporis mercibus fuerit inuecta. Quæ si secundum hominis naturam est, vt Lactantius disputat, cum homine ipso cœperit, necesse est: si vero non est, nec capere quidem illam posset humana natura. Sed quia recepit, igitur a principio fuisse necesse est, ergo Philosophia, quia non a principio fuit, non est eadem vera sapientia. Sed videlicet Græci, qui sacras veritatis literas non attigerant, quæadinodum deprauata esset sapientia, nesciuerunt. Et ideo cum vacare sapientia humanam vitam putarent, Philosophiam commenti sunt, idest latentem, atque ignotam sibi veritatem differendo eruere voluerunt. Quod studium per ignorantiam veri, sapientiam putauerunt. Quod vero ad amplitudinem attinet, Magistri autem nostri, inquit Alexâdrinus Clemes, verbum non mansit in sola Iudæa, sicuti Philosophia in Græcia, sed diffusum est per totum orbem terræ Græcorum simul & Barbarorum gentibus, & vicis, & totis viribus persuadens totas domos, & seorsum vnumquemque ex his qui audiuerunt, & ex ipsis Philosophis etiam non paucos iam traducens ad veritatem, & quæ apud ipsum sequuntur.

DENIQUE, ne pluribus, lucem cum tenebris, aurum cum arena, magistrum cum discipulo, & mentem humanam cum humana ratione, comparem, in eo nostra Philosophia ethnicam doctrinam superat, quod hominum nemo, sine nostra, salutem consequi vnquam potuit. Nomine autem nostræ, eam intelligo cognitionem, quæ semper in omni lege, & apud omnes populos ad æternam felicitatem consequendam fuit necessaria, qua cum omnes virtutes debuerunt esse coniun-

Laet.
lib. 3. c.
30.

Atque ita ut nec Socrates, nec Platonem, nec Catones, nec Senecæ, nec omnium mortalium quilibet, per solam ac puram divinarum atque humanarum rerum noticiam viribus naturæ comparatam, potuerit esse beatus. De nostra itaque sola dici potest, Sanatos fuisse, qui unque placuerunt Deo a principio. Vnde colligeres, verum esse id quod nos in Introductione ad sacram Theol. late demonstrauimus, præter humanas disciplinas opus fuisse hominibus quadam doctrina diuinitus reuelata, eo modo, quo ibi docuimus. Vna igitur spes homini, una salus in hac doctrina (Firmianus loquitur) quam nos profitemur posita est. Omnis sapientia hominis in hoc uno est, ut Deum cognoscat, & colat: hoc nostrum dogma, hæc nostra sententia. Quanta itaque uoce possum testificor, proclamo, denuntio. Hoc est illud quod Philosophi omnes in tota sua uita quæsierunt; nec unquam tam inuestigare, comprehendere, tenere ualuerunt, quia religionem, aut prauam tenuerunt, aut totam penitus sustulerunt. Facebant igitur illi omnes qui humanam uitam, non instruunt, sed turbant. Quid enim docent, aut quem instruunt, qui seipsos nondum instruxerunt? Quem sanare ægroti, quem regere cæci possunt? Huc ergo nos omnes, quibus est cura sapientiæ conferamus. An expectamus donec Socrates aliquid discat? aut Anaxagoras in tenebris lucem inueniat? aut Democritus veritatem de puteo extrahat? aut Empedocles dilatet animi sui semitas? aut Arcesilas & Carneades videant, sentiant, percipiant? Ecce vox de cælo veritatem docens, & nobis sole ipso clarius lumen ostendens. Quid nobis iniqui sumus, & sapientiam suscipere cunctamur? quam docti homines contritis in quærendo ætatibus suis, nunquam reperire potuerunt. Qui vult sapiens, ac beatus esse, audiat Dei vocem, discat iustitiam, sacramentum natiuitatis suæ norit, humana contemnat, diuina suscipiat, ut summum illud bonum ad quod natus est, adipisci possit. Illa itaque veræ sapientiæ summa, quam Christiana scho-

la omnibus vt parabilem proponit, tenenda est, quam Philosophi non comprehenderunt, quamuis ea fere, quibus summa ipsa constar, & viderint, & explicaerint: sed diuersi, ac diuerse illa omnia protulerunt, non annectentes causas rerum, nec consequentias, nec rationes, vt summam illam, quæ continet vniuersa, & compingerent, & impleretur. Facile est autem docere, pene vniuersam veritatē per Philosophorū sectas esse diuisam. Non .n. sic Philosophiam nos euertimus, vt Academici solent, quibus ad oīa respondere propositum est, quod est penitus calumniari, & illudere. Sed docemus nullam sectam fuisse tam deuiam, nec Philosophorum quemquam tam inanem, qui non viderit aliquid ex vero. Sed cum contradicendi studio insanunt, dum sua etiam falsa defendunt, aliorum etiam vera subuertunt: non tantum elapsa illis veritas est, quam se quærere simulabant, sed etiam ipsi eam potissimum tuo vitio perdididerunt. Quod si extitisset aliquis qui veritatem sparsam per singulos, per sectasque diffusa colligeret in vnum, ac redigeret in corpus, is profecto non dissentiret a nobis. Quod fieri desiderabat Lactantius, cuius sunt, quæ ante dicebam, nostro seculo, fecit Augustinus Steuchus vir perenni laude dignus in suis libris de perenni Philosophia, quod opus, vir doctissimus Cardinalis Sirletus, mirifice commendabat, atque cæteris omnibus præferebat.

Atque ex allatis prærogatiuis, & ex multis alijs quas omisimus, intelligi licet, quātum sapientia Christiana ab ethnica differat Philosophia; ac proinde hanc nemo ita perditē amare debet, vt non videat, eius studium, ob multas causas humano generi necessarium, esse minus nobile, si cum sacræ Theologiæ studio conferatur: ad quod amplectendum integro libro perfectæ sapientiæ cupidos hortati sumus.

Lact.
lib. 7. c.

In lib.
Fons vi
tæ, & sa
pientiæ.

An paucis philosophandum sit. Cap. XVI.



VM itaque humane Philosophiæ studium cum Christiana doctrina comparatum, non tanti fieri debeat quanti olim nonnulli faciendum putarunt, cumque eiusmodi sit, ut errandi occasionem facile præbere queat: iure opti-

mo in disputationem reuocare licet, An paucis philosophandum sit. Et quidem Callicles, ut est apud Platonem in Gorgia, existimauit modice philosophandum esse, animi solum relaxandi gratia. Idem sensit apud Ennium Neoptolemus, ut ex M. Tullio discimus, qui etiam ex quadam necessitate, cum ei non amplius liceret versari in foro, ad Philosophiam se transtulit: & Scipio apud Velleium Paterculum laudatur, quod non solum negotij, sed etiam otij rationem habuerit, & in otio Philosophiam excoluerit. Vnde, ut in libro tertio officiorum scriptum reliquit Tullius, nunquam minus erat otiosus, quam cum esset in otio, hoc est, quam cum vacaret a rebus gerendis, quia tunc cum Musis erat: quam sententiam hæc confirmant argumenta.

Cic.

Tuf. 2.

& 2. de

orat.

Lib... de

nat.

Deor.

Gel. lib.

5. c. 6.

Fran. Pe

tr. tra. 9.

c. 5. de

vita so-

lit.

PRIMUM, quia qui multum philosophari volunt; videntur velle sapere plusquam oportet sapere: at qui faciunt quod non oportet, errant; igitur ne quid peccemus, paucis philosophandum erit.

Prou.

35.

DEINDE, sapientia est veluti fauim mellis: at iuxta sapientis consilium ex melle inuento comedendum est quod sufficit, ne forte quis satius euomat illud. Huc facit illud, Qui scrutator est maiestatis, opprimetur a gloria: quare, ne quis in melle sapientiæ sumendo peccet, modus adhibendus & paucis philosophandum erit.

POSTEA, Philosophiæ studium certis limitibus circumscriptum est: igitur, cum quis ad illos peruenerit, cessandum erit: ac proinde non semper in Philosophiæ studio laborandum erit.

PRAE-

PRAETEREA, qui diu in Philosophiam incumbunt, euadunt quodāmodo stupidi, & ad ciuitates gubernandas inepti, & sibi solis nati videntur, ac proinde ipsi, qui in rebus agendis aliquādo versaturi sunt, paucis Philosophandum erit. Huc facit quod de Philosophis Plato scriptum reliquit, Nec viam in forum norūt, neque iudicium, aut consilium, nec leges & decreta legunt. & de Socrate, eodem auctore, dicitur fuisse irrisum quod in senatu suffragia referre nesciret: ut etiam ille ab ancilla, quicum cælum spectaret, in foueam incidit: Huc etiam pertinent hæc Iuuenalis carmina,

Iuu. sat.

11.

Illum ego iure

Despiciam, qui scit quanto sublimius Atlas

Omnibus in Lybia sit montibus, hic tamen idem

Ignoret, quanto ferrato distet ab arca

Saculus.

HINC illud omnibus ciuitatibus perniciosum Philosophorum dogma *λάθε βίωσας*, id est latenter uiue, quod ille approbasse videtur, qui cecinit,

Ouid. 3.
de trist.
eleg.

Crede mihi, bene qui latuit, bene vixit, & intra

Fortunam debet quisque manere suam.

IAM vero, Philosophia est de numero earum rerum quæ ad aliud referuntur: atque sunt huius ordinis, cum modo sumuntur, ut patet de potione valetudinis causa suscepta: igitur.

POSTREMO, nos Christiani habemus multo nobiliorem & fructuosiore scholam, atque fructuosius sacrarum litterarum studium, quam sint humanæ Philosophiæ, Gymnasia, sacræ nimirum Theologiæ. igitur nobis paucis Philosophandum erit, ut ad maiora accedamus studia. Ut huic difficultati plane satisfaciā, nonnulla fundamenta ponam.

PRIMUM fundamentum, quemadmodum excellens pictor in aliqua imagine pingenda, omnem suam artem studiumque collocat, ut ob imaginis affabræ pietæ pulchritudinem, qui eam inspexerint, eius artem admirentur, & laudent, atque eosdem ad se amandum

H

com-

commoueri: quod sane, est honestissimus bonarum
 artium finis: ita Deus quasi excellentissimus quidam
 pictor, hanc mundi molem, quasi pulcherrimam imagi-
 nem finxit & admirabilium rerum varietate adorna-
 uit, quam iure optimo Greci, Cosmon, id est ornatum
 nomen narrant, ut ab hac rerum pulchritudine, & ornatu
 homines excitari, atque in admirationem adducti, non
 solum ad ipsas rerum naturas indagandas, sed etiam
 ad se tanti ornamenti auctorem suspiciendum, amandū,
 colendum, & aliquando clare videndum commoueren-
 tur. Hinc facit quod aliqui ad eandem rem explican-
 dam dicunt, hunc mundum, esse veluti quendam librū
 maximis pulcherrimasque litteris exaratum, nobisque
 a summo magistro Deo propositum per quem, in vni-
 uersa hac nole exiens, nobiscum loquitur. Nam, ut in
 diuinis litteris est, Spiritus Domini replet hunc orbem
 terrarum & hoc quod continet omnia, id est vniuer-
 sum ipsum, scientiam habet vocis, hoc est vocalem
 scientiam, seu vocem qua nos docet, & in Dei notitiam
 adducit: quam vocem, & loquelam omnes exaudiunt,
 & intelligunt nationes. Ex quibus colligeres, duo esse
 hominis munera, res ipsas, Deumque per res creatas co-
 gnoscere, & cognoscendo amare, & ut planius exponā,
 cognoscere, & agere, cum ad cognoscendum, atque agē-
 dum sit factus: quæ duo, qui exercent munera, ut supra
 scripsimus, ij demum Deum imitantur, suntque beati.
 Proximus itaque, ut non semel diximus, hic est Philo-
 sophiæ finis, cognitio & actio, per se quidem expeten-
 dus, etiam si alio non referatur.

Sap. 1.

Psal. 18.

Arist.

SECUNDVM fundamentum, Philosophia duobus
 modis considerari potest: primo secundum suam na-
 turam, ut est quod iam bonum naturæ humanæ maxi-
 me accommodatum, & ut in eius consequitione quæ-
 dam humana consistit felicitas, iuxta ea quæ supra do-
 cuimus: secundo, ut alio potest referri, & ut non conti-
 net id in quo plene tandem humana appetitio conque-
 scit: sub qua ratione considerata, expetenda est pro-
 pter

per aliud. Rursus Philosophia considerari potest, vel in se, uel ut in hoc, vel illo, huius vel illius conditionis homine reperitur; sub qua ratione potest esse magis minusque alicui fructuosa. Vnde fieri potest, ut alicui expediat, vel non expediat Philosophari, vel certe paucis.

TERTIUM fundamentum, eum certum sit Philosophiæ possessionem usumque consistere in operationibus secundum virtutem, & in cognitione rerum præclarissimarum; hinc fit, ut vere dici possit, humanus naturæ humanæ finis: cum in eo finis positus esse dicatur quod est in aliqua re præcipuum; ut in homine, nemine refragante, est rerum notitia cum honestate uitæ coniuncta; quorum altero sublato, nulla esset hominis naturalis beatitudo: cuius hæc est natura, ut sit per se expetibilis, & sine ulla modificatione. Ex quo colligeres, errare eos, qui alia bona, ut sunt diuitiæ & opes, si ne modo quærenda & paranda putant; uirtutem vero, & id in quo vere sita est felicitas, non item; sed satis esse quantulacunque sit: quos his rationibus egregie in politicis refellit Aristoteles. Primo, quia cætera bona adeo sunt bona & nobis profunt, prout a uirtute administrantur, & ad rectum usum traducuntur: & ideo in ethicis idem auctor scripsit, fortunæ bona non facile sine uirtute consistere: quippe rerum copia ad ea nos impellit quæ cum recta uiuendi ratione pugnant: quo fit, ut diuites soleant esse elati, contumeliosi, & iactatores. Quare potius curandum erit, ut magis eo abundemus & perfruamur bono, quo cætera nobis accidunt bona, cuiusmodi est uirtus. Secundo, quia id magis habet boni rationem, magisque expetendum est, quod sine modo & termino expeti potest, ac debet, ut est id quod habet rationem finis, cuiusmodi est beata uita, quæ ea quæ propter aliud expetuntur, ut sunt corporis & fortunæ bona. Exempli gratia, cum sanitas sit ægrotantis finis, ad quem consequendum ordinata est potio, illa sine ulla mensura expetitur, & tantam uellet ægrotus con-

D. Tho.
in lib. 6.

Polit.

Lib. 7.
Polit.

Lib. 4.
Ethic.

Lib. 2.
Rhet.

sequi sanitatem, quanta maxima haberi potest: potior
nem vero cum mensura sumit, & nihil amplius, quam
sit necesse. Ex quibus inferre licet, cætera bona, vna ex
cepta virtute, & bono illo quod per se expetitur, aut
expeti potest, tanquam medicamenta naturæ, cum cer
ta mensura expetenda esse, vt omnia quæ animum nō
perficiunt: at peruersa hominū mens cōtra facit. Ete
nim, animi bona, quo plura & maiora sunt, eo magis
plura, cætera vero cōtra; ac proinde ea definita ratio
ne ea expetere debemus. Præterea, quia id magis vide
tur optandum, quo recte disponitur id quod est in ali
quo præstantius: atqui in nobis nihil est mente præ
stantius, cum ab ea potissimum ab alijs secernamur na
turis, præ ipseque nō minemur; quæ virtute & beata
vita, Philosophiæque doctrina perficitur: igitur præ
omnibus alijs rebus, hæc una expetenda erit. Deni
que, omnia alia bona, diuitiæ, opes, honores, & corporis
integritas, referuntur ad vitam honeste agendam: qua
re hæc sola per se expectabilis, ac proinde sine modo.
Itaque, tantum quis erit beatus, quantum virtutis ac
prudētiæ habebit, & ex virtute viuet, quidquid de cæ
teris bonis accedat, siue decedat: cum ista a fortuna pē
dere dicantur, aqua beatus nullo modo pendet, sed a
seipso omnia sibi petenda ducit: ob quam causam
Deus dicitur plene beatus. Quare recte monebat il
le, qui dicebat.

Nec te quæsiueris extra,

H I S iactis fundamentis, ad dubitationem propo
sitam, sequentibus respondeo positionibus.

P R I M A positio, si Philosophiæ studium ex se cō
sideretur, non videtur recte dictum, paucis esse Philo
sophandum: Hanc positionem euidenter demonstrant
ea, quæ proximo fundamento adnotata sunt. Quia, si
philosophari est beate uiuere, & beata vita est hominis
finis, & finis, vt adnotauimus, sine ulla certa mensura
expetendus est, profecto recta philosophandi ratio nul
lis erit circumscripta finibus. Adde etiam, quod ea res

non

non est certa mensura quærenda, quæ nos ad Deum maxime cognoscendum atque amandum prouocat: cuiusmodi, re vera, est Philosophiæ studium, modo quis, ut debet, philosophetur: hoc est ex rerum cognitione, rectæq; vitæ institutione se Dei in dies magis magisq; similem reddat. Hûc esse vnum Philosophiæ fructum quisque ex se optime cognoscet, & ita cognoscet, ut necessario id fateri debeat, quod D. Thomas aliquândo confessus est, cum dixit, Philosophiam illuminare mentem, & ad æternorum amorem a fluxis rebus traducere, quod etiam testatum reliquit Augustinus, lecto M. Tullij libro qui Hortensius erat inscriptus, in quo Philosophiæ laudes continebantur. Philosophia itaque hominem a rebus hisce caducis, abducit, & in Deum transfert: nō secus ac sol vapores a sordibus, quos attenuat, eleuat, in ignemque conuerit.

S E C U N D A posizio, ei qui cum ratione philosophari cœperit, non facile est, paucis philosophari. Qui autem, ait Tullius, si maxime hoc placeat (de hoc studio loquitur) moderatius tamen volunt fieri: difficilem quandam temperantiam postulant in eo, quod semel admissum, coerceri, reprimique non potest: ut propemodū iustioribus utamur illis, qui omnino auocent a Philosophia; quam ijs, qui rebus infinitis modū constituent, in reque eo meliore, quo maior sit modū mediocritatem desiderent. Siue enim ad sapientiam perueniri potest, non paranda solum nobis ea, sed etiā fruenda est: siue hoc difficile est: tamen nec modus est ullus inuestigandi veri, nisi inueneris: & quærendi defatigatio turpis est, cum id quod quæritur sit pulcherrimum. Et qui semel voluptatem illam, quæ ex pulcherrimarum rerum cognitione percipitur, gustauerit, qui aliquantulum animū suum suauissimo illo cibo aluerit, nunquam sponte, sed magna cum difficultate, magnoque cum dolore a Philosophia diuelleretur, nisi cum Theologia eam coniungere uoluerit. Adde etiam, ideo difficile esse philosophari paucis; quia,

De fin.
li. i. sub
princ.

August.
val. li. i.

nisi multa cognoscantur, pauca vix percipi possunt. Quod quidem affirmabunt illi omnes, qui ordinem & nexum, quo a Philosophis res ipsæ coniunguntur, animaduertent; atque etiam illi qui hoc verissimum esse putabunt, quod meis discipulis sæpe inculcare soleo, eos qui multum student, parum discere; qui uero parum, nihil. Et ut quod in hac re sentio planius edisseram, quis hominem uere philosophantem, hoc est ex rerum creaturarum notitia ad sui & Dei cognitionem, & amorem peruenire studentem, se continere posse existimet, quin in omni loco, in omni tempore philosophetur? cum ei undique ex hac pulcherrima universitatis pictura, & ex hoc aperto diuinitatis, ut ita dicam, libro ob oculos semper versantur, occasiones dentur pene innumerae, ex quibus in admirationem rapiatur; ex qua admiratione nascitur quærendi desiderium, & rei quærendæ inuestigatio, & inuentæ possessio, atque fruitio? Patent semper sensus nostri, uelimus, nolimus, per quos, etiam nobis quodammodo inuitis, rerum creaturarum, & per eas ipsius creatoris species, quæ menè ad se suamque auctorem contemplandum, amandum perpetuo inuitant, prouocant, trahunt. Quis itaque, ut hunc locum concludam, infinitæ sciendi cupiditati, ac etiam beatæ uitæ modum præscribi posse putet? nisi fortasse is, qui cum se nesciat, cum sui nullum sensum habeat, quantum sit sibi sciendum non intelligit, non sentit.

TERTIA positio, fieri potest, ut alicui paucis philosophandum sit. explico, si philosophari ita accipiat, ut sit semper secum de rebus commentari, aut Philosophorum scripta legere, deque rebus Philosophicis scribere; casus incidere possunt, ut melius & utilius sit ad actionem se conuertere, vel aliquod maius studium, opusve suscipere. Quare, nullo modo nudæ ueritatis cognoscendæ causa deferenda sunt officia: quod qui facit, is a perfecta philosophandi ratione longe abest: cum uberrima & optima philosophiæ

pars sit ea, ut supra docuimus, quæ in officio uersatur. Quid enim inter res humanas potest esse salutaris ciuitati, quam admirabilis ille chorus virtutû, qui Philosophum sequitur, veritatis amor, monendi libertas, humanitas, mansuetudo, studium benemerendi, rerû externarum, & mortis in primis contemptus? Quæ propriæ Philosophorum virtutes, tum a Philosophia morum, tum a cognitione earum rerum quæ in natura sunt, proficiscuntur: quarum altera pars, ita cum altera coniuncta est, ut altera ignorata, in altera proficere neminem posse docti homines crediderint. Cæterum, dum vel veritatem inquirimus, uel recte agimus, quas duas in partes omnis humana uita est distributa, semper philosophemur, vt semper beati simus: nec paucis, sed multis philosophandum esse statuamus; atque tandiu, quandiu philosophari nos contineat: penitebit autem, vt opinor, nunquam: cum nemo inueniri possit, qui nolit perpetuo esse beatus. Vt autem quæ posuimus, adhuc magis confirmentur, allatis in contrarium rationibus respondeamus.

Mr.
Tul. lib.
de sto.

Ad primam cû dicimus non esse philosophandum paucis, non affirmamus philosophandum esse sine modo; ita ut aliquis uelit ea inuestigare, quæ non debet, ut non potest. Quare, quod attinet ad ea quæ inuestiganda sunt, & ad rationem inuestigandi, modum adhiberi volumus.

Ad secundam, cum hæc ratio eandem fere vim habeat cum prima, eodem soluitur modo: concedimus sapientiæ studium esse fauui, siue mel suauissimum, & cum modo edendum esse: sed ut semper vitamus, semper nos eo vesci debere dicimus: & is qui iuncta conuenienti ratione quærit, tantum abest, ut comprimatur, ut etiam maxime iunetur, cum Deus ijs et sapientiæ lumen, qui a se illud petunt, & ad eius gloriam quærunt.

Ad tertiam, concedimus Philosophiam certos habere terminos, sed tamen late patentes, intra quos.

semper aliquid noui inuenire licet : ac proinde nullus dari potest inquisitionis terminus . Sunt itaque viui , ac perennes Philosophiæ fontes , ex quibus quotidie aliquid de nouo haurire humana diligentia queat .

Plato. Ad quartam , qui putant Philosophiam efficere homines stupidos atque ineptos ad remp. gerendam , ij mihi ineptissimi videntur : cum tunc beate ciuitates viuant , cum a Philosophis reguntur , a quibus vt sint beatæ bonas accipiunt leges ; & Philosophi sint veluti ciuitatum medici . Et si ut scripsit Cicero , Philosophia est vitiorum expultrix , quæ ciuitas erit vacua vitijs , quibus solis ciuitates euertuntur , si ab eis Philosophiam eieceris ? Quis crederet , duos summos Philosophos , Platonem & Aristotelem ad remp. administrandam fuisse ineptos ? cum bene rerum administrandam boni fuerint magistri ? nisi quis eos paucis fuisse philosophatos dicat . In summa , ne contra istam ineptam Philosophiæ calumniam hic plura afferam , qui ita disputant , more cæcorum argumenta cõtortquent . Ignorant isti , neminem recte alios regere posse , nisi seipsū prius regere didicerit , ut sapienter in altero Alcibiade scribit Plato : qui non veros Philosophos , sed Sophistas , ut sæpe solet , uerbis ex eo citatis damnat . Quæ postea in eodem argumento adduntur , in eos cadunt Philosophos , qui sibi solis nati videntur , & communem uitam fugiunt ; qui si absque iusta causa sibi viuant , minore sunt laude digni .

Ad quintam , ista ratio satis clare soluitur ex ijs quæ adnotauimus : cum Philosophia potius finis , quàm medijs rationē habeat , & potius fruēda , quàm vtēda sit .

Ad postremam , hæc quoque ratio ex ijs , quæ posuimus remanet saluta . Atque hæc de prima huiusce nostræ Institutionis parte dicta sufficiant : ad aliam styllum conuertamus .

Libri primi finis.

INTRO-



INTRODVCTIONIS in vniuersam Philosophiam

LIBER SECVNDVS:

In quo humanæ scientiæ, & opinionis natura, causse,
partes, & attributiones explicantur.

*Quid sit scientia, & cuius sit artificis agere
de scientia. Cap. I.*

LX QUATTOR partibus in
quas hanc nostram Institutionē
partiti sumus, primam absolui-
mus; vbi vniuerse de Philoso-
phia disputauius: sequitur se-
cunda in qua priuatim de huma-
na scientia & opinione acturi su-
mus: cum vniuersa Philosophiæ

doctrina, partim scientia, partim opinione contineat-
ur; quamuis id proprie sub Philosophiā cadat, quod
certa scientia continetur. Quoniam ergo Philoso-
phia, ut supra non semel diximus, est studium sapien-
tiæ, quæ nihil est aliud, quam veritatis notitia, scien-
tiæ; profecto ad plenam Philosophiæ doctrinam tra-
dendam, de ipsa quoque scientia disputandum est,
quod hoc secundo libro nobis faciendū proponimus:
in quo scientiæ naturam, causas, attributiones, par-
tes, & partium ordinem demonstrabimus, si prius, ad
quem

Aristo.
lib. 2.
Met.

quem artificem tractatio de scientia pertineat, breuiter indicauerimus.

SCIENTIAE nomine, ut hinc exordium sumamus, primo designatur quaecunque notitia certa, & incerta, intellectiua, & sensitiua. Secundo, solum cognitio certa, ita ut excludatur opinio, siue sit cognitio clara, siue obscura, qualis est ea, quæ habetur per fidem certam, cuiusmodi est fides diuina. Tertio, certa & euidens cognitio, siue habeatur per causam, siue per effectum; ita ut etiam principiorum intelligentia sub scientiæ nomine contineatur. Quarto, cognitio certa & euidens per causas, sub qua acceptione comprehenditur etiam ars, quæ per causas haberi potest, & habet omnes iam insinuatæ ad scientiam necessarias conditiones. Postremo, nomine scientiæ designatur habitus intellectus, distinctus ab omnibus alijs habitibus, qui sunt in humana mente, a sapientia, ab habitu principiorum, ab arte, & a prudentia; ut designat cognitionem certam & euidentem rerum vniuersalium, & necessariarum per suas causas: & de scientia in hac postrema significatione sumpta disputaturi sumus. Quæ duobus modis capi potest; primo pro actu, secundo pro habitu actibus comparato, ut hoc loco speciatim sumetur. Rursus scientia hoc postremo modo sumpta, duobus adhuc consideratur modis: uno, ut est quædam realis natura in certa categoria collocata: secundo, ut dicit ordinem ad intellectum quem afficit; & hoc pacto, rursus tribus modis eam considerare licet; vel ut pendet ab ipso intellectu tanquam a causa efficiente & materiali, cui inhaeret; vel ut est quædam intellectus perfectio & absolutio; vel ut est effectus & finis demonstrationis: demonstratio enim est syllogismus faciens scire.

Quo loco animaduertendū est, in aliqua scientia non solum tractari ea quæ proxime, tanquam propria materia, ad ipsam pertinent; sed interdum, alterius artificis suscepta persona, etiam ea, quæ alterius sunt scientiæ,

et, idque non sine causa & necessitate, vtilitateve, & interdum sub alia ratione fit, quod non vno in loco fecit Aristoteles; vt in primo Physico, vbi, Metaphysici sumpta persona, contra antiquos Philosophos de vno ente disserit: & in primo politico, de domo eiusque partibus, & de ratione acquirendi; quarum rerum explicatio est æconomica: denique in secundo rhetorico de affectibus, quorum explicatio est physica. Et quidem, dum scriptores hæc tractant, mentionem facere solent, vbi de eadem re alias disputauerint, aut disputari debeat; vt non semel fecit Aristoteles, etiam de eadem re agendo, de qua nos agimus. Atque his notatis, quid de eo quod hoc capite docendum proposuimus, tenendū sit, quibusdā positionis pstringamus.

P R I M A positio, agere de scientia vt est natura quædam, pertinet ad Metaphysicum, quoniam eiusdem artificis est agere de scientia, & de eo quod sub scientiam cadit: at qui de hoc, nimirum de ente, vniuersè sumpto, agit Metaphysicus; igitur ad eundem pertinebit vniuersa de scientia disputatio. Confirmatur, quia eadem ars tractat ea quæ sunt relata: at scientia & id quod scitur sunt huiusmodi: igitur. Denique, de scientia modo dicto considerata, non agit Physicus, cuius subiecta materia est corpus naturale: non Mathematicus, qui nudā quantitatem speculatur, nō Logicus, qui sola entia rationis cōsiderat: Metaphysicus igitur: ac proinde Aristoteles de ea in Metaphysicis egit.

S E C U N D A positio, si scientia consideretur vt est habitus quidam perfectiūs intellectus, & vt ad actionem refertur, pertinet ad Philosophum morale. Item, huius artificis est agere de ijs rebus, quibus humana mens perficitur, ac et de humanarū actionū principijs, cuiusmodi est scientia; cum nulla actio possit dici humana, quæ non habet ortum a scientia: & deinceps Aristoteles in Ethicis de scientia disputauit.

T E R T I A positio, si scientia consideretur ut est habitus quidam acquisitus, & ut hæret intellectui, cu-

Tex. 13.

Cap. 1.
& seq.

Lib. 6.
eth. cap.
3. lib. 4.
& 6.

Met.

Lib. 6.
Met.

Lib. 1.
Phys.

Lib. 4. c.
6.

D. Tho.
1. 2. art.
1.
Lib. 6. c.
3.

ius actionibus producit, pertinet ad Physicum. Hic
 it. etenim artifex agit de intellectu, quia est causa efficiens, & materia scientiæ: igitur, ad eundem pertinebit agere de scientia, quæ est effectus, & accidens intellectus.

QVARTA positio, agere de scientia, ut est effectus & finis demonstrationis, munus est Logici, propterea Aristoteles in primo secundæ analysis libro, de ea non nihil scripsit. Quoniam logica tradit instrumenta acquirendæ scientiæ, & docet quid sit scientia, & quæ ad eam conficiendam requirantur; de ea igitur, modo dicto, aget. Adde etiam, qui logici est inuestigare naturam demonstrationis, eiusque proprietates exponere, quæ a fine, hoc est a scientia sumuntur: igitur.


QVINTA positio, ponere discrimina inter particulares scientias, ad nullum particularem pertinet artificem, sed ad eum qui est omnium scientiarum habitibus ornatus, quem Peritum vocamus. Siquidem, ne
 Lib. 2. d. mo potest distinguere omnes scientias inter se, nisi eas
 ani. t. qui nouerit; cum qui discrimen inter res duas ponit,
 146. utramque debeat habere perspectam: atqui solus Peritus omnes artes nouit; igitur, is solus eas discrimina-
 bit. Cæterum, qui duas teneret scientias, eas distin-
 Auer. 2. guere inter se posset. Quod autem aliqui dicunt, Logi-
 Phys. t. ci esse discriminare scientias, id intelligendum est, pro-
 36. ut logica docet quomodo differat scientia, quæ per demonstrationem accedit, ab ea quæ non habetur per demonstrationem & per causas: quod si de distinctione vnius scientiæ ab alia loquantur, errant, ut ex dictis patet.

SEXTA positio, absoluta ac plena de scientiæ disputatio, commodissime ponitur in hac Introductione ad vniuersam philosophiam. Nam, accurate de tota scientiæ natura in Logicis disserere, videtur alienum a Logicæ officio, & a materia ei subiecta; cum hæc disputatio tota sit realis, ut dicitur: Logicus vero solum ea speculatur, quæ per intelligentiam existunt: quare ei Philosophiæ parti erit magis subiecta,

quæ

quæ res ipsas tractat. Nec expectandum esse videtur, donec veniatur ad Metaphysicam, cum scientiæ, siue Philosophiæ natura, partēs, & partium ordo, in ipso Philosophiæ aditu cognoscēda sint: quæ sane sine hac tractatione cognosci non queunt. Quare, nemo nos iure damnet, si in hac nostra Isagoge de scientia copiose agemus.

*Scientiam dari posse, atque dari contra Academicos
Aporeticos demonstratur. Cap. II.*



HVCVSQVE de Philosophia vniuerse differendo, tanquam exploratum posuimus, rerum diuinarum humanarumque aliquam haberi posse, atque etiam inueniri notitiam: sed quoniam nonnulla argumenta contra id, quod vt certum positum fuit, afferri solent; ideo antequam vltius in hac de scientia disputatione progrediamur, supposita veritas, in qua, tanquam in quodam fundamento, quæ deinceps dicturi sumus, inniti debent, demonstranda est, nimirum aliquam esse posse rerum scientiam.

Et quod ad opiniones circa rem propositam attinet, olim Academici Aporetici, vt plene patebit ex ijs Aug. quæ postea de eis agendo dicemus, negauerunt nos posse lib. cōt. aliquam rem percipere, ac proinde aiebant sustinere Acad. dam esse assensionem, cum omnia sint nobis incerta. Verum, aliqui adeo omnia nobis incerta esse putarūt, vt etiam hoc ipsum pro incerto haberent, quod omnia essent incerta: quod tamen Socrates, si modo cum Aporeticis numerandus est, excipiebat; dicendo, se hoc vnum scire, quod nihil sciret. Alij, negantes rerum scientiam, admittebant opinionem & verisimilitudinem; & ita sapienti concedebant opinionem, & probabilem assensionem, vt Carneades: alij vero eam eidem negabant, vt Arcefilas. At aliqui, ita omnem perceptionem

ptionem & assensum negarunt, ut dixerint, nec sensibus externis aliquid certi comprehendi: alij ut Cyrenaici, solum tactu intimo nos aliquid percipere dixerunt, ut dolorem & voluptatem: Epicurus vero, et si sensibus nos aliquid percipere existimauit; tamen, sensui semel decipienti, non amplius credendum esse docuit. Quod vero ad iudicium attinet, Protagoras, id

- Cic. lib. censuit aliquid esse, quod cuique videretur. Cyrenaici
 2. Acad. prætermotiones intimas, nihil existimarunt esse iudicij: Epicurus omne iudicium in sensibus posuit, & in
 q. rerum notitijs, ac voluptate. Plato omne veritatis iudicium, veritatemque ipsam abductam ab opinionibus & a sensibus, cogitationis ipsius & mentis esse voluit. Cæterum, si verum est, quod Tullius scribit,
 Lib. 2. quod ad comprehensionem & assensum attinet, nemo
 Acad. q. antiquorum dixit, posse hominem nihil opinari; nec solum posse, sed etiam necesse esse sapienti. Sed iam videamus, quibus fundamentis nitantur, qui nihi comprehensi & certi nos habere posse dixerunt, ac proinde omnem assensionem sustulerunt.

PRIMO, humana doctrina dicitur habere ortum a sensibus; atqui humani sensus sunt hebetes, & sæpe nos decipiunt, aliterque res repræsentant, atque sunt igitur. Sumptum patet, quia non percipiunt solem uti est, mole maximus, & velocissimus, cum parvus & immobilis videatur: arbores moueri videntur, ijs qui in naui velociter nauigant: remus in aqua videtur fractus; in collo columbæ varij apparent colores; nasus denique interdum videtur geminus & non est. Cum ergo sensus, unde nostram ordimur cognitionem, nos decipiant, nihil certi affirmare possumus: ut omittam quod a sensibus non est petenda veritas, cum non sint veritatis capaces.

SECUNDO, non solum nos decipiunt externa visa, sed etiam interna, quæ nobis vera videntur, & non sunt; ut dormitiuum, ebriorum, atque insanorum visa, quæ euanescent, & eos fallunt.

TERTIO, res sunt inter se maxime similes, ob
quarum multitudinem, vnā ab alia discernere non
possumus; vt ouum ab ouo, florem a flore, capillum a
capillo, immo & mortuum a viuo: Quare non possu-
mus dicere, hanc rem non esse illam.

QUARTO, ex rerum incerto & mutabili statu;
cum perpetuo fluant, & non sint semper eadem; sicuti
nec eadem est aqua quæ fluit in flumine. Huc etiam fa-
cit, quod sunt singulares: at singularium & corruptibi-
lium rerum nulla est scientia igitur. Quinto, idem
demonstrare licet ex eo, quod rerum naturæ sunt
abditæ, in quas sensus penetrare non queunt, cum ta-
men per sensus ad nos venire debeant; vt merito dixe-
rit Democritus, Veritatem in profundo puteo latere;
& Empedocles, abstrusa esse omnia, nihil nos sentire,
nihil cernere, nihil omnino quale sit posse percipere.
Quare, cum tunc aliquis scire dicatur, cum rei naturā
nouit, si rerum naturæ nos fugiunt, nullius rei habebi-
mus scientiam.

SEXTO, res ipsæ non perueniunt ad humanam
intelligentiam, sed solum earum species & idola, quæ
mutabilia & fluxibilia sunt: ergo, vel noster intellectus
nihil intelliget, aut aliquid aliud a rebus ipsis diuersū.

POSTREMO ipsimet Dogmatici, vt ex Augusti-
no, Ciceronis locum referente, habemus, hoc idem fa-
teri coguntur; qui cum veritatem & scientiam dari di-
ant, eam singuli apud se esse volunt; quod dum faciūt,
hos vt insipientes damnant. Et esto dari possit, quis
ad eam inuenit in tanta rerum multitudine, diuer-
sitate, obscuritate, vitæ breuitate, opinionum cōrarie-
tate, & rationum imbecillitate? Confirmatur, quia, ut
ex Aristotele discimus, anima est prona ad falsitatem, *Lib. 3. d.*
et ad ea quæ sunt manifesta in natura, hoc est ad res su- *an. r. 25.*
remas & diuinas, intellectus humanus se habet rāquā Them.
culus nocturnæ ad lumen solis: at primis causis ignora Hen.
s, nihil aliorum sciri potest. In summa, ideo rerum nul Gād. in.
certa potest haberi scientia, quia perpetuo fluant; quæ p.p.ium,
similes

Car. cu-
san. lib.
de dest.
ignor.
Plut. in
Brut.

similes & indifferentes sunt, neque discerni in eis pos-
test maximè & minimi ratio, ut quidam dicunt; quia vi-
sa sunt indifferentia & eodem modo sapientibus &
sommiantibus sese offerunt: quia animavideretur corpo-
rea, vel temperamentum quoddam, vel potentia, ac
proinde mutabilis: & denique quia ita multi viti gra-
uissimi olim existimarunt, ut Arcesilaë, & Carneadis se-
ctatores, cum Pyrrhonij, Heraclitus, Pythagoras, Parme-
nides, Xenophanes Golophonius, Xenia des Corin-
thius, Morimus Gynicus, & alij.

Vr allata philosophmata facilius tollantur, & propo-
sitiæ difficultati satisfiat, nonnulla iacienda sunt funda-
menta.

PRIMUM fundamentum, pro certissimo haberi
debet, apud eos qui rationis usum habent, in omni di-
sputatione semper ponendum esse aliquid, in quo di-
sputantes conueniant: cum cuiusq; rei dubiæ doctri-
na, ex aliqua re præcognita ortum habere debeat. Il-
lud autem quod ponendum est, vel a natura debet esse
perspectum, vel per certa visa, quæ proprias rerum no-
tas nobis patefaciunt, uel per concessionem eius quo-
cum disputamus. Eorum autem quæ a natura ponun-
tur, ea debet esse conditio, ut sint stabilia, fixa, & rata,
ita ut dimoueri nulla ratione queant; ut sunt visa, quæ
dam, quæ sensibus percipiuntur: modo quæ sentiun-
tur, ita proponantur, ut proponi debent, & sensus qui
ea percipit sit integer: atque etiam quædam notiones,
quas, nobis natura impressit. Quare vere ab Aristote-
le dictum fuit, eum qui sensum negat, egere sensu &
pœna, & neminem aberrare posse ab ianua, hoc est ab
innata notione, atq; a primis naturæ luminibus. Et hi
sunt humanæ doctrinæ fontes, atque primordia, quæ
omnino nobis retinenda sunt. Huc pertinent hæc quæ
Lucullus apud Ciceronem pro Dogmaticis disserit.
Sed disputari poterat subtiliter, quanto quasi artificio
natura fabricata esset, primum animal omne, deinde
hominem maxime: quæuis esset in sensibus: quemad-
modum

modum prima visa nos pellerent, deinde appetitio ab his pulsa sequentur: tum ut sensus ad res percipiendas intenderemus. Mens enim ipsa, quæ sensuum fons est, atque etiam ipsa sensus est, naturalem vim habet, quæ intendit ad ea, quibus mouetur: itaque alia visa sic arripit, ut his statim utatur; aliqua sic recondit, e quibus memoria oritur, cætera autem similitudinibus constituit: ex quibus efficiuntur notitiæ rerum, quas Græci tum *ἐννοίας*, tum *προλήψεις* vocant. Eo cum accessit ratio, argumentique conclusio, rerumque innumerabilium multitudo; tum & perceptio eorum omnium apparet, & eadem ratio profecta his gradibus, ad sapientiam peruenit. Ad rerum igitur scientiam, vitæque constantiam aptissima cum sit mens hominis, amplectitur maxime cognitionem, & istā *κατάληψιν*, quam, ut dixi, verbum e verbo exprimentes comprehensionem dicimus, cum ipsam per se amat, (nihil est enim ei veritatis luce dulcius) tum etiam propter usum. quocirca, & sensibus utitur, & artes efficit, quasi sensus alteros; & usque eo Philosophiam ipsam corroborat, ut virtutem efficiat, ex qua re una vita omnis apta sit. Idem aggressurus disputationem contra Aporeticos, qui nobis omnem lucem auferre conantur, ordiamur, inquit, a sensibus: quorum ita clara iudicia & certa sunt, ut, si optio naturæ nostræ detur, & ab ea Deus aliquis requirat, contenta ne sit suis integris, incorruptisque sensibus, an postulet melius aliquid, non videam quid quærat amplius. Neque vero hoc loco expectandum est, dum de remo inflexo, aut de collo columbæ respondeam: non enim is sum qui, quidquid videtur, talem dicam esse, quale videatur. Epicurus hoc viderit, & multa alia. Meo quidem iudicio, ita est maxima in sensibus veritas, si sani sint, ac valentes, & omnia remoueantur, quæ obstant, & impediunt. Itaque & lumen mutari sæpe solemus, & situs earum rerum, quas intuemur, & intervalla, aut contrahimus, aut diducimus; multaue facimus, usque eo, dum aspectus

Eod. lib.

ipse fidem faciat sui iudicij, & quæ eleganter & docte apud eundem ad eadem rem confirmandam sequuntur. Quare si sensus bene affectus, si res percipienda proportionata, & si medium purum fuerit, nihil sensus sentiendo erabit. Quod vero ad primarum notionum certitudinem attinet, dicerent aliqui, omnem nostram primam intellectionem esse certissimam, quia proxime dependet a primo intelligente & mouente humanum intellectum, sicuti omnis motus physicus a primo mouente physico. Non secus ac primi actus qui sunt in nobis nullo præeunte voluntatis imperio ab Aristotele reuocantur in Deum, a quo proxime efficiuntur. Quare si ut isti existimant, Deus nostræ intellectioni in initio, in progressu, & fine adhsit, aliqua certa in nobis poterit esse veritatis species.

SECVNDVM fundamentum, res quæ mutationi sunt obnoxia, nunquam ita mutantur, dum existunt, vt eorum natura non sit semper eadem: quæ cum sit indiuidua, aut tota existit, aut tota interit: quare, si minimum mutaretur, non esset amplius eadem, nec easdem haberet proprietates; quod esse falsum, experientiâ plane docet: vt patet in cursu vitæ alicuius animalis. Cum ergo videamus easdem in rebus fluxis perseverare proprietates, quæ naturas consequuntur, naturas etiam easdem permanere fatendum erit. Quare, tota illa mutatio, quæ in hoc rerum genere cernitur, fit ratione proprietatum singularium, conuenientium indiuiduis, quæ corrumpuntur ac generantur: de quibus non habetur primo & per se scientia, sed de naturis vniuerse consideratis, quæ ab indiuiduis abstrahuntur. Neque intellectus dum res vniuersas considerat, quicquam errat, modo earum rationes proprias percipiat; quæ rerum singularum notas in se non includunt; & idcirco recte ab illis seiunctæ considerari possunt. Neque, ex eo, quod naturas per earum species & idola comprehendimus, sequitur, nos ipsa tantum visa, seu idola cognoscere, cum rerum species nō

sint id quod cognoscitur, sed rationes per quas cognoscimus; quare, cum video candidum, non ipsam speciem, ut quod, sed ut quo video.

TERTIUM fundamentum, duæ potissimæ fuerunt causæ, cur Aporetici perspicuitati, firmitati, atque euentiæ rerum de qua diximus, bellum indixerunt. quibus, totidē auxilia contraria, sunt comparanda. Primum, quod parum defigunt animos, & intendunt in ea quæ perspicua sunt; ut quanta luce ea circumfusa sint, possint agnoscere. Alterum, quod fallacibus, & captiosis interrogationibus circumscripti atque decepti quidam, cum eas soluere non possunt, desciscunt a veritate. Oportet igitur & ea quæ pro perspicuitate responderi possunt in promptu habere, de quibus iam diximus; & ita esse armatos, ut occurrere possimus interrogationibus eorum, captionesque discutere.

Quo loco, cum facta sit de captionibus mentio, exponere paucis volo, quid sentiendum sit, de hoc argumento, quod contra Aporeticos fit; Tu qui dicis nihil nos habere comprehensum; aut hoc comprehensum habes, aut non: si non habes, nihil vere dicis: si habes, igitur aliquid comprehendi potest. Simili modo disputares contra Socratem dicentem, se nihil scire, nisi hoc unum, quod nihil sciret: & contra Poetam Cretensem, qui dixit, omnes Cretenses esse mendaces. Vbi non levis oritur dubitatio de istarum propositionum sensu, & veritate, an solum propositiones alias, an vero etiam seipsas, comprehendant. Et quidem Socrates & Antipater, ut Cicero adnotauit, ac etiam Lactantius, & Clemens Alexandrinus, existimarunt has propositiones non destruere seipsas, sed alias. Idem diuus Thomas, & Auenroes, ut alios missos faciam: At vero Arcesidas, ut ex Cicerone discimus, Carneades, & Metrodorus Chius contra senserunt, ac proinde ex istorum sententia dictæ propositiones seipsas destruunt: Quibus Scotus & Gregorius Ariminensis se subscribere. Pro prima sententia hoc

facit fundamētum, Omne decretum debet esse ratum
atque perceptum : at, nihil posse percipi, est Apo-
reticæ Academiæ decretum : ergo hoc saltem debet
habere perceptum. Secūda vero hoc nititur fundamen-
to, Nulla res percipi potest: at hoc ipsum, quod nihil
possit percipi, est res aliqua: igitur neque hoc percipi
poterit Hanc eandem opinionem Lucretio non displi-
cuisse ex his eius carminibus colligere licet.

1. sen. d.

2. q. 12.

1. 5. d. 2.

q. 1.

Lib. 4. d.

nat. rerū

Denique nil scire si quis putat, id quoque nescit,

An scire possit, quo nil se scire fatetur.

T O T A huius nodi explicatio pendet ex recta in-
telligentia cuiusdam regulæ, consequentiarum. Logi-
cæ, An liceat ab assumpto negato inferre consequentiā
affirmantem, hoc pacto, Nulla datur veritas : ergo
verum est nullam veritatem dari, quam ut bonam pri-
ma sententia approbat: at vero secunda sententia ex il-
lo assumpto, negantem infert consequentiam, hoc mo-
do, Nulla veritas datur : ergo non est verum aliquam
ueritatem dari: de qua re Thomei & Scorei inter se di-
micant. Et quamvis non me lateat, quam late a quibus-
dam de ea disputetur: tamen, cum in præsentia logica-
ri nolim, missis ijs quæ ab alijs dicuntur, quid sentien-
dum sit, in positionibus docebo: ad quas, hi spositis fun-
damenti, accedo.

Polit. in

miscel.

c. 25.

P R I M A positio, ex illa ppositione, Nullius rei da-
tur comprehensio, vel scientia, sequitur consequens affir-
mativum, & verum; sicuti ex illa Epimenidis sententia
Cretenses semper mendaces, sequebatur, cum, quam-
vis esset Cretensis, verum dicere. Ideo autem illi dice-
bantur mendaces, quod affirmaret Iouem apud se mor-
tuū esse. Quare, huiusmodi propositiones tollunt alias,
& non seipsas: & ita, cum dicitur, Nulla res comprehen-
ditur, ista propositio tollit omnem veritatem, si ad res
ipsas de quibus habetur scientia referatur, at si istæ pro-
positiones ad se referantur, aliquam veritatem ponūt,
ut alibi scripsimus. Neque in his propositionibus est ve-
rus elenchus, veraque contradictio, quæ ut Logici do-
cent,

ent, debet esse de eodem ad idem, secundum idem, in eodem tempore, & loco. Vnde mendaces erat Cretenſes, dum de hac, vel illa re loquebâtur: verax Epimenides respectu ſuæ orationis, qua dicebat eos eſſe mendaces. Quo fit, ut huiusmodi propositiones partim ſint vniuerſales, ſi referantur ad res quas ſignificât, partim particulares, ſi referantur ad ſe. Quod ſi dicas, vniuerſales propositiones continere particulares; hoc non obſtat, quia ſolû comprehendunt eas res, quas directe ſignificant, non autem ſeipſas, quæ indirecte ſignificantur. Nam, vt aliqui ſcribunt, propositiones duplicem ſortiuntur ſignificationem, vnam directam & primæcipem, quàm termini primo & per ſe designant, quam aliqui formalem vocant: alteram ſecundariam & indirectam, quàm materialem & reflexam appellant: illam Ariſtoteles, ſimpliciter, hanc ſecundum quid, de illo Cretenſi pseudomēno loquendo, appellauit. quare, hæc particularis, Epimenides eſt verax, vera erat, & nō continebatur ſub illa vniuerſali; ſicuti cum dicitur, & quod tegit omnia cœlum, in qua enunciatione non continetur ipſum cœlum. En igitur, vt explicari poſſūt illa enuntiata, quæ quibusdam viſa ſunt inexplicabilia: de quibus Ariſtoteles in altero elencho, & Tullius in ſecundo academico. Quod ſi allatâ explicationem Philētes tenuiſſet, nō ob eam cauſſam mortuus eſſet, quod tortuoſum hoc dicendi genus, quod Græci pseudomēno non, Cicero mentiēſ appellat ſoluere non potuiſſet, Giraſ. vt ex eius Epitaphio cognoscere licet, quod ita habet, Acherr.

Hospes ego hic ſum, pseudomenos me ſermo Philēta lib. 10.

Perdidit, & cura noctibus Heſperia.

QVOD ſi vera eſt allata doctrinā, efficax colligitur argumentum cōtra Aporeticos, ad probandum ali quid comprehendendi poſſe.

SECVNDA poſitio, Aporetici ſuo dogmate, non omnino Philoſophandi viam clauſerunt. Etenim verum eſt id, quod Læſtantiuſ de Arceſila loquendo dixit, Is Philoſophiam euertendo, quandam conſtituit non Phi-

Ariſt. 1^a
Elenç.

Sueſ.

Aegid. 1

Elēc. lib.

1. c. 5.

Liliuſ

Giraſ.

Acherr.

lib. 10.

Suid. in ver. philof. *Philosophandi Philosophiam. Et propterea, siue Philosophari, siue nō Philosophari homini cōueniens ostendamus; omnibus modis Philosophandum esse semper colligemus. Quare, ut cum Platone concludam, si est Philosophandum, ergo Philosophemur: si vero Philosophā dum non est; Philosophandum tamen erit: cum philosophari dicatur etiam hoc ipsum quærere: quomodo non philosophandum.*

- TERTIA** positio, datur uera aliquarum rerum scientia & comprehensio. Doctrina est certissima, & cōtrarium cum Aporeticis sentire, est omnino stultum; quam doctrinam etsi multis rationibus cōfirmare possem: tamen ne in stulto errore late confutando, stultus esse videar, breuiter agam. Primum optimum sumitur argumentum ex prima positione; quia qui pro rato habent nullam dari scientiam, aliquid se scire omnino fateri debent. Nā, aut istud ignorant, & tunc, ut igno-
1. Met. *homines natura scire desiderant, & ad hoc, etiam nullo*
c. 1. *proposito enolumento, trahuntur: igitur dari debet scientia; ne hic appetitus sit frustra datus; natura autē, ut Aristoteles varijs in locis docet, nihil agit frustra.*
- 2. Coel.** *Quæ ratio tantum habet virium, ut Aristoteles hac*
1. 50. 3. *vna sit vsus, ad probandum dari aliquem humanæ vitæ de an. t. finē; nec vana esset illa appetitio summi boni nobis a*
45. 1. po *natura tributa. Confirmatur, scientia est maxima homi*
lit. *nis perfectio, & in ea consistit eius naturalis felicitas, sal*
Lib. 1. *tem ex parte; igitur omnino danda est; ne homo sua ca*
eth. c. 1. *reat perfectione, Tertio, sublata scientia & assensione, omnis tollitur virtus, cum ignorans non possit studio*
Lib. 2. *se agere: immo omnis etiam humana vita, atque socie*
acad. q. *tas funditus euerteretur: ut eleganter doctæque disputat Lucullus. Quarto, dantur res de quibus potest esse scientia, cum suis principijs, causis, & passionibus; igitur dari potest scientia; quam tunc aliquis habebit, cū*

alicuius effectus, siue proprietatis causam nouerit; ut, ideo hominem interire, quia constant ex contrarijs. Con-
firmatur se ipsa; quia dantur scientiæ Mathematicæ,
in quibus sunt rationes certissimæ, sine ulla dubitatio-
ne, & sensuum errore. Quinto alias sequeretur, om-
nes homines a mundi principio frustra defudasse in ea
re inuenienda quæ esse non posset: & qui nunc sunt, &
aliquando erunt omnino abijcere deberent studia, si ni-
hil certi inuenire licet, nec ulli rei præbenda est assen-
sio, quod hominis stupidi, & clarissima naturæ lumina
negantis est. Denique ista falsa doctrina falsis nititur
fundamentis; ex eorum euersione patebit: reiicienda
igitur Et ut hunc locum cum Lucullo concludam, Tu
ne (Tullium alloquitur) cum tantis laudibus Phi-
sophiam extuleris, Hortensiumque nostrum dissen-
tientem commouere, eam Philosophiam sequere, quæ
confundit vera cum falsis, ipsoiat nos iudicio, priuat ap-
probatione, omnibus orbat sen-ibus? & Commerijs qui-
dem, quibus aspectum solis, siue deus aliquis, siue natu-
ra ademerat, siue eius loci quem incolebāt situs, ignes
tamen aderant, quorum illis vñ lumine licebat; isti au-
tem quos tu probas, tantis offusis tenebris, ne scintillæ
quidem vnā nobis ad aspiciendum relinquunt, quos,
si sequamur, ijs vinculis sumus attricti, ut nos commo-
uere nequeamus. Sublata enim assensione omne & mo-
tum animorum, & actionem rerum suulerunt. Quod
non inodo non recte fieri, sed omnino fieri non potest.
Sed iam argumenta in contrarium allata nihil con-
cludere demonstramus.

Lib. 2.
Acad.

Ad primum, hoc argumentum ex ijs facile solui- Aug. li.
uitur; quæ in primo diximus fundamento: nam sen- 3. cont.
sus, si adsint requisita ad perfecte sentiendum, non de- Acad.
cipiuntur, sed sunt certissimi: & cur inter eum deci c. II.
pianitur, eorundem auxilio, accedente rationis vsu in-
telligitur, errorque corrigitur. Et hæc non sint veri-
tatis complexæ capaces; tamen ueritas simplex est
etiam in sensibus,

A D secundum, vigilantium, siccorum, & sanorum visa non sunt incerta, & imbecilla, vt dormientium, vinolentorum, ac furiosorum, in quibus ob speciem fortuitam, vel instabilem coitionem incerta, & inconstantia sunt.

Tul.in
Lucul. A D tertium, nihil est tam alteri simile, vt aliqua priuata nota ab eo non distinguatur, & distingui non possit, præsertim cura atq; usu adhibito; vt patet exemplo eius qui, cum haberet centum gallinas, quando sibi afferebantur oua, agnoscebat, quodque quæq; gallina peperisset; & si vna fefellerit similitudo, idcirco omnia reddenda erunt dubia, cum non sint omnia æque similia?

A D quartum, satis bene & sufficienter hoc argumentum soluitur, ex doctrina in secundo fundamento allata; ubi plane docuimus, quomodo res sint permanentes, & de illis vniuersè consideratis habeatur scientia.

Lib.1.
de an.t.
31. A D quintum, in rerum abditas naturas non sensu, sed intelligentia intramus: sensus tamen earum proprietates subministrant, quarum cognitio ad naturas noscendas, ut Aristoteles scripsit, maxime cõfert: & si quid hoc argumentum probat, solum concludit, intimas naturas nos ut, plurimum fugere; nõ tamen vniuersè conuincit nihil posse esse perceptum.

A D sextum, quid ad hoc argumentum respondendum sit, satis patet ex ijs quæ in secundo diximus fundamento: non enim ipsæ rerum species sunt quæ intelliguntur, sed res quas repræsentant.

A D vltimum, licet Dogmatici in quibusdam discrepent: tamen in aliis conueniunt, & saltem in hoc, quod putent aliquid comprehendi posse. Quare, etsi non omnia certo sciuntur, & multa nos lateant, & in dubitatione versentur; non propterea inde inferre licet, nulli rei esse assentiendum, & nihil esse perspectum. Quod ex Aristotele obijciebatur, solum probat, animum posse interdum decipi, quod concedimus

mus; non tamen perpetuo, & in omni re: cum idem aliquando dixerit, Homines factos esse ad veritatem, & eam ut plurimum assequi: & alibi, Omnes homines natura scire desiderare, hoc est, appetitu a natura insito scientiam expetere: tum ratione inclinationis, sicuti lapis appetit deorsum ferri; tum appetitu elicitum, quia voluntas humana naturaliter appetit scientiam. Quod si supremas causas non plane cognoscunt, alias tamen cognoscere possunt. Sed, cur naturalis appetitus sciendi, qui non debet esse frustra, non expletur in omnibus? An quia ad eum explendum non satis est natura, sed opus est humano conatu, quem non omnes adhibent? quem qui adhibent, per rerum creaturarum notitiam, quasi per quendam circulum, ad ipsum Deum, a quo fluxerunt reuertuntur: qui vero cognitionis vita relicta, vitam cum bestiis & stirpibus communem viuunt; ij non circulum, sed quandam inflexam lineam conficiunt, per quam, non cum vero, sed cum apparenti bono copulantur. At his una cum Aporeticis omissis, de quibus infra rursus non nihil dicemus, ad causam humanæ scientiæ effectricem indagandam transitum faciamus.

Lib. 1.
Rhet. c
1.
D. Tho
P. P. q.
78. ar. 1

Diony.
de eccl.
hier.

De origine scientia, siue unde humana habeatur scientia. Cap. 111.

CONSTITUTO itaque nostræ tractationis fundamento, rerum scientiæ atque comprehensionem haberi posse; consequens est, ut videamus, a qua causa scientia ortum ducat, an a natura, an vero de nouo accedat: de qua re hæ fuerunt scriptorum sententiæ.

P R I M A Platonis, quæ his dictis explicatur. Primum, Plato existimauit animas existere ante corpus, In Mé. ut libro tertio planius dicetur. Secundum, in eo sta. Theet. tu in quo animæ existunt ante corpus, habent omnium phæd. rerum

Hippoc.

Lib. 4.

Cap. 6.

Lib. 11.

c. 3. lib.

d. somn.

i. proæ.

lib. deã.

Tul. 1.

rerum notitiam: nam cum earum propria actio sit intelligere, ni haberent rerum scientiam, essent otiosæ. Tertium, cum in corpora intraduntur, ob subitam mutationem omnium rerum obliuiscuntur: siquidem mutationes repentinæ, vt ait Hypocrates, maximos adducunt morbos. Quartum, cum animæ sunt in corpore, & præceptoris opera, aut propria industria acquirunt aliquem notitiam, eorum reminiscuntur, quæ prius norant: vnde fit, ut scientia fiat per reminiscentiam. Hanc sententiã multi Platonici suo magistro tribuunt, ac etiam declarant, ut inter alios Alcinoüs, de doctrina Platonis, Proclus in primum Euclidis librum, Marsilius Ficinus in conuiuium, & in sua theologia Platonica, Sinesius, Philoponus, & vt alios omittam M Tullius his verbis, ex quo effici vult Socrates, vt discere, nihil aliud sit, quam recordari, quem locum multo etiam accuratius explicat in eo sermone, quem habuit eo ipso die, quo excessit e vita. Docent enim quemuis, qui omnium rerum rudis esse videatur, bene interroganti respondentem, declarare, se non tum illa dicere: nec vero fieri vllò modo posse vt a pueris tot rerum atque tantarum insitas, & quasi consignatas in animis notiones, quas *ἐννοίας* vocant, haberemus, nisi animas antequam in corpus intrasset, rerum cognitione viguisset. Cumque nihil esset, vt omnibus locis a Platone differtur, (nihil enim ille putat esse, quod oriatur & intereat, idque solum esse, quod tale semper sit, qualem ideam appellat ille, nos speciem) non potuit animus hæc in corpore inclusus cognoscere, cognita attulit: ex quo tam multarum rerum cognitionis admiratio tollitur: neque ea plene videt animus, cum tam repente in tam insolitum, tamque perturbatum domicilium immigrauit; sed cum se collegit, & recreauit, tum cognoscit ea reminiscendo. Itaque nihil aliud est discere, quam recordari. Hæc Tullius. Eandem opinionem aliquando habuit Augustinus: quam postea retractauit: cui sententiæ, hæc quæ subijciam, fauent argumenta.

P R I M O sumitur argumentum ab experientia: quæ, si interrogetur puer, ait Plato, de rebus Mathematicis, quas nunquam nouit, optime respondebit: & tamē nunquam in hac vita eas didicit; ergo in alia. Igitur signum est cum dicit, eorum quorum quæ prius nocuerat, eum reminisci.

S E C V N D O, si scientia non fit per reminiscen-
tiam, alterū e duobus sequeretur, aut omnia a nobis co-
gnosci antequam cognoscantur, aut nihil sciri: & tamē
vtrunque est falsum, consequutio probatur. Quia, cum
discimus aliquid, aut illud sciebamur, & tunc sequitur
primum: aut ignorabamus, & tunc sequitur alterum:
quoniam etiam si inueniamus, quod discendo quæri-
mus, illud non cognoscemus: non secus ac si quis quæ-
ret hominem, quem prius nullo modo cognouisset, qui
cum occurreret, non cognoscetur.

T E R T I O, anima est creata antē corpus, quia nō
educitur ex potentia materiæ, & est nobilior corpore:
igitur debuit anteire corpus, & habere species omniū
rerum, quæ ad eius perfectionem pertinent.

Q V A R T O, humana mens antequam aliquid di-
scat, discernit bonum a malo, salutaria a noxijs, id
quod etiam in brutis cernitur: ergo prius habere de-
buit aliquam nationem bonitatis, & vtilitatis. Confir-
matur: nemo iudicat id, quod ignorat: at nos nullo
docente, iudicamus quid bene, & quid male fiat, & in
hoc iudicio nullius est error, ni aliquis fuerit vitij de-
pauatus: Quare per solam reminiscen-
tiam cognoscimus quid sit bonum, & quid malum.

Q V I N C T O, nos solemus comparare inter se res
in aliquo tertio, sine vlla illius tertij præeunte cognitio-
ne: vt cum dicimus, mel esse lacte dulcius: igitur innata
est nobis dulcedinis notitia.

S E X T O, intellectus corrigit in multis phantasiam,
& imaginatiuam, absque vlla de nouo acquisita cogni-
tione: vt cum apprehendimus, vt quantas eas res, quæ
sunt ab omni materia seiunctæ, iudicando eas, re verā,
esse

esse omnino materiæ expertes, vt patet in cognitione intelligentiarum: quod solum fieri potest per aliquam innatam scientiam: igitur.

SEPTIMO cognitio sensitiua est innata brutis: igitur & cognitio intellectiua debet esse innata naturæ intelligenti: cum eadem ratione notitia intellectiua sit nobis necessaria, vt sensitiua brutis, ne hac in parte essemus illis inferiores.

DENIQUE, Plato suam sententiam confirmauit exemplo cuiusdam hominis, qui in prælio occisus re
In fine uixit, & omnia narrauit quæ animabus extra corpus
lib. 10. & existentibus contingunt.
rep.

SECUNDA sententia Auicennæ in Tractatu de intelligentijs, non longe ab extremo, qui existimauit dari quandam intelligentiam, quam vocabat, *Datricem* formarum & *Colcodeam*, a qua producuntur omnes formæ, tum substantiales, tum accidentales, quæ denouo fiunt in his inferioribus, ac proinde producunt etiã nostram scientiam, quæ est forma quædam. Hæc sententia, hoc nititur fundamento: Vel scientia produci-
2. tur ab intellectu nostro, & hoc dici non potest, quia
3. intellectus est potentia passiuæ, de cuius ratione est; vt
Lib. 1. nihil producat: vel ab abiecto, quod etiam affirmare nõ
soliloq. licet; quia obiectum est materiale, & idcirco non potest producere rem a materia semotam, vt est humana doctrina: & cum nulla alia causâ interna assignari queat, dicendum erit produci ab aliqua causâ extrinsecus agente. Confirmatur, quia vnumquodque produci-
2. citur a suo simili: atqui scientia non est similis intelle-
3. ctui, uel obiecto: igitur aliunde nobis accedet.

TERTIA opinio aliorum, quorum meminit Henricus
2. **Cor.** in sua summa, qui existimarunt scientiam acquiri de
3. nouo per vim intelligendi, sed non sine priuato Dei
Lib. 1. auxilio: nixi auctoritate Pauli dicentis, Nos non esse suf-
soliloq. ficientes cogitare quicquam ex nobis: igitur si nihil ex
 nobis cogitare possumus, nostra scientia efficienter pè-
 debet a priuato Dei auxilio. Quam opinionem confir-

mares ex sententia Augustini dicentis, Quod sicuti colore sine sole non cernuntur: ita nec intelligibilia sine illustratione diuina.

QVART^A sententia Aristotelis, vt ex multis eius locis colligere licet, scientiam acquiri per vires naturæ, lumenque naturale; ita ut, uniuersè loquendo, non sit necesse assignare aliquam causam extrinsecā; quam omnes Paripatetici, alijque scriptores sequuntur, Vt quid in hac difficultate tenendum sit exponam, nō nulla subijcio fundamenta.

PRIMVM fundamentum, certa fide tenendum est, quicquid Platonici dixerint, & etiam nonnulli ex nostris, Platoniorum doctrina decepti, animas humanas non antecedere corporis productionem, & postea obligari in corpora, eaque informare, sed tunc a solo Deo ex nihilo creatur anima, cum corpus per naturales dispositiones est idoneum ad talem formam recipiendam. Rursus, certa fide tenendum est, non dari animarum transmigrationem ex vno corpore in aliud corpus, quidquid Pythagorei, & Platonici dixerint, tenentes animas esse immortales, & mundum fuisse ab ætherno, ad vitandum infinitum in actu: quam opinionem egregie Tertullianus, præter alios refellit. Quod ideo adnotauerim, ne quis existimet, scientiam præcedere in aliquo homine, quod eam animam sit sortitus, quæ prius scientia in alio corpore acquisiuerit.

SECUNDVM fundamentum: aliquid potest dici naturale pluribus modis, ex quibus solum duo quos hic recensēbo ad rem nostram faciunt. Primo, quod in nobis sit appetitus, potentia naturalis ad illud consequendum; qua ratione, ex Aristotelis sententia, virtus entetur esse natura; quia habemus propensionem naturalem ad eam comparandam. Secundo, dicitur res aliqua naturalis, quia homo habet illam a natura: quo facto homini dicitur naturale, viuere, & augeri. Quæritur ergo vtro modo scientia homini conueniat, dicaturque ei naturalis; an quia potest eam acquirere, an vero

Lib. 1.

Met.

Lib. 1.

post.

lege. 10.

Bapt.

Crisp.

lib. 1.

Lib. de

anima.

Lib. 2.

eth.

vero quod sit ei indita a natura, sicuti videndi, & appetendi facultates, inditæ sunt.

Arist.
lib. 3. de
ani.

TERTIVM fundamentum, ut materia prima se habet ad omnes formas physicas, ita intellectus ad omnia intelligibilia: propterea, ut illa est idonea ad recipiendas omnes formas, & per eas fieri omnia; ita humana intelligentia per omnium specierum intelligibiliū formas est apta fieri omnia. Et sicuti materia quæ est priuata omni forma, ad quas tamen habet naturalem inclinationem, non potest traduci ad actum nisi vi aliquius agentis naturalis; ita nec humana mens potest rerum notitia informari, nisi intercedat aliqua efficiens, causa de qua hoc loco, quæ nã sit, quæritur.

Lib. 3.
phas. t. 6

M. Tul.

QUARTVM fundamentum, res sunt in triplici differentia: quædam existunt actu, quædam potentia, in suis causis, quædam nullo modo, ut sunt ea quæ nulla ratione fieri possunt; ad quas non potest esse motus, qui est veluti via, qua res in potentia existentes reuocantur in actum: sicut nec ad eas quæ iam re ipsa existunt: cum implicet rem esse, & fieri. Quare ad eas solum res erit motus, quæ sunt in potentia, ut ex Aristotele discimus: & idcirco motus dicitur esse actus eius quod est in potentia, prout tendit ad actum. Ex quibus intelligeres, ideo aliquos negasse scientiam fieri de nouo, quia est de numero eorum quæ fieri non possunt, vel quia iam est actu: quod si dicamus esse de numero eorum quæ potestate existunt, profecto produci poterit. Cum ergo aliquid naturaliter cognoscatur vi innatarum notionum, per quas prima scientiarum cognoscimus principia, in quibus potestate continentur alię veritates, quas per discursum, quasi per motum quendam in lucem proferimus: profecto nouarum doctrina comparari poterit: ut planius in positionibus, quas uunc subiiciam demonstrabitur.

PRIMA positio, scientia non fit in nobis per reminiscentiam. Primo, earum rerum est reminiscentia, ut Plato fatetur, quas prius sensu aliquo percepimus, quoniam

non percipimus nisi singularia: atqui, ex eodem, scientia non est nisi vniuersalium: igitur non sciuntur per reminiscentiam.

SECUNDO, ex eodem, quando reminiscimur, debemus prius sciuisse id cuius recordamur, & recordari nos sciuisse: sed quando acquirimus scientiam non recordamur ante nos sciuisse: igitur cum discimus non recordamur, & tamen deberemus maxime recordari, quia scientia quæ præfluit in anima, ex Platonis sententia, fuit certissima, & euidentissima, atque necessaria.

TERTIO, si isto modo fieret in nobis scientiam, sequeretur nos posse scire, omnia sine sensuum ministerio, quod pugnat cū experientia: non igitur isto fit modo: consequentia, sic probatur. Primo, quia ad hoc vt recordemur eorum quæ scimus, non est ex se necessarius sensus, vt experientia constat. Secundo, quia solum erit necessarius aliquis sensus, qui perducatur nos in cognitionem rei sensibilis, vt idem Plato docet; vt patet cum quis videt filium, & recordatur patris, vel audit vocem alicuius, & recordatur proferentis vocem: ergo pari ratione & qui aliquo sensu est destitutus, poterit habere scientiam, illius sensibilis, per perceptionem alterius sensibilis; & ita per sonum percipere poterit colorem sine proprio sensu. Confirmatur, vel recordamur tantum eorum quæ percepimus in alio corpore, animarum posita transmigratio: vel eorum quæ cognouimus extra corpus. Si primum, ergo cognitio quam habuit primus inuentor, alicuius artis, non fuit per reminiscentiam: cum ars illa non fuerit ante cognita, vt patet de quadratura circuli, quæ non dum cognita est, si quis eam de nouo cognosceret, quam se inuenisse quidem meus præceptor ait: & confirmatur, quia anima quæ nunc est in corpore, exempli gratia, Geometræ, potuit non esse in corpore alterius Geometræ, vt ex eodem Platone patet, ergo scientia Geometriæ, quam modo acquirit iste Geometra, non fit per reminiscentiam. Neque alterū

In
Phæd.

P. Clan.
Lib. 10.
de rep.

dici potest, ob hasce rationes. Primo, quia animæ sine ulla difficultate recordarentur omnium scientiarum, cum illas prius habuerint; & tamen videmus quosdam, non modo non recordari, sed nec ad eas comparandas esse idoneos. Deinde, quia plane recordamur amicorum, quorum consuetudinem habuissimus in alia vita, & in campis Eliseis, quos Poetæ, & antiqui sinxerunt, vel eo in loco, in quo animæ prius extiterunt. Quod si dicas, ideo animas non posse recordari, quia potarunt aquam lætheam quæ obliuionem inducit; contra. Primum, quia hoc fabulo se dicitur, sine ulla ratione naturali: & tamen ratio, ut ipse Plato docet, est Philosophiæ instrumentum. Deinde, quia fieri non potest, ut anima aquam ebibat.

Q V A R T O, si scientia acquireretur per reminiscentiam, deberet esse a natura; unde necessario fieret, Arist. 2. ut in nobis non esset error, sicuti non posset esse error in honestis actionibus, si virtutes essent a natura: eth. c. 1. ea enim quæ a natura insita sunt, mutari nequeunt; & ideo, ut Aristoteles ait, etiam si millies lapidem sursum proijcias, nunquam discet sursum tendere: atqui certum est nos in errorem labi: igitur.

Q V I N C T O, aut scientia fuit in anima multo tempore antequam coniungeretur cum corpore, vel eo instanti accepit in quo vnita fuit: hoc affirmari non potest, quia est contra ipsum Platonē, & contra rationem: sequeretur enim eodem instanti habuisse scientiam, & fuisse oblitam: Nec etiam primum, quia tunc anima habuisset perfectissimam scientiam; & cū eius vnio cum corpore sit maxime naturalis, & per eam anima perficiatur, ut ex Platone discimus, non potuit esse causa tantæ imperfectionis, nimirum obliuionis omnium scientiarum.

S E X T O, ideo Plato posuit in humana mente scientias ante coniunctionem cum corpore, quia mens præcedit corpus; & propterea eam obliuisci, quia violenter continetur in corpore, quasi in quodam sepulchro,

chro, qua in parte sibi contradicit: at vtrunque est falsum, cum utrunque pugnet cum fide catholica, & cū ratione humana, vt in libris de anima a Philosophis demonstratur: igitur.

S E P T I M O, Deus & natura, nihil faciunt frustra, ut est in ore Philosophorum omnium: igitur Deus non debuit dare mentibus humanis scientias, quarum postea obliuiscerentur.

Arist. li.
1. Polit.

O C T A V O, Deus non priuat creaturam aliquo bono, nisi ab aliquod eius vitium: at hoc non potest dici de anima, quia non præcedit corpus, forma enim non existit ante materiam: igitur. Sed fortasse Plato, subodorauit aliquid de casu dæmonum, uel de uirio primorum parentum, deque eorum primo statu, & inde hoc suum dogma confecit; de quodam primo aīarum statu, deque earum corruptela, atque pēna.

N O N O, ista doctrina pugnat cum modo procedēdi naturæ, quæ ab imperfecto ad perfectum progreditur; Plato vero contra, a perfecto ad imperfectum eā progredi vult: igitur male philosophatur. Ideo non semel lapsus est Plato, quia in suis dogmatibus fundādis non processit ab ijs quæ sunt nota nobis, & a sensibilibus, sed ab ijs, quæ secundum rationem ei visa sunt vera, & ab intelligibilibus ad sensibilia, quæ philosophandi ratio, ab ea recedit, quam nobis natura indidit, ut a notioribus nobis auspiciemur.

Lib. 1.
Phys. t. 2

D E C I M O, & vltimo, potest assignari naturalis modus quo scientia acquiratur de nouo, & nulla est necessitas cur ponatur modus per reminiscentiam, qui non est secundum naturam: igitur hic tollendus, ille vero retinendus erit.

S E C V N D A positio, scientia non gignitur in nobis ab aliqua intelligentia, siue ab aliquo agente extrinseco; contra Auicennam. Primo, intellectus humanus est multo perfectior, quam sensus, at sensus percipit suum obiectum sine agente extrinseco, ergo & intellectus percipere debet.

SECUNDO, de intrinseca ratione actus vitæ, ut est videre & intelligere; est hoc, ut producat ab eadem potentia in qua recipitur; sed scientia, siue sciendi actus est operatio vitæ, hoc est a vivente producta, & immanens: igitur produci debeat ab eo principio in quo tanquam in subiecto recipitur; & quia recipitur ab anima, ab eadem produci debebit, non a sola causa extrinsecus agente.

TERTIO, idem confirmatur inductione & experientia, quia in nullo agente per cognitionem, reperitur extrinsecum agens, a quo producat cognitio: & omnes homines proprio labore atque industria sentiunt se acquirere scientias; igitur.

QUARTO, quia sequeretur nos non egere sensu ad acquirendas scientias: posset enim intelligentia ista assistens infundere rerum species sine sensuum ministerio, ut patet de scientia diuinitus data: at experientia plane demonstrat humanam scientiam ortum habere a sensu; igitur.

QUINCTO, sequeretur intellectum esse potentiam mere patientem, quia non produceret, sed reciperet intellectionem; quod est omnino absurdum: cum eam tanquam vera potentia actiua producat, & productam in se recipiat.

POSTREMO, aut ista Intelligentia producit in humana mente notitiam sui, aut aliarum rerum: non sui, quia per istam non intelligeremus res alias: non aliarum, quia sequeretur eam creare de nouo rerum species: atqui creare est proprium Dei: igitur. Ut omittam, quod ista Intelligentia est ab humana mente remota: at vero causa efficiens debet esse proxima; igitur.

TERTIA positio, ad acquirendam aliquarum rerum scientiam, non est opus priuato Dei auxilio, sed sufficit eius generalis cōcursus. Primum, quoniam multarum rerum notitia est naturalis humanæ mentis perfectio: quare naturæ viribus poterit acquiri: cum ad ea quæ sunt accomodata naturæ, non sit opus supernatu-

rali

rali gratia. Secundo, quia non est credibile profanos & impios homines multarum rerum acquisiuisse doctrinam, ut re vera acquisiuere, per priuatum ac super naturale Dei auxilium; quo si adiuti fuissent, non tam multa peccassent. Confirmatur, quia in hoc distinguuntur effectus naturales a supernaturalibus, quod illi solo naturali & communi auxilio fiunt, hi vero non item; at scientiæ acquisitio est naturalis; igitur. Tertio, multa cognosci possunt per inductionem sensuum ministerio quorum actiones sunt naturales, ad quas non est necessaria priuata Dei motio; igitur. Denique alias sequetur animam rationis capacem esse imperfectiorem omnibus alijs formis, quæ suos effectus solo communi Dei præsidio queunt producere. Fatendum tamen est, ob primi parentis lapsum, & post obscuratum rationis lumen peccatorum & errorum caligine, minus perfecte res naturales cognosci semoto priuato Dei auxilio. Hæc doctrina, quam hac positione tradidimus, adeo certa est, ut contrarium nullo modo defendendum sit; licet nonnulli Theologi id faciant; de qua re fusius disputant, qui de gratia agunt. His ita positis & confirmatis veritatibus, ad argumenta respondeamus.

A D primum, ideo puer de quibusdam rebus interrogatus bene respondere potest; quia interrogationes, seu suppositiones illæ sunt naturaliter cognitæ: nam, ut ait Aristoteles, ad prima principia habemus rationem internam, non extrinsecus aduenientem; & cum ex illis aliquid necessario conficitur consequutio, illa est evidens per naturæ lumen, cuius vi de nouo aliquid discitur. Quod si puer de quibusdam rebus Mathematicis non per se notis ininterrogetur, respondebit nihil.

A D secundum, antequam acquiratur scientia, ea quæ discimus, potestate nouimus, non actu: nec implicat aliquid sciri, & ignorari sub diuersa ratione. Illud exemplum de homine ignoto, non est ad rem, quia nos supponimus id quod de nouo cognoscitur, esse aliquo pacto cognitum in potentia eius, quod actu scimus. *Vn*

Gabr.
Capr.
Gasp.
Casal.

Lib. 1.
post.
cap. 10.

Lib. 1.
post. c.
1.

de si ille qui hominem quærit, aliquam eius haberet notitiam, quærendo inueniret, ut si eius sciret nomen aut aliquam priuatam notam.

A D tertium, assumptum in hoc argumento est falsum: nec verum est, ut quod est nobilius semper debeat præcedere: ut patet in composito quod est nobilius partibus, & tamen eas non præcedit, sicuti nec forma materiam, cum tamen sit ea nobilior.

A D quartum, ideo naturaliter expetimus bona, & discernimus ea a malis, sicuti vera a falsis, quamuis non omnia, quia illa sunt rectæ rationi & naturali lumini cōsentanea. Ad confirmationem, eodem respondetur modo: iudicamus enim nonnulla naturaliter, ob insitas a natura rationes.

A D quintum, illa comparatio fit per lumen naturale, adiuncta experientia sensitiva: neque fieri potest comparatio in aliquo tertio, nisi illud cognoscatur.

A D sextum, ideo intellectus corrigit sensum, quia percipit repugnantiam per naturale lumen: quod si non sit euidens, opus est scientia: ideo multi qui non habent intelligentiarum notitiā, putant eas esse corporeas.

A D septimū, bruta nō habent actū sentiendi naturalem, sed solum potentiam a natura, per quā illum exercere possunt: quam potentiam etiam homo habet ad sciendum. Cæterum, in sensu non requiritur aliquis habitus, sicuti in intellectu, quæst altioris ordinis, & inde terminatus ad multa intelligēda, quo fit ut indigeat habitu: & ad eius perfectionem pertinet, quod per se possit scientias acquirere. Quod postremo loco dicitur, ut fabulosum reiicendum est.

Q U O D vero attinet ad fundamentum Auicennæ, intellectus nō est potentia pure passiuā, sed concurrat actiue ad productionē sciētiæ. Ad cōfirmationē, neque etiam Intelligentia illa est similis sciētiæ, cum scientia sit accidens, Intelligentia vero substantia: & intellectus humanus non est minus similis suæ scientiæ, quam sit ista Intelligentia.

Q U O D

Quod pro tertia sententia afferebatur, facile confutatur, quia locus Pauli, ut multi scribunt, intelligitur de communi auxilio: nisi quis dicere malit, intelligendum esse de illis operationibus quæ pertinent ad iustificationem & ad æternam vitam, quo etiam modo intelligendus est Augustinus. Concludamus igitur, in nobis fieri scientiam de nouo, & posse dici naturalem, ob naturalem facultatem, quam habemus ad eam acquirendam: non est tamen naturalis ratione actus, vel habitus; quia, alias omnes homines essent æque docti, & in scientiarum acquisitione frustra laboraremus.

De causis scientiam conscientibus, & quibus modis atque instrumentis acquiratur.

Cap. IIIII.

IOSTquam demonstratum est scientiam existerē posse, & non per naturam, neque per causam aliquā extrinsecam, sed de modo naturaliter comparatur sit sermo: sequitur, ut doceamus, quibus nā causis, & quo acquiratur modo; quibus expositis, longe facilius eius natura explicari, & intelligi poterit.

ANTEQUAM autem aliquid de rebus propositis doceo, animaduertendum est, scientiam duobus modis sumi: primo pro actu ipso quo aliquid scimus, & pro ipsa rei cogitatione, siue notitia, quam scientiam actualem vocant: secundo pro habitu & qualitate illa quæ intelligentiæ hæret per actus acquisita, quam habituales appellant: illa non est nisi dum cogitamus, hæc vero perseverat; cuius beneficio cogitare possumus quodcumque volumus. Rursus, scientia duobus sumitur modis; vel pro ipsa simplici rei apprehensione, qua rem ipsam cogitamus: vel pro assensione, cum rei apprehensæ negando, vel affirmando assentimur. In præsentia, scientiæ nomen speciatim sumitur, ut desi-

gnat habitū , atque notitiā cū assensione: de qua præcipue dubitatur, a qua efficiente causa producatur, aut produci possit, ac etiam quomodo .

Lib. 2.
Phyſi.

Et quoniam hoc loco priuatim de causa affectrice differere volumus, ideo alias breuiter attingemus, alibi latius eas explicaturi. Sunt itaque scientiæ, sicuti & aliarum rerum, conficientes causæ numero quattuor, Materia, forma, finis, & efficiens. Materia scientiæ duplex est: altera, quam tractat, de qua agit, res nimirum ipsa scientiæ subiecta; quæ si vniuerse consideretur, dicitur materia proxima, si vero vt est in singularibus, materia remota. Altera, cui scientiæ inhæret, & hæc est humanus intellectus, qui a scientia vocatur sciens, & intellectus in actu. Forma, est quod sit quidam habitus, & qualitas: quæ causa planius in sequenti disputatione per scientiæ definitionem innotescet. Finis, est subiectæ rei notitia atque perceptio: ex quo multæ proficiuntur vtilitates, quas supra de Philosophia vniuerse agentes recensuimus. Hinc Dei cognitio, quem per res creatas cognoscimus: hinc nostri notitia: hinc honestatis doctrina, & vitæ honestæ institutio: hinc denique ad res diuinas percipiendas aditus, cum naturale scientiæ lumen supernaturali sit subordinatū.

Quo vero attinet ad causam efficientem plures causæ assignari possunt, Deus aliqua Intelligentia, præceptor, cuiusque hominis intellectus, & principiorum notitia, De Deo & Intelligentia, qui diuinam prouidentiam negant, dicerent, scientiam nostram non posse fieri in nobis ab aliqua mente diuina. Similiter, si loquamur de modo quo acquiri potest, aliqui, vt impius Auenroes, negarunt posse dari scientiam diuinitus reuelatam, ac proinde solum modo naturali, acquiri, & ita omnem prophetiam sustulerunt. Vt quid de causa efficiente scientiæ tenendum sit plane doceamus, nonnulla fundamenta ponenda sunt.

Primum fundamentum, in omni natura, in qua est aliqua potentia indifferens ad aliquid recipiendū, vel

vel agendum, necesse est dari aliquid a quo terminetur, ut hoc vel illud suscipiat, aut efficiat: ac etiam assignanda est causa efficiens eius unde oritur determinatio. Cum itaque humana mens sit nuda quædam potentia, ut ad intelligendum determinetur, eget aliqua extrinseca forma, quam speciem intelligibilem vocant: ut enim res quæ sub sensum cadunt, per earum species, quæ nullo modo negari possunt, a nobis sentiuntur: ita etiam quæ ad intelligentiam veniunt, per suas species percipiendæ sunt. cæterum, ut nonnulli sensibiles species negarunt, ita aliqui intellectuales negant, quas tamen communior Philosophorum sententia retinendas esse docet. Quibus positis, alia exoritur difficultas, a qua an causa istæ species producantur, an ab aliqua vi extrinseca agente, ut a Deo, vel ab intelligentia, an vero ab ipsomet intellectu, vel ab obiecto siue a phantasmate. Et cum non sit huius loci has difficultates accuratius examinare, satis nobis erit ea supponere, quæ sunt communiter recepta, & Aristotelis doctrinæ consentanea. Primum, species intelligibiles necessarias esse ad intelligendum, easque permanere post intellectionem, quidquid Avicennas contra dixerit; alias. n. præteritorum meminisse non possemus. Remanent autem in memoria, quæ non est potentia re ab intellectu distincta: quamvis intellectus per eas intelligere non queat, nisi conuersus ad phantasmata & idola, ut in illa aliquo pacto intelligendi actus terminetur, quod animæ conuenit propter naturalem connexionem cum corpore; ob quam connexionem non potest intelligere res omnino a materia separatas, ut diuo Thomas placet; licet aliter Doctor subtilis existimet: fieri tamen potest, ut aliquando sine vilo phantasmate intelligat, præsertim cum diuinitus docetur. Deinde, necessariū esse intellectum agentem, ut communis docet Philosophorum, & Theologorum sententia; qui non est re distinctus a possibili, nec per se intelligit, sed suo lumine quod cōmuniter ponitur, species intelligibiles efficiē-

Arist.

lib. 3. d

an.

Dur.

Lib. 3. d

an. t. 30.

& 38.

Arist.

loc. cit.

t. 33.

Aug.

lib. 10.

conf. c. 3

Colleg.

Coim.

Par. p.

q. 84. ar.

7.

Lib. 2. S.

d. 3. q. 3.

ter producit ad quarum productionem phantasmata obiectiue concurrunt; eodem enim modo se habet hoc

Lib. 3. lumē, vt Aristoteles ait, sicuti lumē solis ad colores ex
de an. t. ternos; quo fit, vt non sit productum in phantasmate,
18. tanquam in subiecto; nec est solum caussa apparentiæ,

faciens apparere in phantasmate vniuersalia, sed etiā illustrando phantasmata perducit efficienter species, non solum extrinsece, sed etiam intrinsece, quas etiam illuminat, vt in intellectu possibili existunt. Itaque intellectus agens solus non producit species sine phantasmate, & obiecto, sed vna cum phantasmate, illuminato, ut nonnulli scriptores docent; ob quam causam obiectum dicitur agere in intellectum. Denique, supponimus, intellectum agentem non esse ipsum Deum, qui ex sententia Aristotelis nihil agit in

Arist. hęc inferiora nisi per lumen & motum: & quia debet
lib. cit. 1. 14. ret nobis assistere tanquam quædam intelligentia or-
8. phy. bi cœlesti: at ex Aristotele, Deus dicitur esse vbiq;
12. Met. igitur. Vt omittam, quod intellectus agens diciiur esse
8. phy. veluti lumen & habitus, hoc est forma: at Deus non
1. 88. est forma igitur. Vnde colligeres, non esse aliquam Intelligentiam: quia si intellectus agens & possibilis sunt partes & differentię animæ, profecto non erunt aliquid extrinsecum: adde etiam quod debet esse virtus

Lib. 3. humanæ mentis, quæ intelligat, non solum patiēdo,
1. 17. & sed etiam agendo. Quod si de sententia Platonis & Aristotelis, vt aliqui volunt, Deus esset intellectus agens, a quo in humana mente rerum formæ producerentur; inde profecto maximum duceretur argumentum ad demonstrandum, quantum veritatis amator, deberet esse Deo carus, animo purus, & quanta cum contentione sapientiam ab eodem petere, ac etiam quanta esset hominis dignitas, quia diuinarum formarum particeps fieret: Id quod Lucretius significasse videtur, qui de auctore sapientiæ agens concludendo dixit,

Nemo, ut opinor, erit mortali corpore cretus

Nam (si ut ipsa petis maiestas cognita rerum:

Di-

*Dicendum est) Deus ille fuit, Deus inclite Memmi,
Qui princeps vita rationem inuenit eam, qua
Nunc appellatur sapientia.*

AN autem aliqua mens extrinsecus assistens possit nos aliquo pacto mouere ad intelligendum, in positionibus docebo.

SECONDVN fundamentum, agens duplex est; alterum, quod solum habet vim agendi in aliud, vt sunt fere omnia agentia naturalia, quæ agunt in patiens a se distinctum, vt ignis in aquam: & huius ordinis agentia, *Arist. lib. 1. de gener.* cum eodem modo semper agant, nullo indigent habitu, quo ad agendum disponantur: Alterum, quod non solum habet vim agendi, sed etiam perperciendi, & recipiendi in se id quod producit, cuius simodi est intellectus humanus, qui aliquid sua vi producit, & productum in se recipit; quod reperitur in omni actione immanente. Potest autem intellectus aliquid de nouo cognoscere, vel per doctrinam, quam audit a præceptore, vel per inuentionem; qui modus requirit sensum & experientiam, principiorumque notitiam. Quo fit, vt in omni cognitione intellectus, tanquam vis actiua, sit princeps causa, si de naturali cognitione loquamur; secus si de ea quæ a Deo proxime in nobis fieri potest. Et quidem ad productionem habitus scientiæ plures requiruntur frequentati actus; quamuis paucioribus egeat habitus scientiæ ad sui generationem, quam habitus virtutis, qui sunt in voluntate; cum voluntas sit magis indeterminata ac libera ad agendum, quam sit intellectus; & magis propensa in malum, quam intellectus in errorē. licet ergo per vnum actum possit produci habitus scientiæ, per vnam nimirum demonstrationem; tamen, si diu hæreere debet, frequentia opus erit. Atque ex his colligeres, quæ nam sint necessaria ad productionem scientiæ. Primo requiritur ignorantia saltem puræ negationis, hoc est inscientia, tanquam terminus a quo: secundo noua notitia, tanquam terminus ad quem: tertio transitus ab vno ad aliud, qui sit rationis discursus;

su: quarto subiectum in quo fit ista transmutatio, nimirum anima; cum sine his impossibile sit intelligere generationem & acquisitionem ullam: denique causa efficiens, nimirum intellectus, ac etiam res ipsa cognoscenda, siue obiectum; unde consequitur ipsam scire, tanquam finis.

- TERTIVM** fundamentum, humanæ scientiæ acquirendæ duo dantur modi; vnus supernaturalis per reuelationem, quam veritatē certa fide tenendam, nūc vt exploratam, & communi etiam omnium populorū approbatione confirmatam, & alibi a nobis latissime demonstratam supponimus. Deus enim & primo Parenti, & Salomoni rerum natura constantium doctrinam communicauit & quidquid, per causas iuuantis facit, se solo efficere potest. Alter scientiæ comparandæ modus est naturalis, qui habet ortum a sensibus, & a lumine naturali, primisque notionibus, & quasi igniculis; vt Aristoteles, & M. Tullius non vno in loco docent, & nos supra de Philosophiæ ortu agendo docuimus. Et cum ille primæ notiones, illaque principiorū scientiæ notitia, quæ in intellectu ponitur, pendeat ab experientia, & hæc a sensu, vere dici potest, sensuum cognitionem esse primum humanæ doctrinæ principium. Vt merito aliquando Aristoteles dixerit, Nihil esse in intellectu, quin prius fuerit in sensu: ideo enim habemus hanc notionem, Totum est sua parte maius, quia aliquādo totum & partes sensu percepimus. Denique, cum naturalis modus cognoscendi sit per notiora, & quæ sensu percipiuntur sint huiusmodi, recte dicitur, Omnem humanam notitiam ortum habere a sensibus. Sed obijcies Aristotelem dicentem, Principia sciri, vel sensu, vel inductione, vel consuetudine, unde colligitur, non omnem scientiam pendere a sensu; alias enim non bene assignasset tres modos distinctos, quibus principia cognoscuntur: adderes etiam, experimentum esse fallax, vt scripsit Hippocrates, quare, male ponitur pro fundamento scientiæ. Respondeo, illos

tres modos cognoscendorum principiorum, non poni ita distinctos a sensu, quasi in illis non includatur cognitio sensitiva, cum inductio fiat per singularia quæ sensu percipiuntur, consuetudo etiam est circa res singulas: & ita assignat illos tres modos, qui habet aliquid supra sensum. Quod vero ad experimentum attinet, si sensus, de cuius experimento hic est sermo, cum debitis circumstantiis suum obiectum percipiat, non decipitur & ita ea habetur certitudo, & euidencia, quæ de rebus naturalibus haberi potest; quæ non est adeo necessaria, ut contrarium omnino implicet: adde etiam, quod sensuum errata, facile deprehenduntur.

D E N I Q U E, quod attinet ad instrumenta quibus scientia comparatur, alij pauciora, alij plura ponunt, ut alio loco nos docuimus: Quid autem de illis, & de hac tota difficultate tenendum sit, sequentibus positionibus docebo.

In Ad-
dit. ad
log. To-
leti.

P R I M A positio, Deus potest esse causa totalis efficiens scientiæ habitualis. Doctrina est certissima, quia potest creare & infundere species, atque intellectum ad eas recipiendas, & ad intelligendum idoneum reddere.

S E C U N D A positio, Deus non potest esse totalis causa efficiens scientiæ actualis. Quia actus sciendi est actus vitæ, qui necessario produci debet ab animante; igitur non a solo Deo. Nec propterea aliquid detrahitur de potentia diuina, sed impedimentum oritur ex re ipsa: quia cum intelligere sit actus uitæ, produci debet a potentia viuente. Quid Deus absoluta potentia posset in hac parte efficere, non est huius loci docere.

T E R T I A positio, Intelligentia potest esse causa efficiens scientiæ, non tamen totalis, sed partialis, iuuando. Non totalis, quia non potest gignere species de nouo, sed solum productas ordinare ac remouere impedimenta, aut animi perturbationes, atque instrumentorum naturalium prauitates aliquas: unde patet, posse esse causam iuuantem, sicuti Medicus dicitur esse causa sanitatis.

QVARTA positio, præceptor est aliquo modo causa efficiens scientiæ humanæ quæ in alio gignitur iuuando, sed minus perfecte quam Intelligentia: Potest enim explicare & patefacere rem intelligendam, & exemplis id quod docet illustrare; nõ tamẽ impedimẽta auferre, aut rerum species ordinare, ut Intelligentia potest.

QVINTA positio, principiorum notitia est causa agens instrumentalis humanæ scientiæ. Huius enim innatæ notitiæ auxilio, intellectus, uel homo ipse ratio cinando, aliquam eius rei quam ignorabat acquirit cognitionem. Est etiam hæc notitia quasi causa materialis, ex qua raticinationis vi noua eruitur doctrina.

SIXTA positio, solus intellectus est causa efficiens principalis scientiæ actualis & habitualis, si eam modo naturali acquirat. Hæc positio patet ex ijs quæ vltimo fundamento explicata fuere, & nulla eget probatione.

SEPTIMA positio, si loquamur de instrumentis quibus proxime perfecta gignitur scientia, sunt tantũ duo, Definitio & Demõstratio. Per hæc enim sola sci-

Lib. 1. per causam cognoscere, ista duo tantum erunt sciendi
post. c. 2. perfecta instrumenta. Quod si sub nomine scientiæ

In trac. quæcunque intelligatur doctrina, de nouo comparata,
de In- potest etiam addi Argumentatio, qua aliquid non de-
str. sciẽ. monstrando probamus, iuxta ea quæ alibi docuimus.

OCTAVA positio, sensus non est causa efficiens scientiæ intellectiue. Quoniam sensus non concurrat effectiue ad producendam intellectionem & rei veritatem, quæ est in intellectu. Quare iuuat solum subministrando rerum species quas excipiat, & visa, præparando materiam ad cognoscendum necessariam.

*Quid sit scientia, & quarundam dubitationum
explicatio circa naturam scientia.*

Cap. V.



T scientiæ naturam nō omnino perspe-
ctam, adhuc planius patefacere possi-
mus, præter ea quæ de eius causis do-
cuimus, nonnulla alia explicanda sunt,
ex quibus multo facilius eius definitio-
nes quas afferemus, intelligentur.

PRIMUM igitur animaduertendum est, tres fuis-
se de natura, siue de entitate scientiæ opiniones. Qui-
dam existimarunt scientiam esse substantiam, quam
sententiam nonnulli attribuunt Rabbi Mosi: Cui opi-
nioni id fauere videtur quod Aristoteles aliquando di-
xit, Potentiam cognoscentem, & obiectum cognitum
esse vnā & eandem rem: ac etiam id quod scriptum
reliquit Auenroes, ex re intellecta & intellectu magis
fieri vnum, quam ex materia & forma; quod verum
non esset, si scientia esset forma quædam accidentaria:
denique hoc diui Thomæ pronuntiatum, Mentem fieri
lapidem, ob speciem quam concipit lapidis. Alij vero
dixerunt scientiā esse accidens: quia extrinsecus acce-
dit, tanquam perfectio quædam humanæ mentis. Alij
denique, quasi media via incedentes affirmant scien-
tiam, non esse substantiam, vel accidens simpliciter, sed
quid substantiale. Quoniam scientia non aduenit ut
quid accidentale, sed tanquam quid perficiens animam
in suo esse, ita vt non possit proprie dici anima, nisi cū
adepta fuerit virtutes, per quas habet esse perfectum,
& posse operari secundū suam naturam; cum res ali-
qua tunc dicatur esse, cum est perfecta, & operas suæ
naturæ proprias potest exercere; cuiusmodi est intelli-
gere atque cognoscere in homine. Hinc patet, cur Ari-
stoteles dixerit, virtutes non esse alterationes, sed per-
fectiones. Cum itaque aliquid perficitur, non alteratur

Rab Mo-
ses.

Lib. 3. d.
an. com.
27. & 37

Caic. p.
p. q. 12.
ar. 2.

Card.

Cont. in
suamet.

Alex.

Phil. 1.
de an. t.
38.

Arist. 7.
phys. 1.
18.

Lib. 7.
phys. 1.
16.

sed

sed potius fit, & cum est perfectum, tunc esse dicitur :
 Ideo aliqui, dixerunt, Animam sine propria virtute
 & perfectione non esse proprie animam. Quare, scien-
 tia non dicetur proprie substantia vel accidens, sed qd
 substantiale, idest quid complens, proficiens, & absol-
 uens substantiam. Nā, si potentia intellectiua confide-
 retur, non vt res quædam est, sed secundum suam natu-
 ram, & habitus, siue rei species, non ut accidens est, sub
 qua ratione includit inhærentiā, sed ut est quædam
 forma potentiæ, sub qua ratione intime cum ea coniū-
 gitur, & ~~ut~~ quodāmodo fit ipsa substantia intelligens,
 sicuti cum color purpureus cum lana coniunctus, fit ip-
 sa lana, a qua separari non pōt : habitus, siue notio quæ
 est ipsa scientia, est veluti forma substantialis, intelle-
 ctus, & quasi eius essentialis differētia, qua intellectus,
 terminatur, & in tali specie scientis constituitur, cū per
 speciem vel habitum ad actum redigatur: unde fit, ut
 agere queat. sicuti etiā qualitates dicuntur esse formæ
 elementorum, quibus constituuntur in esse actiuo. Et-
 enim vnumquodque est tale secundum aliquam formā
 ac proinde forma intelligibilis constituet intellectum
 in esse cognoscibili, & intellectus fiet res ipsa cognosci-
 bilis, per speciem apprehensam, notionemve expres-
 sam. Atque propter hoc nouum esse intelligens, esse
 in quo per scientias & rerum notiones Philosophus
 p. p. q. constituitur, a viris doctis dictum est, hominem dici
 17. ar. 1. æquiuoce de homine erudito, & rudi: ut præter alios
 ab Auenroe proœmio in physicam, & a Pythagora in
 oratione ad iuuenes Crotoniataras, cum eos ad discipli-
 nas perdiscendas excitaret.

Boet. 4. DE INDE animaduertendum est, scientiam, si
 de conf. sumatur pro habitu; duo ex communi omnium sen-
 D. Tho. tentia includere, qualitatem, siue habilitatem quan-
 p. p. dam, quæ frequentibus actibus acquiritur, & species
 Alb. intelligibiles, quæ sunt rerum similitudines in memo-
 Mag. ria, siue in ipso intellectu remanentes. Sed dubitari
 solet, a scientia formaliter sit qualitas, an vero species
 ipsa.

ipsa. Aliqui arbitrantur scientias esse ipsas habilitates & qualitates; includere tamen species inter se subordinatas, an autem sint simplices qualitates, postea videbimus: alij vero dicunt esse solas species subordinatas in intellectu existentes, de qua re quid sentiendum sit in ipsis positionibus docebo.

PRIMA positio, scientia formaliter non est substantia. Ratio est manifesta, quia extrinsecus accedit, & intellectui inhæret, & amitti potest manente subiecto, igitur.

SECUNDA positio, si mens humana consideretur ut potentia quædam, & scientia ut perfectio & secundum propriam rationem, ut facit hominem intelligentem actu, potest dici quasi substantia, siue substantialis. Hæc positio intelligenda est iuxta ea quæ paulo ante diximus in explicatione tertiæ sententiæ. Etenim per rerum notiones intellectus fit quodammodo res ipsa cognita, non secundum esse reale, sed intelligibile in actu.

TERTIA positio, scientiæ non sunt formaliter ipsæ species intelligibiles, sed qualitates & habilitates, ut ita dicam, contractæ in ipsa potentia, quibus intellectus recte afficitur ad iudicandum ac disputandum de rebus ipsis: & ita scientia non dicit in recto ipsas species, sed in obliquo, sicuti unum relatiuum alterum relatiuum. Primo, præter species ordinatas ad constituendam scientiam, opus est promptitudine in intellectu ad agendum circa illas, quæ promptitudo est a speciebus distincta, nec per illas tantum haberi potest: igitur. Secundo, si ponantur obiecta exteriora inter se ordinata, sicuti species ordinantur, non dum habetur habitus scientiæ, sed requiritur aliqua qualitas in anima: ergo pari ratione, etiamsi disponantur species in mente, requiritur aliqua qualitas, qua bene speciebus utamur, vel circa illas versemur, & de illis iudicemus, quod est scientiæ proprium. Tertio, species ordinatæ sunt in anima post primum actum, etiã

remis

In cap.
de qua-
lit.

remissum:& tamen scientia non est adhuc perfecta, sed opus est actuum frequentatione, ut ex Aristotele constat: igitur ratio scientiæ non consistit in illa specierum ordinatione. Quarto, habitus est species qualitatis; species autem, cum sint quid aggregatum per accidens, non faciunt aliquam speciem: igitur non cōstituunt naturam scientiæ. Nec valet si dicas, hoc argumentum procedere de scientia totali; quia concludit etiam de partiali, in qua, minimum sunt duæ species, una subiecti, altera prædicati, quæ simul iunctæ, sunt quid aggregatum per accidens: cum sint duo, quorum neutrum est in potentia ad aliud. Quinto, de ratione habitus est, ut teneat se ex parte potentiæ quam perficit, eam recte disponendo ad bene agendū: atqui species se tenent ex parte obiecti: quare eis nō conuenit ratio scientiæ, quæ cum sit habitus, debet esse dispositio potentiæ ad optimum. Itaque cum species non afficiant potentiā, non habebunt rationem scientiæ, uel habitus. Huc accedit, quod alias nullus daretur habitus specificus scientiæ, qui poneretur in categoria qualitatis. Postremo, certum est habitus aliarum potentiarum, ut habitus uirtutum; esse habilitates quasdam: igitur & habitus intellectus, siue scientiæ.

Arist. 7.
phys. 1.
17.

See diff.

Lib. 1.
post. c. 2

QVARTA positio, scientia ut designat actum sciēdi, hunc in modum definiri potest, Scientia est cognitio rei per causam propter quam res est, & quod illius sit causa, & non contingit aliter se habere, quæ definitio colligitur ex doctrina Aristotelis, & hunc in modum explicanda est. Dicitur cognitio, ut indicetur eius genus, in hoc enim conuenit cum omni alia notitia intellectiua: Ceteræ particulæ ponuntur loco differentiæ, per quas scientia distinguitur ab omni alia cognitione, etiam ab ea, qua certe & euidenter aliquid cognoscimus, qualis est cognitio principiorum, & definitionis. In eadem definitione explicantur tres cōditiones scientiæ: quarum prima est, ut sciamus per causā pro-

propter quam res est, qua indicatur medium demonstrationis debere esse vnum, vt aliquando docuit Aristoteles. Secunda, vt sciāmus esse causā illius, qua docetur medium demonstrationis cognoscendum esse, vt est causā conclusionis. Tertia, vt sciāmus non posse aliter se habere; qua designatur necessaria connexio consequentis cum antecedente; ita vt ex vi talis formæ quæ reperitur in demonstratione; necessario inferatur conclusio. Dux priores conditiones conueniunt demonstrationi, vt demonstratio est, & vt per eam acquiritur scientia: tertia vero potest etiam conuenire syllogismo, si exponatur de necessitate consequentiæ.

Lib. 1.
post. te.
29.

Ideo autem dictum est, scire esse rem per causā cognoscere, & non per principia; quia principia, interdū non sunt causæ; & ita non possunt gignere scientiam eius rei cuius sunt principia, cuiusmodi est priuatio, quæ licet sit principium; tamen non est causā rei, vt Aristoteles docet. Rursus secunda particula allatæ definitionis, excludit eam cognitionem quæ habetur per demonstrationem Quia, quæ non fit per causā: & ideo dicitur, quod illius sit causā, vt indicetur nos debere cognoscere causā sub ratione causæ, hoc est, vt est causā talis conclusionis; licet non sit necesse vt hoc explicetur in præmissis. Tertia vero, vel adhibetur, vt designetur necessitas consequentiæ: vel refertur ad obiectum scientiæ quod debet esse aliquid necessariū: vel denique designat connexionem necessariam effectus cū causā, ita vt effectus alter se habere nō queat. Et sane ista particula tres allatas expositiones admitte re potest.

Lib. 1.
post. c.
2.
Lib: 1.
pyli.

Posse etiam actuale scientiam hunc in modū describere, Actualis scientia, nihil est aliud quam demonstratio simul cum conclusione: ita vt necessario includat cognitionem præmissarū & conclusionis. Hoc indicasse videtur Aristoteles, cum dixit, Scire nihil aliud esse, quam habere demonstrationem: quod sane falsum esset, ni scientia esset vel tota demonstratio, vel con-

1. post. 2.
5.
2. post.
t. 2.

L clusionis

In fin. clusionis notitia, ut a præmissis dependet. Idem etiam
 prol. 2. Eustratius, & Auenroes docuere, ad quorum auctorita-
 post. rem hæc accedit ratio. Scire est rem per causam co-
 Lib. 2. gnoscere: igitur ad constituendam scientiam requiri-
 post. tur cognitio effectus & causæ, quæ duo cognoscuntur
 com. per demonstrationem: quare scire erit demonstratio-
 100. nem habere: alias propositio demonstrabilis cognosce-
 1. post. t. est contra Arist. Cæterum, actualis sciëntia non est idē
 5. prorsus q̄ demonstratio: quia demonstratio adhibetur
 ad conuincendum intellectum, & tanquam instrumen-
 tum acquirendæ scientiæ. Ex quibus colligitur, scien-
 tiam actualem particularem, esse notitiam particularis
 conclusionis: totalem vero omnium conclusionum
 scientiæ totalis. Sed iam videamus quid sit scientia
 sumpta pro habitu.

QUINTA positio, scientia modo dicto sumpta, est
 D. Tho. habitus rationis rei necessariæ, perficiens intellectum,
 1. 2. per demonstrationem acquisitus. Dicitur habitus ra-
 tionis, ut distinguatur ab habitibus virtutum, qui sunt
 in voluntate. Dicitur, rei necessariæ, ut indicetur pro-
 prium scientiæ obiectum, res nimirum necessaria. Di-
 citur perficiens intellectum, ut explicetur proximus
 scientiæ finis, qui est perficere intellectum per cog-
 nitionem, quæ non ordinatur ad actionem, sed est gratia.
 sui: indicatur etiā subiectū scientiæ, quæ est in intelle-
 ctu, tanquam in subiecto. Dicitur, per demonstratiōē,
 ut doceatur medium, siue ratio per quam scientia ac-
 quiritur. Denique, dicitur acquisitus, ad declarandum
 modum quo accedit, quia de nouo aduenit.

Lib. 1. A T vero si scientia sumatur eo modo, quo Aristot-
 post. c. teles sumpsit, hunc in modum eam describeres, Scien-
 2. tia est habitus rationis certus & euidens congoscens
 rem necessariam per causam, propter quam est, &
 quod illius sit causā, & non contingit aliter se habere:
 cuius definitionis hæc est sententia. Dicitur habitus
 rationis, ob causam iam explicatam. Dicitur certus, ad
 exclu-

excludendam opinionem , quæ non includit notitiam certam. Dicitur evidens, ad excludendam fidem diuinā, quæ licet sit certissima; non est tamen evidens. Dicitur per causam , ad excludendam notitiam principiorum . Reliquæ particulæ eodem sunt intelligendæ modo, vt supra explicuimus.

D E N I Q V E , si scientia habitualiter sumpta uniuersè consideretur, hoc pacto describi potest, Scientia est quædam habilitas , siue habitus relictus in anima post multos actus quo disponitur intellectus , vt possit certe & facile intelligere . Est autem hic habitus duplex, alter particularis de vna particulari conclusione : alter totalis de omnibus vnius scientiæ cōclusionibus.

S E D peteret hoc loco quispiam, an sub definitione scientiæ ex Aristotele collecta, contineatur cognitio quæ habetur per definitionem ; cui respondeo sequentibus dictis. Primum, si rem secundum se spectemus , affirmare licet eam definitionem aptari posse scientiæ definitiui. Siquidem definitio facit scire rem per causam formalem , & omnes particulæ allatæ definitionis aptari possunt scientiæ per definitionem acquisitæ. Secundum, si Aristotelis mentem spectemus, dicendum est non contineri: vnde verba illa, scire est rem per causam cognoscere, explicanda sunt, de scientia quæ habetur in conclusione, ex cognitione causæ tanquam per medium. Quod autem hæc sit Aristotelis mens, patet ex eo quod dixit, Si est alius sciendi modus : vbi per modum sciendi intelligit modum quendam a demonstratione distinctum: & aliud instrumentum perfectum sciendi, cuiusmodi non est demonstratio. Quia, quæ non est omnino distincta a demonstratione propter quid, sicuti definitio : vt patet ex ratione quam reddit, cur posterius dicturus sit de alio modo sciendi : quia tunc considerabat scientiam, quæ habetur per demonstrationem. Adde etiam, quia postea male definiuisset demonstrationem per scire, paullo ante definitum, quoniam non esset proprius effectus illius.

Lib. 2.
phys. r.
28.

Lib. 1.
post. c. 2

R V R S V S peteret aliquis, an sub eadem definitione contineatur scientia Dei & Intelligentiarum, cui respondeo his dictis. Primum, si Aristotelis intentionem spectemus, talis definitio solum conuenit scientiæ humanæ, quæ habetur per demonstrationem. Patet ex ijs quæ diximus in confirmatione seculari dicti, superioris dubitationis. Secundum, tota illa definitio accommodari potest scientiæ Dei & Intelligentiarum. Si quidem Deus & Intelligentiæ cognoscunt rerum proprietates certo & euidenter, per suas causas; non tamé ratiocinando, sed per simplicem intuitum.

R V R S V S peteres, an sub definitione scientiæ contineatur cognitio artis, & prudentiæ. Ad hanc petitionem respondeo distinguendo: si prudentia & ars considerentur, ut dicunt habitum quo cognoscuntur præcepta quædam generalia recte efficiendi, vel agendi per proprias causas, Artifices enim ut Aristoteles docet, causas norunt, continentur sub vltima scientiæ definitione supra allata, de ea enim hoc loco est sermo: at vero sub alijs definitionibus nō item: quia illa præceptorum notitia, sua vi atque natura refertur ad opus. Si autem considerentur ut dicunt habitum particularem circa hæc, vel illa singularia, & ut spectant vsum & opus dicta definitio eis non conuenit.

Libr. 6. eth. c. **D E N I Q V E**, cum in humana mente sint quinque habitus quibus aliquid cognoscitur, peteret aliquis, quo pacto scientia proprie sumpta ab illis distinguatur. Respondeo, omnis habitus, aut est intellectiuius, aut speculatiuius, aut practicus: si practicus & vniuersalis circa factibilia, est ars: si circa agibilia, est prudentia: si speculatiuius & versatur circa conclusiones, est scientia: si circa principia, est intellectus, si circa vltimas & supremas causas, siue circa res diuinas est sapientia; atqui ex quorundam sententia, sapientia est habitus primorum principiorum & scientia simul. Atque hucusque de natura & causis scientiæ: sequitur ut de eius agamus attributis.

De humana scientia perfectione. Cap. VI.



DE humanæ scientiæ perfectione disputaturus, priore loco quid sit id de quo queritur explanabo. Scientiæ perfectio ex his capitibus perpendi potest. Primo ex parte naturæ ipsius scientiæ, sit ne res quædam perfecta, vel imperfe-

cta: secundo ex parte certitudinis: tertio ex parte rerû cognitarum, an omnia sub humanam scientiam cadant, eaque a nobis sciri possint.

QUOD attinet ad primum sensum, ideo aliqui putarunt scientiam, siue Philosophiam ipsam esse quid imperfectum, quia est accidens quoddam, accidens enim quid imperfectum est. De secundo, iam supra egimus contra Aporeticos, sed rursus aliquid aliud hoc loco attingemus circa certitudinem. Vnde tota fere difficultas est de perfectione in tertio sensu: qui adhuc tribus modis intelligi potest. Primo, an oia sciri queant ex parte obiecti, & tunc certum est omnia, vt entia sunt, sciri posse, cum quidquid est, sub scientiam cadat, & aliquid sit scibile, quia est ens. Secundo, an omnia sciri possint vniuerse & in confuso: & de hoc etiam sensu, res est manifesta, cum hac quoque ratione omnium possit esse scientia: postremo, an omnia sciri valeant perfecte distincte, & in particulari, & sub hac ratione est dubitatio. Rursus, omnia posse sciri dupliciter intelligitur: primo quia habemus potentiam naturalem, qua omnium notitiam comparare valemus, vel solo naturæ lumine, vel etiam diuino: quo intelligentia humana adiuta, omnia sine dubio perciperet: altero, solis naturæ viribus, & sub hac ratione est dubitatio, An scilicet rerum omnium perfecta atque distincta scientia haberi queat: & quod queat, sequentibus rationibus probatur.

Primo humana mens naturaliter cognoscit om-

nia principia, in quibus potestate continentur omnes veritates, quas inuenire licet in omnibus scientijs: igitur ex illis ratiocinando eas cognoscere poterit.

Lib. 3. d. **S E C U N D O**, sensus potest percipere omnia sensibilia: igitur pari ratione intellectus omnia intelligibilia; cum superior potentia, non debeat esse inferiore minus perfecta.

Lib. 1. eth. c. 1. **T E R T I O**, in homine inest naturalis cupiditas cognoscendi res omnes, neque enim est maior ratio unius, quam alterius: igitur talis potentia viribus naturæ expleri poterit: ne hic appetitus sit nobis frustra a natura tributus, ut sane esset, si vacuus remaneret: Et quidem huc dari debere quoddam summum bonum, quod naturaliter expetitur.

Lib. 10. eth. **Q U A R T O**, si quid est quod a nobis intelligi nequeat, erunt res a materia, iunctæ: atqui Deus & Intelligentiæ debent ab omnibus cognosci; cum in eorum notitia, ex Aristotelis doctrina, humana sita sit felicitas: igitur.

Q U I N C T O, obiectum intellectus est ens, ut ens, quod continet res omnes: nihil erit igitur quod humanam intelligentiam fugiat, cum quævis potentia ea percipere valeat, quæ sub ipsam cadunt, ut pater in sensu.

Lib. 3. d. an. **P O S T R E M O**, intellectus, ut ait Aristoteles, est omnia in potetia, & est aptus fieri omnia: omnia igitur naturæ ui cognoscere valebit; quia intellectum esse potentia, nihil aliud est, quam posse fieri omnia per intellectionem. Circa hanc difficultatem, de qua nonnulla **Lib. 3. d. an. com.** supra quibusdam in locis attigimus, ac proinde eam nunc paucis perstringemus, duæ fuerant auctorum sententiæ.

pp. q. 12 ar. 12. **P R I M A** Auenrois, Auicennæ, Alexandri, & quorundam aliorum, qui existimarunt omnia naturaliter sciri posse. Secunda, priori contraria, omnino retinendus. **Cai. o. de ent. q. 14** de da, quam communiter omnes Theologi defendunt. Et quoniâ hic nihil notadû occurrit, ad positiones accedo.

P R I M A positio, scientia humana sua vi atque natura, est quid perfectissimum. Explico, licet scientia ut est quoddam accidens pendeat a substantia cui inhaeret, & sub hac ratione sit quid imperfectum: tamen, si consideretur, ut est tale accidens, & sub propria ratione, ut perficit supremam humanæ naturæ partem, est quid perfectum, & ipsa substantia perfectius: siquidem perficiens debet esse perfectius eo quod perficitur. Quare, sicuti Theologi dicunt gratiam qua anima Deo grata redditur, esse quid perfectissimum in genere rerum supernaturalium, ut quæ constituit hominem in quodam esse diuino; ita scientia in ordine rerum naturalium censenda est res perfectissima; cum, ut supra docuimus, constituat hominem in esse perfecto, & eius intellectum reuocet ad actum, & ita afficiat, ut per scientiam dicatur esse omnia: & homo inscius non possit plene dici homo, cum non dum sit plene factus.

In cen-
tur. de
viro iu-
sto. c. 4.
Lib. 3.
de ani-
ma.

S E C V N D A positio, licet humana scientia ratione certitudinis possit dici imperfecta non tamen eo modo, quo aliqui putarunt: dicentes omnia esse incerta, & in opinione. Hanc positionem esse veram patet ex ijs quæ supra de Philosophia vniuerse agentes diximus, & ex ijs quæ contra Academicos Aporeticos disseruimus.

T E R T I A positio, falsum est posse omnia naturaliter sciri. Doctrina est certissima, & contrarium asserere est erroneum. Primum, quia in Christiana religione sunt multa mysteria, quæ non solum non possunt naturæ viribus cognosci, sed etiam videntur repugnare principiis naturaliter cognitis. Confirmatur, quoniam, ut supra docuimus, humana doctrina habet ortum a sensibus, qui nullam conuenientiam habent cum multis mysterijs fidei: igitur. Deinde, si omnia naturaliter sciri possent, fuissent iam scita, præsertim ex sententia eorum qui ponunt mundum ab æterno: at experientia contrarium docet: igitur sciri non queunt; & speciatim intimæ rerum naturæ. Confirmatur ex diuinis literis, in 1. Cor. quibus dicitur, nos ex parte scire, & ex manifesta ex-

D. Tho.
1. p.

1. Cor.
13.

In Pim. perientia, atque communi opinione. Quod si dicas,
 Lib. 2. quosdam Philosophos, vt Platonem, vt Mercurium, &
 Met. t. I. alios cognouisse mysteria fidei, Trinitatem, resurrectionem, inferni pœnas, & id genus alia; Respondere mihi, ista accepisse a nostris, vt patet ex ijs quæ de Philosophiæ origine scripsimus; & quæ acceperunt, non integre seruerunt, sed aliqua parte temerarunt. Fuerunt itaque fures, & corruptores.

Q V A R T A positio, nō posse omnes res naturaliter sciri, naturali lumine cognosci potest: id quod his euidentibus rationibus demonstratur. Primo, multa sunt quæ non habent connexionem cum sensu, vnde nostra cognitio ortum ducit, ut sunt res a materia seiunctæ Deus, & intelligentiæ; igitur ista non possunt plene & in particulari a nobis percipi. Quare, licet naturæ viribus possimus cognoscere Deum existere, & nonnulla eius attributa: tamen naturam diuinam & singularum Intelligentiarum priuatim cognoscere non ualemus: vt merito Aristoteles aliquando dixerit, oculum nostrum se habere ad res diuinas, vt se habet oculus vespertilionis ad lumen diei. Secundo, per res naturales non potest veniri in cognitionem essentiæ Intelligentiarum, & numeri, & distinctionis earum: quare nō omnia poterunt a nobis cognosci: sumptum probatur, quoniam vi naturæ non possumus venire in notitiam rerū a materia seiunctarum, nisi per motum cœli, ex quo nō probatur necessario naturas a mole seiunctas dari; cum nihil implicet cœlū a sua forma moueri; & esto quod ab aliqua mente necessario moueri debeat, solum colligeremus, tot esse numero mentes, quot sunt cœli, de quorum etiam numero non est omnino certa scientia; & an sint essentialiter distincti, & per quid distinguantur. Tertio naturaliter cognosci potest multa pendere a voluntate diuina, quæ per res naturales inuestigari nequit: quis enim nouit sensum Domini? igitur. Quod sumptum fuit, patet: quia lumine naturæ cognoscimus Deum esse causam perfectissimam & liberam

ram, & non fecisse omnia quæ sub eius potentiam cadunt: at per nullam rem creatam possumus cognoscere cur Deus has, uel illas res fecerit, & non alias; cur hoc tempore & non alio, & quid posthac sit facturus igitur. Et hinc est cur antiqui Philosophi in rebus a diuina uoluntate pendentibus errauerint, ut in creatione mundi ab æterno, quæ sane, ut ab Aristotele ponitur, est impossibilis; in quo, ut quidam scribunt, secum pugnauit: alij dixerunt perpetuo produci & corrumpi; & cum Plato, relicto sensu, ratione potissimum philosophari uoluerit, nonnullas fabulas confinxit.

QVINCTA positio, humana scientia, de rebus naturalibus, non est perfecta simpliciter. Explico, aliqua cognitio dicitur perfecta, vel simpliciter, cum res aliqua cognoscitur omnibus modis quibus cognoscibilis est; vel ex parte cognoscentis, quia explet totam eius capacitatem; ut patet in sensu, qui dicitur perfectus ratione suæ cognitionis; non quod cognoscat res sensibiles omni modo, quo cognosci queunt, sed quia ita cognoscit, ut eius expleatur capacitas. Allata positio intelligitur iuxta primum modum; quam his rationibus confirmo. Primo, quia experientia docet nos multa ignorare de rebus naturalibus in omni rerum genere; quæ tamen sciri posse certissimum est; & multa quæ nouimus, non scientia, sed opinione tenemus. Deinde, quia rerum infinite differentiarum nos fugiunt, & tamen eas esse communis tenet Philosophorum sententia: quibus ignoratis, res non cognoscuntur perfecte ex parte obiecti: cum quod est in eis præcipuum, ignoretur: quo ignorato etiam proprietates imperfecte cognoscuntur. Tertio, rerum natura existentium perfecta notitia pendet ex omnium causarum internarum atque externarum cognitione: at omnes causæ extrinsecæ, & speciatim Deus, & idæ quæ sunt in mente diuina ad quarum similitudinem res sunt factæ perfecte cognosci nequeunt: igitur.

SE X T A positio, rerum naturalium cognitio quæ
in no-

in nobis est, potest dici perfecta ex parte nostri, siue ex parte cognoscentis. Primo, quia, ut sensuum cognitio dicitur perfecta, ex eo quod sensus ita percipit suum obiectum, ut ab eo perficiatur ex parte sui, cum nihil amplius percipere queat; ita intellectus percipiēdo suum obiectum, eodem modo perficietur, ut naturaliter perfici potest. Secundo, possumus cognoscere causas proximas rerum naturalium, per quas conficere licet perfectas demonstrationes, quibus gignitur perfecta scientia ex parte cognoscentis: igitur. Quod si nullæ

Lib. 1. *causæ a nobis cognosci possent, nunquam Poeta cecinisset.*
Geor.

Felix qui potuit rerum cognoscere causas.

SEPTIMA positio, scientiæ humanæ imperfectio ex his potissimum capitibus nascitur. Primo, ex parte intellectus quo res cognoscimus: quia est potentia seiuncta a materia, & tamen a sensibus in cognoscendo pendet, nec ipsas res per se primo attingit: est etiam facultas valde indeterminata, sicuti & eius obiectum. Secundo, ex parte modi cognoscendi, quia cognoscimus per varias operationes in quibus potest contingere error, & maxime in ratiocinando; cum non facile videamus rerum connexionem & distātiā. Tertio, quia ut sæpe diximus, nostram cognitionem mendicamus a sensibus, qui non omnia subministrant: & in cognoscendo pendemus a corpore, non quod corpus concurrat ad actum ipsum producendum, sed ex parte obiecti: quia mens non intelligit, nisi convertatur ad phantasmata. Atque ex his facile allata in contrarium solue-

Arist. lib. 3. de res argumenta.

an. t. 30. AD primum, non omnia continentur clare in principiis, neque omnia prima principia ita a nobis cognoscuntur, ut ea omnia comprehendere possimus, quæ in illis continentur.

AD secundum, non est parratio de sensu & de intellectu: quia sensus est determinatus ad unum, & est perfectus in suo genere, intellectus non itē. Adde etiā, quod

quod sicuti sensus impeditus non potest percipere suū obiectum, ita & intellectus impeditur, cum rerum naturæ sint tectæ, & multis accidentibus inuolutæ.

Ad tertium, duplex est appetitus in rebus; alter naturalis determinatus ad vnum, qui dicitur innatus: alter liber & indeterminatus, qui vocatur elicitus: primus semper expleri potest, vel vi naturæ, vel auxilio extrinsecus adueniente: alter vero non semper. Appetitus ille sciendi res omnes, partim vi naturæ expletur, partim vero auxilio diuino. Neque hoc repugnat, vt patet de appetitu beatitudinis, quæ est status omnium bonorum aggregatione perfectus; qui tamen solis naturæ viribus, vt sacra definiunt concilia, haberi non potest: & natura ad multa habet potentiam, quæ expleri nequit, nisi artis accedat opera.

Boet.

Ad quartum, dum in hac vita sumus, nec Deum, nec Intelligentias perfecte cognoscimus, id quod etiā Aristoteles docuit. Neque est necesse, vt hic perfecte cognoscamus, cum perfecta beatitudo non contingat in hac vita.

Ad quintum, potest quidem intellectus cognoscere omnia, sed non omni modo: ac proinde satis est vt cognoscat iuxta capacitatem suam.

Ad sextum, intellectus est omnia in potētia, quia, vel ex se suoque lumine, vel etiam aliunde adiutus omnia cognoscere potest, licet non omni modo.

De vnitae scientia, an sit vna simplex qualitas,

Cap.

VII.

DEMONSTRATA scientiæ humanæ perfectione, sequitur vt de eius vnitae agamus, quæ est alia communis rerum omnium, vt res sunt, proprietas. Vt autem propositæ quæstionis status intelligatur, notandum est hanc difficultatem intelligendam esse de tota scientia, quæ sub se varia continet obiecta, non de partiali & singulari,
de

de qua certum est esse simplicem qualitatem. Quod scientia sit qualitas, quamuis species intelligibiles non excludat, ex ijs quæ supra diximus, planum est: at non esse quæ sit talem simplicem his argumentis suaderi potest.

PRIMO, intellectus humanus, qui est scientiæ subiectum, est vna simplex potentia: quare etiam scientia qua perficitur, erit simplex qualitas, habitus ne. Cōfirmatur, scientiarum habitus sunt qualitates & formæ potentiæ in qua recipiuntur: at in eodem subiecto nō possunt esse plures formæ numero diuersæ, vt in vno corpore plures albedines: quare scientiarum habitus erunt simplices.

SECUNDO, scientiæ vnitas sumitur ab obiecto formali, quod in quacunque scientia est vnum: ergo & habitus circa tale obiectum erit vnus: neque enim scientia est aliud, quam habitus intellectus circa rem scitā.

TERCIO, multa obiecta quæ conueniunt in vna ratione formali, vnā simplicem constituunt scientiā, sicuti plures soni vnum auditum, & plures sapes vnū gustatum: pari igitur ratione plura vnus scientiæ obiecta in vna communi ratione conuenientia, vnā simplicem constituent scientiam & habitum.

QUARTO, corporis habitus, vt sanitas & pulchritudo ac etiam virtutes quæ sunt in voluntate, vt fortitudo & iustitia, sunt simplices qualitates: ergo etiam habitus intellectus simplices qualitates erunt, sicuti & habitus diuinitus infusi, fides spes, & alij.

QUINTO, scientia, vt patet ex dictis, definiri potest, vt quid vnum per se; at si constaret ex pluribus habitibus esset quid aggregatum per accidens, quod nō est definitionis capax, igitur.

SEXTO, omnia quæ dicuntur de scientia defendi possunt, si dicamus esse vnā simplicem qualitatem & habitum; quare nihil est necesse, ut plures ponantur habitus, si sine necessitate, ut Philosophi docent, non sunt multiplicanda entia.

Ilb. 1.
phys.

tex. 50.

SEPTIMO, si habitus scientiæ non sunt simplices qua-

Lib. 3.
de an. t.
75. 19.
& 27.

Loc. cit.
t 15.

Heor. q.
9. q. 54.

ar. 4.
Med.

ibid:
Hon. 1.

& 2.
Cap. 56.

In 1. 2.
q. 54 ar.

4.
D. Tho.

3. 5. d.
14. q. 1.

ar. 1. q. 2

q. 8.

q. 3.

q. 3.
Tolet.

qualitates, maxime quia scientiæ sunt ipsæ species, quod indicasse videtur Aristoteles, cum dixit, scientiam nihil aliud esse, quam rem scitam, ac si dixisset, esse species ipsas, quibus, ut idem ait, intellectus, qui est ueluti tabula rasa, inscribitur: ac etiã per ipsas saluari potest, quid quid de scientia dicitur: at id non conuincit, quia per nos scientiæ non sunt formaliter ipsæ species: igitur.

IN hac difficultate fuit prima opinio multorum Thomæorum, & speciatim Caietani in primam secundæ diui Thomæ, Capreoli in prologo sententiarum quæst. tertia, Ferrariensis in suis commentarijs in lib. primum contra Gêtes, Dominici de Flandria, in lib. sextum Metaph. quæst. septima, articulo tertio, Soti, q. 3. proœmiali in Logicam, & aliorum; a qua non videtur abhorre D. Thomas, quæ explicatur his dictis. Primum, in scientiæ natura duo considerantur, species intelligibiles inter se ordinate, & habitus, quos speciebus bene utimur. Secundum, scientiæ non sunt ipsæ species, sed habitus Tertium, cuiuscunque rei scientia est una simplex quidditas, non aggregatio ex pluribus qualitatibus. Quartum, hic simplex habitus acquiritur per primam demonstrationem, quæ fit in aliqua scientia, qui postea per alias non multiplicatur, sed extenditur ad alias res, quas per alias demonstrationes cognoscimus.

SECUNDA opinio Ocam, & Gabrielis in prologo sentent. Gregorij Ariminensis eodem loco, Antonij Andreæ in librum sextum Metaph. & multorum recentiorum, qui defendunt scientias non esse simplices qualitates, sed constare ex diuersis habitibus, diuersis demonstrationibus generatis, ex quibus omnibus fit una totalis scientia. verum illi quos speciatim citauimus, existimant scientias esse species inter se ordinas, quæ remanent in intellectu per scientiam actualem: quem afficiunt ad bene agendum circa obiectum: alij vero potius volunt esse qualitates in intellectu contractas, sed includunt etiam species, ut supra docuimus. Ut autem quid in hac difficultate sciendum sit plane exponā,

in se-

insequentia statuo fundamenta.

Arist. 2.
eth.

PRIMUM fundamentum, in hac disputatione tria potissimum attinguntur: primum, an scientiæ sint species ordinatæ in intellectu existentes, an vero qualitate ex ipsa cogitatione genitæ, & in eodẽ intellectu relictæ; de quo quid tenendum sit, iam supra statuimus: alterum, posito scientiam esse qualitatem, an sit simplex qualitas: postremum, si non est simplex qualitas, an in aliqua totali scientia, puta in Physica, tot sint habitus, quot sunt demonstrationis, siue conclusiones, & res cognitæ. Habitus autem nihil aliud esse videtur quam qualitas quædam naturæ superaddita, quæ non dat simpliciter agere, cum posse agere conueniat potentiæ agenti a natura, sed facile, & bene agere. Supponit itaque habitus potentiam agere potentem, quam afficit ad melius agendum: id quod verum est, tum in habitibus corporis, ut in arte saltandi, tum animi, ut in virtutibus, & scientijs. Et quamuis habitus recte disponant ad actus quos circa aliqua objecta exercemus; tamen ex vnitate habitus non licet inferre vnitatem actus, & ex vnitatem actus, vnitatem obiecti, uel ex horum varietate, illorum etiam varietatem. Siquidem, ut statim demonstrabo, maior vnitas est in habitu, quam in actu, & maior in actu, quam in obiecto. Ut autem quod diximus plane exponatur, animaduertendum est, naturam, quo res sunt res altioris ordinis & maioris perfectionis, eo magis earum coniungere perfectiones; contra vero, quo magis sunt imperfectæ, eo magis eas separare atque disiungere. Vnde, esse corporatum, disiungit a vita, quæ est in planta, in qua vtrunque coniungit, sicuti vitam & sensum in bruto, & sensum cum ratione in homine, & rationem cum immortalitate simpliciter in Angelo, & denique omnia perfectissimo modo in Deo. En igitur quomodo res, quo sunt præstantiores, eo plures copulatas perfectiones habent. Quod si contrario modo procederes, contrarium inuenires, hoc est, quo res sunt imperfectiores, eo pauciores perfectiones habere

bere coniunctas. Et vt quæ diximus ad rem nostram accommodemus, in habitibus intellectus, seu in scientiæ acquisitione, hic ordo animaduertendus est, ut primo loco sit potentia, secundo habitus, tertio actus, & postremo res ipsa, sine obiectum: unde iuxta ea quæ diximus, quæ sunt diuisa in obiecto, vniuntur in actu: quæ sunt diuisa in actu, vniuntur in habitu: quæ vero in habitu copulantur in potentia. Quo fit, vt plura obiecta specie distincta cognoscantur per vnum actum, vt cum plures vnico aspectu videmus colores: similiter plures actus ab vno habitu esse possunt: & plures habitus in vna recipiuntur potetia. Verum igitur est quod supra dicebamus, non licere ex habituum vnitatem colligere vnitatem actus, & ex vnitatem actus, obiectorum vnitatem, vel ex horum multitudine illorum quoque multiplicitem.

SECUNDVM fundamentum, ex Aristotelis doctrina, quam omnes alij vt veram admittunt, potentia distinguuntur per actus, & actus per obiecta: quo loco nomine potentia, non intelligitur vis naturalis ad agendum data, sed habitus, qui solet vocari potentia, cum per eum proxime agere possimus; quo fit, vt etiam habitus per obiecta distinguantur. Hoc autem non est ita accipiendum, vt vbiunque sunt obiecta specie distincta, sint etiam actus distincti specie, & vbi sunt actus specie diuersi, sint etiam habitus eodem modo seiuncti: sed intelligendum est de obiectis & actibus totalibus. Illud dicitur totale obiectum, in quod sub vna ratione formali potentia fertur, ita vt ob illam formalem rationem feratur in omnia obiecta & talis ratio non conueniat alteri potentia. Vnde totale obiectum aspectus, non est candor, aut nigror, aut color, aut lumen, quia aspectus non fertur in dicta obiecta, ut talia, sunt, sed ut spectabilia: & ita, aspectabile, erit totale obiectum aspectus. Ex quibus intelligitur, quid sit totalis actus, ille nimirum qui fertur in obiectum totale ex cuius distinctione, sicuti & totalis actus, sumitur
distin-

Lib. 2. 3
anim.

distinctio habitus potentia. Quare, si totalia obiecta specie distinguuntur, habitus & potentia erunt specie distincta. Et quoniam in scientia totali multa sunt particularia obiecta, videndum erit, an conueniant in vna ratione formali, quæ possit constituere vnum habitum specie, sicuti omnia spectabilia, vnum aspectum. Atq; hæc pro præsentis disputatione adnotasse sufficiat; quædam alia quæ ad idem attributum declarandum pertinent, afferam in disputatione sequenti.

PRIMA positio, totalis scientia non est vna simplex qualitas acquisita per primam alicuius scientia demonstrationem: quare Physica, vel logica, non est vnus simplex habitus, vt vult prima sententia, quam his rationibus refelleres. Primo, in vna totali scientia sunt multa obiecta formaliter distincta, quæ conuenire non queunt in vna ratione specifica, vt in Physicis, cælum, elementa, & mista: ergo non possunt constituere vnum scientia specificæ habitum, & multo minus vnum numero. Cum ergo in vna scientia sint obiecta diuersa, & demonstrationes diuersæ, & consequenter conclusiones diuersæ, erunt etiam diuersi habitus.

SECUNDO, si scientia esset vna simplex qualitas sequeretur eum qui habet primam demonstrationem, habere totum habitum scientia, sicut ille qui habet omnes demonstrationes, pertinentes ad eandem scientiam: quod cum experientia pugnat. Nam, si sit aliquis qui habeat omnes demonstrationes physicas, alter vero solum primam, hi habebunt eundem habitum specie: at ubi sunt eadem formæ, sunt etiam eadem operationes: ergo eodem modo possent agere circa eadem demonstrationes physicas, quod est manifeste falsum. Sed responderet aduersarius, ideo argumentum non concludere, quia formæ non sunt eodem modo perfecte, ob quam causam parvus calor non liquefacit lutum, ut calor intensus, & tamen sunt iidem specie calores. Atqui hoc nihil est, quia formæ eiusdem speciei semper produciunt eundem effectum, si sit pri-

mus

mus & immediatus; & ita omnis calor calefacit; cum hic effectus sit primus & immediatus caloris. Cū ergo primus effectus habitus scientiæ sit producere actum, illi duo homines poterunt exercere eosdem actus. Neque verum est in allato exemplo primum & proximū effectum caloris esse liquefacere: quem antecedit saltem exsiccatio. Confirmatur, illi habitus de quibus diximus, sunt eiusdem speciei, neque in vno est aliquid, quod non sit in altero per se: nam quatenus demonstrant, nihil noui producant; & ita quod potest fieri a primo, poterit etiam fieri a secundo, quod est omnino falsum.

TERTIO, habitus scientiæ acquiritur per plures actus: ergo, si multiplicentur actus eiusdem rationis, vel acquireretur habitus omnium demonstrationum, vel non: si primum, ergo ex frequentatione vnius demonstrationis acquireretur perfectissimus habitus scientiæ, qui extenderetur ad omnes demonstrationes; quod cum experientia pugnat: si secundum, ergo ille habitus non est simplex qualitas, quæ tota acquiratur, & postea tota paulatim perficiatur: quia ad perfectionē totius habitus requiruntur demonstrationes distinctæ specie, quæ producant habitus distinctos specie, vel partes distinctas; & ita gignetur scientia perfecta quæ non erit simplex habitus.

QUARTO, si habitus scientiæ essent simplices qualitates, sequeretur in eodem intellectu posse esse simul habitum scientiæ & erroris circa eandem conclusionem, quod est absurdum: essent enim duo cōtradictoria simul: consequutio probatur. quia potest aliquis habere veram scientiam de prima conclusione, & errorem de vltima, quæ conclusiones per aduersarios cognoscuntur vno & eodem habitu numero, quod esse non potest: igitur fatendum est esse duos habitus speciei diuersos. Nam, si duo habitus circa eandem conclusionem in duobus hominibus differunt solum numero; habitus de duabus conclusionibus diuersis, debent

M differre

differre specie: cum sit maior distinctio inter duos habitus posteriores, quam inter duos priores.

Q V O D si dicas, esse plures habitus distinctos specie materialiter, non formaliter, sicut nigredo & albedo materialiter differunt specie, sed conueniunt in vna formali ratione, qua videri possunt, hoc dici non potest. Primum, qui falsum est, esse vnicam rationem formalem specificam in omnibus habitibus, sed erit, uel generica, uel analogica. Item obiecta partialia in physica, vt cælum, & terra, non conueniunt in vna ratione specifica; alias enim possemus constituere vnum tantum habitum circa omnia intelligibilia, quia conueniunt in hac communi ratione, quod intelligibilia sint, id quod aduersarij non concederent, cum plures admittant scientias inter se distinctas. Deinde, diuersa est ratio potentia & habitus, vt supra docuimus: maior enim vnitas requiritur in actibus & obiectis ad constituendum vnum habitum specie, quam ad constituendam vniam potentiam; quia potentia est superior & in plura ferri potest. Quare, etsi omnia obiecta vnius scientia totalis conueniant in unica ratione respectu potentia, non tamen conueniunt respectu habitus.

Q V I N C A R T O, qui habet solam primam demonstrationem, uel est in potentia proxima ad producendos actus circa alias demonstrationes, uel in potentia remota: hoc si dixeris, sequitur illos habitus esse specie distinctos; quia ad acquirendum habitum circa alias demonstrationes necessaria erit aliqua mutatio, quæ faciat habitum in potentia proxima. Primum dici non potest, quia experientia constat eum qui habet primam demonstrationem non posse statim exercere actum circa alias. Illa enim est potentia proxima, vt Aristoteles

Libr. 8. docet, quæ potest exercere actum quandoque voluerit.

tex. 32. **Q V O D** autem aduersarij dicunt, habitum scientiæ produci eo modo, quo producit calor, cuius primo vnus tantum gradus producit, & postea non auge-

tur

tur per alios gradus, sed solum per maiorem radicatio-
nem, vt loquuntur, in subiecto, non placet; tum quia,
etiam calor, vt cōmunior & verior docet Philosopho-
rum sententia, per gradus augetur, tunc quia, non est
par ratio de calore & de sciētia: quia calor non occu-
pat vnā tantum partem subiecti, sed totum, & ideo
non amplius extenditur: sed intenditur: at vero habi-
tus sciētiæ circa primam demonstratiōem, habet pro-
priū obiectum circa quod versatur, & non potest ex-
tendi ad aliud, & si extendi debet, aliquid amplius addē-
dum erit. Sicuti, si calor haberet propriū subiectum,
& deberet extendi ad aliud, non sufficeret sola radica-
tio, sed requireretur aliquis calor de nouo productus.

S E X T O, sciētia, vt ita dicam, habilitat intellectū
in ordinem ad species intelligibiles, vt supra docui-
mus: at species sunt diuersæ, igitur & habitus erunt
diuersi.

S E C V N D A positio, sciētia totalis, vt tota Logica,
vel tota Physica, non est vnus simplex habitus, sed ex
pluribus habitibus conflatur, qui per varias demonstra-
tiones circa partialia obiecta generantur: & ita sunt, va-
rij habitus specie distincti. Hæc doctrina intelligenda
est, quando demonstratiōes habent principia imme-
diata distincta; vel si eadem habent, ex illis tamen non
facile propriæ conclusiones colligi possunt: hac posita
declaratione, allata positio sic probatur. Primo, scien-
tia habitualis non est vnus simplex habitus, nec etiam
species ordinatæ, vt docuimus: plures igitur. Secundo,
confirmabitur euidenter allata doctrina ex ijs quæ in-
sequenti disputatione docebimus, vbi demonstrabitur,
vnde sciētiæ suam vnitatem sumant.

T E R T I A positio, quamuis a quibusdam probabi-
liter dicatur, tot esse habitus in sciētia, quot in ea sunt
demonstrationes, tamen probabilius est, tot solum esse
quot sunt demonstrationes habentes principia imme-
diata diuersa; vel si habent eadem, ex illis non facile
propriæ conclusiones colligi possunt: & ita cum magna

esset difficultas, diuersus habitus poni deberet. Allatâ positionem hæ rationes confirmant. Prima, quia frustra fit per plura, quod fieri potest per pauciora: sed acquisito habitu per demonstrationem habentem principium immediatum facile est cognoscere omnes proprietates subordinatas; igitur nihil erit necesse ut multiplicentur habitus ob quarumcunque passionum multiplicationem. Minor propositio probatur ac declaratur simul. si quis cognoscat primam passionem quæ homini conuenit per eius definitionem, ut si cognoscat esse discursum, quia est rationalis, is cum potestate & proxime habeat notitiam aliarum proprietatum hominis, quæ facile ex eodem principio probari possunt, harum quoque dicetur habere scientiam, ac proinde respectu omnium vnus erit habitus.

S E C U N D O, idem probatur experientia in alijs habitibus, quia videmus eos qui habent habitum pulchritudinis, quo norunt sonorum harmonicorum principia, per eundem percipere etiam sonos aliquos diuersissimos, quorum antea nullam habuerunt notitiam, & idcirco non indigent nouo habitu ab illo distincto, quo norunt proprietates numeri harmonici. Quare, simili ratione sciri possunt per eundem habitum varix passionum subordinatæ.

T E R T I O, idem probatur a pari, vel a simili in virtutibus moralibus, quæ non arguunt diuersos habitus, quando versantur circa actiones, quæ non habent nouam difficultatem, secus cum in illis noua est difficultas: ut patet in habitu temperantiæ, quo quis fit temperatus circa omnia, quæ sub hanc virtutem cadunt. Verum, ut dicebam, quando aliquæ passionum subordinatæ non facile ex illo principio immediato colliguntur, distincti habitus ponendi sunt: sed hoc est per accidens, ob debilitatem intellectus nostri non potentis bene percipere omnia quæ ab illo pendent principio. Concludamus igitur, cum omnia saluari possint per vnum habitum ad modum explicatum, nihil esse necesse, ut
tot multi-

tot multiplicantur, quot sunt demonstrationes.

QUOD si quis dicat, posse saluari omnia per vnum simplicem habitum, qui plures habet gradus per diuersas demonstrationes acquisitos; quemadmodum vnus gradus caloris potest produci ab igne, alius a sole, & alius a motu: Respondeo, primum concedi posse illam consequentiam: illi tamen gradus qui acquiruntur per diuersas demonstrationes improprie diuersi habitus vocarentur, & ita erit quaestio de nomine; sed quia loquendum est cum multis, ideo melius vocantur habitus. Deinde, dicerem non esse parem ratione, quia omnes gradus caloris sunt eiusdem speciei, & solum differunt, quod vnus est primus, alius secundus, nec requirunt necessario diuersa agentia: at habitus partiales scientiarum distinguuntur, & necessario requirunt diuersa agentia, & ita quando acquiritur prima demonstratio, non acquiritur secunda: quod non contingit in diuersis proprietatibus, quae ex iisdem principiis probantur. Etenim cum passionibus sunt subordinatae, non requirunt necessario diuersas demonstrationes; ac proinde non producuntur diuersi habitus, cum in illis non sit noua difficultas, sed potestate in prima demonstratione continentur. Vt quae posuimus, adhuc firmiter reddantur, ad argumenta contrariae sententiae respondeamus.

AD primum, si hoc argumentum valeret, probaret etiam vnicam tantum reperiri scientiam, quod aduersarij pernegarent. Rursus, dico esse disparem rationem, quia potentia est a natura, quae procedit ab vno ad multa: at vero scientiae partim ab obiecto, partim a principiis immediatis, & ab intellectu; & idcirco totalis scientia non potest esse vna, cum habeat multa obiecta specifica. Ad confirmationem, istae formae non solum numero, sed etiam specie diuersae sunt: neque repugnat formas relatiuas multiplicari in eodem subiecto, & ita in vno patre possunt esse plures relationes paternitatis.

A D secundum, obiectū totalis scientiæ non est vnū specie, sed genere, & ideo de eo possunt esse plures habitus specie distincti.

A D tertium, concedo ex obiectis partialibus fieri vnā scientiam totalem, & eam habere vnā rationem formalem, vnde vna oritur scientia: sed cum illa vnitas sit generica, ideo non arguit nisi vnum habitū genere, cōstatū tamen ex pluribus habitibus, qui conficiuntur ex diuersa ratione, qua intellectus afficitur circa diuersa obiecta. Neque est par ratio de potentia sentiendi respectu sonorum, vt patet ex dictis: quia habitus magis multiplicantur, quam potentiæ.

A D quartum, non est eadem ratio de habitibus corporis & animi, quia illi sunt determinati ad vnum: nec habitus virtutum sunt simplices, sed multiplicantur pro diuersitate ordinum diuersorum ad hæc, vt illa obiecta. Infusi vero non producantur per actus, & ideo non sunt diuersi: ut omittam, quod sunt altioris ordinis; & vnus potest omnia præstare, quæ præstant plures acquisiti.

A D quintum, negamus omnia defendi posse per habituum simplicitatem, vt plane demonstrant allata argumenta, quorum aliqua omnino opinionem contrariam euertunt.

A D sextum, iam supra diximus, habitus non esse ipsas species: & ita non assignamus hanc causam, cur habitus non sint simplices qualitates.

A D septimum, patet ex dictis: nec Aristotelis autoritates conuincunt, scientias formaliter esse species, sed solum probant species esse necessarias ad constituendas scientias; quia, ut diximus, scientia in obliquo includit species, sicuti vnum relatiuum includit alterū. Sed de hac difficultate satis.

Vnde sumatur totalis scientia unitas, & qua
ratione scientia dicatur una.

Cap. V. *FFI*



VONIAM scientia est qualitas, & ta-
lis qualitas, quæ includit ordinem ad
obiectum de quo habetur scientia, pro-
pterea demonstrata unitate scientiæ, ut
qualitas quædam est, consequitur, ut
eiusdem unitatem indicemus, ut est ta-

le accidens. Et quoniam huius dubitationis titulus du-
bius est, ideo antequam argumeta & opiniones assero,
quid hoc loco quaeratur declarandum oportet.

IN scientia triplex notari potest unitas, numerica,
specifica, & generica. Et quidem de numerica nulla est
dubitatio, sed de specifica & generica: verum de specifi-
ca res est magis certa: quia certum est in aliqua scien-
tia, tunc esse habitus diuersos specie, quando propria
& proxima principia demonstrationum specie differunt.
Potest autem unitas specifica his modis variari. Primo
cum principia, passio, & subiectum sunt diuersa; ut si
quis habeat has duas notitias, animam humanam esse
corruptionis expertem, quia est a materia seiuncta: &
mixta esse corruptibilia, quia ex contrarijs constantur.
Secundo, quando idem est subiectum & eadem passio,
sed principia diuersa: ut si quis sciat terram esse rotun-
dam, quia vbique terrarum media cæli pars conspici-
tur, vel quia cum sit granis omnes eius partes æque
tendunt ad centrum, & ab eodem distant, quod fieri
non posset, nisi esset spherica figura. Postremo, cum
subiectum est idem, passio vero & principia distincta:
ut si probetur hominem esse corruptibilem, quia con-
stat ex contrarijs, & eundem esse risuum, quia est ad-
miratiuus.

SED peteres, an quando principia sunt eadem, su-
biectum vero & passio diuersa, scientiæ sint specie di-

Primo
post. ca.
1.

ſt nſtæ? Reſpondeo, vniuerſe loquendo, non eſſe diſtinctas ſpecie, quia ſecunda paſſio continetur in prima, & ſubiectū inferius ſub ſuperiore. Nam qui ſcit triangulū habere tres angulos æquales duobus rectis, ſcit etiā poteſtate ſcalenum eoſdem habere: qui ſcit animam eſſe ſe immortalē, quia eſt expers materiæ, ſcit etiam eandem non eſſe conflatam ex contrarijs. Verū, ut proxima diſputatione diximus, ſi ſecunda paſſio difficile colligeretur ex prima, tunc habitus ſpecie diſtingueretur.

R v r s v s ad tituli explicationem notandum eſt, ſcientiæ diſtinctionem non eſſe ſumendam ab obiecto materialiter conſiderato, ſed a ratione formali, quæ in ſcientia eſt triplex. vna quæ vocatur per quam: altera, quæ dicitur Quæ, vel ratio formalis obiecti, ut res quædam eſt: tertia quæ dicitur, ſub qua, vel ratio formalis ſcientis, vel obiecti, vt obiectum eſt. Prima nihil aliud eſt, quam ipſa demonſtratio per quam acquiritur ſcientia. Secunda eſt res ipſa cognita per propriam rationē. Tertia eſt veluti conditio ipſius obiecti. Quæ tres rationes in hoc explicantur exemplo, quo demonſtratur hominem eſſe corruptibilem, hoc modo. Omne compositum ex contrarijs eſt corruptibile: homo ex contrarijs compositus eſt; corruptibilis igitur: Ratio per quā habetur iſta ſcientia, eſt ipſa demonſtratio, quæ continetur in præmiſſis. Ratio Quæ, eſt compositum ex contrarijs, per quam homini conuenit eſſe corruptibilem. Ratio ſub qua Phyiſicus agit de homine, eſt quod homo conſideretur abſtractus a materia ſingulari. Dux poſteriores rationes differunt inter ſe his modis. Primo, quia ſecunda per ſe conſideratur in ſcientia; tertia vero eſt ſolum conditio quædam neceſſaria ad hoc vt aliquid conſideretur in ſcientia. Secunda, eſt ratio cur paſſio inſit ſubiecto, tertia vero non item. Secunda eſt aliquid reale in ſubiecto; tertia dicit aliquid in ordinē ad rationem.

Et quidem tota difficultas eſt, an ſcientiæ vnitas ſumatur a ratione formali Quæ, vel a ratione, ſub qua, ſi-

ne ab aliquo genere abstractionis a materia.

Est enim triplex abstractio, una a materia singulari notata, qua utitur *Physicus*, qui solum abstrahit a re singulari: altera a materia secundum rationem, sed non secundum rem; qua utitur *Mathematicus*, qua considerat res quantas in communi, ut solum cadunt sub rationem: tertia a materia secundum rem, & secundum rationem, qua ratione abstrahit *Metaphysicus*, qui considerat solas rerum naturas, ab omni materia semotas. His ita adnotatis, afferam argumenta quædam, quibus probabitur scientias distingui per diuersas abstractiones, seu per rationes sub quibus.

P R I M O ex Aristotele, qui non vno in loco distinguit tres scientias *Physicam*, *Mathematicam*, & *Metaphysicam* iuxta triplicem abstractionem, & per rationem formalem sub qua.

S E C V N D O, nonnullæ scientiæ habent obiecta conuenientia in ratione quæ attingitur in obiecto, non rationem sub qua; igitur earum vnitas & distinctio ab hac postrema ratione sumenda erit: sumptum declaratur exemplo, *Physica* & *Astrologia* considerant eandem terræ rotunditatem, & ita conueniunt in ratione formali Quæ; at vero distinguuntur per rationem sub qua, siue per diuersam abstractionem, igitur.

T E R T I O, si vnitas non sumeretur a dicta ratione, non esset vlla ratio cur sint tres distinctæ scientiæ, & non plures, vel pauciores: quia omnes conueniunt in vna ratione, quod versentur circa res ut intellectuales sunt: igitur.

P O S T R E M O, dantur scientiæ quæ non habent obiecta vniuoca, sed analogæ: ut patet de *Metaphysica* quæ versatur circa ens, ut ens est, quod est quid analogum: ac proinde non erit vna scientia genere vniuoco, & ideo non posset poni in categoria qualitatis: cum in prædicamento non ponantur nisi naturæ vniuocæ.

P R I M A in hac difficultate sententia est diuini Thomæ, quam hi Thomæ sequuntur, Capreolus in prol.

Libr. 6.

met. t. 1.

& 1.

11. met.

sum. 3.

et. 1.

1. de au.

t. 17.

Opus.

70. q. 1.

art. 1.

sent.

sent. quest. 3. & quarta. Caletanus in prin. part. quest. prima, art. tertio, Ferrariensis contra Gentes: Dominicus Flandrensis, in 6. Metaphysico, quest. 7. art. tertio: Sotus quest. 3. proœtiali in Logicam, & in textu 43. primo posteriorum, & quidam alij, qui existimant scientias sumere suam unitatem & distinctionem a ratione sub qua, vel a triplici abstractione: discrepant tamen, quod alij putent hinc sumi unitatem specificam, alij vero genericam: Vnde inferunt, cum sint tres abstractiones, tres esse totales scientias, vt exposuimus.

SECUNDA sententia aliorum, qui docent unitatem genericam sumendam esse a ratione formali Quæ, vel a principiis intrinsicis, vt in fundamentis explicabimus. Ita Gregorius Ariminensis, quest. 3. in prol. sent. Durandus, Ocamus, Gabriel, eodem loco, Antonius Andr. in 6. Metaph. & cõmuniter omnes Scoti: item Albertus, Aegidius, & Paulus Venerus, Vt autem quid tenendum sit plane demonstrari, statuo hæc fundamenta.

PRIMUM fundamentum, multa sunt capita ex quibus diuersitas generica scientiæ, vel alterius cognitionis sumi potest. Primo ex parte subiecti in quo scientia, vel cognitio inhaeret: qua ratione cognitio intellectiua & sensitiua distinguuntur, quia habent diuersa subiecta, sensum, & intellectum; quæ sunt genere distincta. Quam distinctionem sumeres etiam ex causis efficientibus, cum actiones immanentes ab eodem fiant agente, in quo recipiuntur. Secundo ex parte finis, quo modo practica & speculatiua scientia ob diuersos fines distinguuntur. Tertio, ratione mediij per quod acquiritur, quo pacto opinio & scientia sunt distinctæ, cum vna habeatur per demonstrationem, altera per rationem probabilem. Postremo, ratione obiecti, quia obiecta habent rationes formales distinctas; & iuxta hunc modum in præsentia est dubitatio.

SECUNDUM fundamentum, scientia totalis, vt supra docuimus, conficitur ex multis habitibus partialibus:

bus: qui quoniam ad vnum obiectum formale ordinantur; ideo ab eo vnitatē sumunt, ac etiā a modo definiēdi & demonstrandi. Explico, Physica est quādam totalis scientia, quæ constat ex habitibus productis per diuersas demonstrationes, specie distinctas; sed quia hi diuersi habitus versantur circa obiecta quæ in vnā rationem formalem coeunt, quæ est corpus naturale, & quia eodem modo definiunt, per materiam & formam, atque eundem habent modum demonstrandi ac procedendi per sensata, & nobis notiora; hinc est, quod ex illis vnus habitus genericus, ob hanc communem rationem fieri dicitur. Neque enim efficere queunt vnā scientiam specie, cum habeant demonstrationes distinctas, & aliæ sint per causas, aliæ per effectus, & aliæ accidentium, aliæ substantiarum. Quare, ad hanc scientiæ vnitatem, vt quidam scribūt, quattuor sunt necessaria. Primo vnum obiectum sub vna ratione formali consideratum. Secundo, opus est vt habeant propria principia, & proprium modum definiēdi, & procedendi. Tercio, vt subiectum habeat plures species, quod intelligēdum est de subiecto, formaliter accepto: & ideo Medicina habet vnū subiectum, nontamen plures species, si eius subiectū formaliter sumatur; etenim corpus humanū sanabile, quod est subiectū in Medicina, non habet plures species sanabiles per aliam medicinam. Postremo debet habere aliquas passiones proprias demonstrabiles. Ex his itaque omnibus vna fit scientia genere saltem analogo. Quod si obijcias, scientiam poni in prædicamento qualitatis; igitur oportet vt sit vna genere vnico. Huic obiectioni satisfacio per hanc distinctionē. Scientia dupliciter cōsiderari potest: primo vt est quæritas & habitus difficile, mobilis; & sub hac consideratione omnes scientiæ, siue totales, siue partiales cōueniūt in vna ratione formali vniuoca, secundum quam ponūtur in prædicamento. Secundo, vt dicunt ordinem ad vnum obiectum, a quo suam speciem & distinctionem sumunt, & hoc pacto nō cōueniūt vniuocē, sed analogi

Libr. 2.
phys. in
fine.

ca. Verum scientiæ partiales sub hac etiam consideratione possunt poni in prædicamento, quia sunt qualitates simplices: Neque enim in intellectu esse possunt duæ scientiæ solum numero distinctæ, cum nō sint duæ accidentia absoluta in eodem subiecto numero distincta. His ita adnotatis, has subijcio positiones.

Libr. 8.
meth. 7.
32.

P R I M A positio, vnitas numerica scientiæ sumitur ab vnitate subiecti. Doctrina est manifesta: & ita tot sunt scientiæ numero, quot sunt qui scientiam habent.

S E C V N D A positio, unitas specifica scientiæ non sumitur ab obiecto materialiter sumpto. Quoniā obiectum sub hac ratione non distinguit, nec dat vnitatem scientiæ, quarum multæ possunt esse de eodem obiecto materialiter considerato, vt patet de homine, de quo multæ agunt scientiæ.

Arist. 1.
post.

T E R T I A positio, ratio Per quam, non distinguit vnā scientiam ab alia, sed sciētiam ab alijs habitibus. Doctrina est manifesta ex dictis, & nulla eget probatione. Quare demonstratio distinguit scientiā ab opinione, & ratio probabilis opinionem a scientia, & auctoritas, distinguit fidē ab alijs notitijs.

Q U A R T A positio, vnitas specifica scientiæ non sumitur a ratione formali sub qua, vel ab abstractione: quæ doctrina his cōfirmatur argumētis. Primo, Arithmetica & Geometria specie differunt: & tamen eandē habent abstractionem, & rationem formalem sub qua: ergo per eam distingui non poterunt. Quod si dicas, Arithmetica est magis abstracta, quam Geometria, cū numerus de quo illa agit, sit magis abstractus, quam quātitas cōtinua, quā hæc tractat: hoc facile refellitur. Primo, quia eadem est vtriusque abstractio a materia secundum rationem, & non secundum rem. Deinde, esse sit aliqua ex ista parte diuersitas: tamen non differunt nisi secundum magis & minus: at quod hoc tātum modo differt, solum accidentaliter differt, sicuti calor vbi duo, & vt quattuor, igitur. Vnde melius sentiunt illi

Thomæ

Thomei, qui dicunt rationem specificam non esse sumendum ab hac ratione . Secundo, idem confirmares ex Aristotele , qui scriptum reliquit , scientias secari sicut res, & scibile & scientiam esse idem; ergo ubi erit diuersum scibile, ibi erit diuersa scientia.

Libr. 3.
de ani.
t. 38.

Q V I N C T A positio, vnitas generica scientiæ non sumitur a ratione formali Sub qua. Primo, quia ista ratio non consideratur per se in scientia , sed est tantum conditio quædam , quæ se tenet ex parte scientis igitur. Secundo, ex Aristotele, vna scientia est circa vnum genus obiecti ; & hoc non propter rationem sub qua, quia hæc ratio, etiam secundum aduersarios, se tenet ex parte intellectus, non ex parte obiecti: ac proinde non facit vnum obiecti genus. Tertio, quia sequeretur, aut scientias confundi, aut esse plures, quam Aristoteles assignauit, quod qui contra sentiunt, negant: sequela probatur, quia anima rationalis habet abstractionem distinctam a physica; abstrahit enim a materia secundum rem, & secundum rationem : ac proinde faceret vnā scientiam distinctam , aut eius tractatio pertineret ad Metaphysicum: qui agit de ente abstracto a materia secundum rem, & ita forma Physica consideraretur a Metaphysico. Similiter Deus & Intelligentiæ habent abstractionem distinctam ab alijs scientijs, quæ abstrahunt a materia secundum rem & rationem: obiectum autē Metaphysicæ, in qua agitur de Deo , & de Intelligentijs, quod est ens, vt ens, abstrahit tantum per indifferentiam, vt infra suo loco docebitur: ergo Deus & Intelligentiæ facerent scientiam distinctam, quod aduersarij non concederent. Concludamus igitur , rationem formalem sub qua, nec per seipsam posse facere distinctionem genericam essentialem , neque si coniungatur cum alijs esse rationem formalem huius distinctionis .

Primo
post ea.
6.

S E X T A positio, vnitas specifica scientiæ sumitur a ratione formali quæ attingitur in obiecto Hæc positio remanet explicata & probata ex ijs q̄ diximus, ac proinde nihil est necesse, vt aliqd aliud de ea dicamus.

adde

adde etiam quod confirmabitur ex ijs quæ in sequenti positione dicentur.

S E P T I M A positio, vnitas generica sumitur a ratione formali Quæ, respectu obiecti generici, cum conditionibus in ultimo fundamento allatis: q̄ positio his rationibus confirmatur. Primo, ex Aristotele dicente, Arist. 1. vnā scientiam genere esse circa vnum genus obiecti post cap. 6. vnum autem genus obiecti fit per vnā rationem formalem Quæ, cum alijs conditionibus: igitur. Huc etiam Libr. 3. facit, quod idem ait, scientias secari sicuti & res, non vt de an. 1. materialiter considerantur, neque secundum rationē, 38. sub qua igitur sub ratione Quæ. Secundo, sciētia actualis est idem cum re ipsa: ergo habet ordinem essentialē & intrinsecum ad obiectum, siue genericum, siue specificum; sicuti vnum relatiuum ad alterum: at talis vnitas non potest sumi a ratione sub qua; igitur a ratione Quæ. Tertio, ex Aristotele ab eodem sumitur distinctio, & vnitas scientiæ: sed distinctio sumitur a ratione formali quæ, quia notitia distinguitur ab obiecto a quo actus specificatur; igitur & vnitas. Quarto, vna sciētia non potest demonstrare ea quæ sunt alterius; & ita Geometria non demonstrat conclusionem arithmeticam: at si distinctio sumeretur a ratione formali sub qua alterius conclusionē demonstrare, & ab vna ad aliā transire liceret, quia Geometria habet eandem abstractionē cum Arithmetica; igitur. Denique, si vnitas sumeretur a ratione sub qua, id verū esset in omni scientia: at qui hoc in moralibus est falsum; quia, licet habeant eandem abstractionem, sub qua, differunt tamē ob rationem formalem quæ. Adde etiam quod argumenta contraria nihil probant, vt ex eorum solutione patebit.

Primo
post. c.
6. & 21

A D primum, Aristoteles in illis locis nō distinguit scientias per abstractionem; sed eas tam distinctas constituit sub diuersis abstractionibus. Metaphysica enim quæ est vna ob rationem formalem & per alia requisita, vt considerat suum obiectum separatum a materia

te & ratione, Physica vero vt abstrahit a materia signa-
ti, & Mathematica vt abstrahit a materia secundum ra-
tionem, & non secundum rem. Diceret etiam, scien-
tias posse distingui penes abstractionem a posteriori;
prout per abstractionem cognoscimus scientias esse di-
uersas; quia singule habent propriam abstractionem.
Quod autem altero ex duobus modis intelligendus sit
Aristoteles, ex eo intelligi licet, quod primo postero-
um, quattuor requirit ad unitatem scientie, quæ alias
male requireret, ac etiam perperam, dixisset scientias
secari sicuti & res. Tex. 43

A D secundum, licet aliquæ scientiæ vnā & ean-
dem rem interdum demonstrent; tamen differunt in
ijs quæ ad unitatem specificam constituendam requi-
runtur, hoc est in principijs, & modo procedendi, defi-
niendi, ac demonstrandi.

A D tertium, ideo illæ scientiæ sunt inter se di-
stinctæ quia habent rationes formales distinctas, cum
alijs requisitis.

A D quartum, scientiæ totales interdum conueniunt
in unitate analogæ, ratione obiecti. Quo autem modo
scientia ponatur in predicamento, yltimo fundamento
exposuimus. Ideo autem plures habitus vnius scientia
dicuntur facere vnā scientiam, quia habet idem ob-
iectum formale; quia eisdem vtuntur principijs quia
ad vnum proximum finem referuntur; & denique quia
habent eundem procedendi, seu demonstrandi, & defi-
niendi modum, sicuti vnus dicitur populus, vnæ rep. Arist.
quia sub vno est capite, vnum respicit finem, & eisdem in Poli-
tutur legibus, eademque gubernandi forma.

*Explicantur quattuor scientiæ attributa, euidentiæ,
veritas, certitudo, & nobilitas. Cap. IX.*



DE hæc quattuor scientiæ attributa hoc vno capite perstringemus, quod de illis pauca disputare velimus, vt intuiti nostri ratio postulat. Ea autem quæ dicturi sumus, facilitatis gratia, quibusdam positionibus complectemur; & quod attinet ad euidentiā, ita statuo.

P R I M A positio, euidentiā est quædam claritas, & perspicuitas alicuius argumenti, vel signi; quæ ita intellectus conuincitur, vt nullo modo repugnare & non assensiri queat: quemadmodum patet in aspectu, cum proponitur aliquid videndum cum omnibus circumstantiis: qui non potest non apprehendere, & illud iudicare, vt tale est: vt si constet arborem habere fructus, signum est euidens prius floruisse. Euidentiæ opponitur obscuritas, quæ impeditur rei comprehensio, atque firma & indubitata assensio.

S E C U N D A positio, euidentiā non est idem quod certitudo. Quoniam dari potest certitudo sine euidentiā: vt patet in fide catholica, quæ est certissima, non tamen euidens: at euidentiā non potest esse sine certitudine.

T E R T I A positio, euidentiā duplex est; vna sensitiva, quæ reperitur in sensu: altera intellectiva, quæ est in intellectu. Hæc subdividitur in intuitivā, vel immediatā, qualis est illa, cū aliquid p seipsum est euidēs, vt sunt nonnulla prima principia, & dignitates scientiarū; vt totum esse sua parte maius, si ab æqualibus æqualia demas, remanere æqualia: altera discursiva, siue mediata, cum aliquid est euidens per aliud, vel in alio, vt conclusio per demonstrationem & in principiis.

Q U A R T A positio, ad scientiam constituendam satis est euidentiā discursiva. Quoniam alias solum principia quæ per se sunt euidentiā dicerentur scita, quod

quod est falsum. Ideo scientia præter certitudinem requirit euidentiā, quia debet esse certa intrinsece, & sua natura: at quod est hoc pacto certum, necessario est euidens: igitur. Et hæc de euidentiā: sequitur veritas, de qua ita statuo.

PRIMA positio, veritas, ut hoc in loco consideratur, est conformitas scientiæ, siue intellectus cognoscentis cum re scita: adæquatio nimirum intellectus ad re cognitā, cum ita res cognoscitur, ut est, cuiusmodi est veritas complexa in secunda; & tertia operatione intellectus.

SECUNDA positio, hæc veritas duplex est; una affirmatiua de re existente, cum affirmatur id quod est, per quam habetur scientia, quam vocant positivā: altera negatiua quæ est de re negata, cum negatur id quod non est; ut vacuum non est; per quam habetur scientia negatiua.

TERTIA positio, scientia non potest consistere sine veritate. Doctrina est manifesta ex communi omnium consensu; & propterea cum videmus cognitionem non respondere rebus, dicimus aliquem esse in errore, & ignorare. Adde etiam, quod res sunt causa nostræ cognitionis: ergo nostra cognitio tanquam effectus debet esse conformis cum sua causa. Ideo Aristoteles aliquando dixit, scientiam esse veluti picturam, quia debet esse similis rebus, sicuti pictura eius rei, cuius imaginem repræsentat.

Arist. in
post p̄d.
lib. 3. de
ani.

QUARTA positio, scientia proprie dicta requirit veritatem complexam & affirmantem, ex qua sequitur scientia negās. Etenim, si animal gratia exempli est sensitivum, sequitur non esse insensitivum. Et hæc de veritate; sequitur certitudo.

PRIMA positio, certitudo est firmitas intellectus cognoscentis rem aliquam, ita ut nullo modo dubitet, & titubet. Quo fit, ut differat a veritate, quæ potest esse cum dubitatione.

SECUNDA positio, certitudo duplex est: una ex-

N trin-

2. Cor.
10.

trinfeca, cum intellectus est certus de re propter voluntatem, quæ imperat, hoc est, trahit intellectum ad assentiendum, ut accidit in assensu fidei, ubi, ut diuinæ literæ loquuntur, intellectus captiuatur in obsequium Christi: quia non assentitur ob vim argumenti conuincentis, sed ob voluntatis imperium. Altera intrinseca quando intellectus ideo assentitur, quia cogitur ab euidencia rei, vel rationis; ita ut homo non possit contrarium asserere, nisi sit naturali lumine destitutus: ut patet in cognitione principiorum. Hæ duæ certitudines differunt: primo quia, primæ, vniuersè loquendo, potest subesse falsum, ut si nitatur fidei humanæ: secundæ non item. Secundo, prima necessario pendet a voluntate, secunda vero potest esse contraria voluntati. Tertio, prima non reuocatur semper ad aliquod principium naturali lumine euidens: secunda vero maxime. Postremo, prima non habet euidenciam: secunda habere debet, cum qua semper est coniuncta.

TERTIA positio, scientia necessario requirit certitudinem intrinsecam. Quoniam scientia est de re cui non potest subesse falsum: at vero certitudini extrinsecus aduenienti, nisi nitatur diuinæ auctoritati, potest subesse falsum, igit. Huius rei ea est ratio, quod scientiæ naturaliter acquisitæ pendent a lumine naturali intellectus, quod necessario requirit euidenciam, ut sine formidine præberi possit assensus rei cognitæ. oportet enim.

Libr. 1. scientem impermutabilem esse.

post ca.
2.

QUARTA positio, certitudo intrinseca pendet a duobus capitibus. Primo a medio, quando medium est certum & necessarium, ut accidit in demonstratione; & quo medium est certius, eo scientia erit certior: unde fit, ut demonstratio propter quid, sit certior quam demonstratio Quia: cum causa sit magis connexa cum effectu, quam effectus cum causa. Hæc certitudo duplex est, altera secundum naturam, ut quando per causam probatur effectus: altera secundum nos, ut quando id ex quo aliquid infertur, est nobis magis notum. sciē

ria priorem requirit certitudinem: quod si etiam secunda adsit, certitudo maior, & scientia perfectior erit. Secundo ex obiecto, quæ sumitur ab abstractione a materia, quæ est corruptionis causa: & ita quo obiectum est simplicius, eo est certius: per obiectum simplicius, intelligitur quod est magis abstractum a materia: ob quam causam Arithmetica dicitur certior Geometria, cum sit de numero qui est magis abstractus, quam quantitas continua.

2. Post.
t. 1.
42.

QVINTA positio, ad constituendam scientiam utraque requiritur certitudo, medij nimirum, & obiecti, ut Aristoteles docet. Et ratio est, quia scientia est cognitio rei per causam: igitur per medium certum: est etiam rerum vniuersalium, ac proinde habebit certitudinem ex obiecto.

2. Post.
t. 7.

SEXTA positio, scientiæ certitudo magis pendet a certitudine medij, quam obiecti. Quia certitudo medij est proxima causa cur intellectus firmiter alicui cognitioni adhæreat. Sed iam de nobilitate agamus.

PRIMA positio, omnis scientia ex Aristotele est bona & honorabilis. Quoniam scientiæ sunt res quædam, ad quas intellectus habet naturalem inclinationem, tanquam ad suam propriam perfectionem ac proinde omnis scientia habebit aliquam bonitatem, & erit honore digna, etiam si sit de rebus malis, ut scientia de vitijs. Vnde nullum est inconueniens si dicamus,

Libr. 1.
de an. t. j
1. Met.
c. 1.

Deum cognoscere mala, quia non nouit ut faciat, vel approbet, sed ut tantum cognoscat, & puniat. Illud autem quod Aristoteles dixit, quarundam rerum cognitionem esse malam, & melius esse eas non cognoscere, intelligendum est de cognitione rerum malarum, qua impeditur bonarum notitia, & quæ trahit appetitum ad malum, ut contingere solet in nobis: In Deo autem vna cognitio non impedit aliam, nec ad malum trahit.

12. Met.
t. 51.

Quod si obijcias de Mathematicis, quæ dicuntur abstracte a bono, & a fine, ac proinde non erunt bonæ: Respondeo, hoc dictum intelligendum esse ex sententia

3. Met.
t. 3.

Infr. ca.
22.

Aristippi dicentis, fabrilem artem esse nobiliorem Mathematicis; quod postea refellit. Diceret etiam Mathematicam abstrahere a bono & a fine ratione obiecti, quia non cōsiderat quantitatem, vt est ens bonum, nō quoad partes quarum notitia est bōna & utilis: ista tamen scientia est quoddam honorabile bonum, vt intellectum perficit.

Arist. li.
1. de an.
c. 1.
Lib. 11.
met. sū.
3. c. 1.

SECUNDA positio, vna scientia est nobilior alia his de caussis. Primo rōne obiecti: quo modo sciētia de anima est nobilior scientia de elementis; & Theologia omnium nobilissima, vt quæ de Deo agit. Secundo, ratione medij & generis demōstrationis: quo modo Physica est nobilior Logica; quia habet demonstrationes perfectiores, per pprias & reales causas. Postremo ratione vtriusque: quo modo scientia de homine est nobilior scientia de materia prima: quia homo est ens nobilius, & de eo habentur demonstrationes Propter qd; at de materia solum demonstrationes Quia. Hanc doctrinam de caussis vnde scientiæ nobilitas sumitur tradidit Aristoteles in primo de anima, in principio.

1. de par.
2. ult.
3. cœl. t.
60.

TERTIA positio, scientiæ nobilitas magis sumitur ab obiecto, quā a medio. Hoc expresse docuit Aristoteles, cum scriptum reliquit, Melius esse scire aliquid de rebus diuinis per medium debilius, quam de corruptibilibus per demōstrationē. Ex quibus colligeres, notitiam quæ habetur per definitionem esse nobiliorem ea, quæ habetur per demonstrationem.

De diuisionibus scientia. Cap. X.



NATURA, caussis, proprietatibusque sciētiae patefactis, sequit̃ vt de eius partibus, siue de diuisione agamus. Et primum quidem quasdam afferam diuisiones magis celebres, postea quæ circa eas dubitari solent, diligenter examinabo.

PRIMA igitur scientiarum diuifio, ea a quibufdā perhibetur, qua aliæ humanæ, aliæ diuinæ dicuntur. Humanæ illę esse cenfentur, quæ fermonis variationi fubijciuntur: vnde vulgo humanitatis ftudia vocantur, in quibus Grammatica, Rhetorica, & Dialectica continentur. Diuinæ, quę perpetuo conftantique tenore perfeuerant, & eodem femper fe habent modo, qua parte iplam referunt diuinitatem. Quod enim femel eft iuftum, femper iuftum eft, ignis femper calefcit, & diuina prouidentia nunquam deficit. Quare, Moralifcientia, Phyfica, & Theologia cum diuinitate conftitunt. Hæ panis & maffę, illæ fermenti nomine tanquam illarum miniftræ, in facris litteris designantur.

SECUNDA diuifio ex Aegyptiorum, & Græcorum antiquiorum doctrina fumpta: qui ponebant quędam difciplinarum complexum fm quem omnes fcientias in quatuor diuiferunt partes, quibufdā circulis designatas, ob quorum copulationem scientiarum colligationem Encyclopediam appellarunt. Finxerunt itaque circulum quendam maiorem per quem Theologiam, quæ eft de rebus diuinis fcientia, designabāt: intra quę ponebant tres alios circulos centris & circumferentijs ita inuicem complicatos, vt vnus centrum, alterius efferet principium & circumferentia; quibus humanas difciplinas designabant, Moralem nimirum, Dialecticam, & Philofophiam, naturalemque fcientiam, eodem ordine, quo recensuimus, circulis tribus designatas. Hæ eadem diuifio, vt quidam fcribunt, designata fuit in ornatu pontificio apud Hebræos. Pontifex enim prius de Pier.lib. bebat lumbos præcingere, hoc eft honefte viuere, præ 38. ua opera cohibendo: deinde Logium affumere, quo indicabatur rationis intelligentia; in quo errat fcriptū, Exod. 28. **Manifestatio**; qua voce rerum designatur difciplina, videlicet Philofophia, per quam naturæ fecreta inueftigamus, & veluti cerberum ex penetralibus extractū, in lucem exponimus, & Veritas, quæ dubio procul ipfa eft Theologia.

Lib. 7. in **vita Zé.** **TERTIA** diuifio, quam adhibuerunt Stoici, vt est apud Laertium, qui vniuerfam Philosophiam in tres distribuerunt partes, in Dialecticam, moralem, & Physicam: quas partes, alij locos, alij species, alij genera vocarunt, & quibusdam similibus explicarunt. Philosophiam animali similem esse dicebant, ossibus ac neruis Logicen, carnibus Ethicen, animæ Physicen conferentes. Item ovo, cuius superficiem Logicen esse aiebant, sequentia Ethicen, intima & penitus abstrusa Physicé. Alij agro comparantes, circumiectam sepem Logicen faciunt, fructum Ethicen, humum & arbores Physicem. Alij ciuitati muris optime septæ, & pulchræ, & ex dignitate administratæ. Sunt qui ex scriptis Salomonis tres etiam sapientiæ partes colligunt, Moralem, quam in Prouerbijs, Naturalem, quam in Ecclesiaste, & contemplatiuam, siue diuinam, quam in Canticis tradidit. Quas etiam partes in tribus Patriarchis designatas fuisse quidam scribunt, in obediētia Abrahami, moralem: in Isaac qui puteos effodit, Physicam: & in Iacob qui scalam vidit, & Israel cognominatus fuit, diuinorū contemplationem. Ideo autem omittunt Logicen, quod quasi ita sit cum omnibus contexta, & tanquam spiritus cum omnibus coalita. Stoicorum partitionem uarijs in locis sequutus est M. Tullius, cum ea olim esset maxime celebris: & ita quotiescunque de Philosophiæ partibus sermonem habet, Dialecticam, Moralem, & Physiologiam recenset. Epicurus etiam in tres diuifit **Laer. in** partes, in Canonicam, in qua continentur ea quæ percipiunt ad introductionem & accessum, ad opus: in Physicam, quæ naturam speculatur; & in Ethicam, in qua de vitijs, & de fine agitur. Dialecticam, vt inutile reiciebat, vt non vno in loco docet M. Tullius. Peripatetici etiam Philosophiam in tres partes secarunt, in Physicā, Mathematicam, & Metaphysicam, de qua diuisione postea late disputabitur: sicut etiam de diuisione in practicam & speculatiuam, quam communiter omnes admittere videntur. Denique Cleanthes, vt Laertius refert,

fert, sex fecit Philosophiæ partes, Dialecticam, Oratoriam, Moralem, Civilem, Naturalem, & Theologicam: Laer. in
procem.
Ethica iuxta varias sectas distributa fuit, in Academicam, Cyrenaicam, Eliacam, Peripateticam, Stoicam, Epicuream, & in alias.

S E D quoniam nos priuatim disputaturi sumus de duabus diuisionibus quas Peripatetici tradidere, ideo alijs relictis, ad eas accedamus: & primum de diuisione in practicam & speculatiuam agemus: an autem ista diuioio admittenda sit, in dubium his rationibus reuocari potest.

P R I M O, intellectus practicus & speculatiuus sunt idem: igitur & scientia practica atque speculatiua erunt idem: sumptum est Aristotelis, consequentia videtur Lib. 3. d
an.
manifesta.

S E C V N D O, moralis Philosophia habet pro fine veritatem, quia vt speculatiue finis est veritas quæ consistit in conformitate rerum cum intellectu; sic etiam practici finis est conformitas operis cum eodem intellectu: uat conformitas ista nihil aliud est, quam veritas: igitur vtraque habet pro fine veritatem: in cuius contemplatione per actum reflexum, quo quis cognoscit se veritatem fuisse adeptum, sita est hominis beatitudo. Ioan. 3.
Vnde qui recte viuunt, dicuntur veritatem facere, & veritatem diligere.

T E R T I O, in omni nostra notitia, siue scientia est aliquid cognitionis & actionis; ergo si actio non potest separari a cognitione, nec cognitio ab actione, male scientia in agentem & contemplantem diuideretur. Sum Plat. in
Euthy.
ptum sic demonstraui, qd prima Philosophia nō solum Dei veritatem habet, pro fine, sed etiam eiuidem amorrem & cultum, ex meliorum Philosophorum sententia: Porph.
at Dei cultus & amor ad praxim pertinent: igitur ea Iam. de
Proc.
scientia quæ maxime videtur speculatiua, erit etiam practica: ita vt Theologia, siue Theurgia, idest doctrina de modo agendi circa diuina, siue religio. Physi-
lib. de
sacr.
ea quoque habet suam praxim, dum, rerum proprietatibus

tibus cognitis, multa traducit ad praxim, unde extat naturalis magia ex rerum affinium sympathia, & pugnantia. Mathematica etiam aliquam praxim habet: hinc Gnomonica, Geodesia, Mechanica, & Diuinatrix.

Baron.
q. 4. pro
log. sen.
ar. 3.

Logica quoque praxim habet, unde illa emanauit Logicae distinctio in docentem & utentem: ita ut tota Philosophia speculatiua videatur quaedam Logica practica. Contra vero Philosophia moralis suam habet speculationem & veritatis inspectionem, in definitionibus & demonstrationibus tradendis, atque in veritate vniuerse cognoscenda: & sane moralis Philosophia Aristotelis tota modo theoricam tradita esse videtur. Quare, cum omnes scientiae speculatrices habeant aliquam praxim, & practicae speculationem, nulla scientia erit pure practica, vel speculatiua.

Lib. I.
Met. c. i.

QUARTO, omnis scientia, propriam habet experientiam in qua fundatur, & aqua pendet, atque experientia omnis est singulare: igitur omnis scientia habebit aliquid practici.

QUINCTO, omnis recta speculatio dirigitur a ratione, ut conuenienter fiat secundum omnes circumstantias: igitur nulla erit operatio quae non possit dici practica; cum propria illa actio dicatur praxis, quae a ratione dirigitur. Atque has rationes dubitandi gratia attulisse sufficiat: quibus tamen non obstantibus, cum communi omnium fere Philosophorum & Theologorum sententia, admittenda est ista distinctio scientiae in theoricam & practicam, ut statim docebo, si prius quid nomine praxis intelligendum sit breuiter docuero.

NOTANDUM itaque est, hoc nomen praxis, esse in vocem graecam ductam a verbo graeco Bratto, quod latine, agere, in magistratu esse, & elaborare ut aliquid fiat, significat. Hinc practicus, latine actuosus, in rebus agendis versatus, & occupatus, atque ad res humanas tractandas idoneus: & praxis, latine, actio, exercitatio, usus, atque exequutio. Actio aliquando sumitur stricte, & significat operam, humanamque functionem, quae

ab aliqua virtute proficiscitur ; ita vt actio designet actum ab homine productum, vt est laudis, & vituperationis capax : hinc bene agere , pro honeste & beate viuere, græce *ἀπράγτην*. Aliquando latius sumitur pro quacumque opera post quam nihil relinquitur effectum, siue sit honesta, siue non, vt est actio dicendi , & saltandi. Denique aliquando latissime sumitur pro ea opera , qua aliquod efficitur opus, siue opificium , quod post operationem remanet, quæ proprie factio , & effectio dicitur : hinc effector, & opifex. Vnde actio & effectio, si proprie sumantur, diuersam habent significationem: sed interdum apud auctores sine discrimine istæ vocēs vsurpantur. Hinc patet quid nomine cognitionis practicæ, vel actiuæ intelligendum sit , ea nimirum notitia quæ ad agendum refertur, sicuti nomine speculatiuæ, seu theoricæ, illa quæ in se sistit, & non habet pro fine opus actionem ve. An vero praxis sit ipsa cognitio ad actionem relata , quæ actionem dirigit, an vero ipsa actio directa, postea docebitur. Quo fit, vt in nobis tres sint actiones , vna qua solum cognoscimus: altera qua agimus, sed agendo nihil efficimus, hoc est nullum opus relinquimus: tertia qua efficimus aliquid: ad quas proficiendas triplici opus est habitu , intellectiuo, actiuo, & effectiuo. Vbi nota, quando actio distinguitur ab effectione, & habitus actiuus ab effectiuo, tunc actio proprie sumitur in prima significatione , vt complectitur solum humanos actus ad officium & mores pertinentes, qui in Philosophia morali tractantur: & nomine effectionis, seu factionis, & habitus effectiui, intelligimus quamcunque aliam operam, quæ nõ pendet ab habitu virtutis, & a bene affecta voluntate, sed ab habitu alicuius artis recte dirigitur . At vero cum nostram scientiam diuidimus in speculatiuam & actiuam, siue practicam, tunc sumimus praxim , vt distinguitur contra puram actionem speculatiuam, quæ sola cogitatione est contenta. Quæ autem sit vtriusque natura mox explicabo, si prius, quid de allatis scientiæ

& Philosophiæ diuisionibus sentiendum sit, vniuerse docuero.

P R I M A positio, diuisio Philosophiæ seu scientiæ in diuinam & humanam, si humana sumatur eo modo quo dictum est in prima diuisione, non est bona. Quia nomine Philosophiæ non continetur litterarum & humanarum artium doctrina, cum ista doctrina non habeatur per certas rōnes. Quod si per scientiā humanā intelligeretur rerum creatarū notitia, & per diuinam, rerum diuinarum, admitti posset, vt planum est.

S E C V N D A positio, illa scientiæ, vel Philosophiæ, diuisio quæ quattuor assignat partes, seiungendo Dialecticam, siue Logicam ab alijs, admitti potest. Quia Logica, vt est doctrina de modo sciendi, est cognitio quædam certissima, per certas & necessarias rationes: alias enim si hæc esset incerta, omnis humana doctrina redderetur dubia: & cum sit de rebus, de quibus in alijs scientijs non agitur, Logica vt scientia, vel Philosophiæ pars ab alijs seiuncta ponenda erit; vt ab omnibus fere antiquis posita fuit: & vt quidam dicunt, illa distinctio in quattuor partes ex Hebræorum disciplina manauit.

T E R T I A positio, illa Stoicorum tripartita diuisio non omni ex parte placet. Quia videtur excludere scientiam diuinam, quæ sub nomine naturalis scientiæ non satis bene comprehenditur: secus dicendum, si quis sub illa appellatione etiam rerum sublimium notitiam contineri conderet.

Q V A R T A positio, Philosophiæ diuisio in tres partes, omissa Logica, vt bona admittenda est. Quia si Logica consideretur vt est applicata rebus, & vt est necessario cum alijs scientijs coniuncta, non facit vnā Philosophiæ partem, sed est diffusa per omnes alias: ac de hac diuisione postea latius.

Q V I N C T A positio, scientiæ, seu Philosophiæ diuisio in practicā & speculatiuā, vt bona admittenda est. Primum probatur ex communi meliorum Philosophorum,

Iosophorum, atque Theologorum sententia; ac etiam ex duplici genere vitæ cognoscentis, & agentis. Deinde, quia dantur res aliquæ, quæ sola cogitatione attinguntur, aliæ vero, quæ etiam efficiuntur: igitur alia erit theórica, alia practica notitia. Sed quia de hac distinctione late infra disputaturi sumus, nunc satis sit eam retinendam esse docuisse: quam non tollunt argumenta in contrarium allata, ut ex eorum solutione patebit.

A D primum, intellectus practicus & speculatiuus sunt idem res, sed ratione differunt: nec ab intellectus identitate scientiarum est inferenda vnitas; ut patet ex ijs quæ supra disputata sunt.

A D secundum, moralis Philosophia habet pro fine veritatem practicam; & actiones cum recta ratione congruentes: & qui non solum verbo sed etiam re ipsa honeste viuunt, ideo dicuntur veraces, quia ea faciunt quæ dicunt; secus, qui se gerunt, pro mendacibus habentur, quia opere negant ea quæ dicunt.

A D tertium, praxis illa quæ accedit, ad scientias speculatiuas, vel ipsas subsequitur, non pertinet ad naturam scientiæ speculatiuæ, sed est veluti fructus quidam qui ex speculatione ab homine colligitur. Id vero speculationis, quod est in Philosophia morum, totum reuocatur ad actionem, ut Aristoteles, non vno in loco docet.

Lib. 2.
eth. c. 2.

A D quartum, experientia, est initium & præambulum Philosophiæ & scientiæ, & ita non includitur in ratione scientiæ.

A D quintum, speculationis actus directus a Philosophia practica secundum debitas circumstantias, potest dici quidem practicus; sed tamen sub hac ratione non producit ab habitu, seu a scientia speculatiua; directus, inquam, ratione vsus, non autem ratione operis, ut opus cum ratione fiat.

Quid sit proprie praxis, & habitus practicus.
Cap. XI.



NON me fugit, quam late a multis de re proposita disputari soleat: sed instituti memor, breuitatē hac in parte, ut etiā in alijs feci retinebo. Et quod attinet ad præsentem difficultatem, primum aliorum placita recensebo: deinde nonnulla fundamenta ponam: postremo, quid sentiendum sit, quibusdam positionibus docebo.

- Quest.** **F** V I T ergo de re proposita prima opinio Ioannis
4. art. 2. in pol. Baconis, viri eruditi, qui existimauit praxim esse discursum practicum intellectus habitu practico instructi: ita vt ad naturam praxis nihil aliud pertineat, nec actus elicitus, hoc est productus a voluntate, nec alius ab ea imperatus. Quare, si quis ratiocinando faciat argumentum practicum, hic actus dicetur practicus.
- Quæst.** **S** E C V N D A sententia Doctoris subtilis, qui cen-
ult. pl. suit praxim esse actum productum ab aliqua potentia diuersa ab intellectu, & speciatim actum a voluntate elicitedum. Vult ergo praxim esse actum intellectione natura posteriorem, natum elici consentaneum rectæ rationi.
- Lib. .** **T** E R T I A Philoponi, & Gandauensis, qui existima-
de an. c. runt praxim esse quoddā aggregatum ex discursu pra-
36. ctico intellectus, & actu a voluntate producto, qui sit practicæ rationi consentaneus.
- In p.** **Q** V A R T A, sententia domini Caietani, qui credi-
par. q. dit praxim esse actum imperatum a voluntate, & vt lo-
26. ar. 3 quitur, actionem exequutiuiam: quam etiam quidam Herueo tribuunt. Tota itaque dubitatio in hoc sita esse videtur, An praxis sit solius intellectus operatio, an voluntatis, an vero vtriusque. Rursus dubitari solet, an intellectus dicatur practicus quia dirigit, vt voluit Caietanus, an vero quia dictat quid agendum sit

vt placuit Scoto. Vt huic dubitationi satisfaciam, hæc subiicio fundamenta.

P R I M V M fundamentum, in quo explicabo quæ ratione intellectus & voluntas conueniant ad praxim constituendam, cum certum sit vtriusque actum requiri. In praxi duo aspectari possunt, terminus qui se tenet ex parte actus eliciti a voluntate: & ratio terminandi; quæ se tenet ex parte intellectus: quo fit, vt tot modis possit variari praxis, quot ista duo quæ ad praxim requiruntur variantur: qui sunt quattuor. Primus, cū vtrumque est vniuersale, vt cum volumus bonum commune abstrahendo a singularibus conditionibus, ob rationem communem voluntas enim potest ferri in commune bonum, sicuti & ratio: vt si quis moueretur ad appetendum bonum, quia omnes illud appetunt. Secundus, cum vtrunque est singulare: vt si quis moueretur ad appetendam hanc vindictam, quia nunc, vel hoc loco videtur conueniens. Tertius, cum terminus est singularis, & ratio vniuersalis: ut si quis vellet scire aliquid particulare, etiam impertinens ob rationem vniuersalem, quia omnis scientia perficit. Quartus, cum terminus est singularis ratione voluntatis, sed ratio terminandi communis, non quia illud percipit & proponit sub sua communi ratione, sed quia plura proponit, non determinando voluntatem ad vnum numero, sed ad plura diuersa; quo modo voluntas potest appetere aliquid singulare, vt vtile, vel delectabile propter conditionem communiter in pluribus consideratam, quæ moueret, etiam si in aliquo singulari inueniretur. En igitur modos quibus voluntas & ratio quæ sunt duo agendi principia, ad praxim formandam conueniunt.

S E C V N D V M fundamentum, in quo explicabitur, cur duo constituentur intellectus, speculatiuus, & practicus, & cur, cum vterque aliquam veritatem cognoscat, & aliquid praxeos habeat, vnus speculatiuus, alter practicus dicatur. Potentiarum & actuum distinctio, vt
supra

supra scripsimus, ex rebus ipsis petenda est, unde & omnis nostra petitur cognitio. Et quoniam rerum alie sunt quae a sola natura pendent, & ut necessariae semper eodem existunt modo, in quas cum mens nostra intendit, non potest quicquam aliud nisi earum percipere veritatem; alie vero ita se habent, ut a nostra voluntate pendeat, & vario modo existere, ac etiam commutari queant, hinc est, ut in his non solum veritas, sed etiam rectitudo, atque perfectio a mente pendeat, cum ipsa esse debeat quasi earum canon, quia variis modis effici possunt; ut patet in actionibus morum, & artium, & in productione rerum quae a nobis fiunt, quarum rectitudo pendet a recta ratione: contra vero in primo rerum genere, recta ratio pendet a rebus ipsis, quae sunt cognoscendi principia. Quo fit, ut in hoc genere ita uersetur ratio, ut solum eas possit cognoscere: in altero, ut etiam eas queat efficere. Merito igitur humana mens in duas diuiditur partes, in speculatiuam & practicam, & omnis habitus cognitionis in speculantem & agentem. Et licet hi duo habitus in hoc conueniant, quod per utrumque aliquid cognoscimus: tamen in eo maxime differunt, quod speculatiuus, in re a se cognita, nihil aliud praeter nudam inspectionem habet, & idcirco in ea constitit: at vero practicus quod cognoscit ex se, suaeque naturae ad agendum & efficiendum refert. Quamuis ergo intellectus in scientia practica, aliquid uniuersae definit, ut iustitiam, ut finem, atque etiam communes uirtutis attributiones demonstrat: tamen in his rebus etiam uniuersae consideratis, quaedam apparet ratio ad praxim accommodata, ad quam sua natura referri potest, ac debet; ut cum dicitur, bonum esse id quod omnia expetunt, iustitiam esse uirtutem, quae suum cuique tribuit: idque eo magis cernitur, cum ad priuatas actuum humanorum species explicandas acceditur; ut cum docetur quid sit iustitia commutativa, uel distributiva, ex cuius definitione facile probares honores non ob auctoritatem, sed ob res praecclare gestas distribuendos esse; eum,

Arist. 1.
eth. c. 1.
Lib. 5.
eth.

cum, ut quidam dixit, Arciora sint uirtutis uincula,
quam sanguinis. Huc facit quod M. Cato, ex definitio-
ne libertatis, uirtutis & gloriæ, militum animos uehe-
menter commouit. Patet ergo cur noticia rerum ab hu-
mana ratione pendentium, debeat dici practica, quam-
uis interdum nō p. oxime dirigat, quod munus est pra-
ticis proprium: cuiusmodi est doctrina Philosophiæ mo-
rum uniuersæ tradita, respectu prudentiæ cuius est pro-
xime actiones dirigere.

TERTIUM fundamentum, intellectus speculati-
uus ex se fertur in uerum, ut in proprium obiectum;
uerum autem, ut tale, non habet uim mouendi appeti-
tum ad aliquid faciendum, ac proinde cognitio specula-
tiue non potest esse initium praxis. At uero intellectus
practicus tertur in bonum, de cuius natura est, ut sit qd
appetibile, sub qua ratione induit naturam accidentis, Are.
quia ad aliud ordinatur, ut accidens ad substantiam: & Contar.
ut se communique. cum aliis, & sub hac consideratione, lib. 3.
substantiæ naturam suscipit: cum ordine ad aliud ca-
seat. Ut est appetibile eum gignit amorē, qui uocatur D. Tho.
concupiscentiæ, quæ in amante supponit indigentiam, 1. p. 9.
quæ est amoris mater. Hic amor proprium commodū (o. ar. 3
querit, ac proinde, amati hostem appellant, cum extin-
cto cupiditatis ardore, amatum negligat. At uero ratio Xeno.
ne alterius conditionis, hoc est, ut se communicat, gi-
gnit amorem, quem uocant amicitie, & beneuolentiæ;
qui amor amantem cogit ad suam bonitatem cum aliis
communicandam: & idcirco opulentiam, quandam in
amante supponit, & in amato inopiam. Ut uerum sit
quod aliquando Plato dixit, omnem humanum amo- Plat. in
rem supponere penuriam; quod dictum male a quodā Lyfid. in
damnatum fuit. At inquires, sublata ergo penuria, amor sine.
cessare debebit: Nequequam, quia remanet atque per Cic. lib.
seuerat ratione conjunctionis & communicat onis ui- de Am.
tæ: qua communicatione, amico sublato, careremus. Ut
taque prior amor propriam utilitatem iucunditatem-
que spectat, ita posterior alienam ille, ueluti coquus
agnum

agnum diligit, ut eo uescatur, hic uero quasi pastor, ut illum pascat & conseruet: ille ex pessimo sui amore nascitur, hic uero ex vera beneuolentia. Quando igitur intellectus practicus ordinare ac determinaret de-

Arist. 1.
eth. c. 2.

bet, ne quid erret, bonum ut communicabile spectet: cum magis commune bonum quam priuatum, inspicendum sit; & quæcunque pars, magis totius, quam sui conseruationem respiciat; ut homo tanquam bona apes, suos labores in commune conferat, & non quasi fucus, alienos in sui utilitatem conuertat. Atque ex dictis patet, cur theoreticus intellectus non moueat, practicus uero maxime, & ut recte moueat, qua sub ratione, bonum quod uoluntati proponendum est, spectare debet; quæ ab ipso bono commota, est praxis initium. Sed dicat aliquis, cum intellectus per aliquam ratiocinationem proponit uoluntati commune bonum, & illa acceptat, & per facultatem motricem, atque per actus aliarum potentiarum illud prosequitur, praxis non in actione uoluntatis, sed aliarum potentiarum consistet; & tamen contrarium uidetur dicendum.

Heru.

Responderent aliqui, actum exteriorum, non esse praxim ipsam, sed eius finem: quæ responsio iure optimo quibusdam non arridet; cum talis actus sit potius effectus, quam finis, qui effectus ex intellectus practici, & ex uoluntatis actu elicitus, in quibus praxis intrinsece consistit, sequitur, & est ueluti uoluntatis efficacia materia in qua uersatur, & circa quam laborat. Quare proxima praxis materia in qua recipitur est potentia intelligens & uoluntas; remota uero est facultas mouens, & exequens imperium. Explicata boni natura, quam intellectus practicus propositam habet, sequenti fundamento aliquid dicemus de uero, quod intellectus speculatiuus habet propositum.

Q V A R T U M fundamentum, uerum ut uerum, quod est obiectum intellectus, siue eius conditio, duplex est, iuxta duplicem ordinem rei ad intellectum, alterum quod est causa efficiens rerum, ut est uerum in men-

in mente diuina; alterum quod efficit veritatem in nostra mente, & hoc est in rebus, ipsis. Tunc autem intellectus dicitur verus, cum est conformis cum re cuius notitiam habet. Sed hic dubitare licet, an intellectus practicus qui pro objecto habet bonum, aliquam veritatis rationem in eo rimetur, & quidquid aliqui dixerint, censendum est intellectum practicum circa bonum eius veritatem inquirere, ita ut veram rationem boni cognoscat, & cognoscendo voluntati proponat. Neque enim idem sunt omnino ratio boni, & bonum ipsum, licet aliqui aliter sentiât: siquidem bonum non abstrahit ab existentia, ratio vero boni maxime, & per illam mens practica, verum bonum diiudicat, & voluntati proponit: cum ad eam pertineat videre quid sit bonum, quid malum; ex qua determinatione, vniuersa hominum vita regitur, iuxta illud quod quidâ cecinit.

Est, & non, cuncti monosyllaba nota frequentant:

His demptis nihil est hominû quod sermo frequet:

Omnis in his, & ab his sunt omnia, siue negoti,

Siue otii quidquam est, seu turba, siue quietis.

Qualis vita hominû, duo quâ monosyllaba versât?

His enim monosyllabis efficiuntur enunciationes, quæ sunt veræ, vel falsæ: ac proinde quando fiunt circa bonum, aliquid veri, vel falsi enūciabunt. Atque intellectus practicus: ita circa verum versatur, ut quidquid veri cognoscit ad res singulares referat, & ad ipsum bonum, quod solum in rebus extra animam reperitur, ut Aristoteles, & alij docent. Quare, si quis mentis practicæ ratiocinationem intelligeret, quales inde operationes sint futuræ, cognosceret. At vero intellectus speculatiuus, qui totus in veritatem fertur, quæ in ipsa ratione formaliter existit, si quid in speculatione intercedit actionis, ut est experientia, sine qua scientia esse non potest, cum sit veluti prædia ad scientiam, & habitus quidam ab alijs distinctus id totum ad scientiam refert, nec ipsam praxim attingit. Quod si quis Physicas, vel mathematicas veritates ad praxim traducat,

O

practici

Sco. 4. S.
d. 49. q.
4.

Auson.

Auen.
12. Met.
com. 36.

practici personam induet: cum hæc doctrinæ vniuersæ ad res singulas applicatio formaliter ad praxim pertineat, quamuis vim & efficaciam a scientia contemplatrice sumat. In summa, scientia practica non solum versatur in operatione, in qua etiam speculatiua versari potest, sed in eiusdem operationis recto & legitimo vsu, quem speculatiua, vt talis est, ignorat.

QVINCTVM fundamentum, praxis nomen de quo non nihil supra diximus, varijs modis vsurpari solet. Primo sumitur pro quacunque operatione & actione, siue sit intellectus, siue voluntatis, quæ non relinquit aliquod opus post se, & ita excluditur effectio, quæ proprie designat operationem aliquod post se relinquentem. Secundo, vt significat actum directum ab alio actu intellectus, siue sit actus intellectus, siue voluntatis, siue circa media, siue circa finem: verum hæc significatio, sicuti & prima est impropria. Nā iuxta hanc significationem sequeretur omnes scientias esse practicas, cum dirigantur a Logica, ac etiam ipsam Logicam. Quare, non placent illi qui hoc secundo modo praxim sumendam esse putarunt: cum ille actus proprie dicatur praxis, qui ad amissim prudentiæ & artis dirigitur, & qui dirigit, ac facit aliquid. Et quod de Logica dicebamus, ut speculatur suum obiectum, & instrumenta sciendi modo speculatiuo per resolutionem iudicando de principijs formalibus & materialibus demonstrationis, & definitionis, nullam habet directionem, & praxim nullam. si uero consideretur ut applicata scientijs, tunc dirigit quidem, sed operationes speculatiuas, solius intellectus: praxis autem est operatio extra intellectum, ut statim dicemus; nisi uocare uelles practicam, ut in seruit Philosophiæ practicæ & moralis. Tertio, ut significat solam uoluntatis operationem, quæ est apta regi ac dirigi a prudentia in honestis actionibus; cuius operatio speciatim actio dicitur, ut supra adnotauimus. Postremo, praxis sumitur pro actu alterius potentiæ ab intellectu ordinato, siue eliciatur

ciatur a voluntate, siue imperetur; vt actus canendi, dandi eleemosynam, modo dirigi possit a ratione. Atq; his duobus posterioribus modis actus aliquis proprie dicitur praxis; vt ex positionibus, in quibus summum iam explicata a collegam, patebit.

P R I M A positio, praxis non est vlla operatio, siue interna, siue externa, quæ necessario, & naturaliter sine imperio voluntatis exercetur. Quoniam praxis in sua ratione includit ordinationem & determinationem, quorum illa operatio quæ necessario fit non est capax.

S E C V N D A positio, operatio exterior, imperata a voluntate & a ratione ordinata, non est per se primo praxis, sed quasi illius effectus, & materia, circa quam versatur; præsertim, si loquamur de praxi morali, hoc est de actibus humanis, vt officij rationem continent: nam, si de illis sit sermo, qui ab arte pendent, isti fortasse ad praxim proxime pertinent. Hæc positio patet ex ijs quæ in tertio diximus fundamento.

T E R T I A positio, solus actus intellectus practici, qui aliquid determinat, aut ordinat, non continet totam rationem praxis. Primum, quia sequeretur habitus practicos esse in sola ratione, quod est falsum, cum sint etiam in voluntate, vt habitus virtutum. Deinde quia praxis includit executionem ordinationis, actum vt ordinatum, ab ordinante diuersum; ergo non consistit in solo actu rationis.

Q V A R T A positio, praxis non includit solum actum voluntatis a ratione proxime ordinatum, ita vt ab eius ratione excludatur actus intellectus. Primum, quia tam Plato, quam Aristoteles aliquem actum intellectus vocant practicum: immo Plato, qui magis considerauit rationem determinationis, quam determinationem, iuxta ea quæ in primo diximus fundamento, omnes virtutes vocauit scientias, prout a ratione pendunt, qua errante, oritur vitium: & ideo scientias in agentes & cognoscetes diuisit: ac proinde eius doctrina

Lib. 7.
pol. c. 3.

In polit.

fauere videtur ijs , qui praxim in solo actu intellectus consistere volunt. At vero Aristoteles, qui potius determinationem & actum ordinatum spectauit, magis in

- Lib. 1. voluntate , quam in ratione praxim collocauit , vt ex
mag. eius varijs locis cognoscere licet: vt, cum ait, Nos ma-
mor. c. 3 gis velle esse iustos, quam scire iustitiam , & magis be-
Lib. 2. ne habere, quam sanitatem cognoscere. Deinde, quia
eth. c. 2. praxis designat actionem ordinatam secundum debi-
tam rationem: igitur includit rationis actum .

QVINTA positio , praxis intrinsece includit vtrumque actum, rationis nimirum , & alterius potentie a ratione ordinatum: actum inquam quo cognoscimus opus , & id quod agitur, qui dicitur regulans , & actum ab alia potentia vel habitu productum, qui dicitur regulatus . Placet itaque nobis hac in parte opinio
Gand. eorum , qui dixerunt praxim vtrumque actum inclu-
Phil. 3. dere: ex qua conciliares Aristotelem, qui aliquando in
de ani. actu intellectus , alias in actu voluntatis eam posuisse
t. 36. videtur : cum intellectus practicus cum voluntate ad
quam se extendit copulandus sit .

SEXTA positio , ratio praxis magis proprie videtur sita in actu directo ab actu intellectus diuerso, quã in actu intellectus dirigentis & cognoscentis. Primum patet hæc positio ex doctrina Aristotelis paullo ante allata, qui praxim magis in voluntate, quam in ratione
Lib. 3. d. posuit. Ideo aliquando dixit , voluntatem esse princi-
an. pium artificialium, & operabilem . Deinde , quia ex
Lib. 6. communi vsu loquendi, eum vocamus practicum, qui
eth. agit, & praxim ipsam operationem ordinatam, intelle-
Lib. 6. ctum vero ordinantem non praxim, sed practicum ap-
met. in pellamus . Quare praxis erit in illa potentia quæ pro-
prin. ximæ elicit actum ordinatum. Cæterum, vt intellectus vel
2 Phys. habitus practicus dicitur, vt extenditur proxime ad potentiam
t. 58. & appetentem ; ita etiam praxis videtur esse notitia ab
59. eodem intellectu procedens ad actum appetitus, & al-
Lib. 1. terius potentie ab intellectu diuersæ. Huc facit quod
eth. c. 1. Auenroes definiendo praxim: dixit, esse secundum ele-
ctionem

ctionem hominis energiam, idest operationem.

QUÆ hucusque posuimus, omnia fere Aristoteles hac sententia expressit, sed actiuam uitam non est necessarium esse ad alios, vt quidam putant: neque eas meditationes solum esse actiuas, quæ gratia eorum fiunt, quæ ex agendo proueniunt: sed multo magis, quæ in seipsis perfecte sunt, ac sui ipsius gratia fiunt contemplationes, & meditationes. Bene agere enim finis est; quare & actio quædam. Maxime autem proprie dicimus agere etiam externis actionibus, eos qui intelligentia & cogitatione operibus præsumunt, vt architecti. In quibus verbis hæc designantur: Praxim non referri necessario ad aliud, sed in nobis consistere: ultra praxim aliquid produci: sed magis positam esse in actu interno, quam externo: mentis operationes posse dici praxes: & includere intellectus ordinationem.

SEPTIMA positio, magis dicendum est notitiam practicam intellectus ordinare, quam dictare. Hoc affirmauerim cum Caietano contra Scoti sententiam. Etenim ars practica non dicitur talis, quia dictet faciendam, iubeatque quid agendum sit; sed quia modum rationemque in agendo præscribit. Potentia enim rationalis, qualis est notitia practica, est indifferens ad opposita, determinaturque ab appetitu, non contra; quem postea ordinare debet secundum circumstantias. Vnde colligeres, Philosophum moralem (nisi cum doctrina morum habuerit prudentiam coniunctam) non esse proxime idoneum ad res humanas recte gubernandas.

Lib. 6.
met.

OCTAVA positio, scientia speculatiua ex se nullam includit praxim, & practica nullam puram theoriam, sed omnem ratiocinationem ordinat ad actionem. Tota hæc positio remanet explicata, & probata ex fundamentis.

NONA positio, practicus intellectus considerat aliquam veritatem. Hoc affirmauerim contra quosdam, qui aliter docent: & esse verum euidenter colligitur ex ijs quæ quarto fundamento docuimus.

DECIMA positio, praxis sūpta pro ipsa actione directa, hunc in modum a quibusdam definitur. Praxis est actus alterius potentæ ab intellectu, intellectione naturaliter posterior, aptus elici conformiter rectæ rationi, adhuc ut sit rectus. In qua Definitione exprimiuntur nonnulla quæ iam de praxi statuimus; necessario includere duos actus; præcipue consistere in actu ordinato a voluntate elicitō, vel imperato; & solum reperiri in actibus liberis, qui aliter, ac aliter fieri pñt. Vbi nota, duobus modis posse aliquē actū a ratione dirigi, quoad vsum, & quod speciem. Tunc dirigitur ratione vsus, quando dirigitur quantum ad circumstantias, temporis, loci, modi, & personarum; ut si prudentia aliquē moneret, quando, ubi, & quo modo cum aliquo esset disputandum; quæ disputatio posset dici recta, non solum logice, vel dialectice, sed etiam moraliter. Tunc ratione speciei, vel specificationis, ut loquuntur, cum ratio demonstrat quid agendum fugiendumve sit; cum nimirum hoc vel illud faciendum præscribit, unde actus tanquam ab obiecto suam speciem sumit. Iuxta primū modum omnes actus intellectus dirigi possunt; sed hic modus est proprius prudentiæ, quæ est virtus moralis. At vero ordinatio secundo modo sumpta, pertinet ad habitum practicū qui primo regulat voluntatis actus, & consequenter alios. Artes etiam suos actus ordināt determinando, ac præscribendo modum quo opus fieri debet, non moraliter, sed ex arte bonum, & cum regulis artis consentaneum. Ex quibus colligeres, praxim esse duplicem, actionis, vel morum, & effectiōnis, siue artis; illius finis est honesta vita, & agentis bonitas, huius verò opus bonum & laudabile secundum artem; quarum partium prior ad Philosophiam pertinet, posterior vero minime, ut supra docuimus.

At vero alij hunc in modum praxim definiunt. Praxis est actus secundus intellectus practici, ab obiecto agibili, quatenus tale, productus, & efficaciter operationes facultatis motricis, siue internæ, siue externæ
ad

ad bonum commune dirigens. In qua definitione
causas proximè conficientes (per has enim accidentia
definienda sunt) contineri dicunt: Materiam, his ver-
bis, intellectus practici: efficien-tem, his, ab obiecto
agibili; nam obiectum agibile apprehensum, est causa
praxis, cuius executio consistit in efficacia voluntatis
impellentis potentias motiuas: finem, cum dicitur, ad
bonum commune. Cuius definitionis maior explicatio
petenda est ex ijs quæ adnotauimus.

1. post. 1.
4.
1. de an.
c. 1.

*An distinctio scientiæ in practicam & specula-
tiuam sumatur ab obiecto, vel a fine, &
vtra magis proprie dicatur scientia.*

Cap. XII.



DX ijs quæ proximo capite de natura
praxis, & speculationis docuimus, facile
intelligi potest, allatam scientiæ distin-
ctionem & ab obiecto, & a fine sumi. Ab
obiecto quidem, quia obiectum scientiæ
speculantis est aliqua res necessaria vi
naturæ existens, practicæ, id quod a nobis efficitur: a
fine vero, quia finis theoricæ est cognitio, actiuæ ope-
ratio: sed ab vtra re magis sumatur, in dubium reuoca-
ri potest. Et quod magis sumatur ab obiecto, quàm a fi-
ne, his rationibus demonstratur.

P R I M O, scientia, vt supra docuimus, suam speciẽ
sumit ab obiecto; igitur & eiusdem diuisio inde sumẽ
da erit.

S E C V N D O ex Aristotele, qui practicam notitiam **Lib. 6.**
ea de causa a speculatiua distinxit; quod illa uersetur eth,
in ijs, quorum principium est in nobis, hæc vero in ijs
quorũ principia non sunt in nobis: cuiusmodi est obie-
ctum de quo est scientia: quare ex obiecto earum sumã
da erit distinctio.

T E R T I O, medicina diuiditur in practicã & spe-
culatiuam, quæ tamen tota refertur ad operationem:

ergo talis distinctio, nō a fine, qui vnicus est, sed ab obiecto petita erit, quod est partim practicum, partim speculatiuum: atque idem de distinctione Philosophiæ dicendum erit.

OB allatas rationes aliquis facile existimaret hanc distinctionem potius ex obiecto, quam ex fine perpendendam esse: Alij vero contra sentirent, quorum opinio, quia est magis cum ratione consentanea, magis retinenda est, vt in positionibus docebo, si prius vnicum posuero fundamentum.

NO T A N D U M itaque est, in quacunque scientia siue practica, siue theorica tria considerari posse, obiectū, finē, & procedēdi modū; quorū duo priora sunt sciētix intrinseca, alterū nō item: quia mutari potest cum scientia, alias practica, tradi possit modo speculatiuo, vt Aristoteles moralem Philosophiam tradidit, & speculatiua modo practico. Quare, si aliqua scientia careat suo procedendi modo, ab obiecto & fine qualis nā sit iudicanda erit. Explico, si Physica procederet modo practico, magis dicenda esset speculatiua, quam practica; quia habet obiectum & finē speculatiuum. Quāuis ad plenam scientiæ practicæ, vel speculatiuæ rationem, omnia iam dicta desiderentur. Tunc autem modus procedendi censetur speculatiuus, quando scientia procedit per resolutionem, per diuisiones, definitiones & demonstrationes: practicus vero contra, cum procedit per compositionem, per præcepta, & per actionum directionem, rerum causis & principijs omissis, Hoc posito fundamento, sequentes adstruo positiones.

D. Tho. **P**R I M A positio, scientiæ distinctio in practicam opus. 73 & speculatiuam, magis sumitur a fine, quam ab obiecto; quæ positio his confirmatur rationibus. Primo, Aristotelis auctoritate, qui distinctionem intellectus practici, & speculatiui sumpsit a fine: igitur ab eodem sciētix distinctio sumenda erit. Secundo, scientia practica & speculatiua diuersos habent fines, quibus positae, ipsæ ponuntur, & illis sublati, tolluntur: quare earum distinctio

distinctio præcipue a fine sumenda erit. Cum dicimus scientiæ distinctionem sumendam esse a fine, intellige non de fine scientis, hoc est eius qui scientiam habet, quia ex hoc capite varios posset habere fines: sed de fine ipsius sciētiae proprio, qui sumitur ab eius propria operatione circa proprium obiectum. Vnde infero, scientiam quando versatur circa obiectum modo speculatiuo, & obiectū est speculabile, debere habere finem speculatiuum: quando vero uersatur circa illud modo practico, debere habere finem practicum. Rursus allata distinctio sumenda est a fine proximo, non a remoto: tum quia omnes habitus per actus & fines proximos specificantur: tum quia alias nulla daretur scientia quæ esset proprie & per se speculatiua, cum omnia in Deum, tanquam in finem remeent. Finis itaque intrinsecus, ut est ille ad quem scientia sua natura ordinatur, distinguit scientiam in has duas partes.

Dion. c. 4. de di-
ui. nom.

SECVNDA positio, allata distinctio aliquo pacto sumitur etiam ab obiecto. Quoniam finis intrinsecus, qui est huius distinctionis ratio, pendet ab obiecto: ob quam causam Aristoteles interdum dicit, hanc distinctionem sumi ab obiecto, interdū a fine: cum ab utroque sumatur, sed magis a fine. Cum ergo scientia in has duas diuidatur formas, peteret hoc loco quispiam, an ad perfectam scientiæ rationem requiratur quod sit speculatiua. Et quidem Aristoteles agendo de scientia, nullibi expresse docuit, esse de perfectione scientiæ, quæ sit speculatiua: ut omittam, quod scientiæ absolutio in eo sita esse videtur, ut sit per causam, quod æque speculanti & agenti conuenit scientiæ. Ut huic petitioni satisfaciam, animaduertendum est Aristotelem varijs in locis egisse de scientia, & varias eiusdem assignasse condiciones. Verum quid de eius natura senserit, ex iis quæ in ethicis scripsit spectandum esse videtur. Nam cum de hac sciētiae distinctione alijs in locis mentionē facit, se de hac re in ethicis egisse ait: ut constat ex primo capite primi Metaphysici: & alibi scriptum reliquit,

Lib. 1.
post.
Lib. 11.
met.
Lib. 6.
eth. c. 4.

quit, pertinere ad philosophum moralem docere, quo modo intellectus & scientia differant. Quare censendum est ex citato loco potissimum spectandum esse, quod de re proposita Aristoteles senserit.

TERTIA positio scientia proprie dicta, requirit hanc conditionem, ut sit speculatiua. Primum ex citato loco hunc in modum hanc positionem probare licet. Primo, quia, ut diuidat habitus intellectus, distinguit partem rationalem in duas; quarum una versatur circa obiectum necessarium, quod non potest aliter se habere; altera circa obiectum contingens, quod aliter esse potest; illam vocat facultatem sciendi, hanc consultandi: quoniam non capimus consilium de rebus necessariis, sed de iis quæ a nobis fieri possunt. Secundo, ibidem meminit harum facultatum, & unam vocat speculatiuam aliam practicam, & ait illius finem esse veritatem cognoscere, huius vero opus, quod congruit cum recto appetitu. Tertio, recenset quinque habitus intellectus quibus dicitur verus, & duo assignat eius obiecta, necessarium, & contingens, & ait circa illud versari facultatem sciendi & intellectum speculatiuum, circa hoc uero facultatem consultatiuam siue intellectum practicum. In intellectu speculatiuo tres ponit habitus, scientiam, quæ est notitia conclusionis, intellectum, qui est cognitio principiorum, & sapientiam quæ utranque notitiâ includit. In intellectu practico duos ponit habitus artem, & prudentiam: illa versatur in actionibus externis quarum perfectio non pender a voluntate bene affecta, hæc vero in internis, quæ proxime a voluntate pendent. Ex hoc itaque loco colligere licet, scientiam proprie sumptam debere esse speculatiuam, cum sit in intellectu speculatiuo, de obiecto necessario in quo versatur ea animæ pars, quæ sciendi facultas nominatur.

- I. Met.** Secundo, idem confirmares ex alio eiusdem Aristotelis loco, in quo ait, prius fuisse inuentas artes necessarias & utiles, & postea eas, quæ cognitionis gratia expectantur, cuiusmodi sunt illæ, quæ proprie scientiæ nominantur.

mittuntur. Tertio, idem probari potest ex definitione philosophiæ ab eodem tradita, qua dicitur, Philosophiā esse cognitionem veritatis; quia finis speculatiuæ est ueritas, practicæ vero opus. Nam, licet scientia, practica consideret aliquarum rerum naturas, non tamen secundum se, sed ad aliud, & aliquo tempore. Huc facit quod alio loco dixit, illam esse maxime scientiam, quæ est sui gratia. Quarto idem confirmare ex alio loco, in quo dixit Philosophiam naturalem esse speculatiuā & proprie scientiā: quia considerat ea quæ habēt principia in seipso. Denique, huc facit, quod idem dixit, fabricum & Geometram considerare angulum rectum, sed non eodem modo; illum ut agat, & ideo nō habere proprie scientiam, hunc secundum se, & ob id habere proprie scientiam.

2. Met.

t. 3.

1. Met.

c. 2.

Lib. 11.

met.

Lib. 1.

eth. c. 7.

NEQUE obstat quod dicebatur, Aristotelem nullibi mentionem fecisse de hac conditione, quia quid sentiendum sit, haud obscure insinuauit, in definitione scientiæ, cum dixit, debere esse de obiecto necessario, cui illud est proprium, ut pertineat ad eā partem, quæ sciendi facultas nominatur. Et esto, nullibi meminerit, non ideo concludere licet, non pertinere ad scientiam. Denique in ethicis meminit, & alibi supponit quæ in ethicis docuit. Quod vero addebatur, perfectionem scientiæ in eo tantum consistere, quod sit per causam, dicimus id non satis esse, sed oportet ut sit de obiecto necessario, & sui gratia.

VLTIMA positio, habitus practicus varie diuidi potest. Cuius prima diuisio est in prudentiam & artē: Prudentia est virtus quæ versatur in illis operationibus, in quibus potest esse ratio virtutis & vitij; ars vero in alijs operationibus quibus conficitur opus bonū, nulla habita ratione vitij, vel virtutis, & non supponit uoluntatem bene affectam.

AD maiorem explicationem eorum, quæ de distinctione scientiæ, siue Philosophiæ hucusque diximus, animaduertendum est, cum vniversa Philosophia diuiditur

D. Tho. diuiditur in practicam & speculatiuam, spectari homi-
 nis finem, ad cuius consequutionem cōparata est Phi-
 losophia : & cum finis hominis sit cognitio veritatis ,
 opusc. & honesta vita, ideo Philosophiæ partes erunt, vel spe-
 70. q. 5. culatiuæ, vel practicæ, sicuti duplex est felicitas, alia
 practica, alia speculatiua. Propterea antiqui eam di-
 uiserunt in moralem, quæ est practica, & in naturalē,
 & rationalem, siue logicā, quæ sunt speculatiuæ. Quā
 diuisionem alij amplificantes, ista tria membra in alias
 partes subdiuidunt. Naturalem, in Physicam specialē,
 quæ agit de rebus motui subiectis, in Mathematicam,
 & Metaphysicam, siue Theologiam: Ethicam, in scienti-
 am de moribus singulorum, in Oeconomicam, & Po-
 liticam: Logicam vniuersæ sumptā, vt continet etiā
 artes sermocinales, in Grammaticam, Rhetoricam, &
 Dialecticam. Mathematicam etiā in Geometriam,
 Arithmeticam, Astrologiam, & Musicam: de quibus
 infra accuratius dicetur. Ex his quattuor, cum tribus
 rationalibus, siue logicis septem faciunt artes libera-
 les, cum omnes aliquam praxim vsunque ad humanā
 vitam accommodatum habeant. Ideo autem aliquæ
 artes dicuntur liberales quod uersentur in animæ, &
 rationis operibus, est enim anima libera & corporis
 domina, vel quia sunt libero homine dignæ: in quas
 olim homines ingenui, tum apud Aegyptios, tum
 apud Romanos, operam dabant: sic enim antiquitus
 comparatum erat, ut homines nobili loco nati hone-
 stas profiterentur artes, vt sunt illæ, quæ aliquid ma-
 ioris industriæ, & ingenij requirunt, quibus opponun-
 tur aliæ, quæ mechanicæ & seruiles uocantur, quia ad

D. Tho. corpus pertinent, & in corporis usu potissimum consi-
 opusc. 70 stunt, quæ hoc disticho continentur.

q. 5. a. 1. *Lana, nemus, miles, nauigatio, rus, medicina,
 Theatrum socia; sunt hæc mechanica dicta,*

Hoc est, lanificium, venatio, militia, nautica, agricul-
 tura, ars medica, & theatralis. Vnde mechanicus di-
 citur opifex earum rerum, quæ ingenio simul & ma-
 nibus

nibus fiunt, ἀπὸ τῆς μηχανῆς, quod inuentionem significat. Vnde proprie ars mechanica, non dicitur illa, quæ est sordidior, & solius lucri gratia exercetur. Et vt inter liberales vna est magis ingenua, quam alia, ita inter mechanicas, alia magis, alia minus ad liberales accedit: quas olim prius discebant, vt essent quasi aditus ad scientias speculatiuas. Sed de his pro nostro instituto satis: ad argumenta respondeamus.

A d primum, concedimus sumi etiam ad obiecto, & ut aliqui loquuntur, originaliter. Prima enim radix practici est obiectum practicum, & ideo finis est practicus: sed plena ratio habetur a fine; qui nisi esset practicus, scientia non esset perfecte practica. Modus autem procedendi est tanquam propria passio, quæ sequitur finem, & obiectum: & vbicunque vtrunque est practicum, si procedendum est modo rebus congruente, modus debet esse practicus.

A d secundum, concedimus bonam distinctionem sumi posse ex eo capite, quod tamen reuocatur ad obiectum & finem. Ideo enim scientia practica versatur circa ea, quorum principia sunt in nobis, quia habet obiectum & finem practicum.

A d tertium, tota medicina, proprie loquendo, est practica: quod si vocatur speculatiua, id fit, quia nonnulla tractat modo speculatiuo, vel quia magis accedit ad scientias speculatiuas, in quibus eam nonnulli Bur.
reponunt.

An esse practicum & speculatiuum sint duæ differentie essentialis scientiæ. Cap. XIII.



I R C A allatam scientiæ diuisionem illa nobis difficultas enodanda restat, qualis sit ista diuisio, an essentialis, an vero accidentalis: & quod sit accidentalis his rationibus demonstratur.

P R I M O, ex Aristotele diuersorū Cap.4.
generum, diuersæ sunt specie differentiæ: & ita dif- Antip.
ferentiæ

6. Meta. cap. 1. ferentia reuocantur ad prædicamentum sui generis: quo fit, ut differentia entis absoluti non sint aliquid respectuum: sed esse practicum & speculatiuum dicunt relationem ad finem & obiectum: ergo non possunt esse duæ diff. entis essentielles scientiæ, quæ est quid absolutum. Confirmatur ex Aristotele dicente, has esse differentias habitus, qui est genus ad scientiã: non erunt igitur differentia ipsius scientiæ.

SECUNDO, scientia est quid reale, speculatiuum vero est quid negatiuum, dicit enim id quod non ordinatur ad opus, seu negationem ordinis ad opus: quare cum dicat negationem, non poterit esse alicuius rei differentia, quæ cum naturam constituat, debet esse res aliqua.

Platin. TERTIO, scientia cum sit quid absolutum ponitur in prædicamento absoluto qualitatis: at speculatiuum & practicum dicunt aliquid respectuum: igitur in alia ponuntur categoria, a scientia diuersa: & ita non poterunt esse differentia entis absoluti.

Lib. 1. POSTREMO, practicum ordinatur ad speculationem, ac proinde aliqui reprehenderunt Aristotelẽ quod duo posuerit summa bona, vnum in virtute & actione, & 10. alterum in contemplatione, cum illud ad hoc sua natura referatur: at vna differentia non potest referri ad In prol. aliam non erunt igitur vere differentia.

sen. q. 2. IN hac difficultate est prima opinio Thomistarum ar. 3. ad qui putant esse differentias accidentales, quamuis inter se non omnino consentiant Nam Capreolus, ait esse 6. se accidentales simpliciter. Dominicus de Flandria dicit esse extrinsecas, sed si consideretur scientia secundum habitudinem ad illas, ait practica & speculatiua specie differre. Pauus Sôcinus ait esse essentielles, met. q. vt sumuntur ab obiecto, accidentales vero vt sumuntur ex fine.

Lib. 6. SECUNDA opinio Ianduni, qui docet esse differentias essentielles, non vt habent respectum ad obiectum, vel finem, sed vt dicunt id a quo talis oritur respectus.

ſpectus. Idem videtur ſentire Sueſſanus: qui ſcribit ſciē-
tiam conſiderari poſſe, ut dicit quid abſolutum, & vt
ponitur in categoria qualitatis, & ſic ſunt differentiæ
accidentales: uel ut ſcientia eſt, & vt dicit ordinem ad
obiectum, & ſub hac ratione ſunt eſſentiales. Atq; idē
ſentire videntur Dominicus, & Paulus, licet nomine
differant. Vt huic difficultati ſatiſſiat, hæc ſtatuo fun-
damenta.

PRIMUM fundamentum, relatiua ſecundum dici,
vt talia ſunt, cum non dicant purum reſpectum, ſed pri-
mo & per ſe aliquid abſolutum, ex quo tamen exori-
tur reſpectus aliquis, qui reuocari poteſt ad categoricā
ſui abſoluti, non ponuntur in ordine relatiuorum. Ex-
plico, potentia dicit ordinem intrinſecum ad obiectū,
qui ordo reuocari poteſt ad prædicamentum ipſius po-
tentię, quæ non dicit purum reſpectum, ſed includit
aliquid abſolutum, eſt enim qualitas quædam, quæ ta-
men non poteſt concipi ſine aliquo ordine: quia ſi eſt
potentia, alicuius erit potentia. Vnde ſit, vt reſpectiuū
eſſe poſſit de eſſentia rei abſolutæ, vt patet de materia
prima, de cuius eſſentia, vt Philoſophi docent, eſt ordo
ad formas: qui ordo eſt relatio quædam transcendentia-
lis, vt dicunt. Idem dicas de acciden i reſpectu ſubſtā-
tiæ, & de quauis potentia reſpectu ſui obiecti. Et quo-
niam ſcientia eſt quidā habitus, neceſſario dicit ordinē
ad obiectū, qui ordo erit quiddā ei intrinſecum & eſ-
ſentiale. quare ordo ille dabit ſpeciem ſcientiæ. Eſt au-
tem hic ordo relatio quædam ſecundum dici: & ideo
aliquid reſpectiuum poterit eſſe de ratione ſcientiæ:
quod etiam affirmant auctores prioris ſententiæ. Eſt
enim opinio certiffima omnium Peripateticorum, po-
tentias & habitus ſpecificari per actus, & actus per ob-
iecta: quæ ſpecificatio non fit niſi per ordinem, ac pro-
inde ordo erit quid eſſentiale. Atque ex his haud ob-
ſcure intelligi licet, falſum eſſe fundamentum eorum
qui dicunt, practicū & ſpeculatiuum non eſſe differen-
tias eſſentiales, quia dicunt reſpectum; cum hic reſpe-
ctus,

Etus, vt diximus, sit essentialis humanæ scientiæ, cuius natura pendet ab obiecto, a quo nostra scientia sumitur, & gignitur. At vero practicum & speculatiuum vniuerse sumptum, non differunt specie, quia diuina scientia est simul practica & speculatiua, & habitus fidei æqualiter inclinatur ad omnes veritates credendas, tum practicas tum speculatiuas.

Arist.
6. eth.

SECUNDVM fundamentum, ideo scientia recte diuiditur in practicam & speculatiuam, quia nullam est assignare scientiam, quæ sub vnum ex his membris non cadat; quanquam hæ differentiæ, etiam conueniant habitui intellectus, cum omnis huius ordinis habitus sit, vel practicus, vel speculatiuus: scientia, sapientia, & intellectus sunt habitus speculatiui; ars vero, & prudentia practici. Quod si scientia proprie sumatur pro ea notitia, quæ simpliciter vocari potest scientia, aliqui reperiuntur habitus cognitionis, qui non sunt proprie practici, vel speculatiui, neque ad illos reuocantur; ut humana fides, & opinio, quibus deest medium necessarium: & vt quibusdam placet, etiam logica, cui deest obiectum practicum, uel speculatiuum. Hic non est sermo de scientia stricte sumpta, quia vna tantum datur scientia, nimirum speculatiua: sed de scientia ut cõplectitur etiam morales scientias, quæ vere possunt vocari scientiæ, cū includant cognitionem certam, & indubitam de rebus eis subiectis. Quare, difficultas est, an hæc differētia quæ reperitur in practicis, faciat eas differre essentialiter a speculatiuis: quæ differentia, vt supra docuimus, sumitur potissimum ex fine & ex obiecto, & ita vtrunque requiritur ad scientiam practicam vel speculatiuam cõstituendam. His notatis, ad positiones pergamus.

PRIMA positio, practicum & speculatiuum essentialiter differunt, &, si proprie sumantur, ab eodem habitu acquisito se excludunt. Primo, scientia practica & speculatiua specie differunt, vt est probatum: at non differunt nisi per practicum & speculatiuum: sunt igitur differen-

differentiæ essentialiter distinctæ. Secundo, praxis essentialiter differt a speculatione, quia speculatio est solius intellectus operatio, praxis vero, vt supra docuimus, non est actus intellectus, quâuis eū includat. ergo practicum & speculatiuum; quæ differunt per praxim & speculationem inter se essentialiter different. Tertio idem probatur ex proprijs rationibus practici & speculatiui: nam practicum est illud quod ordinatur ad opus, & non est sui gratia, speculatiuum vero contra: sed illæ duæ rōnes inter se essentialiter differunt: igitur & illa in quibus reperiuntur eadem rōne different. Cōfirmatur, contradictoria differunt essentialiter; sed esse practicum & speculatiuum sunt contradictoria igitur. Postremo, esto scientias speculatiuas non distingui essentialiter a practicis; non propterea sequitur, has duas differentias, inter se non esse essentialiter distinctas: sicuti, licet homo albus, & homo niger non differant inter se essentialiter: tamen albedo & nigredo sunt duæ res essentialiter distinctæ.

SECUNDA positio, scientiæ diuisio in practicam & speculatiuam, est essentialis. Primo hanc doctrinam probare licet ex Aristotele, qui varijs in locis diuidit Sot. q. primo scientiam in has duas formas: at bona diuisio 4. proœ. fieri debet per oppositas differentias; igitur: Omne in logi- enim genus prius diuiditur in differentias essentielles; cam & postea in accidentales. Cum ergo scientia primo di- Lib. 6. uidatur in practicam & speculatiuam, ista diuisio de- eth. Por- bet esse essentialis. Confirmatur, prima diuisio fieri de- phyr. c. bet in membra maxime opposita: hoc autem fit, cum de diffæ. diuidimus per differentias essentielles: igitur. Secundo, ab eodem res aliqua habet vnitatem & distinctionem: ergo cum scientia distinguatur essentialiter ab obie- cto, & ex eodem sumatur ratio practici & speculatiui, istæ differentiæ facient distinctionem essentialem. Quod sumptum fuit, est certissimum, quia ab eo a quo habetur entitas, habetur etiam vnitās: etenim eo ipso, quo res est, vna est. Tertio, scientia speculatiua ha-

bet obiectum, actum, & finem distinctum a practica: igitur ab ea essentialiter differt. Consequentia patet, quia ab illis tribus sumitur scientiæ distinctio: antecedens est manifestum ex dictis. Quarto, scientia practica est de re contingenti, quæ potest aliter se habere, speculatiua vero de re necessaria: atqui ista inter se essentialiter differunt: igitur & scientiæ, quæ circa ista versantur. Postremo, scientia speculatiua est proprie & simpliciter scientia, practica vero non item, vt supra docuimus, igitur.

LIB. 6. TERTIA positio, allatæ differentiæ non conuertuntur cum scientia, nisi addatur particula, scientia. Quoniam primo conueniunt habitui, quo cum simpliciter conuertuntur: dantur enim quædam notitiæ practiciæ, vt ars & prudentia, quæ non continentur nomine scientiæ. Hanc doctrinam colligere licet ex Aristotele, qui ait, omnem habitum perficientem intellectû, esse practicum, vel speculatiuum. Ex his colligeres, practicum & speculatiuum non esse differentias vltimas; quia sub vtroque membro continentur plures partes, .i. plures habitus speculatiui, & plures practici. Vnde aliqui inferunt, esse accidentales differentias, sumptas ex ordine, quam habent ad obiectum. quare dici posset, esse accidentales, sed inseparabiles, sicut esse bonû & malum in actibus humanis.

LIB. 1. QUARTA positio, scientia proprie sumpta dicitur analogice de practica & speculatiua. Primo patet ex Aristotele, qui ait Philosophiam recte dici speculatiuam & scientiã, quia non ordinatur ad opus: supponit .2. & lib. ergo scientiam primo dici de speculatiua; alias enim .2. ca. 1. nihil conficeret, si vniuoce de vtraque diceretur. **LIB. 1.** Secundo, scire est rem per causam cognoscere; quod per post. t. 5 se conuenit scientiæ speculatrici, practiciæ vero, vt ha. 2. Met. bet speciem speculatiuæ, & nonnullas continet speculationes. Ideo qui non habent scientias practicas, non **LIB. 2** appellantur simpliciter scientes, vel sapientes, sed prudentes: at qui habent speculatiuas, vocantur simpliciter

ter sapientes. Tertio, obiectum scientiæ debet esse aliquid certum, & necessarium: at practica habet obiectum contingens: ergo non conueniunt in vna ratione vniuoca. Quod si dicas, id esse verum inicientijs practicis cum versantur circa singularia, non autem quando docent præcepta vniuersalia, vt accidit in Philosophia morum, Respondeo, etiam res vniuersales in moribus esse contingentes; quia ex se possunt aliter esse & fieri. Deinde, scientia practica quo magis accedit ad singularia, eo est perfectior; at res particulares, sunt maxime incertæ: igitur. Vnde sermones vniuersales in practicis dicuntur esse inutiles: ac proinde in rebus ad mores pertinentibus, vt in sancendis legibus; singularia relinquuntur prudentiæ boni viri, cum de illis certa & immutabilis regula tradi non queat. Quarto, scientia est perfectio quædam humani intellectus, qui per se prius & magis perficitur per contemplationem, quàm per notitiam practicam, quæ perficit cum ordine ad opus: igitur. Quinto, scientia practica pèdet a speculatiua ratione cognitionis; vt patet inductione: nam practicæ continent vel artes mechanicas, vel doctrinam moralem: mechanicæ subalternantur Mathematicæ, & morales scientiæ de anima: at scientia non dicitur vniuoce de subalternante & subalternata: igitur.

Q V I N C T A positio, speculatiua scientia est prior natura, & certior, & nobilior quam practica. In hac positione tria statuimus, quæ sic probantur. Primum patet ex eo quod intellectus speculatiuus est prior intellectu practico; & practica scientia pendet a speculatiua igitur. Secundum est manifestum, quia speculatiua, habet obiectum necessarium, practica vero contingens; & certitudo practicæ pendet a certitudine speculatiuæ subalternantis: igitur. Tertium probatur, quia speculatiua habet propter quid; practica autem, vt talis, non item: at illa scientia quæ habet causam censetur nobilior, ex Aristotele: igitur. Adde etiam, quod

Lib. 1.
eth. c. 2.
Lib. 6.
eth. c. 2.
Lib. 2.
Rhet. c.
1.

Lib. 1.
met. c. 2

liorem; Quod si obijcias, Mathematicas, quæ sunt speculatiuæ, esse ignobiliores moralibus, quia hæ agunt de humanis actibus & de summa felicitate, quæ materia est longe nobilior, quæ quantitas quæ Mathematicis est subiecta; igitur erunt ignobiliores. Respondeo, hoc argumento solum probatur, esse ignobiliores secundum quid, sicut opinio de rebus supremis censetur nobilior scientia de rebus infimis: at Mathematicæ sunt nobiliores ratione modi sciendi & finis. Argumenta in contrarium allata sic solueres.

Ad primū, relatiuum secundum dici, ponitur reduciue in prædicamento sui absoluti; sicut differentia in categoria sui generis. Ad confirmationem, concedimus non esse differentias conuertibiles, vt supra diximus, possunt tamen applicari scientiæ, & in illa facient distinctionem essentialem.

Ad secundum speculatiuum dicitur id, quod est gratia sui & designat aliquid in re, licet explicetur per negationem praxis.

Ad tertium, respectiuium secundum dici potest esse de essentia absoluti, vt contingit in omnibus habitibus & potentijs; vnde argumentum solum concludit de relatiuo, seu respectiuo, cuius totum esse, est esse ad aliud, quod in sua ponitur categoria. Rursus, speculatiuum & practicum possunt dici differentię essentiales ratione fundamenti, ad quod sequitur relatio, vt in positionibus diximus.

Ad quantum, species vniuocæ non ordinantur inter se, in analogis vero posterius analogatū ordinatur ad prius: scientia autem dicitur analogice de speculatiua & practica. Rursus, practicum non refertur intrinsece ad speculatiuum, tanquam ad finem: pendet tamen ab illo, vt scientia subalternata a subalternante. Atque de diuisione scientiæ in speculatiuam & practica hucusque.

*An Physica, Metaphysica, & Mathematica sint tres
scientiæ distinctæ totales, an uero vnius
scientiæ partes. Cap. XIII.*



NON me fugit, quam late a quibusdam
neotericis scriptoribus de subiecta ma-
teria disputatum fuerit: sed mei insti-
tuti memor, quæ alij multis sunt pro-
sequuti, ea paucis complectar; nihil ta-
men quod rem contineat, omittam. Cû
ergo de prima scientiæ humanæ vniuersæ sumptæ di-
stinctione, supra egerimus; nunc sequitur vt de altera,
quæ apud Peripateticos est celebratissima agamus,
qua scientia speculatrix in tres diuiditur partes, in Phy-
sicâ, Metaphysicâ, & Mathematicâ, de qua a recen-
tioribus in dubium reuocatum fuit, sit ne diuisio ge-
neris in tres scientias omnino inter se distinctas, tan-
quam in tres species; an uero vnius scientiæ in tres
partes, ad eum modum, quo scientia Logica diuidi
posset, in eam quæ agit de definitione, de propositione,
& de syllogismo, vel argumentatione; & physica in
eâ quæ agit de cælo, de elementis, & de mixtis; quæ partes
vnâ totalem conficiunt scientiam, ratione vnius obie-
cti formalis, quod est corpus naturale, vel mobile. Et
quod sint partes vnius communis scientiæ, & non scien-
tiæ inter se omnino distinctæ, his rationibus suaderi
potest.

Lib. II.
Met.

PRIMO, ex quibusdam locis Aristotelis; Quarto
Metaphysico, particula secunda, dicitur, eiusdem esse
scientiæ considerare ens & species entis, & species spe-
cierum entis; vnâ igitur erit scientia, quæ omnes res
considerat. Cõfirmatur exemplo quo Aristoteles vti-
tur; vt enim vna Grammatica, est vna omnium vocum
quæ aliquid significât; ita vna scientia omnium rerum;
at vna Grammatica considerat omnes voces vniuersæ,
& particulariter; ergo & vna scientia omnes res vni-

uersas & priuatas. Rursus, vt est vna scientia quæ considerat album, & nigrum, & omnia colorata in particulari; ita vna scientia quæ considerat res omnes. Quarto Metaph. particula sexta, ita ait, qua propter & eius quod est, vt ens est, quæcunque sunt species vnus & scientiæ genera, & species specierum contemplari. Itē,

4. Met. t. I. vndecimo Metaph. summa secunda, capite secundo, ait istas tres scientias esse partes vnus scientiæ; & alio loco scribit, Physicam & Mathematicam considerare partes entis: sunt igitur partes eius scientiæ quæ versatur circa ens.

Tex. 25. SECUNDO, scientia, quæ est de vno subiecto, est vna, vt ex primo secundæ analysis constat: sed ens reale communiter sumptum est vnum subiectum genere comprehendens sub se omnia entia particularia; igitur eius consideratio pertinebit ad vnam scientiam.

TERTIO, si sunt tres scientiæ totales, maxime quia Metaphysica considerat ens in communi, aliæ vero duæ partem entis, Physica ens naturale, & Mathematica ens quantum: sed hoc est falsum quoniam etiā Methaphysica considerat species entis, Deum & Intelligentias igitur. Confirmatur, vt Metaphysica descendit ad ens immateriale, ita potest descendere ad materiale: & vt Physica considerat ens naturale, & Mathematica ens quantum; ita dari potest vna scientia quæ consideret omnia simul.

Tex. 146. QUARTO, vnus scientiæ est assignare subiecta scientijs particularibus, & considerare illa secundum se: sed Metaphysica diuidit obiecta scientiarum, ergo et illa considerat. Maior patet ex secundo de anima, vbi dicitur, eam potentiam quæ ponit discrimen inter duo debere vtrunque cognoscere: quare, si Metaphysica diuidit scientiarum obiecta, illa considerare debet.

QUINTO, ad eandem scientiam pertinet constitutare seriem prædicamentalem, & eandem constitutam considerare: at, qui talem seriem considerat, omnia,

nia, tum vniuerſe, tum particulariter conſiderati: ergo ſumptio eſt manifeſta, quia in tali ſerie omnes rerum ſpecies continentur, vſque ad ſpecialiſſimas.

S E X T O, & eſt argumentum a pari, vt eſt vna ſcientia Phyſica de corpore naturali, & de omnibus eius ſpeciebus, de cœlo, de elementis, & de ceteris corporibus, ex quibus fit vna ſcientia: cur non etiam conſtituatur vna ſcientia quæ cōſideret ens in comuni, & ens particulare? ne tot multiplicentur ſcientiæ pro rerum particularium varietate.

V L T I M O, omnia entia conueniunt in ratione entis intelligibilis, ergo poſſunt conſtituere vnā ſciētīā: conſequentia patet, quia illa eſt vna ſcientia, quæ vnū habet formale obiectum.

I N hac difficultate fuit prima opinio Antonij Bernardi Mirandulani, quem nonnulli recentiores ſequuntur; quæ explicatur his dictis. Primum, ſcientia ſpeculatiua eſt vna ſpecie omnium rerum, quæ conſiderat ſubſtantiam & accidentia; & ens materiale & immateriale. Secundum, iſta vnica ſcientia, commoditatis gratia, ad tollendam conſuſionem, ut quoddam totum, diuiſa fuit in tres partes integrales, ex quibus vna totalis fit ſcientia. ſicut ex quattuor partibus Grammaticæ, quæ ſūt orthographia, proſodia, ætymologia, & ſyntaxis, vna fit Grammatica. Quarum prima conſiderat ens commune & ſpecie entis in comuni, & Deum, atque Intelligētiās, quæ Metaphyſica vocatur: ſecūda ens quantum, & eius ſpecies, quæ Mathematica nominatur: tertia conſiderat ens naturale; & eius partes, quæ dicitur Phyſica. Tertium, iſtæ tres partes ſcientiæ ſecundum ſe conſideratæ, non poſſunt proprie vocari Philoſophia, ſed partes illius. Quartū, quamuis iſta diuiſio, vt diximus, facta ſit commoditatis gratia, tamen ſumpta fuit ex natura rerum. Nam ens quantum, magis poteſt abſtrahi a ſubſtantia, quam alia accidentia, habetque multas ſpecies & proprietates quæ de eo demōſtrari queūt; & ideo conſtituit vnā partem Philoſophiæ. Materiale

Lib. 13.
euer.
fin. cert.
ſect. 6.
& ſeq.

autem & immateriale maxime inter se distāt : & ideo, si simul explicarentur, magna esset confusio, ac proinde distinctæ sunt aliæ duę Philosophiæ partes, Physica & Metaphysica. Hęc noua in hunc in modum explicata sententia, vt nonnullos, vt dixi, habuit sectatores, ita & impugnatores quosdam.

Sco. pl. **SEN. q. 3.** SECUNDA sententia priori omnino contraria aliorum, qui putarunt tot esse scientias, quot sunt rationes formales obiectorum, quarum vna non continetur virtute in alia : ita vt non solum de duabus speciebus sint distinctæ scientiæ, sed etiam generis & speciei cum aliæ sint generis, aliæ specierum passiones. Vnde, vt prima sententia sub vnitatem entis, quasi sub quodā toto omnes scientias tanquam partes contineri dixit, ita secunda, iuxta diuersas rationes formales, quarum vna non continet aliam, eas distinguit. Quare, tot erūt scientiæ, quot sunt rationes formales obiectorum, in quibus virtute continentur veritates pertinentes ad aliquam scientiam. Itaque ex hac sententia subiectum alicuius scientiæ debet continere virtute omnes veritates scientiæ.

LIB. 6. **Mer.** TERTIA sententia aliorum, dicentium scientiam non distingui per partes entis, neque per rationes formales obiectorum virtute continentium passiones demonstrabiles, vnde innumere fere oriuntur scientiæ : sed per obiecta formaliter considerata, vt sunt tali vel tali modo scibilia, prout sub vna generica ratione omnia attinguntur in aliqua scientia : vnde oritur illa distinctio speculatiuæ in tria genera de quibus quaerimus. Vt ergo distinctio specifica scientiarum sumitur ab hac, ita re scita, ita generica, a vel ab obiecto hoc, vel illo modo cognito : qua ratione Aristoteles distinxit. Physicus enim nihil definit, vel cognoscit sine materia & motu : Mathematicus vero, ab omni motu & causa efficiēti abstrahit, sicuti etiam a materia secundum rationē : at Metaphysicus, etiam a materia secundum rem : ut planius in fundamentis docebo. Est itaque cōmunis opinio

nio omnium Græcorum; & Latinorum, tres dictas sciē-
tias non esse vnius Philosophiæ, vel scientiæ partes in-
tegrantes, sed tres scientias totaliter distinctas. In eo ta-
men dissentiunt, quānam ratione inter se distinguan-
tur, de qua re postea dicetur. Nec defuerunt, qui ex
Platonis sentētia vnicam tantum faciant scientiam spe-
culatiuam, Metaphysicam nimirum, quam Dialecticā
appellant, quod de rebus physicis ob earum uarietate
non habeatur nisi opinio; & omnes aliæ sint veluti præ-
diæ ad scientiam diuinam; & Mathematica secundum
eundem Platonem non sit proprie scientia. Quare uni-
cam tantum scientiam faciunt, quæ omnia considerat:
cum eius obiectū sit ens, ut ens est, sub quo omnia in-
telligibilia continentur. Vt autem quid in hac difficul-
tate tenendum sit, doceamus, insequentia pono funda-
menta.

Iac.
Maz.

PRIMUM fundamentum, illa ex Aristotelis do-
ctrina vocanda est vna scientia, quæ unum habet obie-
ctum formaliter sumptum, cū de una & eadē re mate-
rialiter accepta uariæ possint esse sciētiæ: ut de quāti-
tate tres illæ de quib. hic disputamus. Quo fit, ut scien-
tiæ unitas & distinctio sumenda sit ab obiecto formali-
ter considerato, cuius principia, partes, species, & pro-
prietates inquirat: ex quarum rerum cognitione per
aggregationem multorum habituum una fit scientia
ob has causas, ut supra diximus. Primo, ob eundem
finem, quo modo scientiæ de humanis actionibus, pos-
sunt dici una scientia, quia omnes pro fine habent bea-
tam uitam. Secundo, ratione principiorum, quia ex ijs-
dem proficiscuntur principijs: quæ causa non reperi-
tur in illis, quæ diuersa habent principia. Tertio, ob eū-
dem modum procedendi, & demonstrandi. Quarto ra-
tione unius obiecti formalis. Et quidem hi duo poste-
riores modi maxime faciunt ad constituendam unam
scientiam. Tunc itaque una dicetur totalis scientia,
quando habet unum obiectum formale; nūtrique pro-
cedendi modum ab alijs distinctum. Etenim scientia
est

est cognitio quædam, quæ necessario dicit ordinem ad obiectum, & ad principia; & idcirco scientia totalis erit illa quæ unum habebit obiectum, quod unum requirit procedendi modum: unde, si obiectum esset idem & modus procedendi diuersus, scientia nō diceretur proprie una. Cæterum, quodocunque erit vnum obiectum formaliter distinctum, semper modus proceden-

1. Post. di erit diuersus. Ideo Aristoteles docendo modum cognoscendi, quando non fit vna scientia, & quæ diuersa dixit, eam esse vnā quæ est vnius obiecti, cuius principia, species, & passionēs considerat: eas vero esse diuersas, quæ habēt principia ita distincta, vt sub vna ratione formali conuenire non queant. Ex quibus colligeres, in constituenda totali scientia, non solum habendam esse rationem obiecti formalis, sed etiam principiorum, ex quibus modus procedendi nascitur: quamuis & principia, & procedendi modus ab obiecto pendeant. Quo fit, vt scientiæ quæ habent obiecta coniuncta in vna communi ratione formali, habeant etiā principia & modum procedendi conuenientem in vna ratione superiore. Quamobrē, vt videatur, an dictæ scientiæ sint totales, videndum erit an earum obiecta conueniant in vna ratione formali.

SECUNDVM fundamentum, ad explicandum id quod diximus de obiecto formali, assignanda sunt triū dictarum scientiarum obiecta. Physica considerat cor-

- Lib. 11. pus naturale, vel mobile, ex ijs quæ nota sunt secundum sensum: cum non abstrahat a materia sensata.
 sum. 3. Quod verò attinet ad modum procedendi in suis definitionibus ponit res sensibiles, materiam & formam;
 c. 1. abstrahit tamen a materia singulari. Ratio huius modi
 phys. t. procedendi ea est, quia quæcunque cognitio debet esse accommodata ipsis rebus: & quia rerum physicarū
 19. se accommodata ipsis rebus: & quia rerum physicarū
 Lib. 11. natura hæc est, vt sint sensibiles, & includant materiam,
 met. loc. propterea, vt tales cognosci, & per materiam definiri
 cit. debent. Quare scientia de corpore naturali, vt naturale, in definiendo & demonstrando vtitur materia ac
 proinde

proinde in principio materiam inuestigat, & per eandē
probat proprietates rerum physicarū. Hinc fit, vt mul-
ta prædicata de re Physica, non demonstrentur in ipsa,
sed in Metaphysica; qui habent causas abstrahentes a
materia. Mathematica vero, quia non habet pro obie-
cto essentias rerū, neque considerat proprietates quæ
ab essentia flutnr, nec etiam causas, aut effectus, sed
solum necessariam connexionem earum affectionum
quæ dicuntur de suo subiecto, hoc est de quantitate
a sensibus abstracta, ideo habet modum procedendi di-
stinctum a physica: & cum non habet veras causas, vt
est omnino certum, nec etiam veras definitiones demo-
strationesq; habebit. Quod dixi, abstrahere a materia
sensili, intellige de puris Mathematicis, non de medijs
inter puras Mathematicas, & Physicam, vt est Armo-
nica & Perspectiua, quæ considerant sua objecta, ut sub
sensum cadunt. At vero Metaphysica, cum habeat pro
obieto rerū quidditates & naturas vniuersas a ma-
teria re & ratione abstractas, procedit per quædā prin-
cipia vniuersalissima & per se nota lumine naturæ, &
habet definitiones & demonstrationes a materia ab-
stractas. Circa cuius obiectum illud animaduertendum
est, quod communiter ab omnibus docetur, eam consi-
derare Deum & Intelligentias, non solū ut entia sunt,
sed etiam in particulari: de qua re non est parua diffi-
cultas. Scientia de Deo & Intelligentijs habet obiectū
valde distinctum a scientia de entē vniuersē sumpto:
quia illa habet obiectum abstractum a materia re &
ratione, cum Deus & Intelligentiæ nec habeant ma-
teriā, nec dicant ordinē ad illā: hæc vero habet obiectū
abstractū a materia solū perindifferētiam. Quare illud
ens quod consideratur in Metaphysica abstractum a
rebus materialibus & immaterialibus, non potest ab-
strahere realiter a materia, sic. n. non conueniret rebus
materialibus, sed consideratur, vt indifferens ad vtrum-
que genus, sicuti animal respectu hominis & equi.
Rursus, obiectum scientiæ de Deo, est distinctum ob
obieto

Lib. 2.
phys. c.
20.

Lib. 11.
met.
sum. 3.
c. 1.

obiecto scientiæ de Intelligentijs : magis enim differt Deus ab Intelligentijs, quam Intelligentiæ ab ente materiali . Quare, si Intelligentiæ faciunt obiectum distinctum ab ente materiali , etiam Deus faciet obiectum distinctum ab Intelligentijs . Modus etiam procedendi in scientia de Deo est distinctus a modo procedendi in scientia de Intelligentijs : & ambo sunt diuersi a modo procedendi in scientia de ente a rebus corporeis abstracto . Deus enim & Intelligentiæ habent modum procedendi, qui non solum non includit materiam, aut rem sensibilem, sed excludit : ens vero , seu scientia de ente, vt ens est, habet modum procedendi, qui neque includit , neque excludit materiam, sed est indifferens . Scientia de Deo habet modum procedendi abstractum ab omni potentia : at scientia de Intelligentijs includit aliquam potentiam . Ex quibus fit, ut hæc tria obiecta non possint pertinere ad vnā & eādem scientiam totalem . Quod si petas , cur Metaphysica consideret Deum & Intelligentias in particulari , cū habeat pro obiecto ens indifferens ? Respondent aliqui, id factum fuisse , quia Deus & Intelligentiæ sunt prima & præstantissima species entis , & entis principia : sed hæc solutio non videtur tollere difficultatē . Nam, si scientia de Deo est totalis & distincta a scientia de ente , non possent simul considerari in eadem scientia : quia hac ratione , scientia transiret ab vno genere in aliud, quod est contra Aristotelem . Dicendum est ergo, scientiam de Deo, & Intelligentijs esse distinctam a scientia de ente , nec considerari hæc enria per se a Metaphysica , sed solum ei fuisse adiuncta commoditatis gratia : quia pauca dici poterant lumine naturali de Deo & Intelligentijs .

TERTIVM fundamentum , tunc una scientia est totalis & diuersa ab alia, quando eius obiectum adæquatum non ordinatur ad obiectum alterius, tanquā principium, vel pars, vel species , vel passio : quando vero refertur aliquo ex dictis modis, nō est vna scientia distincta ,

distincta, sed aliquid illius. Potest autem obiectum *vnus* ordinari ad obiectum alterius dupliciter: primo materialiter, quando refertur, vt res quædam, non sub ea ratione, sub qua consideratur in scientia: secundo formaliter, vt accidit cum obiectum vnus scientiæ ex se ordinatur ad obiectum alterius, & ab illa scientia consideratur sub tali ratione, vel quod idem est, ad illam pertinet, vt ad illud refertur. Porro ad scientiam totalem diuersam, non requiritur vt obiectum adæquatum ipsius non referatur ad obiectum alterius primo modo, sed secundo. Exempli gratia, Mathematica considerat ens quantum in ordinem ad has, vel illas figuras, & proportionem: si quantitas consideretur, vt quædam res est, continetur sub ente reali, quod est obiectum Metaphysicæ: quod tamen Metaphysica non considerat sub eadem ratione, neque ad ipsam, sub tali modo quo consideratur a Mathematica, pertinet, ac promde Mathematica est scientia totaliter a Metaphysica distincta. contra uero, materia prima, quia sua natura ordinatur ad corpus naturale, & suo tali ratione consideratur a Physico, ideo eius cognitio non facit scientiam totaliter distinctam, sed comprehenditur sub Physica.

QUARTVM fundamentum, in hac difficultate non quaeritur an istæ tres scientiæ, sint tres simplices habitus specie distincti: non supra late demonstratū fuit, scientiam totalem esse vnā per aggregationem, & non simplicem habitum; vel qualitatem; sed, an per aggregationem omnium habituum, qui sunt in Physica efficiatur vna scientia totalis distincta: similiter, an ex aggregatione habituum, qui sunt in Mathematica, fiat alia similis scientia, atq; idē dic de Metaphysica: in potius ex omnibus prædictis scientijs vna totalis, & vniuersalissima fiat scientia, quæ cōstet ex alijs tanquā ex partibus integrantes, sicuti ex quattuor partibus vna conficitur Grammatica. His positis fundamentis, quid in hac parte tenendum sit, sequentibus positionibus

positionibus docebo.

P R I M A positio, probabile est tres dictas scientias esse partes vnius vniuersalissimæ scientiæ. Primo, confirmatur ista positio ex auctoritatibus Aristotelis supra citatis, quibus redditur ualde probabilis recentiorum opinio. Secundo, quia rationes quæ in contrariū afferuntur, non omnino conuincunt, sed aliquo pacto solui possunt. Tertio, quia omnia æque bene defendere licet, si vna tantum ponatur scientia, quæ confideret ens reale speculabile, & scibile in communi quocunque modo, quæ postea diuidatur in aliquas partes ad cōfusionem remouendam quare non videtur necessarium vt ponantur plures scientiæ totaliter distinctæ.

S E C V N D A positio, probabilius est non esse vnā scientiam totalem rerum omnium, sed admittendæ sunt plures inter se distinctæ; scientiæ: vnde communis sententia retinenda est, quæ his confirmatur argumentis.

I. Post. Primo, illa est vna scientia, q̄ hēt unū obiectū & unum
t. 43. modū pcedendi, ut Aristoteles docet: sed oēs res non possunt facere vntm obiectum, nec vnum modum pcedendi: igitur. Minor patet, quia physicus necessario debet definire per materiam, & per eandem demonstrare: at scientia quæ agit de Deo, & Intelligentijs non item: cum ergo hæ duæ scientiæ habeāt obiecta & modum pcedendi diuersum, erunt scientiæ omnino distinctæ atque diuersæ. Secundo, ex Aristotele non licet demonstrando transire ab vno genere in aliud genus, hoc est, ab vna scientia ad aliam: quod frustra diceretur, si vna esset omnium rerum totalis scientia: quia in scientia totali ab vna parte ad aliam transire licet, vt in *Physica*, a scientia de elementis ad scientiam de mixtis, & de corpore vniuersæ: vnde secundum contrariam sententiam, liceret transire a *Physica* ad *Metaphysicam*, hoc est in ea tractare res *Physicas*. Tertio, si esset vna omnium rerum scientia, necessario tolleretur sciētiarum distinctio, quam re vera assignauit Aristoteles, & alij omnes approbarunt: non secus ac si quis

tolleret

tolleret species, qui necessario tolleret, diuisionem generis in illas: neque enim partes integrantes alicuius rei sunt eius species. Quarto, vbi sunt obiecta principia, species, & passionēs distinctæ, debent etiam scientiæ esse distinctæ: igitur.

QUOD si dicas, dari vnā scientiam quæ considerat ens in communi, quatenus est intelligibile, & hanc eandem considerare entia in particulari, quia entia particularia sunt intelligibilia, hoc nihil est; quia licet talis scientia detur, & est ipsa Metaphysica, tamen non agit de singulis entibus in particulari, quia solum considerat illa vt intelligibilia sunt, sed non secundum proprias & particulares rationes, secundum quas conueniunt quidem, vt intelligibiles sunt, sed tamen habent multa prædicata particularia, quæ conueniunt illis vt entia particularia sunt, & habent principia, species, & passionēs, modumque procedendi omnino diuersum a Metaphysica, quæ considerat quidem illa vt entia communiter, non autem secundum particulares rationes; quia alias transiret a suo in aliud genus. Postremo, aliqui ita disputant contra Mirandulanum, dum iste auctor, vnā vult statuere scientiam, potius in quadam infinitam multitudinem diuidit: Quia, si Metaphysica considerat ens, & cæteræ scientiæ partes entis sibi sumunt, illa considerabit ens, vt est quoddam genus, & reliquæ eius species; quare, si scientiæ diuidendæ sunt per diuisionem entis, quot sunt entis species & rerum quidditates tot erūt scientiæ: cum ad vnā entis communem & vniuocā rationem reuocari non possint, ens enim non est vniuocum.

TERTIA positio, tres dictæ scientiæ, sunt totaliter distinctæ, non autem partes vnius communis scientiæ. Primo, in his tribus scientijs sunt distincta obiecta formalia, & modi definiendi, demonstrandi, ac procedendi distincti, conuenientes distinctis obiectis, ita vt in aliquo superiore obiecto, & communi modo conuenire non queant; erunt igitur scientiæ totaliter distinctæ,

Sciæ, si quæ diximus, ea totalem distinctionem scientiarum faciunt. Physica enim habet pro obiecto corpus naturale, & procedit per sensata, & per materiam: Metaphysica tractat ens, vt ens, & procedit per principia vniuersalissima, nota secundum rationem: Mathematica considerat nudam quantitatem, & quantitatis accidentia extrinseca, relicta quidditate, nec procedit per causas & effectus, sed per ea quæ habent quandam necessariam connexionem ex suppositione; igitur.

1. post. Tertio, si istæ tres sciæ essent partes unius sciæ, sequeretur, vt supra dicebamus, posse fieri transitum ab vna ad aliam, quod est contra Aristotelem dicentem, Geometram non posse demonstrare, contrariorum eandem esse disciplinam, id quod fieri posset, si vna esset omnium rerum scientia.

t. 20. Quarto, ex Aristotele, qui scientiam diuidit in tres assignatas formas: ergo sunt tres scientiæ totales: consequentia patet, quoniam si non sunt totales, maxime quia sunt partes illius scientiæ, quæ considerat ens, & species specierum entis: at non possunt esse partes illius: igitur. Minor probatur, quia illa scientia quæ considerat ens & species entis, vt patet ex locis citatis ab aduersario, est ipsa Metaphysica: at illæ tres scientiæ non possunt esse partes Metaphysicæ, quia Metaphysica per aduersariū, est pars sciētiæ cōis: ergo ipsa non est scientia communis. confirmatur, quia sequeretur Aristotelem in diuisione posuisse diuisum, & mēbra diuidentia; vt si quis diuidendo animal diceret, Animal, aliud est animal rationale, aliud irrationale, quæ diuidendi ratio, est contra bonæ diuisionis regulas.

Q V A R T A positio, si scientia speculatiua realis diuidatur secundum se, diuidenda est in quinque scientias: in scientiam de Deo, de Intelligentijs, de ente quāto in communi, de corpore naturali, & de quantitate, vt a Mathematica consideratur. Quod attinet ad tres posteriores partes, patet ex dictis: de alijs sic probatur. Primo, quia habent obiecta & modum procedendi

di diuersum quæ duo faciunt distinctionem scientiæ: igitur. secundo, idem probares rationibus adductis ad probandam distinctionem aliarum partium.

S E D contra dicta obijceres, multitudo quæ tractatur ab Arithmetico, differt a quantitate continua quæ consideratur a Geometra: e go faciunt duas scientias totales; & ita Mathematica nõ erit vna scientia, vt nos diximus. Respondeo, vtranque scientiam versari in quantitate, siue sit continua. siue discreta, & habere vnum & eundem modum procedendi, definiendi, & demonstrandi, & ideo non faciunt duas scientias totaliter diuersas, sed sunt partes vnius scientiæ communis: sicut nec scientia de cælo facit vnam scientiã distinctã a scientia de elementis, si considerentur vt corpora simplicia mobilia motu locali.

R V A S V S obijceres, multitudo, vt multitudo, tractatur ab Arithmetico; at sub hac ratione potius pertinet ad Metaphysicum; quia illa multitudo quam Metaphysicus considerat abstrahit a materia per indifferentiam; est enim communis multitudini prædicamentali, & transcendentì, cum reperiatur in omni re: quod si non pertinet ad Metaphysicum, faciet scientiam distinctam. Respondeo, proprietates multitudinis non possunt demonstrari per principia vniuersalissima, quæ sunt in Metaphysica, sed solum per quendam modum mathematicum, & ideo tractatio de multitudine non est metaphysica, sed mathematica. Dico præterea, Arithmeticam non tractare multitudinem communẽ etiam rebus abstractis, sed solum multitudinem prædicamentalem, quæ non abstrahit a materia per indifferentiam, sed solum eo modo, quo obiectum Mathematicæ: quamuis proprietates multitudinis prædicamentalis conueniant etiam proportionaliter multitudini transcendentali. Diceres etiam, multitudinem analogice dici de prædicamentali & de transcendentì; & quia prædicamentalis est primum analogatum, ideo proprietates multitudinis demonstrantur de prædicamentali;

mentali: sicuti motus dicitur analogice de motu rerum incorporatarum, & corpore carentium, & ita proprietates illius prius demonstrantur de motu rerum quæ corpus habent, deinde applicatur rebus spiritualibus.

R V R S V S peteres, cur facta sit vna scientia de quantitate, & non alia de qualitate, deque alijs prædicamentis, cum omnia sint genera generalissima, & proprietates ipsius substantiæ. Respondent aliqui Scoti, accidentia non considerari per se ab vlla scientia, ita vt constituent obiectum illius, vt patet de Mathematica, quæ non considerat quantitatem secundum se, sed substantiam corpoream, quatenus habet quantitatem: non dantur tamen aliæ scientiæ quæ considerent quantitatem vt habet qualitatem, & alia accidentia, quæ omnia tractantur in physica, in qua consideratur substantia sensibilis, complectens omnia alia accidentia. Sed hæc solutio est falsa. Primo, quia scientia Mathematica non considerat substantiam corpoream, sed nudam quantitatem, & ita abstrahit ab ente bono, & a fine. Secundo, quia Mathematica nunquam mentionem facit de substantia corporea; & eius demonstrationes ita concludunt, ac si nulla esset substantia corporea, sed solam supponit quantitatem. Tertio, si consideraret substantiam corpoream, deberet tradere illius species, proprietates, & passionem, hoc enim facit quæcumque scientia, vt Aristoteles docet: at Mathematica ista non attingit: igitur. Postremo, ex allata doctrina, Mathematica confunderetur cum Physica, quæ habet pro obiecto corpus naturale, quod substantia corporea: ergo.

R E S P O N D E N D V M igitur est, diuersam esse rationem quantitatis & aliorum accidentium. Nam quantitas considerari potest sine substantia, vt ab ea abstrahit, alia vero accidentia intrinsece constituunt substantiam sensibilem. Rursus, quantitas habet multas proprietates secundum se consideratas, sine vlllo ordine ad substantiam, quod non habent alia accidentia. Quamuis enim quantitas sit proprietas substantiæ, sicuti reliqua acci-

accidentia: tñ multa ei cōueniunt, vt quātitas est, & vt habet partes extra partes, etiam si non esset proprietas substantiæ. Quo fit, vt quantitas a tribus scientijs consideretur: a Metaphysica vt est ens, & vnū genus generalissimū; a Physica vt est proprietas substantiæ, & secundum propriam naturam; a Mathematica, quatenus habet proprietates quasdam sine ordine ad substantiam. Reliqua vero accidentia considerantur a Metaphysico, & a Physico duobus primis modis; & nullā aliam habent considerationem. Sed iam respondeamus ad argumenta in contrarium allata.

AD primum locum, Aristoteles agit ibi de Metaphysica quæ considerat ens & species entis, quæ ex aduersariorum sententia esset pars illius vnius scientiæ totalis. Quare, aut non datur illa vna scientia, aut hic locus nihil cōcludit, quia ex eo sequeretur illam scientiā quam vocat specialem, esse totalem, quod tamen ipsi negant. Rursus respondeo, eiusdem scientiæ esse considerare ens, & eius species, non in particulari, sed vt entia sunt. Ad confirmationem, exempla nō sunt semper in omnibus similia: quare quod dicitur de Grammatica, non est ita accipiendum, vt sicut Grammaticus considerat omnes voces in particulari, ita Metaphysicus res omnes particulares; hoc enim facit etiam contrarium. Valet ergo exemplum in hoc, quod sicut Grammatici considerant omnes voces, vel vna scientia omnes colores, ita Metaphysicus omnes res, sed differunt in modo, quia Metaphysicus non considerat nisi vniuersaliter. Et quod ista expositio sit ad mentem Aristotelis, patet ex ipso textu: nec enim ait, vnius scientiæ simpliciter esse considerare ens & species entis, sed quot nam, & quæ sint. Pertinet ergo ad Metaphysicū tractare ens & species entis, non quantum ad specificam naturam, sed quātum ad numerum, vt distinguat ens in decem prædicamenta, & in sua inferiora.

SE D instares, scientia ex Aristotele considerat de subiecto principia, species, & passionem, ita vt confide-

ret illas secundum suam naturam: at Metaphysica habet pro obiecto omnia entia; ergo. Respondeo, scientiam considerare omnia ista quando continentur sub eadem ratione formali; at entia in particulari non continentur sub obiecto formali Metaphysicæ, nimirum secundum prædicata communia, ut patet de Physica, quæ non considerat formam humanam ut ens est; alias enim confunderentur scientiæ, ut speculatiua cum practica, puta Medicina cum physica, cum illa tractet corpus ut sanabile, quod est species corporis naturalis. Neque secundus locus concludit, ad quem patet responsio ex dictis. dicendum itaque est, considerare species entis in communi. Quod attinet ad tertium locum, Aristoteles nomine scientiæ intelligit Metaphysicam, quæ agit de causis vniuersalissimis. Quare, si argumentum aliquid probaret, concluderet Physicam & Mathematicam esse partes Metaphysicæ, quod est contra aduersarium. Ideo illæ scientiæ appellantur partes vnius, quia habent idem obiectum materiale; omnia enim entia, sunt species entis. Vnde ait, primam philosophiam non considerare entia propria secundum se, sed quatenus entia sunt, in communi nimirum: hoc autem non tollit quoniam scientiæ inferiores sint scientiæ totales. Sicut eadem ratione dicere possemus, Mathematicam esse partem physicæ ratione subiecti materialis, quatenus spectat ad Physicum considerare quantitatem, quam tamen sub alia ratione tractat. Ex quibus patet etiam ad vltimum locum: quia Physica & Mathematica considerant partem entis materialiter.

Arist. 2.
Phys.

Ad secundum, ens est vnum analogice, & constituit vnam scientiam Metaphysicam, quæ non considerat entia in particulari; quia habent diuersas rationes formales, diuersa principia, & diuersum modum procedendi. Quare cum Metaphysica non tractet omnia sub eadem ratione formali, ideo necesse est facere plures scientias formaliter distinctas.

Ad tertium, Metaphysicas, ut diximus, agit de speciebus

ciebus entis in communi, neque considerat Deum & Intelligentias secundum proprias naturas: quia ut adnotaui, Deus & Intelligentiæ faciunt scientias totales distinctas. Ad cōfirmationem, multa entia considerari possunt ut entia sunt, & ita faciunt vnam Metaphysicam: sed quia habent proprias rationes formales, & distinctos modos procedendi, propterea constituunt distinctas scientias totales.

Ad quartum, assignare obiecta singulis scientijs, non est Metaphysicæ munus, aut alterius scientiæ particularis, sed Periti, hoc est hominis omnium scientiarum genere præditi, qui considerabit omnia entia in particulari, per diuersos scientiarū habitus. Quod hoc non sit vnius scientiæ munus; patet, quia ista scientia habet proprium obiectum, & distinguitur ab alijs: quare debet dari alia scientia, quæ ei suum assignet obiectum, & illud ab alijs distinguat: de qua erit eadem difficultas, & sic deinceps in infinitum, quod implicat. Quare assignanda est aliqua ratio per quam omnes distinguantur. Vnde colligeres, errare eos, qui munus distinguendarum scientiarum tribuunt Logicæ.

Mirand.

Ad quintum, Metaphysica considerat seriem prædicamentalem, non tamen singulas res quæ in ea continentur, quas relinquit alijs scientijs. spectat ergo omnia quæ in categorijs continentur, sed in communi, ut entia sunt.

Ad sextum, ratio cur detur vna scientia de cælo & de elementis, non autem de omnibus entibus, supra explicata fuit; quia omnia entia in particulari considerata non conueniunt in vna ratione formali, & in vno modo procedendi, sicuti cælum, elementum, & corpus animatum.

Ad vltimum, omnia entia cōstituunt in vnam Metaphysicam, ut entia sunt, non autem vnam scientiam, ut entia particularia. An vero tractatio de anima pertineat ad Physicum, vel ad Metaphysicum, vel ad scientiam mediam, aibi explicandum est.

*An Physica, Mathematica, Metaphysica, &
scientia de Deo, & Intelligentijs essen-
tialiter distinguantur, sintque*

etiam vniuoca scientia.

Cap. XV.



T si quid in proposita difficultate tenendum sit, aliqua parte, ex ijs quæ proximo capite differuimus, innotescat; tamen, maiore explicatione opus est: ex qua adhuc planius intelligentur, quæ iam constituta sunt.

Libr. 1.
met. c. 2

QUOD ergo ad opiniones attinet, Mirandulanus loco supra citato, ait istas scientias non distingui essentialiter, cum sint partes vnius scientiæ. Nam si essentialiter distinguerentur, aut ex modo procedendi, & hoc non, quia omnis scientia quodammodo procedit ab experientia per sensum: vel propter abstractionem; & hoc non, quia abstractio est extrinseca, & sub eadem abstractione reperiri possunt diuersæ scientiæ: vel propter obiectum, & hoc non, quia obiectum, efficit distinctionem, seu vnā scientiam in scientijs specificis, non autem in totalibus: adde etiam, quod de omnibus potest esse vna scientia totalis, sicut de omnibus rebus corruptibilibus, prout conueniunt in vna substantia.

IN hac difficultate certum est, dictas scientias esse inter se essentialiter distinctas, si spectetur distinctio specificata, sicuti in vna & eadē scientia, sunt plures species eadē rōne distinctæ: unde tota difficultas est, an illud aggregatum ex pluribus habitibus physicis, quo constituitur vna Physica, sit essentialiter distinctum, ab aggregato, quo constituitur vna Metaphysica, de qua re diuersæ sunt auctorum sententiæ.

PRIMA, quæ asserit dictas scientias non esse essentialiter distinctas, sed tantum accidentaliter; cuius sententiæ, hoc est fundamentum: quia Mathematica,

& Physica sunt subalternatę Metaphysicę: at scientiæ quę sic se habent, non differunt nisi accidentaliter: igitur. Quod si huius sententię auctõribus objicias, hinc sequi eas non esse scientias totales, quia ex subalternanter & subalternata vna fit totalis scientia, responderent, negando sequelam; quia vna scientia potest essentialiter pendere ab alia, & tamen non facere vnā scientiam totalem cum illa, vt accidit in Geometria & Perspectiua. Quid de hac responsione sentiendum sit, in tractatione de subalternatione dicetur.

SECUNDA opinio aliorum, qui dicunt esse essentialiter distinctas: sed causę ob quas sic distinguuntur varię assignantur.

EST itaque primus dicendi modus Thomæorum dicentium vnitatē harum scientiarum sumi ab abstractione, ex qua etiam sumitur distinctio: & quia istę scientiæ habēt abstractiones formaliter distinctas, ideo sunt inter se formaliter distinctę. Sed hic modus facile reficitur ex ijs, quę supra de vnitatē scientiarum agentes diximus: Quia, sicuti inde non sumuntur vnitates, vt ibi est demonstratum, ita nec distinctio sumenda erit.

SECUNDVS modus aliorum, qui dicunt hanc distinctionem sumi ex diuersis modis quibus obiecta repręsentantur intellectui: obiectū Physicę per sensum, Mathematicę per imaginationem, quia in Mathematica quantitas sine materia, & qualitatibus sensibilibus repręsentatur, sub qua ratione est obiectum imaginationis: Metaphysicę vero secundum se, sub qua ratione, nec sensu, nec imaginatione percipitur, sed ratione tantum.

POSTREMVS, qui asserit distingui per diuersos modos procedendi, quos supra explicuimus. Quare hoc loco supponendum est, quod supra diximus, vnitatem scientiæ sumi a ratione formali, quę ex modo procedendi, definiendi, & demonstrandi perpenditur. Quo loco illud adnotauerim, ex eo rem sumere vni-

tatem, unde & entitatem sumit, & ab eo distinctio-
nem sumi. unde vnitas sumitur, quæ nihil addit reale
supra entitatem, sed tantum negationem. Vnū enim
illud dicitur, quod est indiuisum a se, & diuisum a quo
cunque alio. Quare, idem est ens, & vnum ens, & ab
eo a quo sumitur entitas, sumitur vnitas: Verbi gra-
tia, homo sumit entitatem a ratione, & ab eadem etiā
vnitatem: & ideo vnus est homo, quia unam habet
rationem, a qua etiā distinctionem capit. Quare, eo
modo quo distinguuntur inter se ea, a quibus sumitur
entitas, distinguuntur etiā illæ res quæ sumunt en-
titatem. Et hac de causa rationale, quod est in So-
crate, unde ipse habet entitatem, non distinguitur es-
sentialiter a rationali, quod est in alio hoīe; neq; Socra-
te essentialiter distinguitur ab alio hoīe. Vt ergo vi-
deamus, an istæ scientiæ sint essentialiter distinctæ, vi-
dendum est, an ea ex quibus sumunt entitatem, & vni-
tatem distinguantur essentialiter. Sed iam doceamus
quid in hac difficultate sentiendum sit.

PRIMA positio, dictæ scientiæ non distinguun-
tur inter se essentialiter per hoc, quod earum obiecta
diuersa ratione repræsentantur intellectui. Est hæc
positio contra secundum dicendi modum supra expli-
catum, quæ his rationibus confirmatur. Primo, quia
sequeretur dari plures scientias pro sensuum diuersi-
tate, per quos obiecta compræhenduntur; quod est
omnino falsum. Quod si dicas, omnia comprehendi
sub vica ratione, vt sensibilia sunt, ac proinde nō mul-
tiplicari scientias, pro sensuum multitudine; hoc nihil
est: quia pari ratione omnia conueniunt in ente intelli-
gibili, quam ob causam possemus dicere, vnicam esse
scientiam, quod supra confutatum fuit. Secundo, quod
medium proxime repræsentetur intellectui per ima-
ginationem, vel per sensum, nihil facit ad scientiam, cū
hoc sit quædam conditio sine qua, non sicuti & abstra-
ctio. ergo ex hoc capite non potest summi essentialis
distinctio. Tertio, si per impossibile obiectum Physicæ
proxime

proxime fieret præsens intellectui, similiter obiectum Mathematicæ, adhuc istæ scientiæ, modo supra dicto, distinguerentur, quia essent eadem conclusiones, & principia eadem: ergo ista repræsentatio nihil facit. Quarto, Physica considerat intima prædicata rerum, ut sunt naturalia, quæ proxime repræsentantur intellectui, quia non includunt qualitates sensibiles, ut tales sunt: ergo non distinguitur ab alijs propter hoc, quod ei obiectum offeratur, ut sensibile. Quinto, obiectum est scibile sua natura, ut habet passiones demonstrabiles, & certa principia, quæ debent repræsentari intellectui, & non est necesse, ut hoc, vel illo modo repræsententur: ergo repræsentatio non facit distinctionem essentialem scientiarum; quia scientia dicit ordinem intrinsecum ad obiectum, & ad principia: accidit ergo scientiæ, quod hoc, vel illo modo repræsentetur obiectum. Sexto, quantitas non est in imaginatione, nisi cum qualitatibus sensibilibus, sicuti non percipitur sensu exteriori, nisi per aliquam qualitatem sensibilem; neque enim entia sensibilia percipiuntur, sine proprijs qualitatibus: ergo quantitas non percipitur sine qualitatibus sensibilibus. quare eodem percipietur modo sicuti & obiectum physicum. Ut hic omitam, quod dari posset alia scientia quæ perciperetur vi æstimativa, quæ a quibusdam ponitur, ut distincta ab imaginatione.

SECUNDA positio, essentialis dictarum scientiarum distinctio non sumitur ex diuerso modo abstractendi. Patet ex ijs quæ supra disputata sunt. Non negauerim tamen, in his scientijs reperiri abstractiones distinctas, & modos repræsentandi diuersos, sed affirmo, ab his non esse sumendam distinctionem essentialē.

TERTIA positio, dictæ scientiæ distinguuntur inter se essentialiter, propter sua obiecta formaliter distincta, & ob varios modos definiendi & demonstrandi, ut supra docuimus. Quod igitur ista distinctio sit essentialis, his rationibus demonstratur. Primo, ex

Lib. 1. Aristotele affirmante, ibi esse scientias essentialiter
post. t. distinctas, vbi obiecta, principia, & passionēs, sunt distin
42.&43 ctæ: sed hæc in illis distinguuntur: igitur. Secundo, scientiæ partiales essentialiter distinguuntur penes ista: ergo & totales: sed talis distinctio inuenitur in cælis scientijs: igitur. Tertio, scientiæ sumunt suam entitatē & vnitatem ab obiecto formali, & a modo procedendi: ergo ab iisdem sumunt distinctionem essentialē: consequentia est manifesta, quia inde sumitur distinctio, vnde vnitas & entitas.

Q u o d si dicas, ista vnde sumitur distinctio reperiri solum in illis tribus scientijs de quibus meminit Aristoteles, non autem in scientia de Deo, & de Intelligentijs; quia istæ duæ habent eundem modum procedendi cum Metaphysica, aut saltem idem est modus procedendi vtriusq; ; igitur non distinguuntur, **Respō** deo, ista esse distincta in omnibus iam dictis scientijs. In Physica, vt non semel diximus, obiectum est corpus naturale: & modus procedendi per materialia & sensata: In Mathematica obiectum est nuda quantitas: modus procedendi per propositiones valde notas, & per necessariam connexionem principiorum cum conclusionibus, siue sint veri effectus, veræ causæ, & vera signa, siue non, sine vllō motu & fine. In Metaphysica obiectum est ens, vt ens: modus procedendi per principia communissima, naturali lumine nota. In scientia de Intelligentijs obiectum est ens spirituale, quod habet actum & potentiam, genus & differentiam, & proprias passionēs, saltem formaliter distinctas, & sub hac

Lib. 3. ratione definit, & demonstrat. In scientia de Deo, Deus
Intr. in sub ratione deitatis est obiectum omnino simplicissimum, sine vlla compositione, & potentia; & sub hac
Theol. ratione debet concipi ac describi, & de eo fieri debent demonstrationes, non per veras causas, sed per rationes priores, quæ sunt veluti causæ posteriorum, vt simplicitas, remotionis omnis potentiæ, & hæc immutabilitatis, & hæc incorruptibilitatis, & sic de alijs. Et

quia

quia modus definiendi, & demonstrandi diuina nobis qui intelligimus per discursum, est difficillimus, ideo paucissima nos de Deo cognoscimus: sic etiam de Intelligentijs: æterna enim, vt aliquando Aristoteles dixit, a nobis definiri non possunt: & magis rerum caducarum, quam æternarum in nobis esse potest sciētia. In iisdem scientijs reperiuntur etiam abstractiones distinctæ, vt patet ex dictis. Physicus abstrahit a materia signata: Mathematicus a materia sensibili, sed non a materia secundum rem, cum consideret molem, seu quantitatem: Metaphysicus abstrahit ab omni materia per indifferentiam. Scientia de Intelligentijs abstrahit a materia re & ratione, includit tamen actum & potentiam, genus & differentiam. Scientia de Deo abstrahit ab omni materia secundum rem, & secundum rationem, & ab omni potentia, & ita nullam includit compositionem. Qua autem ratione conueniant, & differant, infra dicitur.

2. cēl. 2.
34. & 61
Lib. 7.
met.

Quo d si obijcias, omnes scientiæ speculatiuæ habent eundem finem, cognitionem veritatis: igitur non differunt, cum earum vnitas sumatur a fine. Respondeo, non esse vnum finem totalem primum omnium scientiarum speculatiuarum: sed sunt plures per se primo diuersi, licet nomine conueniant. Rursus dicerem, aliquam scientiam esse vnā ab vno fine eodem modo acquisito: & quia finis vniuersalissimus scientiæ speculatricis, qui est veritatis contemplatio, varijs modis, per se primo diuersis, a dictis scientijs acquiritur; ideo remanent inter se totaliter distinctæ. Exemplum sumi potest a lineis curuis & rectis, terminatis ad idem punctum; quæ, licet habeant eundem terminum: tamen, quia diuerso modo ad illum perueniunt, ideo diuersæ remanent.

Lib. 2.
met. 1. 3

*De scientiarum comparatione, ratione ordinis
inventionis, doctrinae, & naturae.*

Ca. XVI.



NATURA, proprietatibus, partibusque Philosophiæ siue scientiæ expostis, consequens est ut eas inter se comparemus: & quoniam varie comparationes inter Philosophiæ partes fieri possunt, ideo nos quoque hanc huius tractationis partem, in varia capita distribuemus.

PRIMO itaque agemus de comparatione, ratione ordinis; postea de comparatione ratione nobilitatis & certitudinis; postremo de comparatione ratione superioris & inferioris scientiæ, seu de scientiarum & partium Philosophiæ subalteratione. Quod attinet ad primum, duplex ordo potest animaduerti in scientiarum, vel partium Philosophiæ collocatione: unus secundum rei naturam, ostendendo quæ nam sua natura anteire debeat, alter secundum nos: & hic rursus duplex est, alter inventionis, docendo, quænam primo inuenta fuerit: alter doctrinæ, secundum quem istæ partes tradi ac doceri debent; de qua re varie extiterunt, tum antiquorum, tum recentiorum scriptorum sententiæ.

PRI^{MA} Stoicorum quorum, princeps fuit Zeno, qui primo loco Logicam, secundo Physicam, tertio Ethicam tradendam esse censuere.

Lib. 7. **S**ECUNDA Apollodori, ut ex Laertio discimus, qui primum locum tribuit Logicæ, secundum Ethicæ, tertium Physicæ. Atque ita senserunt isti, qui Logicam ab alijs scientijs seiungebant, seorsimque tradebant; secus illi, qui eam cum alijs confundebant, simul que tradebant.

Orig.

hom. 1.
in cant.

VNDE tertia sententia fuit aliorum, qui primum locum Ethicæ, secundum Physiologiæ dabant, ut Diogenes,

genes, alij vero contra, vt Panetius & Possidonius. Et hunc in modum de re proposita antiquiores Philosophati sunt. Illi vero qui Aristotelem sunt sequuti, & eius diuisionem de tribus sciētijis speculatiuis approbaverunt, aliter Philosophiæ partes ordinarunt, vnde alix enatæ sunt sententiæ.

QVARTA Ammonij, qui primo loco Physicam, secundo Mathematicam, & tertio Metaphysicam collocavit. Quia scientiæ ordinandæ sunt prout magis minusque abstrahunt a materia singulari, & si hoc spectemus, ita collocari debent, vt patet ex ijs quæ supra de earum distinctione agendo diximus: igitur.

Prolog. in Porph.

QVINTA sententia Magni Alberti, qui distinguendo de ordine naturæ & doctrinæ, duo dicit: Primum ordine naturæ ita constituendæ sunt, vt primum locum obtineat Metaphysica, secundum Mathematica, tertium Physica: secundum ordinem doctrinæ, prius discenda est Physica, tum Mathematica, & postea Metaphysica.

In prolog. phys. D. Tho.

SEXTA opinio aliorum qui primo loco ponunt Mathematicam, secundo Physicam, & tertio Metaphysicam. Quid autem Aristoteles ipse senserit, tunc testatur reliquit, cum scientiam speculatricem diuisit, in Naturalem, Mathematicam, & Theologiam. Plato, abstractionem fortasse spectando, Mathematicam medio loco posuit. Sed si verum est quod aliqui dicunt, ipsam vnam tantum agnoscere scientiam speculatiuam, quâ nomine Dialecticæ designauit, nullam agnosceret partem Philosophiæ speculatricis diuisionem: cum solū de rebus æternis & diuinis nos certam scientiam habere putauerit, de Physicis vero solū opinionem, vt illi scribunt. Nos quid de re proposita sentiendum sit, sequentibus positionibus docebimus: & primum de ordine inuentionis, si ponamus Philosophiam ab hominibus inuentam fuisse, vel si quæramus quibus de rebus, qui primo habiti sunt Philosophi, disputauerint, ita statuo.

D. Tho. opus. 70 Simplic.

Lib. 11. Met. 10. 3. c. 1.

PRIMA positio, inter partes philosophiæ prius inuenta fuit Physica, vel de rebus physicis prius a philosophis disputatum fuit. Primum, quia illi qui primo philosophiæ operam dederunt, Physici nominati fuere ut Thales, a quo Ionica Philosophia, & Pythagoras, a quo Italica initium sumpsit. Deinde, quia, ut supra diximus, humana scientia ortum habet a rebus, quæ sub sensum cadunt: igitur de illis rebus primo disputatum fuit, de quibus in Physicis agitur.

SECUNDA positio, secundo loco fuit inuenta Mathematica. Quia post sensum externum magis est in promptu id, quod cadit sub imaginatione, & ens quantum, quam id quod sola ratione attingitur.

TERTA positio, tertio loco fuit inuenta Metaphysica. Quoniam hæc tractat ea quæ sunt a sensu valde remota, & considerat solum res quæ sola intelligentia attinguntur. Confirmatur, quia eam Aristoteles primo ordinauit, & iam constitutam tradidit. Sed cum in Metaphysica, ut supra docuimus, contineatur doctrina de ente vniuerse, & particulariter de rebus ab omni materia seiunctis, peteret aliquis, quæ nam pars sit prius inuenta, an illa quæ agit de Deo, & Intelligentijs, an alia quæ de ente disputat? Respondeo sequenti positione.

QUARTA, positio prius inuenta fuit scientia de Deo & Intelligentijs, quâ scientia de ente vniuerse sumpto. Quoniam notio entis est communis, & prius debuerunt cognosci conceptus particulares entis, quâ conceptus communis, qui ab illis abstrahitur. Vnde Aristoteles in sexto metaphysico dicebat, si non essent substantiæ præter physicas, Physica esset prima philosophia: non quod substantiæ abstractæ non considerentur a Metaphysica, quæ est prima philosophia, sed quia si non darentur illæ substantiæ, non possemus abstrahere conceptum entis, qui abstrahit a substantia materiali, & immateriali, sed conueniret tantum substantijs materialibus, quæ pertinent ad physicam, & cum

cōceptus ille consideretur a physico, proinde Physica esset prima philosophia, quia consideraret conceptum entis pertinentem ad primam philosophiam.

QVINTA positio, philosophia morum inuenta fuit post physicam, ante Mathematicam. Est enim minus abstracta, & a sensibus minus separata, quam Mathematica, & habet principia maxime nota: & ideo potuit prius constitui, quam Mathematica: sed quia supponit aliquam notitiam Physicæ, estque de rebus minus sensatis, quam Physica, ideo fuit posterior physica. Huc facit, quod si spectemus philosophorum consuetudinem, Socrates dicitur hanc philosophiæ partem euocasse a cælo, hoc est a rebus physicis.

Cic. lib.

SEXTA positio, Logica quæ a partibus scientiæ & philosophiæ nullo modo excludenda est, posteriore loco videtur fuisse inuenta, atque absolute tradita. Primum quidem, quia est de rebus, quæ non possunt plene cognosci nisi post aliquam aliarum rerum notitiā, nimirum de secundis intentionibus, quæ sunt minime entitatis, & non cognoscuntur, nisi per reflexionem, supra actum, quo primo res intelliguntur. Deinde, quia antiquiores philosophi, vel imperfecte eam tradebāt, vel cum alijs confundebant, quos merito Aristoteles redarguit. Postremo, quia ab eodem Aristotele videtur fuisse perfecta. Atq; hæc probabiliter de inuentione dici posse putamus. Sequitur ut de ordine, quo iā dictæ partes doceri debent, dicamus.

Libr. 1.

Met.

SEPTIMA positio, scientiarum encyclopaedia constituta, si spectemus ordinē doctrinæ, initium sumendū est a Logica, quia ipsa est ianua & pædia ad omnes alias perfectæ acquirendas, & rerum noscendarum modum sciendique instrumenta necessaria docet. In summa, per Logicam intellectus seipsum instruit, seque ipsum docet modū, quo res alias intelligere queat. Secundo loco tradenda est Mathematica, quæ agit de rebus notissimis, quæ habent maximam connexionē inter se; ideo antiqui a mathematicis initium sumere solebant.

D. Tho.

opus.

70. q. 5.

ar. 1.

ob earum maximam euidentiam. Tertio loco, Physica quæ est de rebus maxime sensatis. Quarto Moralis, tum quia videtur sequi physicam: tum etiam quia maxime præparat animum ad res diuinas percipiendas: qua parte, si commode fieri posset, omnibus præferenda esset: ut per eam animus purgatus, multo melius veritatem intueret. Quinto, scientia de Intelligentijs, quarum cognitio habetur per ea quæ sunt nota sensibus, cum inuestigetur per motum cælorum. Sexto, scientia de Deo, ad quem peruenitur per substantiarum abstractarum notitiam. Quare postremo loco esset collocanda scientia de ente, quia hæc supponit notitiam aliarum scientiarum.

O C T A V A positio, si spectemus ordinem naturæ, hoc pacto dictæ scientiæ collocari deberent. Primo agendum esset de ente in communi, quod spectat ad Metaphysicam: in qua explicantur communia omnia rerum attributa, atque principia. Secundo, de Deo, quia est perfectissimum ens, & causa omnium entium. Tertio de Intelligentijs, quæ sunt perfectiores omni ente creato, & causæ rerum inferiorum per motum. Quarto de rebus physicis, & de corpore naturali, quod est prius omni alio accidente. Quinto de moralibus, quia continent actus humanos, qui inter accidentia sunt nobilissimi. Sexto de quantitate, siue de rebus mathematicis, quæ sunt affectiones & accidentia quædam consequentia quantitatem. Postremo de rebus logicis, hoc est de secundis intectionibus, quæ sunt minimæ entitatis.

S E D peteres, quo ordine tradendæ sint partes Philosophiæ morum? responderem hoc pacto. Primo agendum est de humano fine & moribus vniuerse, de Arist. li. quibus in ethicis agitur: secundo, de domo, quæ est 7. Polit. veluti parua quædam resp. Postremo de politicis, siue de rep. quarum partium, vnus est vltimus finis, vi Arist. li. tria beata, ad quam per varias virtutes, atque officia, 3. Polit. quorquot sunt in humana societate homines tendunt; sicuti

sicuti omnes qui sunt in vna naui ministri , ad vnum portum nauigant . Sed contra ea quę posuimus nonnullę fieri dubitationes possunt , quas nunc proponā , & dissoluam .

P R I M A , ordine doctrinę , vt varijs in locis docet Aristoteles , debemus incipere a communioribus , & a magis notis : at metaphysica est de rebus communissimis , & habet principia notissima ; igitur ab ea hoc in ordine seruato , auspicandum erit . Respondeo , licet & t. 57. quędam principia metaphysica , & quę in ea docentur sint nobis nota cognitione confusa : tamen , si loquamur de cognitione distincta , qua res Metaphysicę cognoscendę sunt , earum notitia est nobis obscura : neque enim potest ens distincte cognosci , nisi cognoscantur inferiora . Siquidem totum cognitione distincta ignotius est , quam partes : quamuis prædicata vniuersalissima sint notiora cognitione confusa .

1. Phys.
li. 3. t. 3.

Auic. ini
tio suę
met.

D. Th. o.
opus.
70. q. 5.

S E C V N D A , Mathematica est de obiecto magis abstracto , quā physica ; igitur ordine naturę erit prior : sicuti Metaphysica ob eandem rationem , quia agit de rebus magis abstractis , censetur prior . Respondeo , substantia , vt Aristoteles docet , est prior natura , & tempore omni accidente : ac proinde Physica quę agit de substantia , sua natura erit prior Mathematica , quę agit de accidente ; Metaphysica vero dicitur esse prior , non solum quia agit de rebus magis abstractis , sed etiam , quia res quas tractat , sunt substantia . Vnde argumentum concluderet in eodem genere ; hoc est , in genere substantię , vel accidentis , illud esse sua natura prius , quod est magis abstractum ; quo modo Deus est prior Intelligentijs : at in diuerso genere , non valet .

1. Phys. t.
3.
7. Met.
t. 4.

T E R T I A , Physica acquiritur per sensum , Mathematica non item ; ergo illa erit prior ordine doctrinę ; cum nostra cognitio ortum habeat a sensu . Respondeo , cognitio rerum Physicarum per sensum est cognitio confusa & imperfecta : at vero cognitio distincta supponit experientiam , & varios discursus circa abditas rerū

R naturas ,

naturas & ideo non est, prior, quam noticia rerum mathematicarum, quæ habent principia notissima intellectui, & evidentes connexiones conclusionum cum principijs, & a nulla experientia pender.

Lib. 3. SED obijceres, Physica agit de substantia corpo-
 Phys. rea, vt generatur & corrumpitur: at hæc supponit quantitatem: ergo quantitas est prior obiecto physicæ. Respondeo, quantitati prius convenit sua propria natura, quam accidentia: at secundum suam naturam consideratur a Physico, vt passio quædam corporum naturalium, a mathematico vero solum vt habet accidentia quædam; puta quod sit mensurabilis, diuisibilis, & proportionnm capax. Quare, licet Physicæ subiectum requirat quantitatem, non propterea est posterior mathematica, cum Physicus agat de natura quantitatis secundum se: sed de hac comparatione hucusque.

*De scientiarum, siue partium Philosophiæ
 comparatione ratione nobilitatis & certitudinis. Cap. XVII.*



VONIAM in re versamur manifesta, in qua nullæ sententiæ sunt nobis citandæ nec ulla afferenda argumenta, fundamentaque ponenda; ideo breuiter quid tenendum si, quibusdam positionibus statuemus: & primum de ordine ratione nobilitatis; postea ratione certitudinis.

PRIMA positio, scientiæ nobilitas ex duplici capite sumi potest. ex obiecto, & medio. vel ex modo procedendi: qui duplex est, alter qui sumitur a ratione certitudinis, alter a ratione medijs sciensifici.

SECUNDA positio, si spectetur nobilitas ex parte obiecti, Philosophiæ partes ita distribuendæ sunt. Primo loco ponenda est Metaphysica, vt comprehendit Deum & Intelligentias: secundo Physica: tertio Ethica, quarto, Mathematica, & postremo Logica.

Ideo

Ideo Ethica præponitur Mathematicæ, quia est de nobiliore subiecto, nimirum de humanis actibus, & de beata vita, quæ sunt accidentia nobiliora, quam quantitas. Et quia Logica agit de ente rationis, quod est quid minimum, ideo in posteriore ponitur loco.

TERTIA positio, ex scientijs Metaphysicis, prior loco ponitur scientia de Deo, secundo, scientia de Intelligentijs; quia hæc sunt entia præstantissima, & maxime abstracta a materia: tertio loco scientia de ente.

QUARTA positio, si spectetur modus procedendi scientificus, hoc modo distribuendæ sunt, incipiendo a minus perfectis. Primo loco ponenda est Mathematica, in qua est modus sciendi minus perfectus quam in vlla alia: quia caret veris definitionibus, demonstrationibus, verisque causis & effectis. Secundo, scientia de Deo, quia in Deo nec sunt, nec esse possunt veræ causæ efficiendi. Et ideo de Deo non dantur demonstrationes per causas, sed per rationes, quæ sunt in natura divina, quarum una vimur ad probandam aliam. Tertio logica, cum etiam in ea non sint causæ reales efficiendi, & cognoscendi. Quarto moralis, in qua non sunt propriæ causæ, nisi extrinsece, & non per se influentes. Quinto, Physica, in qua sunt veræ naturæ reales, veræ causæ efficientes, & veri effectus, ac proinde veræ definitiones, & demonstrationes: tamen, cum ultimæ rerum differentia, vt plurimum, nos fugiant; raræ sunt demonstrationes, quæ habeant omnes conditiones requisitas. Sexto, scientia de Intelligentijs, in qua etiam sunt veræ causæ definitiones veræ, & veræ demonstrationes: cæterum pauca de illis a nobis cognoscuntur. Ultimo loco, est Metaphysica, vt agit de ente, quæ habet perfectas definitiones & demonstrationes.

Ex quibus colligetes, harum scientiarum quasdam non habere, nec habere posse veras causas, & proinde nec veras definitiones & demonstrationes: alias vero licet interdum non habeant, tñ habere possunt; quia cō-

fiderant res secundum proprias naturas. Et quamuis scientia de Deo, consideret proprie naturam diuinam: tamen quia in Deo nulla est causa, & nullum prædicatum superius, ideo non habet proprias definitiones & demonstrationes. Sequitur comparatio ex parte certitudinis, quæ partim ex obiecto, partim ex medio sumitur.

QVINTA positio, ex parte certitudinis obiecti, hoc pacto dictæ scientiæ collocandæ sunt. Primo loco est scientia de Deo, qui est ens omnino necessariū, ita vt implicet contradictionem, aut non esse id quod est, aut esse contrarium; non solum quoad essentiam, sed etiam secundum existentiam, quæ est de essentia Dei. Secundo, scientia de Intelligentijs, quæ sunt in corruptibiles ab intrinseco. Tertio, scientia de ente, quæ abstrahit a materia, ex qua omnis oritur corruptio, & ratio incertitudinis. Quarto Physica, quæ est de substantia, quæ certior est omni accidente, cum sit accidentium fundamentum. Quinto mathematica, quam sequitur Moralis, quæ est de rebus minus certis vnde postremo loco: ponenda erit Logica, quæ considerat entia rationis, quorum esse pendet ab intellectu.

SEXTA positio, si comparentur ratione certitudinis medijs, hac ratione ordinandæ erunt, si a minori certitudine initiū capiatur. Primo loco erit scientia de Deo, quæ est minus certa, quam aliæ ratione nostri.

- Lib. 1. Ita docuit Aristoteles cū dixit, sed partem illam æter-
de par. nam, & proinde nobilem ac diuinam, minus contem-
t. 2. plari propterea possumus, quod admodum pauca il-
1. cœl. t. lius modo sensui patent: quorum beneficio, tum de ip-
37. sa parte diuina, tum de ijs quæ nosse cupimus facultas
nobis cogitandi, indagandique suppeditetur. Quibus
verbis redditur etiam ratio, cur pauca de rebus æter-
nis sciamus; quia longe distant a sensu, a quibus nostra
Lib. 2. petitur scientia. Cæterum, licet rerum æternarū quid
cœl. t. minimum sciamus, id tamen magis carum est, ob rei
60. præstantiam, & ab illam sitim quam de Philosophia ha-
bemus.

bemus. Secundo, scientia de Intelligentijs, ob eandem rationem. Tertio Logica, cuius subiecta materia solum intellectu attingitur. Quarto Metaphysica, quæ considerat ens reale, sed non vt sensu percipitur. Quinto, Moralis, quæ iam a sensibus & experientia pendet. Sexto, Physica, quæ adhuc de rebus magis sensatis agit. Postremo Mathematica, quæ ratione certitudinis medijs alias omnes superat. Primo, quia non admittit nisi rationes demonstratiuas, aliæ uero etiam rationes probabiles. Secundo, quia mathematica probat etiam ea quæ sunt nota sensibus: Physica non item, vt patet ex Aristotele, qui damnat eos, qui ea conantur probare quæ sunt sensibus manifesta. Tertio, tanta est certitudo Mathematicarum demonstrationum, vt omnino conuincant intellectum; ac proinde demonstrationes certæ solent vocari Mathematicæ, vt ex varijs locis Aristotelis colligere licet.

Atque ex ijs quæ hucusque de scientiarum comparatione diximus, intelligitur, eas inter se superare & superari, in rebus tamen diuersis.

Rursus, ex dictis soluere hanc dubitationem, an scientia vniuoce prædicetur de omnibus iam recensitis scientijs. Nam, si scientia sumatur prout est effectus perfectæ demonstrationis, & definitionis, vt in primo secundæ analysis definita fuit, dicetur analogicæ, & prius de illis scientijs quæ considerant res secundum suam naturam, & postea de alijs, vt de mathematica. Si vero sumatur scientia, vt dicit cognitionem certam & euidentem, & necessariam, dicetur vniuoce; quâuis vna sit perfectior alia. Et hæc sunt quæ summam, & rudi quadam ratione de scientiarum ordine ratione inuentionis, doctrinæ, naturæ, nobilitatis, & certitudinis dixisse volui.

2. Phys.
t. 6.
Phys. t.
22.
1. Eth.
c. 2.
2. Met.
t. 16.
3. d. cœl.
t. 65.

Quid & quotuplex sit subalternatio. Cap. XVIII.

NTER alias scientiæ diuisiones & cōparationes, vt supra diximus, en hęc, quod alia sit subalternans, alia subalternata, quæ inter se comparatæ ita se habent, vt vna sit superior altera inferior. Et quoniam hæc diuisio est maxime necessaria ad scientiarum naturam dignoscendam, atque ad easdem ordinandas; ideo paullo accuratius a nobis hoc ordine explicabitur.

P R I M O, docebimus quid & quotuplex sit subalternatio. Secundo, quæ conditiones ad subalternationem requirantur. Tertio quo pacto subalternans & subalternata inter se differant. Quarto, qua ratione subalternata probet, aut supponat sua principia. Postremo, quæ sint scientiæ subalternantes, & quæ subalternatæ. Quod attinet ad primum, cum hic nulla occurrat difficultas, ita statuo.

P R I M A positio, necesse est vt aliquæ scientiæ ita inter se ordinentur, vt vna sit superior, altera inferior, saltem secundum aliquam partem modumque. Ratio est manifesta, quia scientiæ sequuntur res ipsas: atqui res sunt inter se subordinatæ: igitur & scientiæ.

S E C V N D A positio, in aliqua scientia sunt tria, penes quæ subalternari possunt: principia, subiectum, & finis; iuxta quæ, triplex esse poterit subalternatio, ratione principiorum, subiectorum, & finium.

T E R T I A positio, subalternatio nihil aliud esse videtur, quam subordinatio vnius scientiæ respectu alterius secundum quam vna scientia pendet ab alia, vel essentialiter, vel accidentaliter, ratione eorum trium, quæ in vnaquaque scientia esse diximus.

Q U A R T A positio, duobus modis vna scientia ab alia pendere potest, intrinsece & extrinsece: explico. Tunc pendet & subordinatur extrinsece, quando vna
ordi-

ordinatur ad aliam tanquam ad finem extrinsecum, vt ars quæ facit frœna ad equestrem, & hæc ad militarem, quæ est finis extrinsecus equestri, sicuti hæc eius artis quæ frœna facit. Tunc subordinantur intrinsece, quando subiectum vnius est sub subiecto alterius; sicuti subiectum Perspectiuæ, linea spectabilis, sub subiecto Geometriæ, quæ considerat lineam seiunctam ab aspectu. Ad veram subalternationem requiritur subordinatio intrinseca: quæ rursus potest esse duplex. Prima quando scientiæ inferioris subiectum est species subiecti scientiæ superioris cui subiicitur: quomodo scientia de homine dicitur subalternata scientiæ de animali. Secunda ratione principiorum quamuis scientiæ sint distinctæ, quo modo vnius principia essentialiter pendeant ab alia: quo pacto Musica est subalternata Arithmeticæ. Et quidem hic secundus modus requiritur ad veram subalternationem: neque enim scientia de specie, dicitur propriæ subalternata scientiæ de genere.

Auer.i.
post.cō.
69.

QVINTA positio, varijs modis subiectū vnius scientiæ potest esse distinctum a subiecto alterius. Primo secundum rem & rationem: cum res quæ tractatur & tractandi ratio sunt diuersæ; vt contingit in Geometria & Arithmeca, quæ considerant res diuersas, illa quantitatem continuam, hæc discretum sub diuersa ratione specifica. Secundo, cum subiectum est diuersū ratione, sed re est idem, vt patet in physica, & Astrologia, quæ considerant quantitatem, vt Aristoteles secundo physico docet: sed sub ratione diuersa. Tertio, cum subiectum est diuersum, sed solum accidentaliter: vt cum subiectum vnius continetur sub subiecto alterius sola accidentaliter addita differentia, vt subiectum Perspectiuæ linea spectabilis, sub Geometriæ subiecto, quod est linea non vt sub sensum cadit. Quarto, additur a quibusdam hic alius modus, quando duæ scientiæ conueniunt in obiecto materiali, & differunt in formali, vt cum vna considerat obiectum speculatiue, alia practi-

Tex.18.

cæ: vt accidit in Physica & Medicina, quæ practice cōsiderat id quod Physica theorice tractat. Cæterū hic modus nō videtur diuersus a secundo. Ad veram subalternationem requiritur aliqua diuersitas in obiecto, iuxta duos posteriores modos.

Auer. i.

phys. t.

31.

1. Met.

1. 26.

S E X T A positio, principia in aliquibus scientijs possunt esse communia multis modis. Primo ratione vsus, quando a multis scientijs vsurpantur, cuiusmodi sunt propositiones probabiles respectu omnium scientiarum. Secundo dicuntur communia extrinsece, quia omnes scientiæ vtuntur illis ad probandas aliquas conclusiones, vel principia essendi, cuiusmodi sunt nonnulla principia cognoscendi, vt hoc, De quolibet est verū affirmare, vel negare. Tertio, possunt esse communia quibusdam scientijs, & nullius propria; vt hæc principia Mathematica, Quæ sunt eadem vni tertio, sunt eadem inter se, Totum est sua parte maius. Quarto sunt alia, quæ primo conueniunt vni scientiæ a qua explicantur, vel demonstrantur, ab alia vero assumuntur tãquam probata; vt sunt multa principia in Physica quæ sumuntur a Medicina.

Libr. 1.

post. 1.

27.

S E P T I M A positio, prioris generis principia nō faciunt subalternationem. Alias enim sequeretur omnes scientias esse subalternatas Dialecticæ, quæ tradit communia & probabilia principia, quibus omnes scientiæ vtuntur: quod falsum est, quidquid aliqui dicant: vt postea infra plane demonstrabitur.

O C T A V A positio, secundi ordinis principia, non faciunt veram subalternationem. Ratio, quia non sunt propria alicuius scientiæ, ita vt propter illa vna scientia possit sibi alteram subijcere.

E T hac eadem rōne probares, neque principia tertij ordinis, facere verā subalternationē. Vnde necessario colligitur, solū principia posterioris generis pertinere ad veram subalternationē, quæ sit respectu principiorum.

N O N A positio, subalternatione ratione subiecti fit
quan-

quando subiectum vnius scientiæ continetur sub subiecto alterius: quod his modis contingere potest. Primo, cum vna agit de genere, alia de specie; vt si vna agat de habitu, alia de virtute, vna de animali, alia de brutis. Secundo, cum vna agit de subiecto simpliciter sumpto, alia de eodem contracto per conditionem accidentalem: siue illa conditio sit uere accidens, siue aliquis modus, siue aliquid extrinsecum; sicuti Medicina addit obie&to scientiæ de homine, hanc accidentalem conditionem, vt est sanitatis capax; quo etiam modo se habet Perspectiua ad Geometriam. Tertio, cū vna agit de subiecto a priore, altera a posteriore; sicut Astrologia agit de stellis a priore, Nautica vero a posteriore: quia illa cōsiderat caussas motuum stellarum, hæc vero effectus. Quarto subalternatio, vel fit ex parte totius obiecti, quo modo Musica subalternatur Arithmeticæ, vel ratione partis, qua ratione Physica subalternatur Perspectiuæ, dum agit de Iride: & hæc subalternatio dicitur secundum quid: prima simpliciter. Illa vero subalternatio quæ sumitur a subiecto materiali & formali, qualis est inter Medicinam & Naturalem scientiam, quam aliqui vt distinctam ponunt, non est a secundo modo diuersa.

1. post.
t. 30.

D E C I M A positio, subalternatio ratione principiorum fit, cum vna probat alterius principia, vno ex his modis. Primo, cum principia probabiliter ex communibus confirmantur: quo modo Dialectica probat aliarum sciētierum principia. Secundo, reducendo ad impossibile, vt facit Metaphysica, ac etiā Arithmetica circa aliqua principia Geometriæ: vt cum docet diametrum non esse commensurabile costæ; quia sequeretur vnitatem esse commensurabilem numero. Postremo ostensiuæ; & hoc, vel a priore, quo pacto Physica probat principia Medicinæ, vel a posteriore, sicuti eadem Physica probat principia Metaphysicæ, vt substantias separatas dari.

V N D E C I M A positio, subalternatio respectu finis

Eth 1.
c.2.

nis vnius scientiæ est sub fine alterius, quod his modis contingere potest. Primo, cum vna agit de fine modo speculatiuo, alia modo practico, & vna non habet imperium in aliam: quo modo Physica agit de hominis fine speculatiue, Moralis vero practice. Secundo, cum vtraque est practica, & vna imperat alteri, dirigendo eius actiones in talem finem: quo modo ars quæ frenâ facit, est subiecta equestri, & hæc militari, & militaris politicæ, quæ militari imperat agenda in utilitatem reip.

P A T E T ergo ex dictis tres esse subalternationis modos, ex parte principiorum, obiecti, & finis; sed tamen non sunt omnes proprii. Nam, quod attinet ad vltimū, vt sit vera subalternatio, subalternâs debet practice dirigere subalternatam: ob quam causam Moralis non dicitur subalternata Physicæ, ratione finis, cum hæc non imperet illi. In secundo modo, subalternans debet probare principia subalternatæ a priori & idcirco Physica uere subalternat sibi Medicinam. Quare, si principia solum probarentur per communia, vel demonstratione ducente ad impossibile, aut a posteriore, non esset vera subalternatio, alias Dialectica & Metaphysica omnes alias sibi subalternarēt, & Physica, Metaphysicam, quod verum non est. In primo etiam modo, vt sit vera subalternatio, subiectum inferioris debet addere subiecti superioris conditionem accidentariam, vt diximus. Quoniam si adderetur essentialis conditio, vel differentia, fieret species quædam illius obiecti, quæ pertingeret ad eandem scientiam genericam, vna enim sit scientia ex genere & specie: vel si diuersam scientiam constitueret, illa non esset subalternata: vt patet de Physicâ, quæ agit de corpore naturali, & de illius speciebus, & ea est agn. de speciebus entis, quod consideratur a Metaphysica, cui tamen non est subalternata, vt postea diceretur.

Q U O D si dicas, scientiam de specie addere conditionem accidentariam scientiæ de genere, quia differ-

ren-

rentiæ accidunt generi, ac proinde scientiam de specie esse vere subalternatam scientiæ genericæ, Respondeo, scientiam de specie dupliciter considerari posse. Primo, ut demonstrat passiones de suo subiecto, & sub hac ratione non subijcitur scientiæ genericæ; quia tunc non habet idem subiectum essentiale, loquendo de subiecto partiali, cum species essentialiter differat a genere: neque principia unius pendent ab alia; cum principia quibus probantur passiones de specie, sint eius propria; ut sunt definitio, & differentia, quæ non probantur in scientia de genere: & quia una non habet propter quid, altera Quia est, quod tamen ad veram subalternationem est necessarium, ut mox docebo. Secundo modo consideratur scientia de specie ut probat passiones generis de suo subiecto; ut scientia de homine, hominem esse sentientem per se moueri, & sub hac ratione non solet esse distincta a scientia genericâ, nam qui demonstrat passiones superiores de genere, demonstrat etiam de inferioribus: quamuis interdum ad illam non descendat. Quando autem demonstrantur passiones superiores de inferiore natura, non sunt prædicationes de primo subiecto, ut cum probatur hominem esse sentientem, augeri, & nocere habere tres angulos æquales duobus rectis, nec demonstrationes sunt perfectissimæ, ut Aristoteles docet. Quod si detur scientia distincta quæ demonstret passiones superiores de inferiore, totalis scientia erit subalternata, quia eius subiectum continebitur sub subiecto alterius, & accipiet principia a superiore, habebitque solum, quia est, ut scientia de genere, siue superior, propter quid. Pater ergo ex dictis, quid & quotuplex sit, seu quot modis fiat subalternatio.

Libr. 1.
post. 1.
30.

Libr. 1.
post. 1.
20.

*De cōditionibus ad veram subalternationem
requisitis. Cap. X I X.*



De re proposita variæ extiterunt scriptorum sententiæ, quarum tres sunt magis celebres, quas prius breuiter recensere, postea quid in hac re sit probabilius docebo: postremo nonnullas obiectiones afferam & refutabo.

P R I M A igitur eaque communis, & procul dubio Aristotelica sententia, quam præter alios sequitur & explicat Albertus, fuit hæc, quæ tres conditiones ad veram subalternationem requirit: quarum prima est, vt subiectum subalternatæ contineatur sub subiecto subalternantis. Secunda, vt subiecto inferioris addatur solum aliqua accidentalis conditio. Tertia, vt quod superadditur non sit aliqua passio, nec aliquid quod fluat ab essentia rei.

S E C V N D A sententia Doctorum Louanienfium, qui ad tres allatas conditiones addunt quartam, vt subalternata solû habet, Quia est, subalternans vero, Propter quid.

T E R T I A sententia Domini Caietani, qui vltra iam dictas, addit quintam conditionem: quæ est vt conditio addita subiecto subalternantis conueniat

1. Post. illi in primo modo dicendi per se, ita ut definiatur per
1.9. illâ: nâ in primo modo dicendi per se, vt ex Aristotele patet, ponuntur illa quæ conueniunt ad definitionem rei constituendam. Atque hæc de primo: de secundo, ita statuo.

P R I M A positio, Caietani sententiæ nullo modo admittenda est. Quia hic auctor admittendo vna cū alijs cōditionē accidentariâ, secū pugnat: nâ illa quinta cōditio repugnat tertiæ conditioni in prima opinione positæ, qua dicitur, cōditionem non debere esse aliquid quod ad essentiam pertineat, vel ab ea fluat: vel secūdæ, quæ requirit conditionem accidentalem: & cum ipse has cōditiones

ditiones admittat, male addit quintam quod debeat
conuenire in primo modo dicendi per se. Atqui idem
auctor alibi dixit, ad subalternationem hoc vnum tan-
tum requiri, vt quę traduntur in subalternata non
habeant euidentiā in eadem scientia, sed in sub-
alternante: unde infert, quod licet eędem res tracten-
tur in eadem scientia; adhuc tamen esset vera subalter-
natio, si adsit illa vna assignata conditio: ob quam caus-
sam existimauit Theologiam Christianam, quę in no-
bis est obscura, esse subalternatam Theologię beatorū,
quę habet euidentiā, sicuti doctrina discipuli magi-
stro credentis, subalternatur doctrinę magistri; quam
sententiā nos alibi cōfutauius. Atque etiam in hoc
ibi contradicit, cum in commentarijs in libros poste-
iores, quinque allatas conditiones admittat.

Libr. 3.
Introd.
i Theol.

SECUNDO positio, ad veram subalternationem
equiritur vt principia subalternatę probentur a sub-
alternante. Hanc conditionem tradidit Aristoteles
um dicit Harmonicę principia probari ab Arithme-
ica. Idem confirmari potest inductione in omnibus
subalternatis; ut in Perspectiua quę accipit principia
Geometria. Exempli gratia, probat Perspectiuus
es a longe spectatas videri minores, quam si essent
cinę: quia triangulus qui habet latera longiora efficit
ios angulos ad basim maiores, & illum qui est in pun-
to minorem: hoc verum esse probat Geometra. Rur-
s idem confirmatur ratione, quia si principia inferior-
is non penderent a superiore, illę scientię essent om-
ino diuersę, & consequenter vna nō subijceret alteri.

1. post. 1.
23.

TERTIA positio, ad veram subalternationem sub-
iectum inferioris contineri debet sub subiecto superio-
ri. Primo, hoc insinuauit Aristoteles, cū dixit, superio-
ri habere Propter quid, & inferiorem Quia, at ex eo-
dem, Propter quid, est idem re cum quidditate rei: er-
go non potest sciri perfecta rei quidditas subiecti sub-
alternatę sine subalternante; ergo subiectum vnius con-
tinebitur sub subiecto alterius, & pendeat ab illo, tum

in esse, tum in cognitione. Secundo, idem probares inducti- ne in omnibus subalternatis. In Perspectiua subiectum est linea spectabilis; linea autem est subiectum Geometrię, a qua linea quę cadit sub aspectum pēdet in esse, & in cognitione. Idem d. ceres de subiecto Medicinę respectu Physicę, ac etiā de alijs. Tertio, ideo datur transitus ab vna scientia ad aliam, vt quę sunt ignota in scientia inferiore, cognoscantur in superiore: igitur obiectum vnus in esse & cognitione pendebit a subiecto alterius. Quarto, ex Aristotele non licet transire ab vno genere ad aliud genus: at in subalternatim positus hoc licet: igitur non habebunt obiecta ita distincta, vt vnum non contineatur sub alio: sed vnum ab alio pendebit in esse & in cognitione. Denique, si hoc non esset, principia subalternatę, non possent probari a subalternante: quia, vel non probarentur ex proprijs, vel transieretur a genere in genus: at vtrunque repugnat scientiæ, igitur.

Libro 1.
post. t.
20.

Q V A R T A positio, subiectum inferioris debet esse aliquo modo idem, & aliquo modo diuersum ab subiecto superioris, ac si diceres, nec omnino idem, nec omnino diuersum: ita vt differat solum quadam accidentali conditione: Hinc fit vt istę duę scientiæ eodem vocari soleant nomine, vt patet de Astrologia, quę est Mathematica, & de eadem, vt est Nautica: & de Arithmetica, respectu musicę speculatiuę, & practicę. Ratio allatę positionis hæc est quia, si obiecta essent omnino eadem, non essent diuersę scientiæ; si vero omnino diuersa, inter eas non esset vera subalternatio. Quare debent esse idem aliquo modo, alio vero modo diuersa. Vnde intelligeres quod Aristoteles ait, subiectum subalternatę contineri sub subiecto subalternantis, hoc nimirum pacto, vt non contineatur sub eadem omnino formali ratione; quia non constituerentur diuersę scientiæ: neque quod contineatur quoad materiale tantum, qui hac ratione omnes scientię subalternarentur Metaphysicę, quę considerat ens, vt ens est: Neque vt contine-

etur sub subiecto alterius tanquam sub regula dirigente eam scientiam, quæ versatur circa illud subiectum: quia hoc dato, omnes scientiæ subalternarentur Logicæ. Debet ergo subiectum inferioris contineri sub subiecto superioris, quoad materiale & formale: in quibusdam essentialiter, in alijs uero accidentaliter; hoc est, quædam scientiæ pendent a subiecto alterius materialiter & formaliter, & solum addunt conditionem accidentalem: quædam addunt etiam aliquam conditionem essentialem, ut statim explicabitur.

QUINCTA positio, subalternata sepe addit subiecto subalternantis tantum conditionem accidentalem, interdum vero essentialem. Primum, concedunt omnes, & colligitur ex Aristotele dicente, subalternatæ subiectum esse aliquo modo diuersum a subiecto scientiæ subalternantis: quibus verbis designatur accidentalis differentia: igitur. Idem confirmares inductione, in Perspectiua, & Geometria; in Musica, & Arithmetica, & idemq; in omni alia subalternata & subalternante. Verum talis conditio facit interdum differentiam essentialem, ut si faciat scientiam practicam, & subalternans sit speculatiua: cum istæ differentiæ, ut supra docuimus, constituent scientias specie diuersas. Vnde patet alterum, quod in allata positione diximus. Cæterum, ista differentia non est essentialis respectu subiecti, sed respectu finis.

SED obijceres, si illa conditio facit differentiam essentialem, ergo subalternata differt specie a subalternante; & ita non poterit dari transitus ab una ad aliam; quia iretur ab uno genere aliud: Respondeo, primo concedendo differre essentialiter, ut differunt duæ species partiales inter quas potest dari transitus; ut patet in scientia de anima, & de octo libris physicis, quæ duæ scientiæ sunt partiales, & essentialiter differunt; inter quas tamen potest dari transitus; quia una essentialiter pendet ab alia. Deinde, dicerem differentiam superaditam, non facere distinctionem essentialem, ratione subie-

subiecti, sed ratione finis, vt diximus: quia illa non est ratio formalis, sed tantum conditio sine qua non. Inter eas vero scientias quæ non differunt essentialiter potest dari transitus, cum non sint totaliter distinctæ.

Quod si dicas, ergo sequeretur subalternatam habere subiectum aggregatum per accidens: quia considerat idem subiectum cum subalternante, superaddita accidentali conditione, quæ facit vnum per accidens, sicuti albedo addita homini, Respondeo, subalternatam non considerare totum illud aggregatum, ita vt subiectum se habeat vt materia, & conditio vt forma; sed ipse se considerat tantum subiectum: ratio autem superaddita, est solum conditio sine qua non: sicuti, Physica considerat corpus naturale abstractum a materia signata, non quod hæc sit eius ratio formalis, sed est conditio sine qua non. Verum in scientijs subalternatis multa considerantur circa conditionem superadditam: non tamen ita considerantur, ac si illa esset ratio formalis, sed tantum vt est conditio sine qua non. Vnde Perspectius multa considerat de linea, sed cum hac conditione, vt sub aspectum cadit. Quod si obijceres, Medicina quæ est subalterata Physicæ, non habet pro subiecto corpus humanum simpliciter, sed vt sanabile: ergo ratio formalis erit sanatio, quæ est accidens, & ita una cum corpore faciet quid per accidens. Respondeo, particula illa Vt, reduplicata, potest connotare rationem formalem, & conditionem sine qua non: si primum, nego subiectum medicinæ esse corpus vt sanari potest: si secundum, concedo: sed argumentum nihil concludit, vt patet ex dictis. verum sæpe solemus considerare scientiam subalternatam, ut distinguitur a subalternante tantum ratione conditionis superadditæ; & tunc simpliciter obiectum subalternatæ dicit totum illud aggregatum ex obiecto & conditione: seu tunc non consideratur subalternata secundum suam naturam, sed tantum ut distinguitur ab alia. Et ob hæc causam sumere solemus scientiam subalternatam principalius ratione conditionis

ditionis,quam ratione subiecti , vnde etiam subalter-
nata vocatur nomine subalternantis;vt patet in scien-
tijs subalternatis mathematicæ: omnes enim scien-
tiæ mediæ magis dicuntur Mathematicæ,quam Phy-
sicæ:quia sunt Mathematicæ ratione subiecti,Physicæ
vero ratione cōsiderationis . Cum ergo subiectū sit
quid magis essentiale,quam illa conditio, ideo magis
sumunt nomen ab obiecto,quam a conditione.

Lib. 2.
Physi. 1.
20.

*Quibus modis subalternans, & subalternata
differant. Cap. XX.*



NON me fugit, multas ac varias differen-
tias inter has duas scientias a quibusdā
scriptoribus assignari: sed ne in re mino-
ris momenti plus iusto immorer , so-
lum quasdam insigniores quibusdam
positionibus complectar .

PRIMA positio, scientia subalternans est certior
subalternata omni genere certitudinis , ac etiam prior
natura, & secundum nos. Primo, quia subalternata pen-
det intrinsece ratione obiecti & principiorum a subal-
ternante, & inesse, & in cognitione; ergo hæc erit cer-
tior illa . Secundo idem confirmares ex illa maxima ,
Propter quod vnumquodque tale, & illud magis : sed
subalternata est certa propter subalternantem, igitur.

Lib. 1.
post. c. 2.

SECUNDA positio , subalternans est mobilior sub-
alternata ratione medij. Quoniam illa habet Propter
quid, hæc vero, Quia: at illa sciētia quæ habet propter
quid est nobilior, cum habeat causam: igitur . Ideo di-
xi , ratione medij, quia ratione obiecti , subalternata
potest esse nobilio; vt pater in Astrologia , & Geome-
tria. Nam corpus cœleste, quod consideratur ab Astro-
logo , est nobilius quantitate, seu corpore, quod consi-
deratur a Geometria . Verum, etiam ratione subiecti
subalternās semper fere est nobilior; vt accidit, si sub-
alternans sit speculatiua, & subalternata practica.

Lib. 1.
post. re:
30.

TERTIA positio, subalternās differt a subalternata; quod illa sit perfecta, hæc vero imperfecta scientia. Quoniam illa est independens, & ratione obiecti, & principiorum: at subalternata in utroque a subalternante pendet: igitur. Quo fit, ut subalternata non possit resolvere suas conclusiones usque ad prima principia, nisi coniungatur cum subalternante; quæ resolutio, ut ex Aristotele discimus, est necessaria ad habendam per-

Lib. I. fectam scientiam. Rursus, subalternata non habet pro
 Poli. c. I. positiones per se notas: unde neque demonstrationes
 I. Post. simpliciter perfectas; cum demonstratio constare de-
 tex. 5. beat ex per se notis, ut Aristoteles docuit. Denique,
 subalternata non demonstrat proprietates de subie-
 cto primo & adequato, ut patet de Astrologia quæ de-
 monstrat aliquid de circulis cœlestibus, quæ conveniunt
 circulo uniuersæ considerato: & quæ demonstrat, de-
 monstrat per ea quæ supponuntur, & non sciuntur
 in ipsa: igitur.

QVARTA positio, subalternans semper est speculatiua, subalternata vero sæpe practica. Quod illa sit semper speculatiua probari potest inductione, de Physica, Arithmetica, Geometria, & de alijs. Simili ratione probares subalternatas esse ut plurimum practicas; ut patet de Medicina, de Nautica, & de alijs. Potest tamen subalternata interdum esse speculatiua ut patet de Astrologia, quæ est subiecta Geometriæ.

QVINTA positio, istæ scientiæ differunt, quod superior habeat Propter qd, inferior Quia. Ita expref-
 1. Tex. se in primo posterioris Analysis docuit Aristoteles,
 30. qui inter alias hanc assignauit differentiam.

SED obijceres, etiam subalternata reddit causam eius quod docet; ut cum Perspectiua assignat rationē cur res a lōge inspectæ videantur minores; quia lineæ longiores faciunt angulum aspectus minorem: igitur allata differentia non est vera. Rursus, scientia superior non descendit ad particulares conclusiones scientiæ inferioris; ut Geometria ad conclusiones Perspectiux:

igi-

igitur non potest probare propter quid illarum . Respondent aliqui, dictam proprietatem conuenire scientijs subalternatis practicis, non autem speculatiuis. Explico. Astrologia demonstrat in ortu canis fieri tempestates; Nautica illi subalternata supponit hoc tanquam certum, & solum animaduertit ortum canis. Atqui hæc solutio non videtur consentanea doctrinæ Aristotelis, qui cum tradidisset istam differentiam, affert exemplū subalternatæ quæ est speculatiua, qualis est Musica speculatiua respectu Arithmeticæ. Respondendum itaq; est, dictam proprietatem hoc modo intelligendam esse, Scientiam subalternatam non posse resoluerе suas conclusiones ad sua prima principia, quod est habere, propter quid; vt patet in allato exemplo de Perspectiua, quæ licet reddat causam cur res a longe spectatæ videantur minores, quia lineæ longiores efficiunt angulū aspectus minorem, non tñ reddit causam cur angulus efficiatur minor, quam assignat Geometria, & hoc proprie est habere, Propter quid, vt Aristoteles docet. Quod si interdum subalternata habet eadem prima principia cum subalternante, non propterea dicitur habere Propter quid: propterea quod non demonstrat proprietates de subiecto primo, per illa principia, id quod fit in subalternante. Neque secunda obiectio concludit, quoniam scientia subalternans non habet propter quid respectu scientiæ subalternatæ, quasi ipsa descendat ad eius conclusiones, (hoc enim fieri non potest) sed quia ostendit communia principia ex quibus pendunt conclusiones subalternatæ, in quæ resolui debent.

Loc.cit.

1. Post.

t.29.

R V R S V S obijceres, subalternata differt essentialiter subalternante; ergo male dixit Aristoteles subalternatæ scientiæ subiectum esse alterum a subiecto subalternantis: nam, Alterum, vt ex Porphyrio pater, designat differentiam accidentalem. Respondeo, subalternatæ subiectum non differre essentialiter a subiecto subalternantis, si sumatur secundum se, quamuis diffe-

Cap. de differ.

rat respectu scientiæ, vt supra docuimus: si subiecto subalternatæ addatur differentia quæ est essentialis respectu scientiæ, quia facit illam practicam: propterea subiectum secundum se in subalternatis, quæ sunt practicę, potest dici alterum, & aliud: aliud respectu scientiæ, alterum respectu obiecti simpliciter, & secundum se considerati. Quando vero scientia subalternata est speculatiua, subiectum, etiam respectu scientiæ, dicendum est simpliciter alterum, cum solum contrahatur accidentaliter.

R V R S V S contra dicta obijceres, Astrologia refertur intrinsece ad Nauticam & Agriculturā: nō erit igitur speculatiua, vt nos diximus. Respondeo, Astrologiā primo & per se esse sui gratia, secundario vero & per accidens ad dictas artes referrri.

D E N I Q V E obijceres, sæpe una scientia subalternatur alteri, & alteram sibi subalternat: ergo subalternans poterit esse practica, & tamen aliter docuimus. Respondeo, posse quidem fieri, vt subalternata aliam habeat subiectam: sed tamen adhuc erit speculatiua; vt patet in Musica speculatiua, quæ sibi subalternat Musicam practicam & in Perspectiua, quæ sibi subiicit artes mechanicas, vel etiam liberales.

An scientia subalternata cognoscat sua principia.

Cap. XXI.



V M non defuerint, qui existimarunt, non esse necesse scientiam subalternantem debere cognoscere sua principia; propterea huius difficultatis tractandæ nobis occasionem præbent: quorū opinio his nititur argumentis.

P R I M O, si principia a subalternata scientia cognosci deberent, sequeretur non posse acquiri sine subalternante: at hoc est falsum, cum Perspectiua disci possit, ignorata Geometria: igitur non erit id necesse.

SECUN-

SECUNDO, Astrologia habet principia quæ non sciuntur, sed creduntur, quia pendent ab experientia, quam vnus homo habere non potest, sed opus est, vt per multos habeatur, & confirmetur: igitur eorum cognitio pendet a fide humana. Exempli gratia, demonstrant Astrologi primum mobile moueri spatio triginta sex millium annorum, quia mouetur per vnum gradum spatio centum annorum, a quo principio multarum eorum pendent conclusiones; quod principium creditur, cum ab vno solo Astrologo obseruari nõ potuerit.

PRIMA in hac re sententia fuit quorundam Thomistarum dicentium plurima principia subalternata non esse immediata & per se nota, vt in medicina corpus humanum constare ex quattuor, elementis, in eo esse quattuor humores: contraria contrarijs curari, & id genus alia, quæ non sunt per se nota in medicina, Capr. q. 1. prol. sed probantur in Physica. Dicunt ergo, & speciatim Capreolus, scientiam subalternatam, non probare sua principia, neque illa scire, sed solum credere: probantur tamen in superiore. Vnde inferunt, Theologiam Christianam esse vere subalternatam Theologiæ Beatorum: quamuis eius principia, nimirum articuli fidei, ab ipsa credantur, quæ a Beatis sciuntur. Vnde citatus auctor ait, conclusionem ductam ex principijs fidei posse dupliciter considerari: primo, vt colligitur ex principijs inevidentibus, & sub hac ratione non est scita, secundo vt continuatur cum scientia superiore, quæ illa principia euidenter cognoscit, & sub hac ratione est scientia.

SECUNDA sententia Gregorij Ariminensis in Quest. 1. ar. 4. prologo sententiarum, Aureoli quem citat Capreolus, & aliorum, qui dicunt scientiam subalternatam non esse veram scientiã, ni sciatur principia, sed erit, vel fides, vel opinio. De hac difficultate nos ita statuimus.

PRIMA positio, scientia subalternata non est vera scientia si ignoret sua principia. Primo, ex Aristotele, oportet scientem impermutabilem esse, hoc est ita 1. Post. c. 2. certum, vt a sua scientia dimoueri non valeat: at si prin-

cipia non sint nota, non erit impermutabilis: quia fides
 & opinio qua sciuntur mutari possunt: igitur. Secundo,
 sciens non potest pro sua voluntate mutare sententiã;
 quia ratio per quam scit conuincit intellectum: at si
 principia tantum crederentur, ad libitum mutare li-
 ceret igitur. Tertio, pueri cum primum accedunt ad
 scientias & prima principia credunt, quia Magister ita
 dicit, non dicuntur scire: ergo qui habet subalternatam
 & principia credit non dicetur sciens, nec ipsa subal-
 ternata scientia. Quarto, ex Aristotele, conclusio est mi-
 nus cognita quam principia: ergo, si principia subalter-
 nata non sunt scita, neque ipsæ conclusiones scitæ erūt.
 Respondent aduersarij, istas conclusiones secundum se
 esse minus cognitæ, quā sint principia, & sic non sciū-
 tur: sed si considerentur, ut continuantur cum subalter-
 nante, sub hac ratione sciuntur. Sed contra; quia prin-
 cipia ista quacunque ratione sumantur, re vera, nesciū-
 tur a subalternante: igitur & conclusiones, quæ ex illis
 colliguntur. Confirmatur, principia, ex Aristotele de-
 bent cognosci vel per demonstrationem, vel per aliam
 notitiam quæ melior sit quam scientia, quæ habetur
 per demonstrationem: at ista per vos nullo modo co-
 gnoscuntur: igitur. Quinto, omnis scientia debet ha-
 bere principia per se nota, vel quæ pendeant ex notis
 quæ per se fidem accipiant: sed principia in re propo-
 sita solum creduntur: igitur. Nec valet si dicas, debere
 esse cognita ex per se notis non in subalternata, uel
 rōne eius qui scientiam habet, sed in subalternatæ: quia
 ideo debent esse per se nota, ut gignant perfectam no-
 titiam conclusionis, quæ scitur a subalternata: ergo ab
 ea cognoscenda erunt. Confirmatur, principia debent
 esse cognita, ut principia sunt, & ut ex illis colligitur
 conclusio, quæ probatur in tali scientia ab eo qui eam
 habet: ergo in hac scientia, & ratione huius. Sexto,
 quia pari ratione scientia subalternans disci posset sine
 cognitione principiorum, si supponamus ea esse scita
 ab alia. Nec valet si dicas, principia subalternantis esse

1. post.
 c. 3.

Lib. 1.
 post. c. 2.

nota ex ipsa terminorum cognitione, ac proinde nemi
ni posse esse ignota; quia si obscure proponantur, ita ut
non possint cognosci ex cognitione terminorum, tunc
conclusio subalternantis, diceretur scientia subalterna-
ta scientiæ principiorum, sicuti scientia discipuli scien-
tiæ præceptoris; quod est contra Aristotelē, qui vult,
ut ea quæ demonstrantur, demonstrantur ex principiis
scitis ita ut cognoscatur, rem aliter se habere non pos-
se. Septimo, fides non potest generare scientiam: sed
principia non scita vel fide, vel opinione tenentur; igitur.
Denique, conclusiones cognitæ sine notitia prin-
cipiorū non sciunt nisi ex suppositione, hoc est, si vera
sint; at talis cognitio ex Aristot. non est scientia, igitur.

S E C U N D A positio, si subalternata solum credat
sua principia, non est scientia, sed fides. Hanc positio-
nem quæ ex dictis colligitur, facile concederet Caieta-
nus, qui aliquando dixit, scientiam subalternatam quā
do solum credit principia, non esse in statu scientiæ:
quāvis hac in parte secum pugnet. Vnde infert, Theo-
logiam Christianā secundum se consideratam esse scie-
ntiam, non autē ut est in nobis; quod nihil aliud est, quā
in nobis esse fidem: hoc enim pacto soluit argumentū
Scoti a se propositum. Quo loco notandum est princi-
pia subalternata duobus modis cognosci posse, vel a po-
steriori, ut vulnus rotūdum esse difficilius curatu, per
experientiam: vel a priori per causam, & hac ratione
scientia subalternans dicitur esse habitus principiorum
respectu subalternatæ. Quod autem notitia dicta ex
principiis creditis sit fides, probatur. Primo, quia habi-
tus principiorum est fides, ut supponimus; at ex fide nō
potest gigni nisi fides: igitur. Secundo habitus princi-
piorum est certior habitu conclusionis: ergo conclusio
collecta ex principiis creditis non potest esse certior,
fide. Tertio, si scientia subalternans, vel alia quæ non
sit subalternata, tantum crederet principia, non esset
scientia, sed fides: atqui eadem est ratio scientiæ
subalternatæ: igitur. Quarto, quia alias sequeretur

In d. Th
2.2.q.6.
ar. 5.

1. Post.
t. 6.

Libr. 1. posse deduci conclusionem scientificam ex principiis
 post.c.2 inevidentibus, & incertis, de quibus existimaretur aliter se habere posse: quod est contra Aristotelem. Quin-
 eto, fides, nihil aliud est, quam assensus per auctoritatē
 dicentis: at cognitio conclusionis in nostro proposito,
 est huiusmodi: esset igitur fides. Denique hæc positio
 confirmatur ex ijs quæ pro prima allata sunt.

TERTIA positio, continuatio illa scientiæ subal-
 ternatæ cum subalternatæ, vt volunt aduersarij, si prin-
 cipia subalternatæ tantum credantur, vt ipsi volunt,
 non facit vt inferior sit vera scientia. Per illam con-
 tinuationem intelligunt sciētias illas esse ita ordinatas
 vt sint in diuersis intellectibus, vt ille qui habet scien-
 tiam subalternatam sciat alium habere subalternatē,
 & scire principia suæ scientiæ, id quod accidit in Theo-
 logia quā nos habemus, & in Theologia Beatorū, quos
 scimus habere euidētiā eorum, quæ nos credimus,
 & quia ipsi nobis reuelarūt: ideoque supponimus prin-
 cipia illa esse vera. Dicimus itaque in allata positione
 per hanc continuationem subalternatam non fieri scien-
 tiam. Primo, si ista continuatio sufficeret, sequeretur
 2. post. t. posse amitti scientiam remanēte obiecto, medio, demō-
 37. stratione, & memoria illius, quod est cōtra Aristotelē:
 consequentia probatur, etenim posset remanere purus
 Perspectiuus, sublato omni Geometra, qui tamē nō ha-
 bebit scientiam conclusionum, quia nullus existit Geo-
 metra, cum quo Perspectiui scientia continuari queat:
 cum tamen omnia quæ diximus, maneat. Secundo, si
 sufficeret ista continuatio, sequeretur posse haberi sciē-
 2. post. tiam conclusionis, sine scientia præmissarum, quod est
 2. 42. contra Aristotelem: sequela probatur, quia posset ali-
 quis habere cognitionem conclusionis, & alius princi-
 piorum: & tunc esset continuatio assignata ab aduersa-
 rijs; quare esset etiam scientia. Tertio, ideo principia
 debent cognosci, vt is qui habet notitiā conclusionis
 possit ex illis conclusionem colligere, & ipse sciat illa es-
 se principia: at per istam continuationem subalternata
 nullo

nullo modo scit sua principia: igitur ex ignoto colligit notum, & ex incerto, & inevidenti conclusionem certā & evidentem, quod repugnat. Denique, ista continuatio fit ratione obiecti: at si id sufficeret, sequeretur fidē alicuius idiotæ de immortalitate animorum, vt continuatur cum Physica, esse veram scientiam, immo cum hoc reperiatur in omni cognitione, omnis cognitio erit scientia, quod est absurdum. Concludamus igitur, ad hoc vt subalternata sit vere scientia, debere cognoscere sua principia, non per se, sed p subalternantē, quæ prius discenda est: quare subalternata, ex se, erit solum fides, vel opinio. Argumenta in contrarium allata sic solueres.

AD primum, scientia subalternata non est vere scientia, vt diximus, nisi coniungatur cum superiore. Poterit igitur acquiri, sed erit imperfecta scientia.

AD secundum, nisi Astrologia habeat cognitionem suorum principiorum non erit vere scientia: talis autē notitia haberi potest ab vno homine. Quamuis enim vnus homo non possit experiri motum primi mobilis fieri per vnum gradum spatio centum annorum: tamē experientia cognosci potest, dimidiam eius partem fieri spatio quinquaginta annorum, & quartā partem fieri spatio viginquique, & octauam duodecim cum dimidio. Idem dicendum est de alijs principijs astrologicis, quæ requirunt longiores experientias, & a paucis hominibus haberi possunt. Vnde astrologia iudiciaria facillime decipit eos, qui secundum eius principia procedunt.

Qua scientia sint subalternantes, et qua subalternata.
Cap. XXI.



DE re proposita si quis fuisse differere vellet, multas disputationes faceret: at vero nobis, qui Institutione cōficimus, satis erit, si paucis quæ dicenda occurrūt vnica disputatione perstringemus. In qua primo loco videbimus, an Metaphysica sibi alias oēs scientias subalternet: Deinde idē quæremus de Logica: Postremo docebimus quæ nam scientiæ subalternentur Physicæ & Mathematicæ. Quod ad primum attinet, nonnullis rationibus persuaderi potest Metaphysicam omnes alias subi subijcere scientias.

PRIMO, ex varijs Aristotelis locis in disputatione de distinctione scientiarum citatis, in quibus plane ait, Physicam & Mathematicam esse partes Primæ philosophiæ, hoc est Metaphysicæ, quæ prima philosophia nominatur.

SECUNDO Metaphysica probat principia Physicæ & Mathematicæ, & hæ obiecto illius addunt conditionem accidentalem: igitur hic erit vera subalternatio, cum adsint conditiones ad eam requisitæ.

TERTIO obiecta harum duarum scientiarum nō possunt perfecte cognosci absque doctrina entis, quia ens est prædicatum illis intrinsecum: at ens est obiectū Metaphysicæ; igitur sine hac illæ cognosci non possunt.

QUARTO, Physica, & Mathematica nequeunt resolvere suas conclusiones vsque ad prima principia, id quod fit in Metaphysica; ergo Metaphysica erit illarū subalternans.

DENIQUE, Metaphysica agit de fine qui est superior illis scientijs, nimirum de veritate, igitur.

QUOD attinet ad opiniones in hac materia, quidā existit-

existimarunt, Metaphysicam sibi subalternare alias sciē-
tias; ita sentire videtur Plato, septimo de rep. Simpli-
cius, & Themistius libro primo physico, cap. secundo,
& primo post. cap. septimo: Proclus libro primo in Eu-
clidem cap. quarto; Dicitur Thomas opusculo de natura
generis, & quidam alij.

Iul. Sir.
Libr. de
ob. Met,
sect. 3. a
c. 14. ca.

SECVNDA sententia Auenrois Paraphrasi in
Metaphys. in initio: Aegidij in proœm. Physicorū. An-
tonij Andreæ initio Metaph. & est communis Scoteo-
rum, qui contra sentiunt. Nos ad hoc, & ad reliqua ca-
pi proposita, sequentibus positionibus respondemus.

14.
D. Tho.
opus. 70

PRIMA positio, physica & Mathematica non sunt
proprie subalternatæ Metaphysicæ. Primo, physica ha-
bet propria principia quæ nō pendent a Metaphysica,
igitur: consequentia est manifesta, quia subalternata de-
bet accipere principia a subalternatæ. Antecedens pro-
batur, quia principia Physicæ sunt materia & forma, na-
turam esse principium motus, motum esse actum entis
in potentia, & alia multa, quæ non pendent a Metaphy-
sica: igitur. Secundo, physica ostendit propter quid sua-
rum conclusionum, nec in suis, demonstrationibus pé-
det a Metaphysica, quod ad veram subalternationem
requiritur, igitur. Tertio, physica assignat causas imme-
diatas, quibus non sunt aliæ priores, ergo habet pro-
pter quid; ac proinde non eget subalternante. Exempli
gratia, assignat causam cur grauius deorsum ferantur,
& leuius sursum, & sic de alijs. Quarto, subalternata nō
probat passiones de primo subiecto, id quod facit phy-
sica quæ probat passiones proprias sui subiecti: igitur.
quas rationes accommodares etiam Mathematicæ.
Quinto, si dictæ scienciæ essent Metaphysicæ subie-
ctæ, ab ea penderent, & nihil sine ea probarent, quod
est falsum. Postremo, sequeretur Metaphysicam prio-
re loco esse discendam, quod tamen est falsum, vt supra
docuimus: igitur. In sūma Metaphysica non habet illas
conditiones quas scientia subalternans requirit: igitur.

Libr. 2.
phys. 1.
4.
Lib. 3. r.
6.

SECVNDA positio, Logica non subalternat sibi
alias

Lib. 1.
post. t.
30.

alias scientias. Primo, quia Logicę non conueniunt conditiones subalternantis; vt manifeste patet, si quis singulas velit percurrere, igitur. Secundo, subalternans respectu subalternatarum debet esse speculatiua: at Logica non est huiusmodi, cum non speculetur id quod in alijs tractatur; igitur. Denique, subalternans probat principia aliarum, & reddit propter quid, quod non facit Logica; igitur.

TERTIA positio, Logica non est proprie subalternata vlli scientiæ. Primo, quia Logicę principia non probantur ab alijs scientijs, nec etiam a Metaphysica; igitur. Secundo, quia deberet disci post alias scientias, quod est falsum. Denique, non considerat subiectum alicuius scientiæ contractum per aliquam accidentariā conditionem, igitur.

QUARTA positio, scientiæ practicę in omnibus fere subalternantur scientijs speculatiuis. Moralis, quę agit de virtutibus & vitijs, atque de affectibus est subiecta scientiæ de anima, quę agit de illius potentijs, & passionibus. Medicina Physicę, & sic de alijs. Dixi fere, in omnibus, quia in scientijs practicis possunt dari aliqua principia, quę non pendent a scientia speculatiua; vt in morali, bonum esse amandum; simile appetit simile; quod tibi non vis fieri, alteri ne feceris: quę principia non pendent ab vlla scientia speculatiua, quamuis aliqua ratione ad speculatiuas reuocari possint, vt illud, simile appetit simile, ad hoc, omnia appetunt bonum, quod potest esse physicum principium, & illud, quod tibi non vis, ad hoc, Omnia proportionem seruare debent, quod est principium physicum. verum dici posset, huiusmodi principia non pendere ab alijs.

QUINTA positio, scientiæ Mathematicę quod attinet subalternationem, hoc modo se habent. Geometria subalternat sibi has scientias speculatiuas, Perspecti-
Simp. 2. tuam ratione linearum, Astronomiam ratione apparen-
Phy. 1. tiarum syderum & aspectus illorum, Astrologiam vero
18. respectu astrorum. Hę duę scientiæ differunt ex par-

te finis, quia Astronomia cōsiderat ea quæ ex motibus
cælorum proficiuntur. Astrologia vero solum motus
ipsos syderum. Arithmeticæ subalternatur Musica, quæ
est de numero sonoro. Scientiæ subalternatæ dicuntur
scientiæ mediæ ex eo quod habent obiectum mathe-
maticum applicatum ad rem physicam, simpliciter ta-
men sunt mathematicæ quia subiectum est magis es-
sentiale, quam accidentalis conditio, vt supra diximus.
Plura de hac re vide apud Zimaram. Geometria etiam
ratione Stereometriæ, quæ est eius pars, & considerat
corpora solida, subalternat sibi artem metiendi, ædi-
ficandi, & alias similes, quæ versantur circa corpora so-
lida. Tribus superioribus subalternatis speculatiuis,
subalternantur aliæ. Astrologiæ Nautica, & Agricultu-
ra, atque alijs aliæ artes practicæ. Musicæ speculatiuæ,
Musica practica, & sic de alijs. Patet igitur quæ scientiæ
Mathematicæ sint subalterantes, & quæ subalternatæ.

2. Physf.

2.

Cont. 4.

super 4.

Met.

q. 2. in

lib. de

cœl.

SEXTA positio, Physicæ subalternatur Medicina.
Ita Aristoteles libro de sanitate, diuus Thomas opu-
sculo septuagesimo, quæst. quinta, articulo primo, &
alij. Quoniam quæ tractantur in Medicina pendent a
Physica, cum eius subiectum sit corpus humanum
quod consideratur a Physica, & a Medicina: sed a Me-
dicina, consideratur cum conditione accidentali, vt
sanabile. Finis Medici est sanitas, quæ consistit in quat-
tuor humoribus, quorum consideratio spectat ad Phy-
sicum: Medicamenta etiam, quæ tractantur a Medico,
pertinent ad eundem, quatenus constant proportionem
quattuor qualitatum.

Auer. in

collig. 1.

In resp.

ad 5.

Lib. de

resp. c. 2

VBI nota, Medicinam duos habere habitus diuer-
sos: vnum, quo cognoscuntur præcepta & res, quæ eius
præceptis subiiciuntur, qui vocatur theoreticus: alter
quo potest bene & prompte agere & mederi, seruatis
circumstantijs ad bene medendum conferentibus, &
hic est practicus. Hos duos habitus inter se distingui,
patet experientia: multi, enim reperiuntur qui artem
medicam in scholis profitentur; & tamen nesciunt
adhibere

adhibere medicamenta, quia hoc secundo habitu ca-
rent. Contra vero, illi qui habent habitum prae-
dicum, quos Medicos empiricos vocant, sine vlla cognitione
principiorum vniuersalium, quae traduntur in arte Me-
dica apte medicamenta ad sanandum adhibent. Pri-
mus ergo habitus versatur circa praecepta vniue-
rsalia, secundus vero circa particularia: & quidem ad perfe-
ctam Medicinæ artem vterque acquiritur habitus,
alter enim sine altero, est imperfectus. In primo habitu
rursus duos alios animaduertere licet (in duas enim
partes distribuunt) quarum vna considerat morborum:
herbarum, & medicamentorum naturas, & hæc pars est
physica, quoniā versatur in cōsideratione quidditatis
rei naturalis: assumitur tamen a Medicina, quia est ei
maxime necessaria, sine qua ars medica esset valde exi-
gua & ignobilis. Altera versatur in praeceptis, & hæc
est proprie ars Medica, quae subiicitur physica. Exem-
pli gratia, quando Medicus animaduertit morbum
ortum ducere a siccitate & calore, docet adhibendū
esse medicamentum, quod sit frigidum & humidum;
quia contraria contrarijs curantur, illa medicamenta
esse contraria non probat Medicus, sed Physicus; qui
non possunt esse in eodem subiecto. Patet ergo Medi-
cinam subalternari Physicæ. Nec propterea ex dictis
inferre licet, duas esse Medicinas, quod duo ei assignen-
tur habitus. sed est vna tantum, ob vno obiecto, idest
corpore sanabili per artem, & practica, a suo fine, & v.
D. Thomas ait: potius mechanica, quam liberalis.

Opusc.

70. q. 4.
ar. 1. ad 4

R v r s v s physica subalternatur Agricultura, v
patet ex diuo Thoma, loco supra citato; quāuis subijci-
tur etiam Astrologiæ ratione temporum. Item Physi-
cæ subalternatur pictura, prout exprimere debet affe-
ctiones animi, & vt requirit varias colorum mixtiones.
Subalternatur etiam Perspectiua, ratione aspectuum.

A d extremum huius disputationis de subalterna-
tione addiderim, scientias & facultates, quarum vn-
a non subalternatur alteri, inter se iuuare. Primum, qui
omnes

omnes scientiæ vtuntur principijs dialecticis & probabilibus: cum in singulis sint multa quæ sola opinione tenentur. Deinde, omnes vtuntur Metaphysica prout probant principia contra proteruos. Præterea, omnis scientia uti solet exemplis ab alijs petitis; ut facit Aristoteles, qui fere semper utitur Mathematicis. Postea, ad vberiore doctrinam solent interdum coniungi materiæ diuersarum scientiarum; ut non vno in loco fecit Aristoteles: & Physica attingit et obiectum Metaphysicæ, dum probat Deum & Intelligentias dari. Denique, Metaphysica, Mathematica, & Physica conueniunt in tractatione de quantitate, quamuis non sub eadem ratione de ea disputent. Vnde fit, ut vna scientia sine alia aut non plene, aut non facile acquiri possit; sicuti una virtus sine alia perfecte acquiri nequit: sunt enim inter se necessario connexæ, si de perfectis loquamur. Sed iam ad argumenta in contrarium allata respondeamus.

Ad primum, illæ scientiæ vocantur partes vnius sapientiæ ratione subiecti materialis, ut supra diximus.

Ad secundum, negatur sumptum: primo, quia Metaphysica non probat principia aliarum scientiarum a priore ostensivè, sed reducendo ad impossibile; quod si interdum probat etiam ostensivè, ea probat, non ut sint principia, sed ut sunt species sui subiecti. Deinde, obiectum Metaphysicæ non continet obiecta aliarum scientiarum, ita ut hæc addant solum conditionem accidentariam, sed addunt essentialem; non quidem obiecto Metaphysicæ, sed suis obiectis particularibus; nam quod additur, facit vnum ens per se, cum illis, ut esse naturale cum corpore, quod non reperitur in scientijs subalternatis.

Ad tertium, obiecta aliarum scientiarum possunt quidditatiue cognosci absque Metaphysica, quæ solum dicitur considerare omnium rerum naturas in communi, ut entia sunt, & eorundem communes passionés, non in particulari, ut in quacunque particulari scientia considerantur.

Ad

AD QVARTVM, negatur alias scientias non posse resolvere suas conclusiones in prima principia, & certissima, ac proinde in hoc non pendent a Metaphysica.

AD VLTIMVM, licet metaphysica agat de fine omnium scientiarum, tamen agit speculative, & non dirigit alias ad illum finem; id, quod est necessarium ad subalternationem ratione finis. Atque de scientię natura, proprietatibus, partibusque hucusque.

Dubitationes quadam circa scientias Mathematicas. Cap. XXIII.



ANTE QVAM ulterius in suscepta materia progredior; ad maiorem intelligentiam eorum, quę supra de Mathematicis scientiis loquendo diximus, quasdam priuatas dubitationes circa eas hoc loco explicare placet: idque eā ob causam, quod non sint ita in communi notitia positę, ut ea quę ad alias scientias pertinent.

PRIMA igitur dubitatio, de qua supra non nihil diximus hæc est, an Mathematica, in consideratione quantitatis, quę est eius subiecta materia, abstrahat a substantia, ita ut consideret nudam quantitatem sine materia, de qua re sunt duę auctorum sententię.

PRIMA Alberti in primo Physico, & Metaphysico: diui Thomę in prima parte, in opusculo 70. & in secundo Physico, particula decima octaua, Aegidij eodē Met. te. lib. lectione tertia, dub. secundo, & alibi; Ferrariens. 2. l. c. 1. q. Physico. quęstione secunda, Soncin. 6. Phys. q. vndecima, & aliorum Thomistarum: Item Scoti, sexto Metaphy. quęstione prima, & sequacium, Antonij Andreę. Aquar. quęst. 3. Item Ianduni. 2. Phys. quęst. 5. Genuę lect. in addit. 15. qui dicunt, non considerare quantitatem sine substantia, quia quantitas est quid essentialiter dependēs a substantia, & per consequens habet omnes proprietates pendentes a materia.

SECUNDA opinio Themist.libro 1.de anim.tex.
 16.& tertio de ani.tex 50.& 2.Phys.tex.18.& simpli
 cij secundo Physico, ibidem, qui dicūt Mathematicam
 habere pro subiecto tres dimensiones, ac si essent per
 se solæ. Idem sentit Alexander libro primo Physico,
 tex.primo, ubi ait Geometriam non per se expectat,
 sed propter vtilitatem, quam affectantibus mechanici:
 Auennes. Secundo Phys. com.18. & tertio Meta-
 phys.tex.tertio & alijs in locis. Item Burleus eodem
 tex.Paulus Venetus, Lincon.& Zimera in tabula, in
 verbo materia. Hi ergo omnes dicunt Mathematicam Theor.
 considerare quantitatem abstrahendo a substantia: & 81.
 videtur etiam Alberti, qui dicit, corpus mathematicū
 esse trinam dimensionem; quæ sententia, vt etiam su- Tra.1.li.
 pra docuimus, proculdubio ob has rationes retinen- 1.Phys.c.
 da est. 1. & 7.

PRIMO, quia Mathematicus non definit quanti Met. tc.
 tem, nec demonstrat aliquid de illa per substantiam: 3.c.2.
 & si per impossibile quantitas non esset accidens sub-
 stantiæ, adhuc haberet partes, & conuenirent ei om-
 nes definitiones & demonstrationes Mathematicæ: igitur
 abstrahit ab illa. Secundo, quia alias eius subiectū
 non esset quantitas, sed substantia: sicuti in Physica, quæ
 considerat quantitatem & alia accidentia, ut sunt pro-
 prietates substantiæ: at vero Mathematicæ sciētiæ nul-
 lam faciunt mentionem substantiæ, ut in Metaphysicis
 docet Aristoteles; ubi ait solam Astrologiam uersari Lib. 12.
 circa substantiam, reliquas uero Mathematicas, nullā t.44.sū.
 facere mentionem substantiæ: & alio loco, ait conside- 2.c.1.
 rare punctum, & numerum sine motu, hoc est sine ma- 2. Phys.
 teria. Tertio, Mathematicæ abstrahunt a bono, & ab en t.19.
 te, ut Aristoteles docet: igitur etiam a substantia, im- Lib.3.
 mo etiam ab essentia quantitatis, sed eam solum consi- Met.1. 3
 derant secundum extrinsecas proprietates, & relatio-
 nes. sed de citato Aristotelis loco, infra planius di-
 cetur. Quare Mathematica spectat quantitatem sine
 vlllo ordine ad substantiam, & quidem non secundum
 T propriam

propriam essentiam, sed secundum quædam accidentia. Et ideo, licet posterius secundum suam naturam consideratum, non possit abstrahi a priore: tamen, si consideretur secundum aliqua accidentia, quæ ei conueniunt sine ordine ad prius, potest abstrahi ab illo; ut contingit in quantitate mathematica, quæ licet sit posterior substantia; tamen ab illa abstrahit: propter quâ causam in mathematicis non dantur, nec dari possunt, perfectæ demonstrationes. Vnde patet quid dicendum sit ad fundamentum contrariæ sententiæ.

N E Q V E valet quod aliqui dicunt, substantiam esse conditionem subiecti Mathematicæ: quia, vel hæc conditio consideratur in scientia, & tunc substantia erit subiectum: vel non consideratur, & tunc Mathematica abstrahet a substantia, quia considerabit quantitatem sine ullo ordine ad eam. Quod si dicant, Mathematicam habere pro subiecto quantitatem, ut est in substantia, Mathematica non erit scientia totalis a Physiologia distincta, quod est contra Aristotelem.

S E C V N D A dubitatio, qualisnam sit abstractio
 Lib. II. Mathematica, de qua toties facta est mentio? Quamuis
 met. quid ad hanc dubitationem respondendum sit, aliquo modo pateat ex dictis: tamen, hic planius eam explicabo. Dico igitur, scientias mathematicas præter duas abstractions, quas habent communes cum alijs scientijs, habere aliâ propriam. Omnes enim scientiæ habent vnam abstractionem vniuersalem, qua consideratur subiectum seiunctû a singularibus, & alteram formalem, qua considerant suum subiectum secundum ea quæ ei conueniunt, in ordinem ad talem scientiam, abstrahendo ab omnibus alijs rebus: At vero mathematica præter has, habet aliam, quia non solum considerat quantitatem vniuersè abstrahendo ab illis, quæ ei non conueniunt in ordinem ad talem scientiam, sed etiam quia abstrahit a subiecto, & ab ordine essentiali ad illud. quamuis enim quantitas sit accidens essentiali substantiæ, & consequenter habeat ordinem ad substantiam;

stantiam; tamen habet quasdam proprietates, quæ ei conueniunt sine ordine ad substantiam, quo modo consideratur a Mathematica, & ita habet hanc aliam abstractionem. Nec propterea in hac abstractione est mendacium, ut Aristoteles docet; quia per eam solum concipimus vnum, non concipiendo aliud; non autem negamus vnum de alio: quo modo aspectus percipit suum obiectum in pomo, abstrahendo a sapore, in quo nulla est deceptio, licet color sine sapore percipiatur. Unde patet cur mathematica dicatur abstrahere a qualitatibus, & a materia sensibili, ut multis in locis docuit Aristoteles, & ex definitionibus mathematicis constat.

Lib. 2.
phys.

2. Phys.
t. 18.

3. cœl. t.
6.

1. d. ani.
t. 17.

6. Met.
12.

TERTIA dubitatio, quomodo mathematica dicatur abstrahere a materia sensibili, non autem ab intelligibili, ut Aristoteles in metaphysicis, & in secundo physico docet, & quænam sit ista materia intelligibilis: ad quam dubitationem respondeo his dictis.

PRIMUM dictum, materia intelligibilis in mathematica, non sunt principia a quibus fluunt res mathematicæ, ut est punctum respectu lineæ. Primum, quia in 7. metaph. Arist. indicat segmenta circuli esse materiam circuli, & alio loco ait, in definitione circuli esse materiam intelligibilem: at neutrum accommodari potest dictæ materię: igitur. Deinde, quia ista materia est finita, cum lineæ re vera non fiat ex punctis, vel fluxu puncti.

Lib. 7.
t. 35. &
8. t. 3. vi
de Zim.
Theor.
81.

Tex. 35.
Lib. 5.
met. t.
15.

SECUNDUM dictum, ista materia intelligibilis, non sunt partes quantitativæ ipsius quantitatis, ut segmenta circuli respectu circuli. Quoniam Aristoteles, in hac definitione, circulus est figura plani, ait esse materiam intelligibilem: & tamen hæc definitio non datur per partes quantitativas circuli: igitur. Similiter punctum definitur a Mathematico, & non habet istas partes, igitur.

Lib. 8.
met. t.
15.

TERTIUM dictum, ista materia, non est habere partes definitionis, siue genus & differentiam, quæ ponuntur in definitionibus mathematicis, ut indicavit

Quæst.
5.

Iandunus, secundo physico. Quoniam, ut constat ex Aristotele, etiam in definitionibus mathematicis est aliquid, quod se habet ut materia, aliquid ut actus, vel forma. Ergo genus & differentia tantum, non possunt esse materia ista intelligibilis.

- Q V A R T U M dictum, ista materia non est substantia, ut substat quantitati, ita ut substantia, ut substat quantitatibus sensibilibus sit materia sensibilis, ut voluit D. & opus. Thomas, Aegidius, Ferrariensis, Scotus, & Canonicus, 70. q. 5. qui dicunt, substantiam cum sola quantitate abstractam ab accidentibus sensibilibus tantum intelligi posse, non ar. 3. autem sentiri, & ideo esse materiam intelligibilem. Pri- Tex. 39 mum, quia septimo metaphysico dicitur, semicirculos esse materiam circuli: at circuli non sunt substantia: igitur materia intelligibilis non erit substantia: & alio loco dicitur, Materiam intelligibilem esse id, quod est in sensibilibus, non tamen quatenus sensibilia sunt: item alibi, in definitione circuli esse materiam intelligibilem, Lib. 5. in qua tamen nulla est substantia: denique alibi Aristoteles scriptum reliquit, solam Astrologiam mentionem habere de substantia, alias vero mathematicas non Lib. 11. item. Deinde, idem patet ex definitionibus mathematicis, quæ dantur per materiam intelligibilem, & tamē 44. non includunt substantiam: ac proinde ex communi Lib. 8. antiquorum sententia Mathematica abstrahit ab omni Met. 1. substantia. Præterea, substantia, ut substat quantitati, 15. est sensibilis; per hanc enim distinguuntur res naturales quæ definiendæ sunt per materiam sensibilem, & hoc est proprium naturæ sensibilis in communi: ergo. De- Lib. 7. nique, Aristoteles ait, materiam intelligibilem esse in Met. 1. rebus sensibilibus, non tamen ut sensibiles sunt: illa autem substantia non est in rebus sensibilibus, sed potius res sensibiles in illa, nimirum accidentia sensibilia: igitur.

Q V I N C T U M dictum, materia ista intelligibilis nihil aliud est, quam quantitas continua, vel discreta, siue linea, siue superficies, siue corpus, prout habet rati-

nem materiæ: vel quia ibi inest aliquid tanquam forma, vel quia ex ea aliquid componitur, tanquam ex materia, sicuti sunt segmenta respectu circuli. Immo omne id quod in rebus sensibilibus habet rationem aliquam materiæ, vocari potest materia intelligibilis: quamvis hoc magis proprie tribuatur quantitati separatæ ab omni substantia, ut docet Zimara in Tabulâ, in verbo Materia, Alia intelligibilis: materiam vero sensibilem (substantiam, vel materiam ut est principium motus vel qualitatum sensibilibus, ut colligi potest ex decimo Metaphysico, ubi entia mathematica dicuntur materia intelligibilis, quæ tamen nullam habent substantiam, sed solum aliquam rationem materiæ, modo explicato: & quodcumque Aristoteles affert exempla materiæ intelligibilis, semper affert exempla quantitatis, & rerum mathematicarum.

Tex. 39
& 39.

S E X T V M dictum, Mathematica abstrahit a materia sensibili, non autem ab intelligibili, eo modo, quo explicuimus. Quia non abstrahit a quantitate, quæ habet rationem materiæ intelligibilis: quæ & si sit aliquo modo sensibilis: tamen a Mathematico non consideratur ut talis; & ita abstrahit a substantia sensibili, ut docet Aristoteles, cum ait definire sine motu. Atque de hac dubitatione hucusque.

Lib. 3. d
cæl. t. 6.
1. de an.
tex. 11.

Q V A R T A dubitatio, quomodo Mathematica abstrahat a motu, id quod Aristoteles docet, dum ait, entia mathematica esse immobilia; quod varijs modis explicari potest. Primo, modo iam dicto, ut per motum intelligat materiam. Secundo, intelligendo per motum generationem & corruptionem, & alios; ut motus fit naturali virtute; quia certum est Mathematicam abstrahere a motu locali, quatenus fit naturaliter ad certum aliquem locum; quoniam quantitas, ut consideratur a Mathematica nullum habet huiusmodi motum. Quod si motus sumatur latius, quatenus exempli gratia augmentatio fit quacunque ratione, Mathematica non abstrahit ab augmentatione: quia considerat quo-

2. phy. t.
18. & 19.
Lib. 6.
Met. t.
2.
Lib. 3.
de cæl.
t. 65.
Leg. D.
Thom.
opus. 70
q. 5. art.
3.

Arist. in
post pd

modo quadratura, si addatur gnomoni augeatur, & retineatur eadem figura. Similiter, si motus localis designet quamcunque operationem partium quatenus ex illa sequitur distantia, proportio, & velocitas, motus consideratur a Mathematico: quia sub hac ratione convenire potest quantitati eo modo, quo a Mathematico consideratur: alij vero motus sunt a virtute intrinseca naturali, & ideo non considerantur a Mathematico.

QUINCTA dubitatio, an Mathematica abstrahat a bono, & consequenter a fine, ut libro tertio Metaphysico, particula tertia, asserit Aristoteles, ubi ait abstrahere a fine, & non considerare quid sit bonum, aut melius: ad quam dubitationem hunc in modum respondet. Primo mathematicam non abstrahere ab ente & bono, ob hanc causam, quod eius obiectum non sit ens & non habeat rationem boni & finis. Quia est de ente reali, & demonstrat passiones reales, quæ omnia habent rationem entis boni & finis. Ideo decimo tertio Metaphysicæ, summa prima, capite tertio, Aristoteles ait, Falsum dicere eos, qui aiunt, mathematica, nihil habere de bono, & de pulchro; probatque, ea quæ docet mathematicus habere rationem boni & pulchri, etsi harum rerum mentionem non faciat: considerat enim in ordinem ad proportionem & alias passiones quæ omnia habent rationem boni. Quare mathematica sub hac ratione non abstrahit ab ente bono, & a fine. Secundo, dico facultates mathematicas non abstrahere a bono & a fine ob hanc causam, quod ipsæ non sint entia, nec sint bonæ, nec aliquem habeant finem, aut ipsæ non sint fines alicuius, ut docet Zimara, in tabula, verbo Mathematicæ, quasi nullam de bono, aut malo faciant mentionem. Tercio dico, mathematicam abstrahere ab ente bono & a fine ratione subiecti formaliter sumpti, ut docet diuus Thomas, Caietanus, Flandria, Iundunus, & alij: quamvis differant in modo explicandi: sed, varijs dicendi modis omissis, dicimus abstrahere ab ente bono,

1. p. q. 5.
ar. 4.
Caiet.
ibi.
Lib. 3.
met. q. 2
art. 3.
cod. q. 3.

no, & a fine ratione obiecti formaliter sumpti, nõ quia obiectum eo modo quo consideratur a mathematica simpliciter non possit existere in rerum natura, quia hac ratione etiam physica, & aliæ scientiæ abstraherēt ab ente bono, & a fine, quia omnes cõsiderāt vniuersalia obiecta, vt Physicus corpus naturale, quo modo nõ possunt existerē; sed quia eo modo mathematica considerat obiectum, quo nec in vniuersali, nec in particulari existere potest vi alicuius agentis naturalis. Quia cõsiderat quantitatem, non solum in vniuersali, sed etiam abstrahendo a substantia, & a materia sensibili, qua ratione nec in vniuersali, nec in particulari potest existere. Præterea mathematica considerat quantitatem secū dum quasdam relationes extrinsecas, quæ possunt illi conuenire, etiam si non esset accidens, nec haberet naturam quantitatis, sed solum partes, & ideo abstrahit a ratione quantitatis & entis; & per consequens a ratione boni & finis, vt ait Zimara in tabula loco citato, ex Auenroe dicente, In formis mathematicis non esse bonitatem, nec nobilitatem: quia etiam si ista in illis repariantur; tamen non reperiuntur prout a Mathematica considerantur, sed vt sunt in re physica. Et quoniam in scientia illud maxime considerandum est, quod conuenit obiecto eo modo, quo obiectum consideratur a scientia: ideo dicimus simpliciter mathematicam abstrahere ab ente bono, & a fine: quamuis sub alia consideratione possimus dicere non abstrahere, quia inservit philosophiæ, vt docet Alexander, primo priorum in proœmio, & Proclus libro primo in Euclidem. Sed cur si mathematicæ scientiæ sunt vtilēs, quidam sancti patres, eas vt inutiles reijciendas putarunt? Nam S. Hieronymus dixit, non esse pietatis scientias: Augustinus Lib. de se retractauit, quod liberalibus disciplinis in quibus ord. mathematicæ continentur, multum tribuisset. Ambro Lib. 6. sius quoque in eas diuinorum eloquiorum auctoritate in He- inuehitur. Adde etiam, quod Romani, vt ex Tullio di- xam. scimus, minoris eas fecerunt, quam Græci fecerint. Qd Tus. 1.

attinet ad Romanos, cum præcipua cura in Imperij administrationem incumberent, eas disciplinas colebant, quæ potissimum ad hoc conferebant, cæteris omis-
 Sancti vero, ideo non approbant, quia videntur minus
 viles ad pietatem colendam: & quia, qui in eas incum-
 bunt, quæ sunt magis vtilia omittere solent: vel etiam,

Hug. de quod sub ista appellatione continentur artes illæ qui-
 S. Vict. bus homines in augurijs, & iudicijs faciendis vtuntur.
 Lib. 2. di Nec defuerunt ex nostris scriptoribus qui eas multū,
 das. c. 5. ob earum vtilitatem laudarunt.

Cap. 8. **SEXTA** dubitatio, quomodo scientiæ mathemati-
 Arist. 2. cæ distinguantur a physica: ad quam dubitationem hūc
 physic. in modum respondeo. Si loquamur de puris Mathema-
 text. 16. ticis, primo differūt in obiecto: quia Physica habet pro
 & seq. obiecto substantiam & quantitatem, vt est illius pas-
 sio. Mathematica vero nudam quantitatem, non vt est
 proprietas substantiæ. Secundo, physica considerat quā-
 titatem secundum suam naturam tantum, & vt est in
 substantia; mathematica vero secundum extrinsecas
 relationes: quo fit vt Physica cōsideret materiam sen-
 sibilem; Mathematica vero intelligibilem: & ideo illa
 potest habere veras definitiones & demonstrationes;
 mathematica autem nec habet, nec habere potest.

Proc. in **SEPTIMA** dubitatio, quomodo diuidendæ sint
 Eucl. lib scientiæ Mathematicæ. Celebris est diuisio a Pythago-
 r. c. 13. ricis introducta, & ab alijs recepta, ut nonnulli referūt
 Anmō. in quattuor partes, In Geometriā, Astrologiam, Arith-
 præf. in meticam, & Musicam, cuius diuisionis hæc assignatur
 præd. ratio. Quantum dupliciter consideratur, vt continuū,
 Gemin. & vt discretum: illud rursus, vt mobile, & immobile:
 Eucl. c. hoc vero, vel secundum se, vel in ordinem ad aliud.
 3. prole. quātum continuum immobile, consideratur a Geome-
 tria, mobile ab Astrologia: Discretum, secundum se, est
 obiectum Arithmeticæ, in ordinem ad aliud, est obie-
 ctum Musicæ. Hanc diuisionem ideo aliqui non admit-
 tunt, quia videtur excludere, quasdam mathematicæ
 mistæ partes. At vero Proclus hunc in modum diuidit

Mathe-

Mathematica, vel considerat quantitatem abstractam & intelligibilē, vel in rebus sensibilibus, & hac ratione octo assignantur partes: duæ considerant quantitatem abstractā, Geometria & Arithmetica, reliquæ quātitatē sensibilē, Astrologia, Perspectiua, Geodesia, Musica, Supputatrix, seu Arithmetica practica, & Mechanica, Lib. 1. c. 3. ut 4. quæ partes explicantur ab auctoribus citatis. Illud hoc loco ex Proclo adnotauerim Quædā esse in rebus mathematicis, quæ cōia sunt numero & magnitudini, vt est proportio, diuisio, compositio, & omnia genera proportionum, quæ conueniunt etiam motui, & tempori, prout habent partes: & vt eidem auctori placet, pertinent etiam ad Metaphysicam, si vniuerse considerentur. Sed multo probabilius dicendum est, pertinere ad scientiam superiorem præter Geometriam, & Arithmetica, quæ considerat has proprietates communes omni quantitati Nam, si hæ proprietates demonstrentur de subiecto Geometriæ, vel Arithmeticæ non demonstrantur de subiecto primo, de quo vt Aristoteles Lib. 1. post. docet, demonstrari deberent Et ideo, etiam si admitte retur illa communis diuisio Pythagoræorum, adhuc tamen dicendum esset, Mathematicam scientiam esse vnā, cuius prima pars considerat quantitatem in communi, de qua demonstrat passionēs dictas: quæ diuiditur in duas species, quibus constituuntur duæ partes, Geometria, & Arithmetica. his subalternantur Astrologia & Musica, & oēs aliæ scientiæ mediæ. Cæterū pars illa quæ demonstrat iam dicta de quantitate in cōmuni, vix reperitur in Mathematicis, quia est valde exigua, & quia omnia illa attributa euidentiora sunt in scientijs inferioribus. Si tamen consideremus naturam scientiarum mathematicarum, illa communis pars admittenda est, quia per eam magis conseruatur scientiarum Mathematicarum vnitas.

OCTAVA dubitatio, qua ratione scientiæ mathematicæ agant de quantitate. Respondeo, pro quo nota, Mathematicæ diuiduntur in puras, medias, siue mixtas.

Lib. 1.
phys. 1.
10.

stas. Puræ dicuntur illæ, quæ, licet considerent quantitatem in re existentem, abstrahunt tamen illam ab omni re physica, vt Geometria, & Arithmetica. Miltæ sunt illæ quæ applicant quantitatem mathematicam rei physicæ, vt Astrologia, quæ considerat quantitatem quæ est in cœlo, & in astris: idem dicas de Perspectiuæ Musica & alijs. Certum autem est, has scientias medias nō considerare per se aggregatum illud per accidens; ita vt Perspectiuę obiectum sit linea simul cum visione: tunc enim non essent veræ scientiæ, & ideo in perspectiuæ non consideratur quid sit visio, aut quomodo fiat, sed solum cōsideratur linea per se, cum hac tamen conditione, vt applicata rei physicæ, & vt sub aspectum cadit. Atque hac ratione obiectum formale est sola quantitas, vel linea; quæ tamen non esset obiectum, nisi haberet hanc cōditionem, vt sit spectabilis: hoc enim est proprium scientiarum subalternatarum, vt addant subiecto subalternantis conditionem aliquam accidentalem, quæ tamen nō est ratio formalis scientiæ subalternatæ, quæ vt talis est, non differt essentialiter a subalternante: & ideo obiectum formale scientiarum mediarum, est idem cum obiecto purarum, cum additione accidentali. Et hac ratione Astrologus habet pro subiecto quantitatem, quæ debet applicari cœlis, non autem ipsum cœlum: tunc enim Astrologia non distingueretur a Physica. Atque ex his facile soluitur proposita difficultas de obiectis mediarum scientiarum. Astrologus pro obiecto formali habet quantitatem cœli, vt est quid commune comprehendens permanentem & successiuam, seu trinam dimensionem, & motum; vtrunque enim consideratur ab Astrologo. Formale autem est considerare talem quantitatem, non vt est accidens quoddam cœli, sic enim pertinet ad Physicum, sed in ordinem ad proprietates mathematicas, ad proportionem, distantiam, figuram, & alias. Conditio sine qua non, est applicatio ad substantiam cœli: subiectum materiale remotum est ipsa substantia cœli. Quâuis. n.

hæc

hæc non consideretur a Mathematico, est tamen subiectum in quo inhæret subiectum Astrologiæ, & ideo ipsa Astrologia videtur habere hoc subiectum, in quo decepti sunt multi Mathematici: qui, ut extolleret Astrologiam, dixerunt eius subiectum esse cœlos, cum solum sint subiectum materiale: quia si essent formale, esset scientia Physica, cuius est agere de substantiis cœli, & de eius proprietatibus. Verum cum scientiæ se mutuam iuuent, & Astrologi suam scientiam nobilitare voluerint, multa ad Philosophiam pertinentia sumpserunt; ut contingit etiam in alijs scientijs medijs, ob eandem causam, & in scientijs subalternatis respectu subalternantium. Secundo Musica pro subiecto materiali proximo habet numerum & pro formali eundem numerum secundum proprietates mathematicas, cum conditione, qua applicatur ad sonum: pro obiecto materiali remoto ipsi sonum. Tertio, Perspectiva pro obiecto materiali proximo habet lineas, pro formali modum illum mathematicum, pro conditione applicationem ad aspectum, seu ad res quæ videntur: pro materiali remoto res ipsas physicas. Et eodem modo Philosophandum est de Geographia, & Arithmetica practica, & de alijs mathematicis medijs: semper enim obiectum formale est idem cum puris mathematicis, cum applicatione tamen ad rem physicam. Ex his alia soluitur difficultas, quæ scientiæ mediæ, quibus puris subalternentur: subalternantur enim illis quibus succedunt in obiecto materiali & formali. Atque hac ratione Perspectiva, Astrologia, & Astronomia, & aliæ similes subalternantur Geometriæ. Arithmetica practica speculatiuæ. Musica ut agit de numeris, eidem, quantum prout docet, proportionibus, subalternetur illi parti Geometriæ quæ agit de proportionibus in communis: atque idem dicendum est de alijs scientijs. Neque est absurdum eandem scientiam secundum diuersa, diuersis subalternari scientijs. Nona dubitatio, an scientiæ mediæ sint magis physicæ, quam mathematicæ,

Lib. 2. Ferrariensis, & alij Thomæ dicunt esse magis physicas, ratione obiecti, etiam si sint magis mathematicæ ratione modi, ut distinguit Ferrariensis ex diuo Thoma. quæst. 32. Alij ut Burleus, Venetus, Thien. q. 3. & Albertellus, q. 8. dicunt simpliciter esse magis physicas: quia Aristoteles libro secundo physico, hoc ait, & quia applicatio illa ad rem physicam est veluti ratio formalis earum. Verum cum diuo Thoma, cum Zimata contradicitur quarta Opus. secundi physici, & cum Simplicio & alijs dicendum est 70. q. 5. esse magis mathematicas: semper enim ab Aristotele dicuntur Mathematicæ, ut duodecimo Metaphysicæ 12. 3. ad 6. Tröb. textu 44. ubi Astrologia vocatur præclarissima Mathematicarum, Propterea hæ scientiæ subalternantur scientijs mathematicis, ut conueniunt cum illis in obiecto materiali & formali: at applicatio ad rem physicam est conditio quædam sine qua non; igitur. Vnde decimotertio metaphysico, summa prima, capite tertio Arist. ait, Perspectiuam & Harmonicam non considerare visum & sonum, sed lineam & numerum: ergo per se habent pro obiecto, obiectum mathematicum. At vero secundo physico textu vigesimo, non ait has scientias esse magis physicas, quam mathematicas, sed inter mathematicas, has magis accedere ad Physicam, quam alias; alias Aristotelis ratio nihil probaret.

DECIMA dubitatio, quomodo scientiæ mediæ differant a Physica, & præcipue Astrologia de qua est maior dubitatio. Respondeo, differunt omnes Mathematicæ scientiæ intermediæ a Physica, quia licet considerent rem physicam, non tamen eam tractant, ut physica est, sed ut est mathematica, ut supra docuimus; non simpliciter, sed applicatâ rei physicæ, quæ applicatio, est veluti conditio sine qua non. Quod vero attinet ad Astrologiam, quæ magis cum physica conuenire videtur, cum agat de cælo, quod est corpus physicum, ex Alexandro, referente Simplicio, libro secundo physico, & ex Auenroe libro secundo de cælo, & Co. 19. primo metaphysico, hæ differentiæ inter has scientias assignari

Com. 12. t. 16
Tex. 57
Co. 19. primo metaphysico, hæ differentiæ inter has scientias assignari

assignari possunt. Prima, Physica considerat substantiā
 cœli, Astrologia accidentia. Secunda, illa omnia acciden-
 tia cœli considerat, hæc non omnia. Tertia, illa demon-
 strat accidentia cœli vt sunt proprietates & termini
 corporis naturalis; Astrologia non item. Quarta, Astro-
 logia in motu considerat solum quantitatem & pro-
 portionem, Physica vero, a quo, & quomodo fiat, & an
 sit naturalis. Quinto, physica perscrutatur causas, &
 per eas demonstrat passiones cœli; Astrologia non itē.
 Quod si interdum videtur demonstrare per causas,
 vel demonstrat tantum ex ijs quæ apparent, nec quæ-
 rit vtrum sint causæ, vel non; & ideo interdum demon-
 strat ex falsis & repugnantibus, modo saluet apparen-
 tias, vt cum probat aliquid per eccentricos orbes &
 epiciclos, qui vt nonnulli volunt, non exitunt: vel hoc
 non facit quatenus talis est. Sexta, Astrologia vt plu-
 rimum probat a posteriori, Physica a priori: verbi gra-
 tia, Astrologus probat terram esse rotundam ab eccli-
 psi lunæ, & ab alijs apparentijs; physica, quia grauis est,
 ob quā causam oēs illius partes tendunt ad cœtrum, &
 ideo globantur in figuram sphericam. Septima, phy-
 sicus assignat naturalem & propriam causam; vt cœlū
 esse rotundum, quia nec graue, nec leue, quia non con-
 stat ex elementis, Astrologus vero assignat causam cō-
 munem, quia linæ ductæ centro terræ ad cœlos sunt
 æquales. Ex quibus patet, non esse Astrologi agere de
 substantia & qualitatib. cœli, quia hæc omnia sunt na-
 turalia. Vnde Astrologia iudiciaria, præter quam quod
 est uana, male se ingerit in alienam materiam, quia,
 si effectus, illi dantur, explicari deberent a Phy-
 sico. Quæ de Astrologia diximus, sunt proportio-
 naliter accommodanda alijs scientijs, si cum Physica
 conferantur. Postrema dubitatio, an scientia Ma-
 thematica vllis vtatur causis in suis demonstrationi-
 bus faciēdis, hoc est, an abstrahat ab omni genere caus-
 sæ. Respondeo, mathematicam nullam proprie conside-
 rare causam. Quoniam nulla causæ definitio proprie
 con-

conuenit quantitati, vt a mathematico consideratur. Confirmatur, quia abstrahit ab omni productione, & a causa efficiente: at vbi non est vera causa efficiens, ibi nulla alia est causa proprie sumpta: igitur. Quod si obijcias Aristotelem dicentem, in mathematicis ipsum propter quid reuocari ad quod quid erat esse, hoc est, ad causam formalem, Respondeo, ideo conclusiones mathematicæ dicuntur reuocari ad ipsum propter quid, quia reuocantur ad prima principia mathematica, quorum prima sunt definitiones, vt ex Euclide patet: quam solutionem ex ipso Aristotele colligere licet. Rursus ex eodem obijceres, mathematicum demonstrare per causam materiale, vt in secundo Analysis secundæ libro insinuare videtur. Aliqui putant dari ibi exemplum causæ materialis in Mathematicis, quod tamen alijs non placet; ac proinde dicunt, dari exemplum causæ formalis, seu potius definitionis: vt patet ex consequentibus; dum ait, exemplum illud de triangulo in semicirculo sumi a causa quid præbente: ita vt probetur rectus a definitione anguli recti. In summa, cum de mathematica dicitur, considerare omnes causas, intelligitur de causis improprie acceptis, & de causis & principijs cognoscendi. Atque ex his quæ diximus, aliqua parte, Mathematicarum scientiarum natura, & hæc philosophiæ speculatricis pars, de qua minus accurate, quam de alijs disputari solet, intelligi potest. Et licet plura dici potuissent: tamen ea quæ diximus philosophiæ candidato satis videri debent. Ad aliā igitur huius tractationis partem pergamus.

De nomine & definitione opinionis. Cap. XXXIII.

SI humana philosophia sola contineretur scientia, nihil esset necesse, vt aliquid hoc loco de opinione scriberemus: sed quoniā multa quæ in philosophia tractantur, opinione tenentur, propterea philosophari volenti, aliqua de natura

tura opinionis notitia erit omnino necessaria: ex cuius explicatione ea, quæ de scientia docuimus, multo manifestiora fient.

DE opinione igitur acturus, hæc summam capitula explanabo, Quid sit, quotuplex sit, quomodo ab alijs habitibus distingatur, an necessario includat formidinem, & an possit esse simul cum scientia. Ut autem quod primo loco posuimus, exponamus, quid nomine opinionis intelligatur, prius docendum est.

*Lib. 1.
Rea.*

PRIMUM igitur, opinio interdum vniuerse sumitur pro quacunque cognitione, siue sit dubia, siue certa, siue euidens, siue obscura: quo modo accepisse videtur Aristoteles, cum dixit, omnia nos credere, aut persuadere, per syllogismum, vel inductionem: credere enim seu fidem habere, & opinari vniuerse pro omni notitia usurpantur in qua significatione etiam scientia dicitur opinio. Secundo, sumitur pro omni cognitione cuiuscunque medij, ex qua alia sit notitia: in qua significatione idem accepit, cum dixit, præmissas esse credibiliores conclusionem, hoc est, perfectius cognitæ, quoquo modo cognoscantur. Tertio, pro notitia obscura, ita ut complectatur fidem, opinionem specialiter sumptam, & suspicionem, exclusa scientia, quæ omnes notitiæ quandam obscuritatem includunt: cum sine ineuidentibus. Postremo, sumitur proprie pro ea notitia, quæ alicui rei assensionem præbemus, sed non sine aliqua formidine contrarij; in qua significatione hoc loco sumitur. Hoc postremo modo sumpta, bifariam capitur, vel ut designat actum ipsum opinandi, hoc est assentiendi cum aliqua formidine, vel pro habitu acquisito per varios actus, per quem habitum facile de re aliqua opinari possumus. Rursus, opinio dupliciter sumitur: primo pro notitia immediata, cum scilicet alicui rei assentimur sine ullo medio: secundo pro notitia mediata, cum alicui rei assensum præstamus intercedente aliqua alia ratione; ut sicuti scientia habet propositiones medias & immediatas, ita etiam opinio.

*Lib. 1.
post. c. 2*

*Arist. 1.
post. c.
ult.*

gratia, video aliquid a longe, & opinor id non currere, quia non mouentur, & non moueri, quia non mutat locum.

His ita explicatis, opinio in tertia significatione, & pro habitu accepta, hunc in modum describi solet.

Opinio est habitus in electus imperfectus cum in euidencia, & incertitudine ex parte medij coniunctus: cuius definitionis hæc est sententia. Dicitur, imperfectus, ut excludantur illi quinque habitus intellectus, quos in texto Ethico recenset Aristoteles, vbi agendo de habitibus, humanam intelligentiam perfectis, hos numerat, sapientiam, scientiam, artem, prudentiam, & intellectum, qui habitus in suo genere sunt perfecti, cum solum inclinent ad verum, ac proinde intelligentiam perficiunt: a quorum numero excluditur habitus opinionis, quia sub ea potest esse falsum. Dicitur cum ineuidencia, ut distinguatur speciatim a scientia, quæ euidenciam requirit; ut patet ex ijs quæ supra de scientia agendo diximus. Dicitur, cum incertitudine, ut distinguatur a fide diuina, quæ est certissima, ut infra docebo, cum inicitur diuina auctoritate, cui non potest subesse falsum. siquidem Deus per nullam potentiam, quidquid aliqui inscienter dixerint, potest mentiri. Dicitur ex parte medij, ut ostendatur causa, ex qua ista imperfecta notitia proficiscitur, nimirum medium probabile.

Ocam.

At vero si in quarta sumatur significatione, hunc in modum describitur, opinio est habitus intellectus imperfectus, & ex parte medij incertus, cum formidine coniunctus. In hac descriptione, additur superiori particula, cum formidine, ut distinguatur a fide humana, quæ potest esse ineuidens ex parte medij, & incerta, sine vlla tamen formidine. Scit enim aliquis in Italia esse Venetias per solam humanam fidem, sine vlla formidine contrarij, quia ita dicitur. Et licet humana fides possit esse cum formidine, ut si crederetur aliquid propter aliquorum auctoritatem, qui non sunt omni-

omnino fide digni: tamen, non est ei intrinsecum, vt sit cum formidine, cum per eam multa certissime sciamus. Quântū autem humana fides sit in vita communi necessaria, multi veri docti uiri eleganter demonstrarūt quia, ea sublata, omnia humana atque diuina euerterentur: de qua re nos alibi. Atque ex his facile etiam definiti possēt opinio pro actu opinandi sumpta, quam ex Aristotele aliqui hunc in modū definiunt, opinio est assensus, uerus vel falsus incertus cū formidine: vel hoc modo, est assensus uerus, vel falsus obiecti cōtingētis. Vbi nota, Aristotelem non distinxisse inter notitiā quæ habetur per opinionem, & fidem humanam, quāuis hæc, ut diximus, possit esse sine formidine, & certa: sed quia; sua ui atque natura, potest esse falsa, ideo nomine opinionis continetur: differuat tamen secundū magis & minus, quia fides est uehemens opinio. Sed ita de diuisione dicamus.

Arnob.
Theod.
Sotus.

Lib. 3.
Top. 5.

De opinionis diuisione. Cap. XXV.



Vt scientia varijs modis diuidi potest, & a nobis supra diuisa fuit, ita etiam opinio: & quidem ex quattuor causis eam conficientibus, hoc pacto.

PRIMO ex causa finali; ex hac parte diuiditur in fidem practicam, & speculatiuam: Practica est illa quæ versatur circa obiectum practicum, & in re quæ a nobis efficitur; vt opinio de al cuius actus iustitia, uel iniustitia: speculatiua, quæ est de re, quam sola cogitatione attingimus; vt an vlla creatura potuerit esse ab æterno. Huc reuocares diuisionem in opinionem uniuersalem, quæ habetur de re vniuersali, vt omne dulce esse gustandum, & particularem, quæ habetur de re singulari, hoc dulce esse gustandum.

Arist. li.
7. eth. c.
3.

SECUNDO ex parte obiecti, siue materiæ, & ita alia est de obiecto contingenti, alia de necessario

cognito non ut necessario, alias enim esset scientia; ut si quis opinaretur solem esse terra maiorem, vel non posse deficere.

TERTIO, ex parte causæ formalis, ex qua parte diuiditur in opinionem veram, & in falsam: vera est illa quæ est consentanea cum ipsa re de qua habetur opinio, per rationes quæ non possunt euidenter argui falsitatis; ut opinio de beata vita, quod magis consistat in actu amoris, quam cognitionis, quod definitio sit demonstratione præstantior: falsa vero, quæ non est cū re consentanea, & facile falsitatis argui potest; vt humanam scientiam non dari.

QUARTO, ex parte causæ efficientis; nam alia habetur per syllogismum topicum, siue probabilem, alia per demonstrationem, de qua tamen ignoratur, an sit demonstratio: quia si cognosceretur, & animadverteretur, gigneret scientiam. Huc referres hanc diuisionem, quod alia habeatur per aliquod genus argumentationis, siue per rationem: alia per auctoritatem dicentis; modo auctoritas non sit talis, quæ formidinem tollat.

QUINCTO, diuidi pōt ex parte modi acquirēdi, vnde eam diuideres, vt proximo capite indicauimus, in opinionē immediatam, & mediatam. Vt enim in scientijs dantur quædam propositiones quibus immediate assentimur, ob earum euidentiam: ita etiam in opinione, vt est ista, matres amant suos filios, pauperes cupiunt ditescere. Quare, vt in principijs necessarijs non datur progressus in infinitum, ita nec in probabilibus, sed deuenimus ad aliqua quæ ex se sunt probabilia. Ideo Aristoteles scriptum reliquit, scientiam & opinionem reuocari posse ad primas causas.

Lib. I.
post.

DENIQUE, ne plures diuisiones minus necessarias afferam, opinio diuiditur, iuxta has duas quæstiones, Quod res sit, & Cur sit: illa versatur circa rei existētiā, vel veritatem ipsius, hæc vero circa eius causas. Sed peteret aliquis, cur non tot numeratur opinionis partes,

partes, quot sunt questionum genera, quæ sunt quatuor? Cui responderem, questionem, quid res sit, non cognosci per discursum, ac proinde circa eam non esse proprie opinionem; at vero quæstio, Qualis sit, reuocatur ad questionem, An sit.

Lib. 2.
post. c. 1

S E D peteret rursus quispiam, an opinio esse possit de re necessaria, sicuti de contingenti, ita ut quæreretur, quod nam sit opinionis obiectum. Possset enim aliquis vna cum Platone existimare opinionem solum esse de re contingenti. Ad hanc dubitationem facile responde res ex ijs, quæ paullo ante scripsimus; sed, ut adhuc planius elucidetur, duo subijcio notanda.

P R I M U M, cognitionis necessitas ex quattuor potissimum sumitur capitibus. Primo ex necessitate obiecti, si obiectum sit tale, ut aliter se habere non queat: quo modo scientia de cælo, dicitur esse certa, cum cæli natura, per nullam vim potetiamve naturalem possit corrumpi. Secundo ex parte causarum, per quas res cognoscitur, cum scilicet causæ habent necessariam connexionem cum re cognita: siue ex parte medij, quod cum conclusione est necessario coniunctum: qua ratione hæc notitia, hominem esse corruptioni obnoxium est necessaria, quia est conflatus ex contrarijs. Tertio ex parte intellectus, cum is qui cognoscit, animaduertit rem quam noscit, esse necessariam. Postremo, ex parte eiusdem intellectus seu cognoscentis, cum præter priorem notitiam per actum reflexum, cognoscit se per medium necessarium cognoscere, & re non posse aliter se habere, atque a se cognoscitur; unde fit ut a sua assensione moueri non queat. Oportet enim scientem impermutabilem esse, ut Aristoteles ait. Et quidem totidem modis aliqua notitia potest dici contingens. Primo ex parte obiecti, cum obiectum est contingens; ita tamen, ut cognoscatur sub hac ratione, ut contingens est, cum de contingenti possit haberi aliqua cognitio necessaria; exempli gratia, quod contingens posset esse & non esse. Secundo ex parte me-

Arist.
lib 2. de
cæl.
Lib. 1.
post.

1. post.
c. 2.

dij, cum mediam est tantum probabile, & nullam habet necessariam connexionem cum eo, quod cognoscitur, ut aliquem fore sapientem, quia nactus est præceptorem doctum. Tertio, ex parte intellectus, qui & si utitur medio necessario in cognoscendo: tamen, eius necessitatem non videt, sed assentitur conclusioni cum formidine; ut ideo lineas recte protractas non concurrere, quia sunt paralellæ. Quarto, ex parte eiusdem intellectus, cum existimat obiectum alias necessarium, se aliter habere posse, vel certe ei cum formidine assentitur, & animaduertit se non necessario assentiri.

DEINDE notandum est, contingens posse dici proprium obiectum opinionis ad eum modum, quo uniuersale dicitur esse proprium obiectum intellectus, quamuis possit etiam percipere singulare, etiam propria cognitione, (quidquid aliqui contra dicant, qui si animaduernerent contrariæ sententiæ rationes, a sua abirent opinione) quia uniuersale non potest percipi a sensu, qui est solum rerum singularium. Opinio itaque non potest esse nisi de re contingenti, vel de necessaria ut videtur contingens. Quare proprium obiectum opinionis, ut distinguitur a scientia, est contingens, quod ut tale, non potest esse obiectum scientiæ. Vnde, licet opinio sit de contingenti, & de necessario, ut videtur contingens: tamen de aliquo contingenti potest esse opinio, de quo non potest esse scientia. His notatis, ad dubitationem propositam breuiter respondeo, dicendo tria. Primum, opinio potest esse de re necessaria: secundum, opinio semper est de obiecto sub ratione contingentis: tertium, contingens est proprium opinionis obiectum, quia de eo, ut tale est, nullo modo potest esse scientia. Sed contra ea quæ diximus, nonnullæ fieri possunt dubitationes, quas nunc dissoluam.

PRIMA dubitatio, si obiectum de quo habetur scientia est necessarium, & id de quo habetur opinio est contingens: igitur de eadem re vnus non posset habere scientiam, & alius opinionem, quod est contr-

Aristotelem

Aristotelem: & si hoc est verum, sequeretur, scibile & opinabile, ac etiam necessarium & contingens esse idē, quod est falsum. facilis est responsio. Idem est obiectū scibile & opinabile incomplexē; at vero complexē, non est idem, de quo proxime habetur opinio siue consensus: verbi gratia de relatione habemus sciētiam, quod sit accidens, an vero realiter distinguatur a subiecto habetur opinio. sunt ergo propositiones diuersæ, sed subiectum de quo fiunt, est idem. Et cum media respectu eiusdem conclusionis, in diuersis possint esse diuersa, ideo de eadem re vnus habere poterit opinionem, & alius scientiam: de qua re infra accuratius.

SECUNDA dubitatio, si scientia & opinio habent idem obiectum, & ambæ reuocantur ad principia immediata: ergo scientia & opinio erunt idem. Respondeo, ad constitutionem scientiæ duo requiruntur: primum, vt obiectum sit vere necessarium; alterum, vt existimetur necessarium; vno ex his deficiente, non erit scientia, sed fiet opinio; vt si obiectum sit contingēs, vel pro contingente habeatur. Et cum principia ad quæ opinio & scientia reuocantur sint diuersa, alia necessaria & euidētia, alia non item; ideo nec ex parte obiecti, neque principiorum scientia & opinio erunt idem.

TERTIA dubitatio, quibus modis possit generari opinio. Respondeo, primo ex sola cognitione terminorum; vt si quis cognoscat, quid significant termini in hac propositione positi, Matres amant suos filios. Secundo, ex principijs euidētib; per consequentiam ineuidētem; vt si quis eo quod videat discipulos diligentes, inde colligat eos futuros doctos: quod probabiliter, ex illo euidēti antecedente colligitur. Tertio, ex coniecturis; vt si quis videret pauperem alloqui diuitem, & inde inferret, eum petere eleemosynam.

QUARTA dubitatio, an principia immediata opinionis sciantur opinione, vel scientia. Respondeo sciri opinione: de cuius diuisione hæc dicta sufficiant.

Quomodo opinio differat ab alijs habitibus, & qui habitus intellectus dicantur imperfecti.

Cap. XXVI.

Lib. 6.

cap. 3.

D. Tho.

1. 2. q.

97.



ARISTOTELES in Ethicis agendo de habitibus quibus humana mens perficitur quinque; tantum numeravit, ut supra docuimus: quosdam alios tanquam imperfectos, quia illis potest subesse falsum, omisit. Idem in fine libri primi secundæ analysi, contulit scientiam cum opinione & solertia, ut eam ab his distingueret, cum per illam habeatur certus assensus, per has non item.

SED videtur omisisse alios duos assensus, seu notitias imperfectas nimirum eam quæ habetur per suspicionem, & eam quæ per auctoritatem. & cum possit haberi assensus certus, sine ulla formidine, per rationes, siue media probabilia, non erit distinguenda ex hoc capite scientia ab alijs habitibus.

Vnde Aristoteles videtur fuisse mancus, cum non fecerit mentionem de suspicionem, & fide, ut doceret quomodo scientia ab his distinguatur: nec videtur firma ratio, quod aliqui habitus excludantur ab illis quinque, quod illis possit subesse falsum, non autem his: quoniam arti potest subesse falsum, sicuti & prudentiæ: unde artifices & prudentes sæpe errant. ut omittam, quod solertia est pars prudentiæ, & ideo si hæc numeratur in virtutibus & habitibus perfectis, etiam illa numeranda erit. Ut his argumentis & propositæ difficultati satisfiat, duo fundamenta ponenda sunt.

Arist.

lib. 1.

eth. c. 3.

PRIMUM fundamentum, prudentia ex Aristotele est uirtus consultatiua practica circa actiones humanas, qua statuitur quid pro circumstantiarum ratione agendum, vel non agendum sit: quæ dupliciter considerari potest. Primo, ut est habitus quidam speculatiuus, & sub hac ratione potest ei subesse falsum. Secundo, ut est uirtus moralis, quæ mouet appetitum ad agendum

dum, & sub hac ratione non potest subesse falso. Nam postquam per coniecturas probabiles, & per maturum consilium Imperator coniecit hostes dormire, aut care re armis, præcipit aggrediendos esse hostes: huic præcepto non subest falsum; quamvis indicia illa speculati ua, vnde natum est iudicium potuerint, non esse vera: quia ad consilium prudentiæ, sufficiunt coniecturæ moraliter certæ. Ars etiam includit certitudinem quia, si quis ex præceptis artis id agat, quod vult, non errat. Solertia vero est facultas, siue facilitas ac præptitudo quædam, qua extemplo inuenitur causa alicuius rei, & effectus; ita vt is dicatur solers, cum aliqua re perspecta, statim illius causam inuenit: quæ tum in præctis, tum in speculatiuis reperitur: quam his exemplis declarat Aristoteles. Primo, videt solers lunam magis splendere ab ea parte, quæ spectat solem, & statim ait, lunam illuminari a sole. Secundum, videt quis pauperem cum nummulario loquentem, statim conijcit, nummulariū ei scenerari. Tertium, videt aliquis quosdam amicos simul iunctos, conijcit alicuius esse inimicos, cum amicus sit inimicus amici inimico. Solers itaque, vt Aristoteles ait, omnes causas medias videns, summas cognoscit, hoc est, per vltima, idest per passion- & effectus, & subiecta, cognoscit causam quæ est medium demonstrationis; vt per splendere versus solem, lunam illuminari a sole: unde talis cōficeretur demonstratio. Omne quod splendet versus solem illuminatur a sole: luna talis, igitur. Quare, vt docilitas est facilitas quædam, qua quis facile ab alio docetur; ita solertia est illa vis, qua quis ex se, rei causam inuenit. Et quoniam Solers in assignandis extemplo rerum causis errare potest, ideo solertia a scientia, & ab habitibus perfectus est diuersa, & ab illis excluditur.

Li. 1. po.
c. ult.

SECVNDVM fundamentum, Philosophi lumine naturali non agnouerunt alios habitus humanæ men- Li. 1. po.
tis inter se primo distinctos, nisi duos, scientiam, & opi- c. 1.
nionem: illa includit certum, & euidentem assensum

genitum ex principijs notis, cui non potest subesse falsum, cum res seita non possit aliter se habere: hæc vero nec euidentiā, nec certitudinem includit, quia quod opinione tenetur, potest esse falsum. Vnde non cognouerūt eum habitum, quem christiana religio agnoscit, nimirum habitum fidei diuinæ, cui, tum ex parte rei, tum medij cognoscendi, hoc est ex parte auctoritatis diuinæ non potest subesse falsum; ac proinde est quoque certus, etiam ex parte credētis, qui existimat rem non posse esse aliter ac ipse credit: est tamen ineuidēs,

D. Tho. quia à nobis non scitur euidēter Deum reuelasse. Ideo
2.2. q.1. Aristoteles solum assignauit distinctionem scientiæ, & opinionis, ac etiam solertiæ. At uero posteriores Logici animaduertentes posse dari quandam fidem humanā, quæ certum includit assensum, sine vlla formidine contrarij, & assensum non omnino certum per rationes probabiles, ideo in definitione opinionis posuerunt assensum cum formidine, quod fortasse Aristoteles significauit, cum dixit, opinionem esse assensum rei contingentis: quod posteriores explicando communiter dixerunt, esse assensum cum formidine, & nomine contingentis, Aristoteles non solum intelligit contingentiam seu incertitudinē ex parte obiecti, sed etiam subiecti, & scientis, licet aliqui aliter dicant. Sed iam quid de rebus propositis tenendum sit, quibusdam positionibus doceamus.

Duran.

P R I M A positio, iure optimo ab Aristotele opinio, solertia, & fides humana, (si eam ab opinione distinguere velimus) reiecta fuisse ab habitibus perfectis intellectus. Ratio est in promptu, quia includunt imperfectiōnem quandam intrinsecam, nimirum posse deficere.

S E C U N D A positio, opinio non est idem quod solertia. Patet hæc positio ex dictis. & confirmatur, quia illa dicit assensum, hæc vero facilitatē inueniēdi causas.

T E R T I A positio, opinio nō est idem, quod suspicio, quoniam suspicio pendet, & ortum habet a leuissimis causis, & signis, quæ vix humanam mentem meli-

nant

nant in aliquam partem: at vero opinio vni parti determinate assentitur, & assensum quendam non facile mobilem, gignit: maiorem tamen & minorem pro rationum firmitudine.

QUARTA posuitio, opinio est longe diuersa a fide diuina. Primo differt ex parte mediij, quia fides diuina hanc vnā habet formalem rationem credendi, quia Deus dixit, vt Theologi docēt. Deinde, quia opinio nō est siue aliqua formidine, vt postea dicetur: fides vero est certissima & non minus, quam humana scientia, vt alibi docuimus. Quod si dicas, fides diuina, siue christiana admittit scrupulos; igitur non est certa. Respondeo scrupuli sunt extrinseci a ratione fidei: at vero formido, seu posse deficere est intimum opiniononi. Rursus in mente scrupulosa nullus est consensus, licet aliquid ei offeratur quod titubandi occasionem præbet: at opinio consensum includit.

D. Tha.
2.2. q 1.

Lib. 4.
Intro. in
Theol.

SED peteres, an opinio, fidesve humana includat aliquam piam affectionem ex parte voluntatis, qua intellectus ad assentendum inclinatur, quam fides diuina, vt diuinæ literæ docent, includit, cum voluntas trahat intellectum in obsequium fidei. Respondeo, licet interdum tanta possit esse certitudo in fide humana, vt omnem tollat formidinem: tamen, vniuersè loquendo, illa pia affectio, hoc est actualis, vel habitualis inclinatio voluntatis, multum potest in opinione. Ista autem propensio voluntatis aliquando cōtingit ex eo, quod maxime vellemus aliquid esse verum; nam quæ optamus; facile credimus. Iuxta illud Quidij.

2. Co. 10

Credula res amor est:

Aliquando ex amore eorum, quorum opiniones sequimur; ex quo fonte interdum Philosophorum dimanarunt sectæ. Illud autem Ocamo non concesserim, solam voluntatem, sine vlla ratione, & auctoritate sufficere ad credendum, cum id cum experientia, & cum communi opinione pugnet.

Lib. 1.
sen. dis.
25.

Quod si petas, quidnam magis valeat ad mouendū,

an

an auctoritas, an ratio probabilis. Respondeo, sua vi atque natura magis mouere auctoritatem: quia ratio probabilis nunquam fundatur in euidencia, sicuti auctoritas, quæ sæpe nititur experientiæ, aut euidentiæ dicentis. Quare, si qui homines fide digni se aliquid vidisse affirmant, non possumus non credere. Nam, licet illud non sit nobis euidens, tamen quia est euidenter credibile, ideo omnino credimus; ac proinde hic non est pia affectione opus; qua profecto Pythagoræ discipulos affectos fuisse credendum est, cum id omne crederent esse verum, quod magister aiebat.

Q V I N C T A positio, opinio differt a fide humana. Primo, quia ut diximus, fides potest esse omnino certa: at opinio, ut hic sumitur, semper includit formidinem, ut statim dicitur. Deinde, quia opinio varijs rationibus acquiritur: at fides a sola auctoritate humana pendet: a qua illi de quibus paullo ante dixi pendeant; habentes hoc pro ratione, Ipse dixit: quem Philosophandi modum, ut perniciosum, aliquando redarguit M. Tullius.

S E X T A positio, opinio longe distat a scientia proprie sumpta. Primo differunt ex parte certitudinis & euidentiæ, quæ reperiuntur in scientia, quibus caret opinio. Secundo, ex parte medij, quia scientia habetur per demonstrationem, opinio per rationem probabilem; vel si sit necessaria non habetur pro tali. Tertio, ex parte obiecti, quia scientia, sua natura, non est nisi de obiecto necessario; opinio vero etiam de contingenti, modo iam explicato. Postremo, scientia per demonstrationem acquisita non potest augeri, opinio vero maxime. Quo fit, ut illa simpliciter perficiat intellectum, hæc secundum quid. An vero rationes probabiles aliquid valeant, ubi rationes sunt necessariae, infra dicemus. Ad argumenta initio allata, nihil respondeo, cum soluantur ex dictis.

An formido sit necessario cum opinione coniuncta :

Cap. XXVII.



PROXIMA disputatione dictum fuit ; opinionem differre a fide & a scientia ; quod certitudine careat : at ubi non est certitudo ; aliquid formidinis esse videtur : ut enim obscuritas opponitur evidentia ; ita formido certitudini . Cum ergo opinio formidinem admittat ; queritur modo ; an sit de eius intrinseca ratione : & quod non sit ei intrinseca ; his rationibus probari potest :

P R I M O , si formido est de essentia opinionis : ergo quo plures adhibentur rationes probabiles ; eo magis formido augetur ; & ita quo magis aliquis vellet opinari ; eo magis formidare vellet .

S E C U N D O , opinio disponit ad scientiam : igitur non potest intrinsece includere formidinem : siquidem dispositio non potest esse contraria formae acquirendae ; at formido est contraria certitudini scientiae ; igitur .

T E R T I O , quia alias sequeretur actus opinionis corrumpere habitum scientiae & fidei ; cum isti habitus omnem excludant formidinem : consequens est falsum : quia ad confirmanda ea quae fide tenentur ; solent Theologi probabiles adhibere rationes :

Q U A R T O sequeretur opinionem non posse esse de obiecto necessario ; quod est contra Aristotelem , ut patet ex dictis ; sequela probatur ; quia qui formidinem habet ; existimat rem aliter se habere posse ; at de re necessaria id existimare ; non est opinio ; sed error : igitur . Nec valet ; si dicas ; esse opinionem falsam ; quia sequeretur contradictoria posse esse vera ; nam ista opinio est vera ; cum sit de obiecto vero ; & falsa ; cum de illo dubitet .
 Quod si dicas ; existimare non posse aliter se habere ;
 at hoc posito ; nulla ibi esset formido .

i. Post.

i. Met.

t. 13.

6. eth. 6.

P O S T R E M O ex Aristotele ; non vno in loco ; ita

aliqui

aliqui ad suas opiniones adhærescunt, vt nullo modo dubitent, igitur opinio omni formidine vacare poterit.

In prol. IN hac difficultate fuit quorundam sententia cuius meminit Gregorius Ariminensis, formidinem non
S. q. 2. esse necessario coniunctam cum opinione, ita vt opina-
ar. 4. ri contingat, sine vlla formidine, quam quidam non
Dur. in ignobiles auctores defendere videntur. Secunda alio-
prol. q. rum, qui contra sentiunt, & speciatim Gregorij, qui de
1. ar. 2. hac re legendus est, ac etiam diui Thomæ, Capreoli,
3. S. d. & Soti in fine primi posteriorum, & est communis. Vt
25. ar. 5 huic difficultati satisfiat, duo statuo fundamenta.
ad 3.

Aur. PRIMVM fundamentum, formidinem esse coniu-
cont. 1. ctam cum opinione duobus modis intelligi potest. Pri-
conc. mo, quod opinionis natura constituatur per negationē
certitudinis, aut firmitudinis intellectus, quæ negatio
est ipsa formido. Secundo, quod opinio dicat aliquem
assensum realem, ad quem consequatur talis negatio.
Potest autem formido, vel debilitas assensus ex dupli-
ci capite oriri: primo ex eo quod obiectum est contin-
gens, vel quia cognoscitur per medium contingens: se-
cundo, cum intellectus etiam si habeat medium neces-
sarium; tamen illud non cognoscit vt necessarium; un-
de fit, ut intellectus eius qui opinatur, dubitare possit
de veritate suæ cognitionis. Sunt itaque in opinatione
duo, actus positivus qui dicit assensum, & negatio certi-
tudinis; assensus est de essentia opinionis, negatio vero
sequitur veluti quædam passio. Sunt autem passionēs
in duplici differentia, alix quæ, ex quorundam senten-
tia, re distinguuntur, ac separari possunt a subiecto; aliæ
quæ re non separantur, sed semper sunt cum subiecto
coniunctæ, & huius ordinis est formido, vel posse esse
falsum respectu opinionis. Quo fit, ut formido nullo
rationum probabilium numero, etiam infinito, possit
separari ab opinione; sicuti ab equo non potest separari,
esse irrationale.

Secundum fundamentum, cum quaeritur, an formido
sit necessario cum opinione coniuncta, id præci-
pue

pue locum habet secundum sententiam Neotericorū , qui ponunt distinctionē inter fidem humanam, & opinionem ; cum illa interdum habeat assensum sine ulla formidine, hæc uero semper formidinem includat. Nā, qui a principio ob aliquorum sermonē, aliquid cū formidine credebat, postea, auctoritate crescente, omnem deponit formidinem, & fit fides humana certa ; uerum semper in utroque assensu remanet hoc , quod est intrinsecum cuicunque opinioni, ut etiam humanam fidem complectitur, quod ei possit subesse falsum. Quare , secundum utramque opinionem dubitari potest , an possit deficere, sit opinioni intrinsecum: quod si ita est, ut sane est , inde sequi uidetur assensus dubius, ac proinde formidolosus, seu nō ita certus, ut ei non possit subesse falsum; assensus inquam cum priuatione certitudinis, saltem speculatiuæ. Vnde formido, quæ censetur esse cum opinione coniuncta , non est assensus partis contrariæ, quia duo assensus contradictoriarum partium nō possunt esse simul, sed est priuatio illa certitudinis. Atque hæc adnotasse sufficiat .

P R I M A positio , formido non est quid reale positium . Est doctrina manifesta, patetque ex dictis : & confirmatur a simili de claudicatione, quæ non est aliquid in re, sed defectus rectitudinis; ita formidatio defectus certitudinis.

S E C U N D A positio , opinio non constituitur per aliquid negatiuum, sed intrinsece dicit assensum ad aliquam partem, in quo differt a suspitione. Primo, positium non constituitur per aliquid negatiuum , quia negatiuum non potest dare nisi esse negatiuum: at opinio, ut ex eius definitione patet, designat aliquid positium, est. n. cognitio quædam, & actus intellectus; igitur. Secundo, nullus actus, uel habitus intellectus constitui potest per negationem: at opinio est actus, habitusue intellectus: igitur. Tertio , de natura entis realis non potest esse, non ens: at opinio est ens reale , negatio uero non ens, negat. n. illud ens, cuius est negatio,

ut cæcitas, aspectum: igitur. Ideo Aristoteles qui posuit priuationem in materia prima, quæ sunt, cum nullo

Lib. 1. mero, eas distinxit secundum rationem, & dixit esse
phys. t. duo Quod si dicas, eundem Aristotelem, priuationem
60. appellasse materiæ formam; dicerem, appellasse formam

Lib. 2. prout eam extrinsece denominat, non quod sit de il-
phys. t. lus ratione, licet materia eam habeat annexam.

35. TERTIA positio, opinio necessario includit formidinem; non quod sit de eius essentia, sed quia eam tanquam passio inseparabilis consequitur. Primo, patet ex communi scriptorum recentiorum doctrina, qui declarantes Aristotelis sententiam, opinionem a fide distinguunt, per formidinem. Secundo, opinio haberi potest de re necessaria, & id non aliunde, nisi quia excludit certitudinem, & intrinsece includit formidinem, igitur: Nam si aliunde esset, maxime quia non est de obiecto necessario: atqui ponimus esse necessarium: igitur. Quod si dicas, haberi per medium necessarium existimatum contingens, hoc nihil est; quoniam ideo opinio apprehendit obiectum ut contingens, quia dubitat de eo, & non ob aliam causam: erit igitur medium contingens, quod idem est, ac nos de illo dubitare. Confirmatur, per medium probabile potest haberi scientia, ut si per tale medium cognoscamus aliquid esse solum probabile, de hoc enim potest haberi scientia: ergo ad constituendam opinionem opus erit formidine.

QUARTA positio, fides humana & opinio interdum possunt esse idem. Doctrina est manifesta ex ijs, quæ supra non semel diximus. Tunc autem erunt idem, cum humana fides formidinem habebit coniunctam, quæ cum non necessario includat, ideo reperiri poterit distincta a opinione, quæ a sola ratione probabiliter pendet. Vbi nota, non esse necessarium, ut semper formido in opinione actu existat, cum interdum non animaduertatur rationum imbecillitas, vel non considerentur rationes contrariæ. His ita positis, ad argumenta respondeamus.

A D primum, respondeo negando consequentē: quia opinio non dicit solam formidinem, vt adnotauimus, & probauimus: sed habitum, vel actum, & quidem recte, sicuti priuationem certitudinis oblique: vt patet de lumine remisso, quod includit aliquid priuatiuum & positiuum; cui, si addatur aliquid luminis, non remittitur, sed augetur: verum hoc lumen non habet remissionē intrinsecam, sicuti opinio formidinem, ac proinde quantumuis augeatur opinio, semper aliquid remanebit formidinis. Rursus, afferri potest instantia de suspitione, de cuius essentia est formido, ut aduersarij concederent, & tamen si augeatur suspicio minuitur formido.

A D secundum, quid ad hoc argumentum respondendum sit, patebit ex ijs, quæ infra dicemus, nunc breuiter respondeo, negando antecedens.

A D tertium, hoc etiam argumentum soluetur infra, cum docebimus, cur probabiles rationes vtiliter afferantur. Rationes itaque probabiles, sua natura, gi-gnunt cognitionem cum formidine, sed cum intellectus est imbutus scientia, propter quam nullo modo dubitat, tales rationes eam non tollunt.


A D quartum, primo, si hoc argumentum aliquid probaret, concluderet etiam non posse haberi opinionem de re necessaria, quod cum experientia pugnat, & cum opinione contraria. Deinde, formido, ut diximus, non consistit in hoc, vt aliquis existimet contrarium esse possibile, id quod argumentum probat; sed in hoc, ut aliquis cognoscat conclusionem dubitando de illius veritate, etiam si non existimet contrariam opinionem esse possibilem. Vnde etiam solueres huius argumenti instantias.

A D quintum, Aristotelis dictum, non est intelligendum de vera opinione, sed de ignorantia prauæ dispositionis, vt patet exemplo ab ipso allato de Heraclito, qui existimabat omnia esse in continuo motu, & ipse non tenebat ut probabile per opinionem, sed putabat

tabat se scire; & ita habebat ignorantiam prauæ dispositionis, sicuti & Iudæi de Messia venturo, de quo sunt ita certi, vt nos de contrario certi sumus: sed eorum certitudo est humana, cui subest falsum, nostra vero diuina, quæ errare non potest. in summa, iuxta mentem Aristotelis, non formido, sed assensus indifferens est de natura opinionis, vnde ex eius doctrina, hæc consequentia non esset bona, assensus est certus, ergo verus: quam tamen iuniores admitterent, si de eo assensu loquamur, qui habetur per fidem humanam, quæ omnem formidinem tollit.

An rationes probabiles aliquid conferant ad producendam scientiam, & cur afferri soleant.

C A P. XXVIII.



SÆPÈ VERO in aliqua veritate confirmanda, aut errore refellendo, auctores utuntur rationibus partim probabilibus, partim necessarijs; quorum consuetudo improbanda videtur. Quoniam, aut rationes probabiles ponuntur post necessarias, & tunc frustra adhibentur, cum iam habeatur euidentis rei notitia, cui nihil potest accedere per argumenta debilia & incerta: aut præponuntur, ob hanc causam, vt disponant ad introducendam scientiã, sicuti aliquæ rationes probabiles præponuntur in catechismo rudium, vt præparentur ad recipiendum lumẽ fidei: atqui rationes quæ includunt formidinem, tanquam contrariæ, non habent vim disponendi ad notitiam certam, & euidentem, quæ habetur per scientiam: igitur male adhibentur. Quod si dicas istas rationes adhiberi ad gignendum habitum opinionis, & necessarias, ad gignendam scientiam; hoc nihil est, quia scientia, & opinio non possunt esse simul, vt infra probabitur. Rursus, ideo probares huiusmodi rationes esse negligendas, quia gignunt opinionis habitum, quo huma-

na mens non perficitur, vt patet ex dictis .

CIRCA hanc difficultatem , quam paucis perstringere volumus , non est vna & eadem scriptorum sententia. Nam aliqui existimarunt rationes probabiles frustra adhiberi, cum adsunt demonstratiuæ . Alij vero crediderunt dialecticas rationes conferre ad producendam scientiam: idque hac ratione nixi affirmât. quoniam in rebus naturalibus videmus multa fieri ob dispositionem subiecti, quæ ab eodem agente fieri nō possunt in alijs subiectis . At alij dicunt vtiliter asferri propter eos qui non percipiunt vim demonstrationū, & quia multi inueniuntur , qui facilius assentiūtur rationibus probabilibus, quam demonstrationi, vt Aristoteles aliquando dixit. verum si quis perfectam habeat demonstrationem, eamque animaduertat, tunc frustra adhiberentur probabiles rationes. Quod si ponatur, rationem probabilem habere vim ad producendum habitum, sicuti ratio necessaria habet , dubitari potest; an, si simul vniantur, duos producerent assensus; an vero vnicum tantum: Aliqui existimant gignere duos, alij vero vnum solum.

AD huius difficultatis explicationem animaduendum est, dispositionem ad aliquam formam suscipiendam esse duplicem; vnam per se & sua natura necessariam, vt est illa quæ necessario & intrinsece requiritur ad effectum producendum, sine qua non produceretur: ut est præparatio calefactio ad generationem ignis alteram accidentariam , quam effectus producendus non necessario supponit; ut sunt illæ dispositiones quæ producunt effectum per antiperistasis; ut cum per calorem circa terram. contrahitur frigiditas ad internas partes terre, quo fit ut aqua quæ erat calida, frigescat. Hæc duo dispositionum genera, in eo differunt, quod prima dispositio non est cōtraria effectui, siue rei producendæ, altera vero maxime; sicuti externus calor, frigiditati in aqua productæ . Opinio respectu scientiæ productæ, non est dispositio per se necessario, quia sine

Zim.

The. 74.

Auern.

2. Met.

te. 23.

ea produci potest; sed per accidens, & extrinsece. Quæ ratione vitium dicitur esse dispositio ad virtutem, vt si aliquis auarus disponderetur ad liberalitatem, per prodigalitatem, quæ est vitium. Hac posita distinctione, has subijcio positiones.

PRIMA positio, opinio per se non auge, nec augere potest scientiam. Primum, quia nullum agens potest aliquid efficere vltra vires suas; & ideo, cum opinio sit minoris perfectionis, quam scientia, eam augere non poterit. Deinde, quia sequeretur solam opinionem posse gignere scientiam, quod est falsum: sequela probatur, quoniam id quod adderetur, esset scientia, omnis. n. actio fit a simili: quare, si aliæ rationes probabiles adderentur, adhuc aliquis gradus augetetur, & ita solis rationibus probabilibus tota fieret scientia. Denique, confirmatur a simili de actibus virtutis, qui cum sunt remissi non augent habitum, vt communiter docetur, 2. 2. q. 3. 2. ar. 3. quamuis sint eiusdē rōnis: quare nec ratio probabilis, siue opinio augebit scientiā, quæ est alterius rationis.

SECUNDA positio, rationes probabiles per se, & directe non disponunt ad scientiam. Primo, quia alias sequeretur opinionem posse ex se introducere scientiam, quod iam confutauimus: quare opinio non est veluti forma quædam imperfecta quæ disponat ad scientiam, sicuti qualitas remissa est dispositio ad qualitatem perfectam. Deinde, dispositio secundum unam speciem, non potest hoc præstare, vt producat effectus specie distinctus; vt dispositio ad calorem, non potest efficere per se saporem, sed solum vt actus fiat intensior, vel celerior: igitur,

TERTIA positio, cum vna ratio probabilis, & vna necessaria conueniunt ad eandem rem probandam, non producantur duo assensus, vel duo habitus, sed vnus habitus, qui non erit simul opinio, & scientia, sed solum habitus scientiæ. Habet hæc positio duas partes, quarum prima est, quod non generentur duo habitus, quæ sic probatur. Quia, vt infra dicetur, opinio & scien-

ia respectu eiusdem conclusionis non possunt esse simul: adde etiam quod mediū necessarium est fortius, ac proinde producet effectum sibi similem, ad quem producendum indirecte concurret ratio probabilis. Altera vero, quod ille habitus qui producitur, non sit simul scientia, & opinio, eadem ratione confirmatur, Quia repugnat, ut idem habitus sit clarus, & obscurus, certus, & incertus.

Q V A R T A positio, nullo modo est dicendum frustra adhiberi rationes probabiles ad aliquid probandum, cum de eo haberi potest demonstratio. Primo, quia alias damnetur consuetudo omnium bonorum auctorum, qui nō modo tacite, sed etiam expresse hoc faciunt, & speciatim Aristoteles, qui de eadē re & demonstratiue, & dialectice disputare solet, ut fecit in primo secundæ Analysis libro, cum docuit dari statum in propositionibus affirmantibus, & negantibus: & in tertio Physico, cum probauit, non dari actu magnitudinē infinitam. Et sancti patres & omnes Theologi, addunt rationes probabiles ad confirmandum assensum fidei; quæ eodem fere modo se habent ad fidem diuinam, ut ad scientiam humanam. Deinde, experientia ipsa docet magis confirmari scientiam, cum etiam rationes probabiles adhibentur.

Auer. 1.
cœl. cō.
88.

Tex. 35

Tex. 4

Q V I N C T A positio, rationes probabiles yna cum demonstratiuis, his de causis utiliter adhibentur. Primo, quia aliquo pacto disponunt ad rationes certas percipiendas, & eas aliquo modo iuuāt. Secundo, quia non est facile, etiam viris doctis, cognoscere veras, & perfectas demonstrationes, & argumentorum vires. Tertio, ob ingeniorum varietatem, cum uni una ratio alteri uero altera firmiter uideatur. Denique, quia non omnes qui discunt demonstrationum naturam, & uim norunt, ac proinde eas non percipiunt; quo fit, ut etiā probabilia argumenta utiliter usurpentur. Illud tamen admonuerim, non esse opus multis rationibus, ubi aliquæ fuerint certissimæ.

AT QVÆ ex his facile responderes ad id quod in contrarium adducebatur. Nec propterea tales rationes contemnendæ sunt, quod solum gignant opinionē; cui potest subesse falsum: quia naturæ humanæ satis est, si opinionem habeat, & id teneat, quod per rationes probabiles est euidenter credibile cum ad scientiā perueniri non potest. Quare, licet opinio non sit habitus omnino perfectus, aliquam tamen perfectionem habet, humanæ naturæ consentaneam.

An opinio & scientia possint esse simul in eodem subiecto, eodem tempore, respectu eiusdem rei.

Cap. XXIX.



DE opinione hæc grauissima difficultas explicanda restat, in qua graues auctores inter se dissentiunt. Antequā autem opiniones & argumenta in contrarium afferro, dubitationis statum patefaciā.

PRIMUM igitur animaduertendū est, hanc controuersiam fieri de opinione proprie sumpta, prout dicit assensum cum formidine, & ut opponitur scientiæ, non solum priuatiue, sed etiam posituiue, ut includit assensum quendam.

DEINDE animaduertendum est, tria esse in hac re certa, & vnum dubium. Primo certum est in eodem intellectu posse esse scientiam & opinionem respectu diuersarum conclusionum, ut plane in Analyticis docuit Aristoteles, sunt enim isti duo assensus disparati, disparata autem simul esse possunt. Secundo, in diuersis hominibus posse esse scientiam & opinionem de eadem re; ut si quis opinetur mundum potuisse esse ab æterno, alius vero pro certo omnino habeat contrarium. Tertio, in eodem homine posse esse scientiam & opinionem de eadem re diuerso tempore; ut, si quid prius cognoscatur per opinionem, postea per scientiā. Restat igitur ut tota dubitatio sit de eadem re, eodem tempore,

2. Post.
6.44.

tempore, respectu eiusdem.

R V R S V S animaduertendum est, id quod in dubium venit, tribus modis intelligi posse. Primo, an scientiæ actus possit esse cum actu opinionis: secundo, an scientia in habitu possit esse cum habitu opinionis: postremo, an habitus vnus, cum alterius: tot enim modis ista duo comparari possunt. Quod autem scientia & opinio possint esse simul eo modo, de quo est dubitatio, his rationibus demonstratur.

P R I M O, certum est fidem diuinam posse esse simul cum scientia humana, vt patet in Philosopho christiano, qui per scientiam noscit Deum esse, & nō amittit fidem: & tamen scientia habet annexam euidentiā, quam fides excludit: igitur eadem ratione opinio & scientia poterunt esse simul.

S E C V N D O, ea quæ solum differunt secundum magis & minus, non repugnat esse simul, ut lumen solis & lucernæ in eodem aere: at opinio & scientia solum differunt secundum magis & minus: igitur.

T E R T I O, potest aliquis post vnā demonstrationem de aliqua re, habere syllogismum probabilem, quem putet esse demonstrationem, per quem non generabitur scientia, cum non sit demonstratiuus: igitur opinio: Et quia præcedens scientia non corrumpitur, cum hic non intercedat formido; erunt simul opinio & scientia.

Q V A R T O, habeat aliquis argumenta probabilia, & postea accedat scientia; illa totā vim suā retinebunt; ac proinde vt prius faciebant opinionem, ita & posterius: erit igitur opinio simul cum scientia.

Q V I N C T O, qui prius habebat habitum opinionis, adueniente scientia, adhuc est dispositus ad disputandum probabiliter de ea re, cuius acquirit scientiam: remanet igitur opinionis habitus.

S E X T O, habitus opinionis & scientiæ solum sunt contrarij in euidentiā & formidine: ergo, etiam si adueniente scientia tollatur formido, adhuc remanebit opi-

nio secundum id quod positivè & intrinsece includit, hoc est, ratione sui assensus, qui non est contrarius scientiæ.

S E P T I M O, quando habetur medium probabile & evidens simul, intellectus nec formidat, nec evidenter cognoscit, sed indifferenter se habet: igitur opinio & scientia simul manent. Confirmatur, quia nec simpliciter dubitatur, nec simpliciter scitur, sed ratione talis medij, quo vel dubitatur, vel scitur; ut si quis per varia perspicilia clarius, obscurisve eandem rem videret. Quare, simpliciter loquendo, opinio & scientia poterunt esse simul. Et hæc sunt argumenta quibus altera propositæ quæstionis pars nititur. Hanc difficultatem accurate tractant Theologi, dum quærunt, an fides & scientia possint esse simul, ex quibus, quod ad rem nostram attinet, hæc colliguntur sententiæ.

P R I M A sententiâ eorum qui dicunt scientiam & Quæst. opinionem posse esse simul: ita Alexander Alensis, 1. in pl. Bonaventura, & alij: quorum tamen aliqui loquuntur sēt. nu. de habitu, alij de actu. Et quoniam Durandus magis 20. & exacte hanc opinionem exponit; ideo eius sententiâ sequi. planius declarando, ad quædam dicta reuocabo. Pri- Lib. 3. mum dictū, si opinio sumatur pro cognitione per me- S. d. 31. diū probabile, siue habeatur pro probabili, siue pro ne- q. 4. cessario; & scientia pro notitia per medium necessarium, opinio potest esse cum scientia, actu, vel habitu. Secundum, si opinio sumatur pro cognitione rei opinatæ, quæ aliter se habere potest, & scientia pro cognitione rei quæ aliter se habere nō potest, non possunt esse actu simul: quia non potest quis simul existimare rem aliter, & non aliter se habere posse. Tertium, scientia & opinio possunt esse simul, si sumantur pro assensu, non quod per eas eliciantur duo actus distincti, sed unus, qui sit simul scientia & opinio; cum pendeat a duobus medijs, quorum vnum est probabile, alterum necessarium: quæ sunt veluti causæ partiales assensus conclusionis; ut accidit, cum a duobus agentibus vnum produ- ducitur

ducitur lumen. Pro hac sententia faciunt tria argumen-
ta posteriora .

SECUNDA sententia Gregorij Ariminensis , In prol.
quę his dictis explicatur. Primum, si per actum opinio primi
nis intelligatur notitia conclusionis ex medio proba- sent. q.
bili , potest esse simul actus opinionis cum actu scien- 2. ar. 4.
tię, atque idem dicendum est de habitu. Secundum ,
si opinio sumatur pro cognitione cum formidine, tunc,
nec actus cum habitu , nec habitus cum habitu potest
esse simul . Tertium, habitus opinionis , hoc secundo
modo potest esse cum actu scientię.

TERTIA sententia diui Thomę in prima secun- Quęst.
dę, Capreoli, Caietani, Soti in fine libro primi secundę 5 1. ar. 3.
analysis, Scoti, & aliorum, qui existimant opinionem & 3. S. d.
scientiam non posse esse simul in eodem intellectu. Vt 25. q. 1.
quid in re probabili, vt probabilius tenendum sit, do ar. 3.
ceam, duo statuantur fundamenta . Lib. 3.

PRIMUM fundamentum, hæc duo sunt inter se di- sen. d.
uersa, iudicare medium ex quo infertur aliqua conclu 29. q.
sio esse probabile, generareque assensum cum formi- vnica.
dine, & assenti i conclusioni propter tale medium : vt
ecce, vir fidelis iudicat ex aliqua ratione inferri proba-
biliter pluralitatem personarum in diuinis, non tamen
huic veritati assentiuntur ob tale medium, sed quia Deus
dixit: hæc enim est ratio formalis ob quam omnia cre- D. Tho.
duntur . Quo fit, vt ista duo possint esse simul, vt ali- 2. 2. q. 1.
quis existimet conclusionem probabiliter inferri ex
aliquo medio, & simul assentiatur illi per aliquod me-
dium : & secundum hanc rationem potest stare actus
cum habitu, & habitus cum actu.

SECUNDUM fundamentum, non est vera senten-
tia, vel opinio, quando aliquis existimat se demonstras-
se per medium necessarium, quod est solum probabi-
le : & ita eius notitia est potius error , quam scientia ,
quis illud quod cognoscit, sit verum, cum non sit verum eo mo-
do quo cognoscitur. Quia, non solum existimat illam rem se
ita habere , sed et esse impossibilem propositionem cō-

trariam, quod est falsum: ac proinde totus ille actus est simpliciter falsus. Vnde colligeres, non esse verum quod aliqui dicunt, scientiam & opinionem esse simul in casu posito, cum potius sit error. Similiter non videtur verum, quod per duo media diuersa, circa idem concurrentia duo producantur actus, cum idem intellectus simul & semel non possit producere duos actus, si de vi naturæ, naturalibusque actibus loquamur. Sed iam ad positiones accedamus, in quibus aliquid dicemus de scientia & fide diuina, non quod hoc ad nostrum pertineat institutum, sed vt indicemus non esse parem omnino rationem de fide diuina, & humana, siue de opinione.

P R I M A positio, habitus fidei diuinæ, & scientiæ humanæ possunt esse simul in eodem, & de eadem re: Quoniam Philosophus Christianus de hac veritate, Deus est, habet habitum fidei, & scientiæ: nec enim amittit fidem, qui sciētiam de existentia Dei acquirit. Atque eodem etiam exemplo probares, habitum fidei posse esse cum actu scientiæ, & contra, habitum scientiæ cum actu fidei: vnde tota difficultas est de vtriusque actibus, an possint esse simul.

S E C V N D A positio, licet probabile sit de eadem re non posse haberi actum fidei & scientiæ: tamen contrarium est multo probabilius. Quod sit probabile patet: quia id affirmant viri grauissimi Thomæ & Scoti nixi bonis rationibus, & aduersariorum argumentis respondēt. Quod contrarium sit probabilius, præter auctoritatem bonorum auctorum, duplici ratione confirmo, alijs omiſſis. Primo, quia sequeretur Philosophum Christianum, acquisita scientia alicuius articuli, vt de existentia Dei, de animorum immortalitate (possunt enim aliqua quæ naturaliter sciuntur, sub fidem cadere) non tam certo credere, vt antea credebatur, si verum

Alex.
Bon.
Dur.

Lib. 3. est id, q̄ etiā aduersarij concedunt, & nos alibi docuimus, Maiorem esse fidei certitudinem, quam scientiæ. Theol. Quare, si iste non habet actum fidei, erit minus certus.

Secundo.

Secundo, quia sequeretur, eundem amittere meritum fidei; cum tamen potius augeatur: sequela patet, quia sublato actu, tollitur meritum. Nec valet, quod dicunt, manere in præparatione animi; tum quia ista præparatio non est actus fidei, sed voluntatis; tum quia non omnes habent istam præparationem, de qua etiam deberet dari præceptum per aliquod decretum; vt, habita demonstratione, ista præparatio haberetur. Sed de his latius Theologi.

TERTIA positio, etiam si concederetur, potentiam intellectivam duos actus simul posse producere, adhuc tamen scientiæ & opinionis actus non possunt esse simul de eadem re, in eodem. Primo, quia alias sequeretur in eodem esse simul contraria & contradictoria, quod implicat: sequela est manifesta, quia opinionis actus est invidens, incertus, & cū formidine; actus vero scientiæ cōtraigitur. Nec et esse potest, vt intellectus per evidentiam scientiæ, non corrigat incertitudinem & inevidentiam opinionis, vt patet experientia, quia qui novit per medium necessarium nullo modo dubitat: igitur caret opinione. Secundo idem patet ex Aristotele, qui in analyticis plane docuit opinionē & scientiam non posse esse simul. Quod si a Juesaius interpretetur philosophi dictum, Per idem medium, hoc non videtur verum, quia Aristoteles, nihil diceret, cum de hoc, quod sit per idem medium, nulla possit esse dubitatio. Adde etiam, quod ob hanc vnam causam id negat, quia repugnat intellectum simul & semel videre vnam & eandem rem posse aliter se habere, & nō posse aliter se habere: quod etiam valet, quando sunt duo actus simul. Denique, si possunt esse simul propter diversa media, possent etiam per vnum, & idem, quod omnes iure negant: sequela probatur. Quia, si quis per diversa media haberet scientiam & opinionem, canem esse latrabilem: deinde, si per hoc medium inferat aliam conclusionem, vt quia canis latrat, ideo esse sensibile, hæc conclusio haberetur per opinionem & scientiam,

Ecclesi 4

Lib 1.
post
vlt.

& per idem omnino medium.

Q V A R T A positio, in eodem intellectu, non possunt esse simul respectu eiusdem conclusionis habitus scientiæ & opinionis. Primo, habitus opinionis & scientiæ sunt contrarij, cum vnus dicat euidentiam & certitudinem, alter vero contra: igitur inter se expellunt. Secundo, quia eadem videtur esse ratio actuum, & habituum: at actus, vt est probatum, non possunt esse simul: igitur nec habitus. Neque enim alia est via ad inuestigandam naturam habituum, nisi per actus. Tertio, si possent esse simul, sequeretur posse dici eundem intellectum respectu eiusdem conclusionis esse certum & incertum, euidentem, & inueidentem, dubitare & certo scire: quæ omnia inter se pugnant. Postremo, idē confirmare licet inductione in habitibus moralibus: nam habitus vitij excludit habitum virtutis, & contra, non aliam ob causam, nisi quia sunt contrarij: igitur. Et vt quæ probabiliter statuimus, adhuc magis confirmantur, ad argumenta in contrarium allata respondeamus.

D. Tho.

2.2.q.1.

ar.3.

Heb.11.

A D primum, primum aliqui dicerent, Deum esse, non pertinere ad articulos fidei, sed esse præambulum fidei. Deinde dicimus non esse parem rationem, de fide diuina, quæ est certissima, & certior, quam scientia, & de opinione, & fides sit supernaturalis, scientia vero naturalis; ac proinde possunt esse simul: at vero opinio est eiusdem ordinis, & cum sint res cōtrariæ in eodem genere simul esse non possunt.

A D secundum, imperfectum non potest manere cū perfecto, cum sua imperfectione. Neque est parratio de illis duobus luminibus, & de scientia & opinione: Quia lumen lucernæ ita est imperfectum, vt non includat necessario imperfectionem, cum possit perfici, & remanere lucernæ lumen: at opinio essentialiter includit imperfectionem: quare lucernæ lumen potest stare cum lumine solis, non autem opinio cum scientia.

A D tertium, per illum syllogismum generatur er-

ror vt adnotauimus; neq; .n. generatur scientia; cum nō sit medium scientificum, non opinio, quia nulla adeſt formido, quæ eſt de eſſentia opinionis.

A D quartum; media probabilia nihil efficiunt ob ineptitudinem ſubiecti, quod non eſt capax maioris perfectionis, vt ſi quid eſſet calidum vt octo, ei apponeretur calidū vt quattuor, hoc nihil in eo produceret.

A D quintum; in eo caſu non remaneret habitus opinionis: & quia facilius diſcurritur medijs probabilibus, quam per ſcientiam, cum facilius ſit opinari, quam ſcire; ideo ille poſſet probabiliter diſcerere, etiam ſi nullus ſit habitus.

A D ſextum, illa duo non diſtinguuntur inter ſe; ni ſi iuxta modum cogitandi noſtri intellectus, cum a parte rei cognitio et talis cognitio, idem ſint. Quare, vt talis cognitio non potēſt eſſe cum tali cognitione; ita nec ſimpliciter opinionis cognitio cū cognitione ſcientiæ. Sicuti calor & frigus non ſunt contraria vt ſunt qualitates, ſed ut ſunt tales qualitates, maxime; & ideo non poſſunt eſſe ſimul. Vnde in eo decipitur, qui ita arguit, quod ab opinione ſeparata formidinem, et conſiderat gradum genericum nudum communem ſcientiæ et opinioni, cum remota formidine, non ſit amplius opinio.

A D ſeptimum, negatur illum ſe habere indifferenter, quia inter contradictoria non datur medium: Quare, vel dubitabit, et ſic carebit ſcientia, vel certo ſciat, et ſic aberit opinio: vnde neque ab vtroque abſtrahet, neque vtrumque cōiunget. Quod ſi aduerſarius dicat, iſtum non dubitare ſimpliciter, ſed ratione talis medijs, neque eſſe certum abſolute, ſed reſpectu demonſtrationis, hoc nihil eſt quia licet intellectus poſſit iudicare conſiſtentiā probabilem interri ex medio probabilis, et neceſſariam ex neceſſario; nunquam tamen poterit probabiliter aſſentiri cōcluſioni ratione medijs probabilis, ſi ſimul habeat medium neceſſarium: at vero opinio non eſt ſita in illo iudicio, quo iudicatur ex medio

dio probabili probabiliter inferri conclusionem, sed in eo, quod assentiatur cum formidine ex medio probabili. Ex quibus patet etiam ad confirmationem. Atque ex dictis colligeres, non posse esse simul habitum opinionis, & actum scientiæ: quia vnus actus scientiæ generat habitum, qui opinionem excludit. Similiter nec habitus scientiæ & opinionis actus simul esse possunt, modo recordemur scientiæ: quia eadem sequerentur supra numerata incommoda. Quod si obliti essemus, habitus scientiæ, opinionis actus cum eo esse poterit: quia per vnum actum opinionis non generatur habitus, quo remoueatur habitus scientiæ. Patet igitur quæ ratione scientia esse queat cum opinione: potest enim solum esse scientia habitualis, cuius obliti sumus, cum opinione actuali. Quod si opinionis actus frequententur, ita vt habitum gignerent, auferetur scientia: & si recordaremur scientiæ corrumpereetur opinio; de qua tot dixisse sufficiat, ac etiam de tota hac parte nostræ Isagogæ, in qua de natura scientiæ & opinionis disputationem institueramus.

Libri secundi finis.




INTRODVCTIONIS in vniuersam Philosophiam

LIBER TERTIVS:

In quo de præcipuis Philosophorum scholis,
atque Philosophiæ magistris agitur.

De Ionica, & Italica Philosophia. CAP. I.



PHILOSOPHIAE operam datu
ro, aliquam de præcipuis Philoso
phorum scholis, sectisve notitiam
esse necessariam, prudens negaret
nemo; idque ex ipsa susceptæ rei
explicatione omnino perspicuum
fiet. Quare in hac nostra Pædia de

insignioribus Philosophorum disciplinis, aliquid nobis
scribendum esse existimauimus: ita tamen, vt rem de
qua late scribi posset, paucis complexuri simus: plura
qui volet, quos nunc subijciam, eos auctores legat.

PRIMUM igitur legendus est Diogenes Laertius
de vitis Philosophorum: M. Tullius in omnibus fere li
bris de Philosophia, & speciatim in Academicis, & de
Finibus: Eusebius Cæsariensis, in lib. de præparatione
Euangelica: Clemens Alexandrinus in libris Stromatu
rum: Cyrillus contra Iulianum Augustum: Theodore
tus de curadis græcanicis affectionibus: Plutarchus de
placitis Philosophorum: Augustinus libro octauo de

ciuitate

ciuitate Dei: Ioan. Franciscus Picus in lib. de uanit. doctrinæ gentium, Eunapius, & denique ut alios omittā, Franciscus Georgius in suis canticis: Sed iam rem ipsam aggrediamur.

Ioan. Sa
leb. in
polycr.
lib. 6.

Cum itaque, ut primo libro docuimus, Philosophia apud Aegyptios, & Chaldaeos culta fuerit, duo existerunt, qui primo eam ad alias nationes transtulerunt, Thales, a quo Ionica philosophia sumpsit exordium, & Pythagoras a quo Italica; unde aliae dimanarunt sectae, ut postea docebo.

THALES fuit natione Phœnix, qui Miletum Ioniae urbem antiquissimam bonarum artium cultricem venit, ibique ciuitati adscriptus fuit; vel, ut alij volunt Mæni ex claro genere natus est, a mundi creatione anno 3560. Olympiade quinquagesima. Fuit Physicus insignis, Astrologus, & Geometra. Hic primus Græcos, Astrologiam, & Geometriam ex Aegyptode latam docuit: primus in Græcia æquinoctia, & solistitia obseruauit, solisque defectionem prædixit. Vide de diu. quam diu Græci ignorauerint, quæ alijs erant notissima. Fuit vnus ex septem Græciæ sapientibus, cui socij dantur, Solon, Chilon, Periander, Cleobulus, Bias, & Lib. 2. Pittacus. Princeps, ait Tullius, Thales, vnus ex septem, Acade. cui sex reliquos consensisse ferunt, ex aqua dixit con-
quæst. stare omnia. Et alio loco, Thales. n. Milesius, qui pri-
Li. 1. de mus de talibus rebus quæsiuit, aquam dixit esse initium
na. Deo. omnium rerum; Deum autem eam mentem, quæ ex
Li. 2. de aqua cuncta fingeret. Is, ut obiurgatores suos conuin-
diu. ceret, ostenderetque etiam philosophum, si ei commodum esset, pecuniam comparare posse, olearum vber-
tatem animaduertit, & omnem oleam antequam flo-
Li. 2. de reret, coemit. Idem, ut est apud eundem dicebat, ho-
leg. mines existimare oportere, omnia quæ cerneret Deorum esse plena: fore. n. castiores, velutique in fanis essent, maxime religiosos. Est enim quadam opinione species Deorum in oculis, non solum in mentibus. Interrogatus, quid esset omnium difficillimum, seipsum noscere,

noscere, respondit. Item, laterent ne Deos male agentes, nec cogitantes quidem dixit. Denique, eos honestissime viuere, quæ qui in alijs reprehenderent, ipsi non facerent, Extant & aliæ apud Laertium ab eodem sapienter prolata sententiæ. Eius temporibus, Ezechiel & Daniel apud Hæbræos floruerunt: apud Athenienses legislator Solon: apud Syros Pherecydes Pythagoræ præceptor, & Pittaci discipulus: Tarquinius Priscus, & Seruius Tullus apud Romanos. Vixit annos nonaginta, cui successerunt Anaximander, Anaximanes, Anaxagoras, Archelaus, a quo primum Athenas Philosophia translata fuit, & Socrates Platonis præceptor, a quo initium habuit Academia, vt postea dicitur. Et hic fuit Ionicæ scholæ progressus.

Quid illi duo priores Thaletis discipuli, qui ambo fuerunt Milesij, de rerum principijs senserint, his verbis exposuit Tullius, cum de magistri sententia prius dixisset. At hoc Anaximandro populari, & sodali suo, non persuasit (aquam nimirum esse rerum principium). Is enim infinitatem naturæ dixit esse, ex qua omnia gignerentur. Post eius auditor Anaximanes infinitum aera, sed ea quæ ex eo orirentur, definita: gigni autem terram, aquam, ignem, tum ex his omnia. Eorundem sententiam de Deo, his verbis idem Tullius exposuit, Anaximandri autem opinio est, nativos esse Deos, longis interuallis orientes occidentesque; eoque innumerabiles esse mundos. Sed nos Deum, nisi sempiternum, intelligere qui possumus. Post Anaximanes aera Deum statuit, eumque gigni, esseque immensum, & infinitum, & semper in motu. Quasi, aut ær sine vlla forma Deus esse possit, cum præsertim Deum non modo aliqua, sed pulcherrima specie esse deceat; aut non omne quod ortum sit, mortalitas consequatur. Sed iam de Italicæ philosophiæ auctore, ac progressionem dicamus.

Li. I. de
na. Deo.

PYTHAGORAS, sic nominatus, vt aliqui volūt, quod non minus vera, quam Pythij Apollinis oraculum

lum loqueretur, cuiusnam fuerit non, a satis cōstat: nā alij Samiū faciunt, alij Hæbraum, alij Etruscum. Illud pro certo habetur, omnibus qui eum antecesserunt Philosophis maiorem, consequentibus vero, doctrina & auctoritate non inferiorem fuisse; vt merito de eo

Lib. 15. tectinerit Ouidius.

Met.

*Mente Deos adiit, & qua natura negauit,
Vfibus humanis, oculis ea pectoris hausit.*

DE huius Philosophi temporibus variant scriptores; sed, qui a sexagesima ad septuagesimam usque olympiadem eum floruisse dicunt, magis ad uerum accedunt. Is sapientiæ perdiscendæ causa in Aegyptum, in Persidem, & in Indiam se contulit; & ita in Daniele incidere potuit, cuius fama ea tempestate celebris erat: & vt aliqui referunt, in diuinis litteris est versatus. Primus Musicæ principia ad artem reuocauit: Pondera & mensuras inuenit: Arithmeticam, & Geometriam præcipue excoluit: & Crotoniatibus leges dedit. Discipulos habuit non pauciores sexcentis, qui noctu ad eum confluebant: apud quos quantum eius valuerit auctoritas, illud fuit indicio, quod pro vero haberent id, quod ipse dicebat; ac etiam de longa taciturnitate præceptum. In huius Philosophi discipulis male a nonnullis ponitur Numa Pompilius secundus Romanorum Rex; cum is centum annis fuerit Pythagora vetustior. Docuit in Italia ad eam oram, quæ Gallogræcia est appellata; vbi suæ sectæ iecit fundamenta. Ad quem Lucanij, Picentes, Messapij, & Romani disciplinæ causa se conferebant. Quod ad eius monumenta attinet, multa extant apud scriptores symbola, hoc est, sapienter dicta, metaphoris inuoluta, vt hæc, Hirundines domo pellito. i. adulatores. Ignem gladio ne fodito, id est potentium iram ne commoueas: Noli gustare ea, quorum cauda est nigra, hoc est voluptates: conuerso ad solem vultu non esse mingendū, id est contra veritatem non standum. Illud etiam ab eodem benedictum fuisse ait Tullius, tum maxime, & pietatem

Li. 2. de
legil.

pietatem & religionem versari in animis , cum rebus diuinis operam damus. Extant etiam quadam carmina sapientiæ & eruditionis plena, quæ eidē tribuūtur.

DE Pytagora huiusmodi extat elogium apud M. Tullium. Nec vero Pythagoras nominis (Philosophiæ nimirum) inuētor, sed rerum etiam amplificator fuit. qui cum post hunc Philiasium sermonem in Italiam venisset, exornauit eam Græciam, quæ magna di- Tus. 5.
cta est, & priuatim & publice præstantissimis & institutis & artibus. Et alio loco, Erat enim illis pene in conspectu, præstanti sapientia, & nobilitate. Pythagoras, qui fuit in Italia temporibus iisdem quibus L. Brutus patriā liberauit, præclarus auctor nobilitatis tuæ. Pytha Tus. 4.
goræ autem doctrina, cum longe, lateque flueret, per- Idē Tus.
manauisse mihi uidetur in hanc ciuitatem; idque cum 1.
coniectura probabile est, tum quibusdam etiam vestigiis indicatur. Quis est enim, qui putet, cum floreret in Italia Græcia, potentissimis & maximis vrbibus ea, quæ Magna dicta est, in hisque primum ipse Pythagoræ, deinde postea Pythagoreorum, tantum nomen esset; n. strorum hominum ad eorum doctissimas voces aures clausas fuisse? Quinetiam arbitror, propter Pythagoreorum admirationem Numam quoque regem Pythagoreum a posterioribus existimatum. Id de quo suspicionem habuit Tullius, aperte affirmauit Laertius, Romanos temporibus Pythagoræ Philosophatos fuisse. Ex quo loco plane intelligere licet, temporibus Pythagoræ Romanos sublato regno, temp. instituisse. Eodem tempore Hebræi templum instaurarunt, prophetantibus Zacharia, Aggæo, & Malachia, qui ex Prophetis ultimi fuerunt. Vnde colligeres, iuxta communem de scientiarum progressionem sententiā quanto Hebræorum sapientia fuerit antiquior, quam Græcorum, & Italorum, cum tunc hæc nasceretur, quando illa erat vetustissima: siquidem qui vltimi prophetarunt, fuerunt Græcorum primis sapientibus vetustiores. De huius Philosophi obitu varie scribitur,

ut apud Laertium videre licet. Atque hæc pauca de Pythagora libasse sufficiat, fuit itaque Italicae familiae primus auctor Pythagoras, cui successit Thelauges filius, ei Xenophanes, huius Parmenides, Parmenidi Zenone Eleates, Zenoni Leucippus, ei Democritus, quem audiuit Mausippus Epicuri præceptor; alterius sectæ auctor, de quo infra scribetur.

Ad scholam Pythagoream reuocares etiam Eleaticam, sic nuncupatam ab Elea ciuitate Lucanie, ubi culta fuit. Atque ex quorundam sententiis Pythagore se discipulos habere perhibentur, Theano uxor, Thelauges filius, Empedocles, Epicarmus, Archita Tarentinus, Alcmaeon Crotoniatis, Hyppalus Metapontius, & Philolaus. Eleatica vero scholæ huius Xenophantes, Parmenides, Melissus, Zenon Eleates, Leucippus, & Democritus: quo etiam tempore Hippocrates Medicorum princeps, & Heraclitus florere.

De quibusdam Ionica & Italica Philosophia successoribus. Cap. II.



DIXIMUS de Ionica & Italica Philosophiæ auctoribus; sequitur nunc, quæ aliqui diuinitatem de successoribus dicamus. Et quoniam longum esset, si de singulis agere vellemus, propterea solummodo de aliquibus illustrioribus agemus, nimirum de Heraclito, Anaxagora, Democrito, Parmenide, Empedocle, & Socrate.

HERACLITVS, fuit patria Ephesus, homo animo erecto, rerum contemptor, acerrimus morum censor, atque inanium laborum, & calamitatum humanarum deplorator. Se omnia scire, atque ex se didicisse dicebat. Scripsi de natura librum, in quo de vniuerso, de reipublica, & de Theologia agitur: ita tamen obscure de industria scripsi, ut non facile intelligi posset: ac proinde ad eius scripta intelligenda Delio quopiā natatore

Cic. 2.
de fin.

natastore opus esse, Socrates dicebat: ob quam causam Scotinos, hoc est tenebricosus fuit nominatus. Omnia ex igne, tanquam ex prima materia fieri, & in eundem redire, atque in perpetua mutatione ac fluxu consistere existimauit. Hinc Tullius, sed omnia vestri, Balbe, solent ad igneam vim referre, Heraclitum, ut opinor, sequentes: quem ipsum non omnes interpretantur vno modo: qui quoniam, quod diceret intelligi noluit, omittamus. Ex quibus intelligeres, cur idem Tullius libro primo de nat. Deor. dixerit, Nec tu me coelas, ut Pythagoras solebat alienos: nec consulto dicis occulte, tanquam Heraclitus. Tanta fuit celebritate clarus, ut etiam a Dario Hytaspæ Persarum rege, epistola, quæ apud Laertium exstat, fuerit inuitatus: at ipse sua sorte contentus, proficisci noluit. Floruit ab olympiade sexagesima quarta, ad sexagesimam nonam: annos vixit sexaginta.

Li. 3. de
na. Deo:

ANAXAGORAS Pherecydis Syri discipulus, rerum domesticarum cura posthabita, ad Aegyptios profectus est, eorum ut mysteria cognoscetet. Is ad materiam rerum omnium subiectum, primus adiecit mentem, tanquam causam efficientem, quæ ex minutissimis particulis omnia scernendo procreauit. Anaxagoras, ait Tullius, materiam infinitam, sed eas particulas similes inter se, minutas, eas prius confusas, postea in ordinem adductas, mente diuina, de rebus cœlestibus non probabiles habuit opiniones; nec de natura diuina, ut idem ait. Animorum immortalitatem, & Deum mundi opificem primus Græcos docuit: quod si verum est, vide, quæso, quanta antea fuerit Græciæ sapientia, cum ea ignorauerit, sine quibus honeste vivere, & felicitatem assequi potest nemo: quarum rerum sublata notitia, vniuersa ruit sapientia. Librum in quo de physiologia egit, a Deo auspiciatus est, & in eundem finiuit: quem sub Mentis vocabulo in nobilioribus naturæ effectibus, ut res instituentem & moderantem, semper considerare iubebat, ob quam causam Mens

Lib. 2.
Acad.
quæst.
Li. 1. de
na. Deo.

- Ci. Tus.** cognominatus est : quod præceptum Plato in *Timæo* obseruauit. Cum veritatis cognoscendæ causâ priuatæ & publicæ rei curam abiiecisset, cuidam obtrectanti, Nulla ne tibi Patriæ cura est? respondit, Mihi uero Patriæ cura, & quidem summa est, digitum in cælum intendens. In patriam ex peregrinatione reuersus, cum possessiones desertas uidisset, non essem, inquit, ego saluus, nisi istæ periissent. Eundem, nuntiata filij morte, dixisse ferunt, sciebam me genuisse mortalem. Unde intelligi potest, quantum animi prouisio, & præparatio ad calamitates æquo animo ferendas valeat. Cū Lampfaci annum septuagesimum secundum agēs moreretur, quærentibus amicis, velletne Clazomenas in patriam, si quid accidisset, afferri, Nihil necesse est, inquit: vndique enim ad inferos tantundem est viæ. Floruit Anaxagoras ab Olympiadē septuagesima, ad octogessimam. Discipulos habuit, Archelaum, Euripidem poetam, & Periclem Atheniensium principem.

- DEMOCRITVS** Milesius ex patre homine ditissimo natus, qui hospitio Xersem Persarum regem excepit; habuit primum præceptores quosdā Magos, & Chaldæos sibi a rege relictos: tum ad Leucippum, & ut alij volunt, ad Anaxagoram se contulit. Is, ut a nō nullis scribitur, diuisa cum fratribus substantia, & minore sibi parte electa, in Aegyptum ad sacerdotes, in Persidem ad Magos, & in Indiam ad Gymnosophistas sapientiæ comparandæ causa profectus est. In patriam reuersus, cum summa inopia, incognitus, de quo gloriari solebat, uitam degit. Et ut naturæ secreta melius per uideret, se occæcauit. Sine varietate colorum, ait Tullius, licebat uiuere beate: sine notione rerum non licebat: & cū alij sæpe quod est ante pedes non uideant, ille infinitatem omnem peregrinabatur, ut nulla in extremitate cōsisteret. Fuit adeo eruditus, ut *πένταθλος* hoc est, quinque certaminum fuerit nuncupatus. Nam naturalia, moralia, Mathematica, liberalium disciplinarum rationes, artiumque omnium peritiam callebat.

Quid

Quid loquar de Demócrito? Tullius loquitur, quem cum eo conferre possumus? non modo ingenij magnitudine, sed etiam animi: Qui ita sit ausus ordiri, Hæc loquor de vniuersis: nihil excepit, de quo non profiteatur. Quid enim esse possit extra vniuersa? Cuius sententiam de mundi, & rerū exordio, his verbis expressit. Ille atomos quas appellat, idest corpora indiuidua propter soliditatem censet in infinito inani, in quo nec summum, nec infimum, nec medium, nec ultimum, nec extremum sit, ita ferri, vt concurfionibus inter se coherescant; ex quo efficiantur ea, quæ sint, quæque cernantur omnia, eumque motum atomorum nullo a principio, sed ex æterno tempore intelligit conuenire. At vero cum de natura diuina disputat, eius sententiam refellit, & inscite nugari ait, atque opinionem de illis corpusculis leuibus, asperis, rotundis, partim angulatis, partim curuatis, & aduncis, quā etiam Leucippo tribuit, flagitia appellat. Democritus auditis miserabilibus fortunæ casibus, in risum prorumpibat, vt Heliclitus in fletum, ideo Gelasius nominatus fuit. Floruit ab octogesima Olympiade ad nonagesimam vsq: obiit annum centesimum & nonum agens, cum octoginta annos abfuisset a patria.

PARMENIDES, Eleates, Xenophanis, vel, vt alij scriptores volunt, Anaximandri auditor, Amœniæ tamen Pythagorici sectator: a quo, licet genere & opibus esset illustis, ad quietam vitam fuit adductus. Posuit duo rerum principia, ignem vt opificem, terrā ut materiam. Hominis generationem ex sole, quem calidum & frigidum esse dicebat, ortum habere putauit: animam & Mentem, immo omnia secundum rationem idem esse existimauit: cuius de Deo commenticiam opinionem refert, & refellit Tullius. Iudicium in sola ratione posuit, & ita sensus minus exactos ad iudicandum existimauit. De huius Philosophi nomine Plato dialogum quendam inscripsit. Auditorē habuit Melissum; floruitque eodem fere tempore.

Lib. 2.
Acad.
quæst.

Li. 1. de
fin. & li.
2. acad. q.

Li. 1. de
na. Deo.

Cle. lib.
5. Stro.
Euf. lib.
10.

Præp. c.
2.

Li. 1. de
na. Deo.

Democrito, post octogesimam olympiadem.

EMPEDOCLES genere Siculus, patria Agrigētinus, secta Pythagoreus, magister Gorgiæ Rhetoris insignis: artis oratoriæ inuentor, ex Aristotele, qui eūdem operibus superiorem facit Anaxagora, ætate vero inferiorem. Fuit etiam Medicus insignis, & sexcentos versus de medicina scripsit. Rerum principia hæc puulgata & nota, quattuor posuit, vt Cicero ait, quattuor nimirum elementa. Animam, eodem referente, sanguinem in corde fusum esse existimauit: omnia, si eidem credimus, fato fieri putauit, vt etiam Democritus, & Heraclytus. De natura diuina, Empedocles inquit Tullius, multa alia peccans, in Deorum opinionē turpissime labitur: quattuor. n. naturas, ex quibus omnia constare vult, diuinas esse censet. Multa de Philosophia, & Medicina litteris commendauit, & Xerxis in Græciam transitum carmine exposuit. Floruit olympiade octogesima prima, eodem fere tempore, quod tres commemorati Philosophi: alij sexaginta, alij centum, & nouem annos vixisse contendunt.

Lib. 2.
Acad. q.

Li. de fa
to.

Li. 1. de
na. Deo.

SOCRATES, patria Atheniensis, statuarij filius, miles strenuus, popularis homo, oratoria arte insignis, quam docere prohibitus fuit: philosophorū princeps, vt ait Tullius: a quo multa mirabiliter diuinata fuere, & inter alia, sui obitus dies. Anaxagoram, Damonem, & Archelaum in physicis habuit præceptores, sed physice, quam minus utilem esse animaduertit, relicta, ita se totum Ethicę tradidit, vt eius auctor existimatus fuerit Socrates autem primus, inquit Tullius, philosophiam deuocauit e cœlo, & in urbibus collocauit, & in domos etiam introduxit, & coegit de vita, & moribus, rebusque bonis & malis quærere. Quare e statuario morum euasit magister, &ocraticæ disciplinæ auctor. Vnde damnare solebat homines, quod curarent, lapides similes hominū reddere, & ne ipsi lapides essent, non curarent. Fuit itaque vir prudens, & eruditus, & Pythiæ testimonio, hominum sapientissimus iudica-

tus:

tus: & adeo frugi, ac continens, ut, quamvis pestis sæpe Athenas inualisset, nunquam ab ea tactus fuerit. eum Cic. lib. execrari soiebat, qui primus utilitatem a natu a, hoc 5. de est a recta ratione se iunxit: summum enim hominis bonum leg. in una virtute consistere putavit, & voluptatem nullo loco numeravit. Natus est anno quarto olympiadis septuagesimæ septimæ: quò tēpore apud Hebræos Cic. lib. Esdras, & Neemias florere. Moritur septuagenarius, 2. d. fin. anno primo Olympiadis nonagesimæ quintæ. Mortis iniusta causâ, fuit vnius Dei contra deorum multitudinem confessio. Moritur in carcere, & cutæ veneno extinctus: cum tamen prius multa de animorum immortalitate disse uisset: tanta constantia mortem obiuit, ut non tam ad mortem trudi, quam ad cælû ascendere videretur cuius constantiâ mirifice laudauit Tul. Cic. Tus. 1. Vxorî dicenti, inuiste moreris: at tu, inquit, iuste veiles. Et cum iam tempus moriendi instaret, rogatus a Critone quem admodum sepeliri vellet, Multam vero, inquit operam, amice, nisi a consumpsi: Critoni enim nostro non persuasi, ut hinc auolaturum, neque quicquam mei restit arum. Verum tamen Crito, si me assequi potueris, ac si licui mæctus eris, ut tibi videbitur sepelito: sed, nunc crede, nemo me vestrum, cum hinc excessero, com sequetur. Qu Socratis mortem, & Athenarum, & totius Græciæ calamitates & interitû Eunap. sequutum esse nonnulli scribunt. Discipulos præter alios habuit Platone m, Xenophontem, & Antisthené, ac etiam Aristotelem.

De ionica Philosophia in varia genera dissecta, deque Academia ortu. Cap. I II.



PONICA philosophia, quæ temporibus Socratis meliorem quandam formâ Athenis, ubi in priuatim colebatur, habere cepit, eo vita riuêct, in alia tria suâ dissecta genera, in Academicum, in Per-

Tuf. 5.

riparaticum, & in Stoicum, quibus adderes Epicureū, licet aliqui aliunde fluxisse putent. Quæ genera, non modo ex rebus ipsis, sed etiam ex differendi ratione ortum habuere, ut aliquando non obscure indicauit Tullius: cuius sententiam deinceps planè explicabimus.

Lib. 2.
acad. 1. f.

SOCRATES ita philosophari solebat, ut nihil asserendo, totus in rerum inquisitionem incumberet, Hic (de Socrate loquitur Cicero) in omnibus ferme sermonibus, qui ab ijs qui illum audierunt, præscripti varie copioseque sunt, ita disputat, ut nihil affirmet ipse, refellat alios; nihil se scire dicat, nisi id ipsum. Et Lucullus apud eundem, Socrates autem, de se ipse detrahens, in disputatione tribuebat ijs, quos volebat refellere: ita, cum aliud diecret, atque sentiret, libenter uti solitus est ea dissimulatione, quam Græci ironiam vocant. Et hanc Socraticam differendi formam, in prima schola Tusculana se sequi velle Tullius ait. Eadem Socratis ironia, qua scientiam dissimulans in omnem partem se differendo vertebat, nihilque ex se, sed aliorum confessione cōcludebat, eius discipulo Platoni placuit: quod plerique eius sectatores factum ideo putarunt, quia de rebus omnibus dubitasset; tametsi qui illi in Academia usque ad Arcesilam successerunt, Spensippus, Xenocrates, Palemon & Crates, dissimulationi potius scientiæ, quam dubitationi id tribuerunt, & hæc Philosophandi ratio, a Platone viurpata, Academiam constituit, ut postea a planius dicetur.

At vero Arcesilas Cratetis discipulus palam omnem scientiam negavit; & nouam Academiam constituit; cui Zeno Citricus, eiusdem Cratetis auditor se se opposuit, & opinionem Academicis nouis omnino contrariam inuexit. Nam cum illi, quod ad cognitionē attinet, nihil percipi posse dicerent; quod vero ad appetitionem, nihil suapte natura honestum, aut turpe, sed solum humano instituto & voluntates putarent: Zeno contra, tam multa ut certa & indubitata admittebat,

ut etiam insomnijs fidem habendam esse diceret: & turpia ab honestis tanta seueritate discernebat, ut quoduis delictum nefarium scelus, & omnia peccata paria esse contenderet.

A T Q V I Aristoteles media quadam via ingressus, tanquam iustus arbiter, docuit plurima esse indubitata & per se nota; alia adeo certa, ut nulla ratione conuelli possent; in quibus bonarum artium & scientiarum prima dogmata consistunt: alia, quæ etsi certa essent sua natura, aliunde tamen posse admittere inconstantiam; quæ etiam Philosophorum curæ voluit esse subiecta; alia denique quæ vtrunque in partem cadere possunt, de quibus nulla est certitudo, & ars nulla. Quod vero ad mores attinet, affectus ad mediocritatem reductos, non damnauit, nec tanquam malos resecandos putauit, cum sint veluti instrumenta quedam ad multas actiones exercendas a natura tributa; virtutemque non ex suo sensu, sed ex recta ratione metendâ putauit.

D. Paris.

E P I C V R V S verò, cum ipse doctrinis non esset instructus, & alios a studijs ad otium, hoc est ad vitiorum omnium fontem traducere vellet, Dialecticam contempsit, quæ vna continet omnem, & perspicendi, quid in quaque re sit, scientiam, & iudicandi quale quidque sit, ac ratione, & via disputandi; ut in dicendo, ut mihi quidem videtur, (ait Tullius) nec ea quæ docet, vult vlla arte distingui. Virtutem vero funditus euertit, ut planius de eo speciatim agendo dicetur.

Cic. lib. 1. & 2. de fin.

En igitur ut quattuor, ex diuersa philosophandi ratione, diuersa Philosophiæ enata sunt genera; quæ partim a locis, partim a personis, & ab actionibus nomina sunt sortita, Academicum, a Platone; Peripateticum ab Aristotele, Stoicum a Zenone, & Epicureum ab Epicuro.

V T autem quæ diximus, planius exponamus, animaduertendum est, olim Athenis, quæ ciuitas, a temporibus Socratis, fuit veluti bonarum artium emporium, tria fuisse magis celebrata Gymnasia, in quibus Philosophia tradebatur, Academiam, Lyceum & Stoâ.

Acade-

Suidas. Academia fuit locus prope Athenas nemorosus, & pa-
Eupo- lustris, & idcirco minus saluber: possessus ab Academia
lus co- heroe, quem aliqui Deum vocarunt. Aliqui hunc locum
mic. prius Hecademiam, postea Academiam & Academum,
Plut. in ab Academo, qui eam instruxit, dictum fuisse putant.
Thes. Hinc Horatius.

Aristo- *Adiecere bonæ paul'o plus artis Athena,*
ph. in *Scilicet ut possem curvo dignoscere rectum,*
nub. *Atque inter sylvas Academi querere verum.*

Lib. 2. **L Y C E U M**, fuit alius locus Atheni, quem sibi ad
epist. docendum elegit Aristoteles, dum Academiae rector,
Platone defuncto, esset Xenocrates. Stoa, latine porticus, in eadem urbe, Pæcile cognominata, latine, varia, & variegata, sic dicta a varietate picturæ Marathoniam pugnam referentis, gratuito a Polygnoto picta: quo in loco Zeno, cum ab Academia defecit, docere cepit. Epicurus quoque suos habuit hortos, in quibus, tanquam in loco delitioso, suam delitijs contentam tradebat Philosophiam. Fuerunt etiam alia Athenis minus celebrata gymnasia, Tempe, Prytanium, & Gynofarges.

Ex omnibus autem duo fuerunt magis illustria, Academia, ex Lyceum: de quibus hæc extant M. Tullij carmina.

Lib. 1. d. *Inque Academia umbrifera, nitidoque lycao,*
Diuin. *Fuderunt claras fecundi pectoris artes.*

N E C tamen suo splendore caruit Stoa. Verum in eo Academia cætera loca antecelluit, quod gymnasia omnia, & cæcus omnes ad docendum, & ad agendum de literis, Academiae vocantur: & ab illa prima in qua primo docuit Plato, pro varietate doctrinæ, varioque docendi modo, variae enatae sunt Academiae, de quarum varietate, sequenti capite agemus, si prius vnde Philosophorum sectæ & Academiae nomina sumpserunt, breuiter docuero.

Laert. **PHILOSOPHICAE** itaque disciplinae, ab his
in ptem. fere locis suas appellationes sumpserunt. A persona, quæ sectam instituit, ut Pythagorica, & Epicurea: a patria

tria, vt Cyrenaica, a Cyrene Lybiæ oppido Aristippi patria: loco in quo docebatur, vt Academica, & Stoica: ab actione, quæ in docendo adhibebatur; vt Peripatetica, a deambulando: a genere vitæ, vt Cynica, quasi canina, quod qui eam profitebatur Antisthenes, Diogenes Cynicus, Hercules, & alij, more canino, & nimia acerbitate, licentiaque sermonis, quandam caninam rabiem præferrent: Ab electione, & libero iudicio in philosophando; vt Ephetica, & Sceptica. Huc referres eam sectam, quæ Electrix fuit nominata; quæ ex omni alia quod sibi probabile videbatur, eligebat, cuius princeps fuit Alexandrinus Potamon. Rursus Philosophi nomen sumserunt ab ea Philosophiæ parte, quam potissimum coluere: hinc alij Physici, vt fere omnes, qui Socratem antecesserunt: alij Ethici, vt Socratici omnes; alij Dialectici, vt Megarenses. Sed iam de Academicis dicamus.

De Academiarum varietate & successione.

Cap. IIII.



VT quod hoc capite explanandum pro-
posui, plane exponam, animaduerten-
dum est, vt aliqui adnotarunt, Platonis
scripta, siue dialogos, in duo esse diuisa
genera: in quorum vno more socrati-
co, potius confutando & refellendo,
quam aliquid tanquam certum statuendo dispu-
tatur: in altero, aliquid certi statuitur, atque præcipitur, qui
dogmatici vocantur, vt illi elengetici; quod in illis ali-
quid statueretur, in his vero, solum redargueretur.
Hinc Academicorum, alij Dogmatici, qui aliquo certi
differendo statuebant; alij Aporetici, qui nihil definie-
bant, sic dicti, quod de omnibus dubitarent. Sunt etiam
vocati Zetici, quod perpetuo veritatem inquirerent,
& Sceptici, a perpetua rerum consideratione, atque
Ephetici, hoc est, vt iam dicam, consideratores & cogni-

Fab.
quint.
lib. 2. c.
15.

tores. Illi igitur qui sola inquisitione magis delectabatur, Aporetici: qui vero, certa præcepta in Philosophia tradebant, Dogmatici nuncupati sunt.

Lib. I.
acad.

II L V D etiam adnotauerim, Platoniam scholam diuisam fuisse in eos, qui Platoni fuerunt addicti, qui nomen Academicorum retinuerunt, & in alios, qui Aristotelem sunt sequuti, qui Peripatetici sunt nominati, vt ex hoc Tullij loco plane colligere licet. Platonis autem auctoritate, qui varius, & multiplex, & copiosus fuit, vna & consentiens duobus vocabulis, philosophiæ forma instituta est, Academicorum & Peripateticorum: qui, rebus congruentes, nominibus differabant. Nam cum Speusippum, sororis filium, Plato Philosophiæ, quasi hæredem reliquisset, duos autem præstantissimos studio, atque doctrina, Xenocratem Chalcedonim, & Aristotelem Stagiritem: qui erant cum Aristotele, Peripatetici dicti sunt, quia disputabant inambulantes in Lyceo: illi autem qui Platonis instituto in Academia, quod est alterum gymnasiū, cœtus erāt & sermones habere soliti, ex loci vocabulo nomen habuerunt: sed vtrique Platonis vbertate completi certā quandam disciplinæ formulam composuerunt, & eam quidem plenam, ac refertam. Illam autem Socraticam dubitationem de omnibus rebus, & nulla affirmatione adhibita, consuetudinem differendi reliquerunt. Ita facta est differendi, quod minime Socrates probabat, atque quædam Philosophiæ, & rerum ordo, & descriptio disciplinæ: quæ quidem erat primo, duobus, vt dixi nominibus vna. Nihil enim inter Peripateticos, & illam veterem Academiam differabat. Hucusque Cicero.

Ex cuius verbis primum intelligere licet, aliam fuisse Socratis, aliam eorum qui Platoni in Academia successerunt differendi rationem, cum ille dubitando inquireret, hi vero aliquid certi statuerent. Deinde, Academicos & Peripateticos, non omnino fuisse diuersos atque discordes, cum ab vno fonte manarint. Ex quibus intelligeres, cur Tullius initio officiorum dixerit,

rit, Sed tamen nostra legens non multum a Peripateticis disidentia, quoniam vtrique, & Socratici, & Platonicis esse volumus; ac si dixisset, tanquam Aporetici dubitare volumus, atque inquirere, vt Socrates faciebat: tamen id quod dubitando tanquam probabile docebimus, ex Platonis doctrina sumemus; ac proinde non multum a Peripateticis, quorū tu M. Fili sub Cratippo doctrinam profiteris, dissentiemus. Quare ibi, Platonicis, pro Academicis dogmaticis summuntur Postremo ex citato loco colligitur, Peripateticos non omnino consensisse cum Plaronicis, vt alibi id plane idem Tullius docet: at in disputatione de finibus bonorum & malorum, non omnino dissentiebant: ideo loco citato subdit M. Tullius, Sed idem fons erat viriusque et eadem rerum experendarum, fugiendarumque partitio. His ita præmissis ad rem propositam explicandam aggrediamur.

M O R T V O Platone, ei successit Speusippus; qui Euf. lib. octo annos Academiā rexit: huic Xenocrates Calcedo 14. de nensis, cui Palemon, cui Crantor, vel Crates, vt aliqui, præp. c. scribunt, in quo prima Academia terminauit, vel vt 2. Gal. d. Proclo, Laertio, & Tullio placet, in Crátore: aut certe hist. in Palemone, vt Augustinus & Eusebius existimarunt. Phil. c. 2. Postea successit Arcefilas Pritaneus, qui vna cum Cit. 2. rico Zenone, aliquem ex dictis auduit. Iam Palemo- Lib. 2. né, ait Tullius, audiuerant assidue Zeno & Arcefilas. Acad. Sed Zeno, cū anteiret ætate, valdeque subtiliter disse- Leg. reret, & peracute moueret, corrigere conatus est disci- euf. loc. plinā. Hic itaque Zeno nō ille Elates, quem in Parme- cit. nide disputantem facit Plato, Academia omissa, in Stoa docere cepit, Cynicorū dogmata sequutus: quæ tamē, nuditate, & obsecnitate abiecta, ad humanitatē, & honestatem deflexit. Illi enim vestitu, victu, & humano Laer. in vsu asperitatem quandam sequebantur, & disciplinis Menede repudiatu, solis Philosophiā moralem colebant, ita vt m. Cyniūmus fuerit quædam brevis ad virtutē uia. Quare longe distabant a Cyrenaicis; cum hi voluptatem pro

- Orig. Hier. pro sūmo bono, illi vero virtutē statuerent. Hinc cōtrī-
tūm eorum pronuntiātū, Malū insanire, quam velu-
ptate perfrui. Propterea, si a quibusdam scriptoribus
Cynicis tribuitur opinio de summo voluptatis bono,
pro mendo haberi debet, & pro Cynicis, Cyrenaici le-
gendū erit: cū hi in voluptate summum bonum posue-
runt, qui Aristippi genere Cyrenaici instituta sunt se-
quuti. Cum ergo Zeno ab Academia defecisset, & alia
dogmata amplexus fuisset, Arcefilas, vt ei se se opone-
ret, eiusque falsas opiniones euerteret, nihil sciri, & cō-
prehēdi posse docuit, cum aliter sentiret Zeno: & ita il-
le nihil esse *καταλέπτον* i. comprehensibile, dicebat;
unde *ἀκαταληψίον*, hoc est, vt ita dicā, incōprehensio-
nē, & *ἐποκλῶ*, attentionis retentionē induxit: hic vero
rerū cōprehensionē admittebat, vt postea, cū de eo pri-
uatim agā, docebo. Atque ita, vt Lucullus aiebat, Arce-
filas Philosophiæ statum bene constitutū conturbauit,
Cic. lib. 1. vt Tib. Græcus Remp Rom. Is vt suā opinionem ma-
acad. gis plausibilem redderet, dicebat se non esse huius do-
q. in fi. ctri-*næ* inuentorem, sed instauratorem, & non solū Pla-
tonis, & Socratis, sed etiam Empedoclis, Anaxagoræ, &
Parmenidis, doctrinā iam sopitam in lucē reuocare, q̃a
omnia esse abstrusa, & nihil, vt est, cognosci posse dixe-
rūt, & speciatim illud quod Socrates dicebat, se nihil sci-
Euf. Cg. re, vt ex Platonis Gorgia, ex Theæteto, ex Apologia,
& ex aliis scriptoribus discimus.

- Q V O D autem Arcefilas aporeticā disputandi ratio-
nem in usum reuocauerit, sub initium secundi libri de
lib. 2. de finibus M. Tullius docuit. Atque ab hoc Arcefilæ institu-
fin. to noua Aporeticorum Academia initium habuit, quā
Volaticam & philosophiæ perturbatricem aliquando
Lib. 1. d̄ vocauit Tullius, & vt sileret cupiebat. At vero alio lo-
leg. co, huius Academiæ defensionem suscepturus, cum
Arcefilæ sententiā exposuisset, Hanc, inquit, Acade-
Lib. 1. miam nouam appellabant, quæ mihi vetus videtur: si-
Acad. quidem Platonem ex illa uetere numeramus: cuius in
qq. libris nihil affirmatur, & in vtrāque partem multa dis-
seruntur

seruntur, de omnibus quæritur, nihil certi dicitur: quod non de omnibus simpliciter intelligendum est Arcesila itaque propositum fuit, disputando aduersari omnibus; quod ideo efficere potuit, quia erat in dicendo felicissimus, in respondendo promptissimus, & in persuadendo acerrimus: cuius in summa quattuor fuere decreta, Nihil posse comprehendere: sapientem nulli rei vnquam assensurum: omnia esse æqualiter incerta, obscura, & improbabilia: & denique sapientem nihil probaturum, & opinaturum.

Laer. in
eius vi-
ta.
Cic. lib.
1 & A-
cad.

A T Q V I Carneades eiusdem scholæ sectator, aliqua parte, ab Arcesila dissentiebat; & ex illis quattuor Arcesileis decretis, duo priora admittebat, in posterioribus discrepabat. Etenim inter omnino incertum & comprehensum, medium quiddam ponebat, probabile & verisimile, & hoc probare, ac sequi debere sapientem, tum in differendo, tum in vita agenda; ita tamen, ut non se scire, sed opinari, non verum comprehendere, sed verisimilitudinem sequi intelligat.

E T quidem M. Tullius, ut ipse, post initium sermonis quinti Tusculani, & alijs in locis plane fatetur, Carneadem hac in parte est sequutus: dum se probabilia sectari & docere uelle, hisque se contentum esse demonstrat: & ita tanquam Carneadis sectator & Socraticus elegit probabilia, quæ Platonici, hoc est Academici Dogmatici, ut comprehensa posuere. Ideo aliquando dixit, defendat quidem, quod quisque sentiat; sunt enim libera hominum iudicia; nos institutum tenebimus, nullisque ullius disciplinæ legibus addicti, quibus in philosophia necessario pareamus, quid sit in vnaqueque re maxime probabile semper requirimus. Cum ergo Carneades aliqua parte ab Arcesila dissentiret, ideo aliqui eius doctrinam mediam Academiam appellandam esse censuerunt. Illi vero, qui Arcesilæ disciplinam intermediam academiam fecerunt; temporis ordinem spectasse videtur: quia Arcesilas fuit medius inter priores Academicos, & Carneadem. Arcesilæ successit Lacydes,

li. 2. offi.
In Lucu.
Li. 2. de
fin.

Laer.

Lib. 2.

Acad.

quest.

cydes, a quo aliqui tertiam Academiam initium sum-
pisse volunt; vt primæ auctor fuerit Plato, secundæ
Arceſilas, tertię Lacydes: atqui alij, in quibus Nume-
rius, Eusebius, & Tullius, hunc cum Arceſila omnino
conſenſiſſe volunt. Lacydi ſucceſſit Euander, huic Ege-
ſinus, cuius auditor fuit Carneades, tertię Academiae
auctor; cum, vt paullo ante diximus, ab Arceſila diſſen-
ſerit, corrigendo illam nimiam calumniandi, & contra
omnia dicendi Arceſilæ impudentiam. Et ita cum ar-
gumentis vrgeretur, ſi omnis tolleretur aſſenſio, quia
ſapiens nihil omnino ageret, nihil probaret, rerum pro-
babilitatem, & opinionem, vt docuimus, conceſſit, aſ-
ſenſionem tamen & κατὰ ληψιν. i. comprehensionem
negauit.

*De Pyrrhonis ſecta, caterisque Academia
formis. Cap. V.*

Suid, in
ver. Pyr-
rhon.

Gel. lib.

10. c. 5.

Laer. li.

2.

NITEQVAM reliquas Acada-
miæ formas, & Academicorum ſuc-
ceſſores proſequor, aliquid de Pyr-
rhonia ſecta, quæ Aporeticæ vide-
tur ſimillima, vt ex multorum ſcri-
ptis cognoscere licet, aliquid dicā.

PYRRHO Clienſis, de quo ſæ-
pe Cicero, cum de ſinibus diſputat, mentionem facit,
Anaxarchum ſequens Gymnoſophiſtas & Magos adi-
uit; quendam philoſophandi modum commentatus, ni-
hil comprehendere poſſe affirmavit, nec aliquid aut ho-
neſtum, aut turpe eſſe, & in ſumma, nihil potius hoc,
quam illud. Cui doctrinæ conſentanea fuit uita, cum
omnia pro eodem haberet, & nihil declinaret, ſed cun-
cta æque ſuſtinebat. Quare, more Aporetico, nullum
dogma ſtatuit, nec definiuit: & nihil per naturam eſſe
tale, ſed quale videretur exiſtimauit: ac proinde dice-
re ſolebat, Nihil magis, hoc eſt non magis hoc, quam il-
lud. Quod ad aſſenſionem attinet, Gellius in eo cen-
ſuit

fuit Pyrrhonios ab Academicis differre, quod illi nec id quidem vlllo pacto prò vero haberent, quod nihil esse verum videretur. Sed cum hoc idem, vt ex Tullio habemus, senserit Arcesilas, qui nec illud quidem sibi reliquit, quod Socrates reliquerat, quod vnum sciret, se nihil scire; istud discrimen a Gellio assignatum, non potest habere locum; nisi hoc modo accipiat, vt Pyrrho conferatur cū Carneade, qui aliquid probabile & verisimile sibi reliquit, quamuis ipse quoque nihil percipi posse docuerit, vt ex Tullio cognoscimus: at Pyrrhonij omnia æqualiter incerta esse dicebāt. Rursus Academici Aporetici sub Socratis auctoritate latebāt, & Socratici esse volebant: at Pyrrhonij purum sui magistri dogma sequebantur: qui eadem ætate floruit cum Academicis, & ad annum nonagesimum vsque vixit. Sed Pyrrhonij omisiss, ad Academicos reuertamur.

Lib. 1.
Acad. q.

Lib. 2.
Acad.

CARNEADI Cyrenæo quem tertiæ Academicæ auctorem fecimus, successit Clitomachus librorū multitudine clarus: homo, vt ait Cicero, & acutus vt Pæmus, & valde studiosus, ac diligens; & vsque ad senectā cum Carneade fuit.

Cic. lib.
2. Acad.
q.

CLITOMACHVM audiuit Philo, de quo non vno in loco meminit Tullius, quem Eusebius quartæ Academicæ auctorem facit: quippe qui hoc priuatum habuit dogma, Dogmaticam Academicam ab aporetica nihil differre, & ita pro nouis Academicis duos libros conscripsit. Philo, autem, ait Tullius, dū noua quædam commouet, quod ea sustinere vix poterat, quæ contra Academicorum pertinaciam dicebātur, & aperte mentitur.

Lib. 2.
Acad. q.
& lib. 1.
de nat.
deor.

PHILONIS auditor, & quintæ Academicæ auctor fuit Antiochus, qui contra præceptorem suum & Academicos librum, qui Sotus inscriptus erat, foras ledit, & ab aporetica disciplina discedens, ad veterem redijt, Stoicis ad stipulatus, & ita vetus Academia in nouata est. Academicus quidem erat, vt Tullius scribit, Brutus

Cic. lib.
2. Acad.
q.
Plut. in

Lib. 1. d.
nat.
deor. &
1. d. leg.

si per pauca mutauisset, germanissimus Stoicus. Is fuit Ciceronis familiaris, vel etiam magister, & de summo bono idem sensit cum Stoicis.

Lib. 8. d.
ciu. c. 12
Ficin,

SEXTA Academicorum secta, fuit appellata Platonica, quod purum profiteretur platonismum, vt testatum reliquit Augustinus: in qua Plotinum, Iamblicū, & Porphyrium reponit. Et, vt illæ priores fuerunt appellatæ Atticæ, quod earum principes Athenis sint professi; ita hæc Peregrina, quod eius sectatores extra Athenas docuerint. Hanc Platoniam Academiam aliqui in tres alias partiuntur: in Alexandrinam, siue Aegyptiacam, quæ ab Ammonio Saca Alexandrino Plotini & Origenis præceptore, quo tempore Syrianus Atheniensi scholæ præfuit, habuit originem: in Romanā, siue Italiam, a Plotino institutam: & in Lyciam ex Proclo qui sub Anastasio Cæsare floruit, natam.

VT autem quid istæ scholæ inter se different, breuiter exponam, animaduertendum est, Platonicos in suo magistro inuenisse quandam contradictionē, quod aliquando humanum corpus *σῶμα*, *σῶμα*, id est sepulchrum vocauerit, cum sit veluti animæ sepultura; alibi vero contrarium docuerit, dicendo, animam habere & viuere, & bene viuere a corpore, & cum eodem quandam harmoniam conficere; qui vt hæc loca conciliarent, in eam communem iuere sententiam, vt putauerint, animam humanam esse aptam ad effundendam vitam in duo corpora: in vnum diuinum & immortale, in alterum caducum & corruptibile. Illud uocant animæ uehiculum, ad quod maximam habet propensionem, ac proinde cum eo libentissime nectitur: hoc uero quasi animæ sepulchrū. Dum anima in priore corpore manet, est pellucida, tenuis, & cœlestis quedam substantia, nec a superiorum contemplatione recedit, & simul etiam inferiora cognoscit, ob quam causam ei duplicem tribuunt faciem. At uero dum amore generationis capta ad corpus mortale descendit, solum sensilia intuetur, & rerum intellectum aspectu priuat;

tur; unde fit ut unam tātum retineat faciem. Quod si dum in hoc corporis ergastulo inclusa manet, rerum sublimium amore rapiatur, hoc extraneum uehiculum deponere potest, & cum æthereo utranque faciem acquirere. Hunc animæ reciprocum in hæc duo corpora motum, ob mundi æternitatem, quam omnes fere Platonici tenent, infinitum faciunt. Ex qua falsa Platonico- rum doctrina, nonnulli fluxerunt, etiam in aliquos ex nostris, de anima errores. Et quoniam, posita, ex Platone, mundi æternitate, & animorum immortalitate, sequeretur dari infinitum actū; ut hoc inconueniens vitaretur, vetus Academia, & Aegyptiaca, animarū trāsmigrationem, metempsychosim Gæci vocant, admisit: contra quam acute & eleganter, ut solet, disputat Ter-

Lib. de
anim.

A T Romana & Lycia Academia in animarum descensu, non modo transmigrationem, sed etiam Metempsychosin. i. ut ita dicam, transcorporationem, & in corpus ferinum migrationem posuit; & hoc est commune earum decretum: quæ tamen differunt. Primo, quia Proclus, cum quo Syrianus, & Hermia faciunt, dicit animam humanam & ferinam, se coniungere, & comites fieri: Platinus vero cū quo cōsentit Numenius, docuit animam miscere se ferino fœtui, & eius bestię subire corpus, cuius se moribus similem præstitit: quā opinionem quidam Zenoni tribuerunt; qui multa ex Platonica officina in qua formatus fuit, suffuratus est, & sua fecit. Et quidem Stoici putarunt animas post corpus aliquo tempore permanere, & tandem temporis longitudine corrumpi.

Cic.
Tuf. 1.

QUOD si nouum dogma, nouam facit Academiā, aliqui ex Seuero Attico, & Plutarcho nouam ponunt;

2. 1. quod

quod existimauerint Platonem posuisse mundum in principio mundi genitum, cum alij aliter sentiant.

D E N I Q U E, sunt qui addant decimam ex quadam Porphyrij doctrina sumptam: qui existimauit circulum illum animarum non posse esse infinitum: quia anima aliquando a sordibus & erroribus purgata, penes Patrem constituta, & consubstantialis paternæ menti facta, non patietur amplius huius mundi mala; ut ex ijs quæ Augustinus scribit, cognoscere licet. Itaq; post Antiochum, Academicorum, siue Platoniorum sectatores magis illustres, hi fuerunt, Ammonius, Syrianus, Proclus, Plotinus, Porphyrius, & Iamblicus, qui constantino Magno imperante floruit. Atqui alij Academicarum, & Academicorum duo genera hoc modo faciunt. Nam alij a Platone vsque ad Arcesilam dicuntur veteres, qui omissa pene differendi consuetudine atque modestia, sua decreta pro indubitatis tenenda tradebant: de quibus in primo Academico loquitur Tullius, cum ait, Sed vtriusque Platonis vbertate, & quæ sequuntur. Alij ab Arcesila vsque ad Philonem & Ciceronem, qui noui nuncupantur; quorum hoc erat institutum, ut vtrinque de rebus obscuris disputando, nihil pro indubitato decreto, & quasi lege statuerent; sed quod probabile & verisimile esset, cuique sequendum relinquerent, de quibus Lucullus apud Ciceronem ita scribit. Cuius primo non admodum probata ratio, & quæ sequuntur. Et hanc secundam Academiam ad nouam, quam Plato sequebatur, idem Cicero pertinere affirmavit, cum primo Academico hunc in modum scripsit, Cum Zenone Arcesilas sibi omne certamen, &c. quam libro primo de natura Deorum ait a Socrate esse pro-

Et lib. 2 sectam, ab Arcesila repetitam, a Carneade confirmatam, de si. sed & ad suam vsque ætatem viguisse. Disputabant itaque tamen, Academici in vtrinq; partem, ut inde aliquid verum, &c. aut probabile elicerent. Quorum institutum, ut mode-

In Lucu. stiam illam & ironiam Socraticam atque Platoniam
li. 2. off. retineret, sequutus est Cicero, ut ex quibusdā eiusdem

locis cognoscere, licet. Atq; ex his intelligi potest, cur Cicero tanquã Academicus, modo vnum, modo alium sequatur scriptorem, ut qui nullius addictus sententię probabilia, & quę sibi magis uera videbantur, sequi volebat. Omnes itaque Academię partes hucusq; expositas, ad duas reuocare licet, ad Aporeticam & Dogmaticam, & ita aliqui solum duas formas faciunt; & rursus ad Atticam, & Peregrinam .

Lib. 10.
de iur.
c. 30.

Et vt summatim quę de assensione sustinenda, aut adhibenda olim disputata sunt colligamus: Alij ita omnem assensionem sustulerunt, vt de quauis re, Non magis, dicerent: & si quid magis dicebant, aut affirmabant, id ex consuetudine se facere aiebant . Alij ita de rebus disputarunt, vt nihil ipsi affirmarent, vt Arcesilæi, & ideo dicere solebant, Non definimus. Alij ita interdum diserebant, vt magis quod alij sentirent refellerent, aut indicarent, quam vt suam sententiam aperirent, suam dissimulando sententiam; ut Socrates, & Plato. Quod autem hi duo Philosophi non fuerint plane Apotetici ostendit apud Ciceronem Lucullus. Alij, vt Carneades, comprehensionem negarunt, sed probabilitatem & opinionem admiserunt; & hanc Catulus apud Tullium, ait esse propriam Academię sententiã, quę eidem Tullio, vt diximus, non displicuit. Alij denique comprehensionem & assensionem concesserunt, vt Zeno, qui suam sententiam gestu explicabat . Nam cum extensis digitis aduersam manum ostenderat, visum, inquebat, huiusmodi est: deinde, cum paululum digitos cõstrinxerat, assensus huiusmodi: tum, cum plane compresserat, pugnumque fecerat, comprehensionẽ illam esse dicebat: ex qua similitudine etiam nomen rei, quod ante non fuerat, κατάληψιν, imposuit. Cũ autem læuam manuum admoueret, & illum pugnum arcte, vehementerque compresserat, sapientiam talem esse dicebat, cuius compotem nisi sapientem esse neminem. Quam autem stulta & vana sit aporetica & adiphora philosophandi ratio, nihil attinet dicere, quam

Cic. in
Lucul.

qui sequuntur, hi vere euanescent in cogitationibus suis, & in omnes errores sub fucata libertatis specie prolabuntur; ut nostris temporibus hæretici nonnulli. Nunc explicatis varijs Academiæ formis, ad Philosophiæ cultores reuertentes, de Platone Academicæ sectæ auctore, qui Socrati, de quo postremo loco egimus, successit, nobis scribendum est.

De Platonis vita, & scriptis. Cap. VI.



P tanta antiquorum Scriptorum de rebus Philosophicis multitudo, duorum potissime monumenta, quamuis non omnia, nec omnino integra, Platonis & Aristotelis ad posteros peruenierunt. Unde factum est, ut hi præcipue pro

magistris in humana sapientia acquirenda habeantur, & eorum scripta prælegantur. Quod si aliorum quoque lucubrationes habereimus, non in tanto fortasse honore essent, ut sane sunt: cum in utroque & plura, & meliora desiderari possint: e quo factum est, ut neuter suis iustis caruerit, aliqua saltem parte, censoribus. Sed quando alios non habemus, & hi, tacito quodam multorum sæculorum consensu digni existimati sunt, qui pro duobus in philosophiæ curriculo habeantur; propterea de utroque aliqua prænoscentia sunt ab ijs, qui philosophiæ sunt operam daturi. Et primum quidem de Platone, postea de Aristotele dicemus, & de utroque breuiter, ut nostri instituti ratio postulare videtur.

De Platone. **Plato** igitur: sic nominatus, cum ei nomen esset Aristocles, a laterum frontisve latitudine, vel ut alij volunt, a copia dicendi, qua orationem copiose dilatabat, fuit natione Græcus, patriâ Atheniensis, natus ex Aristone patre, & Potona matre, a mundi ortu, circa annum 4775. Olympiade octogesima octaua, post belli Peloponessiaci initia, ante Christi natiuitatem anno 423. cæterum hos annos alij aliter numerant. Unde

Euseb.

Plato igitur: sic nominatus, cum ei nomen esset Aristocles, a laterum frontisve latitudine, vel ut alij volunt, a copia dicendi, qua orationem copiose dilatabat, fuit natione Græcus, patriâ Atheniensis, natus ex Aristone patre, & Potona matre, a mundi ortu, circa annum 4775. Olympiade octogesima octaua, post belli Peloponessiaci initia, ante Christi natiuitatem anno 423. cæterum hos annos alij aliter numerant. Unde

Sans.

colli-

colligeres non floruisse temporibus Ieremiæ Prophe-
tæ, qui ducētis fere annis ante, cum populus Hebræus
in Babylonica captiuitate erat, vixit: at Plato nō multo
post Esdram natus est. Cum infans in cunis iaceret, ei
apes mel infudisse perhibēt, eloquentiæ futuræ præsa-
gium: vnde & Apis attica cognominatus fuit. In litte-
ris præceptorem habuit Dionysium, in Philosophia
Socratem, ad quem vigesimum annum agens se contu-
lit, quo cum annos viginti habitauit, & post eius obitū
Cratylum Heraclyti, & Hermogenem Parmenidis di-
scipulos audiuit. Eruditionis causā, non solum Megarā
ad Euclidem se contulit, sed etiam in Italiam ad Pytha-
goram, & in Aegyptum, vbi tredecim annos Heliopo-
li cum sacerdotibus fuit: iturus etiam ad Indos, nisi
Asiæ bella eum deterruissent. Quare, vt Laertius ait,
Heracliteorum, Pythagoreorumque, & Socraticorum
rationes miscuit: & ut Tullius scribit, Pythagorea om-
nia didicit, & speciatim animorum immortalitatem,
quam a Pherecyde Syro ipse didiceret. Post peregrina-
tiones, sapientiæ conquirendę gratia susceptas, Athe-
nas rediit; vbi in Academia, quam ex Lyceo, translu-
lit in locum insalubrem, quem ad corporis motus & spi-
ritus comprimendos (vt quidam e nostris scribunt) ele-
gerat, aliquot annos docuit. Discipulos habuit Speusip-
pum, Xenocratem, Aristotelem, & multos alios: quos
non admittebat, si fuissent Geometriæ expertes. Vnde
in Academiæ vestibulo præfixum erat, *οὐδὲὶς ἀγέοµε-
τος εἰσέλτω*, idest, nemo Geometriæ expertus intrato.
Remp. etiam accersitus, nunquam voluit attingere, ob
corruptos mores, quos in populo videbat: quibusdam
tamen populis leges dedit. Fuit iuuenis verecundus, &
adeo compositus, vt nunquam ridere, nisi modice, vi-
sus fuerit, iratus nunquam. Nec tamen iocos falsos &
lepidos omnino respuit, in quo sequutus est præcepto-
rem Socratem; cuius doctrinam in moribus sectaba-
tur, vt in rebus naturalibus Pythagorę. Parce & sobrie
viuebat, & vt Augustinus scripsit, etiam caste. Gratus

Aug. 2.
r. et. c.
4. & 8. d.
ciu. c.
11. Nu-
men.

Cic.
Tuf. 1.
lib. 5. de
fin.
In Plat.
Tuf. 1.

Basil.
Hier.
Suid.

in Deum a quo omnium actionum principium capien-
 dum esse docebat, capiebatque: eique gratias quotidie
 agebat, quod natus esset homo, non brutum, Græcus
 non barbarus, & temporibus Socratis. Gratus in ami-
 cos, & in præceptores, vt ex eius scriptis cognoscere li-
 cet, quos loquentes in suis dialogis facit, & quæ docet
 eis attribuit. At vero quæ in Epistolis, in libris de le-
 gibus, & in Epinomide differit, tanquam a se tradita
 pro certis haberi voluit, vt alia verisimilia. Quare, iure
 optimo, Possidonius, vt est apud Tullium, omnibus lo-
 cis eum diuinum, sapientissimum, sanctissimum, & Phi-
 losophorum Homerum appellabat. Plato, ætatis suæ
 vno & octogesimo anno scribens mortuus est: si eum
 mortuum esse dicere fas est, qui perpetuo in hominū
 memoria, & in suis monumentis viuit. Platoni vita fun-
 cto, aram statuamque eius discipulus Aristoteles sacra-
 uit, hoc epigrammate, Aram Aristoteles hanc Platoni
 dicauit; viro quem nefas est a malis laudari: Addidit
 Aristoteles,

Qui solus vita, doctrina, moribus, ore

Admonuit cunctos, & monimenta dedit.

Vt virtute queant felicem ducere vitam.

Nulla ferent talem secula futura virum.

Q V O D vero ad huius Philosophi scripta attinet,
 præclara suæ doctrinæ monumenta trigintaseptem li-
 bris contenta reliquit: quæ aliqui, cum non sint omni-
 no apte digesta, ad hæc capita redegerunt. In primo
 continentur libri Theologici, qui ad religionem per-
 tinent; Euthyphron, vel de sancto: Socratis apologia:
 Crito, id est, de eo quod agendum est, vel de eo, quod
 is egerit in carcere cum Socrate: Phædo, vel de animi
 immortalitate: quorum librorum lectione animus re-
 ligione poterit informari, & ad Philosophiam percipiē-
 dam idonee parari. Sunt citati libri quodammodo ipsa
 tractatione connexi, si quis id animaduertere velit. In
 secundo ponuntur illi, qui de vera & falsa Philosophia
 disputant, Theages, vel de sapientia: Amatores, vel de
 Philosophia:

Philosophia: Theætetus, vel de scientiâ; quibus libris aduersantur Euthydemus, vel Litigiosus; Sophista, vel de ente, Hippias minor, vel de mendacio, & Protagoras, vel de moribus sapientiæ professorum. In quibus operibus malos, ineptos, gariêntesque Philosophos insectatur, & veram Philosophandi rationem demonstrat. In tertio ponuntur libri ad sermonem, hoc est ad Dialecticam, Rhetoricam, & Poeticam pertinentes; ut Cratylus, vel de recta nominum ratione, siue de interpretatione: Gorgias, vel de Rhetorica. Io, vel de Iliadè, siue de poetico furore, charactereve, aut de recta exponendorum poetarum ratione. In quarto, Ethici & politici libri, in tres distributi classes. In prima continentur libri ad communem de moribus doctrinam pertinentes; ut Philebus, vel de voluptate, siue de summo bono: Menon, vel de virtute: Alcibiades primus, uel de natura hominis. In secunda ponuntur illi dialogi in quibus explicatur peculiaris morum doctrinâ, Alcibiades secundus, vel de voto & precatione: Charmides, vel de temperantia: Syxtis, vel de amicitia: Hipparchus, vel de lucri cupiditate. In tertia classe ponuntur omnes libri politici. Menexenus, vel de Attica antiquitate, seu oratio funebris, & hortatio ad amandam, tuendamque patriam: Politicus, siue ciuilis, vel de regno, definitione politicæ: Minos, vel de lege, introductio ad libros politicos: De rep. libri decem, vel de iusto, legû, siue de legibus, legumve latatione libri duodecim. Epinomis, idest legû appendix, & summa, vel Philosophus. In quinto illi collocantur libri, qui ad Physicam & Metaphysicam pertinent. Timæus, vel de natura, siue de vniuersitate, hoc est de mundi anima, & natura. Critias, vel Atlanticus, appendix Timæi, de prisca mundi historia: Parmenides, vel de vno omnium principio, & de Ideis: Symposion, hoc est conuiuium, siue de amore, Phedrus, siue de pulchro. Hippias maior, idest de pulchro, siue honesto. In postremo capite continentur duodecim epistolæ & quidam alij dialogi qui pro no-

this habentur, Axiochus, vel de morte. De iusto, vel de iustitia. De virtute, an doceri possit, Demodocus, vel de consultando. Sisyphus, vel de deliberando, Erixias, vel de diuitijs, Clitopho, vel hortatorius, quem tamen Laertius non ponit in nothis, & denique liber, qui inscribitur Definitiones.

EXTANT etiam duo libelli, in quibus continetur doctrina ex Platone collecta, vnus Speusippi de definitionibus Platonis, alter Alcinoi philosophi Platonici, de doctrina Platonis, in quibus pauca quedam continentur, nec tanti facienda, vt qui ea nouerit, is Platonice doctrinæ summam se tenere existimare debeat. Sed qui ea cognoscere volet, quæ Plato de moribus docuit Iauellum legat, qui plane, vt solet, omnia quæ ad moralem doctrinam spectant, collegit, ac proinde plantonizare volentibus citatus auctor versandus est. Quid autem de Platonis doctrina sentiendum sit, sequenti capite docebo.

Quid de Platonis doctrina scriptisque sentiendum sit. Cap. VII.

Lege Be-
nij Eug.
decau.



VOD vero ad Platonis doctrinam scribendique genus attinet, cum nos nec categoriam, hoc est accusationem, nec apologiam scribere velimus, solum vniuerse dicemus, non defuisse, qui eius dogmata, methodumque scribendi dannauerint, quod doctrinam fusam, confusam, variam, incertam, imperfectam, indefinitam, inconstantem, allegorijs adumbratâ & cæcatam, atque in multis a veritate aberrantem, tum in natura, tum in moribus traderit, & quæ ab externis bona accepit, non meliora, vt ipse aliquando dixit, sed potius deteriora fecerit, in ijs præsertim quæ ad Dei naturam, & opera spectant: cuius scriptis multi in multos Platonicos, & in quosd.

ex nostris deriuarunt errores, cum olim antequam Aristotelis scripta aliquid lucis haberent, potissime Platonis opera legerentur. Nec de uerum defensores, qui in eum coniectas calumnias sustulerunt, eiusque eloquentiam, doctrinam, ordinem, conuenientiam cum nostris, & pietatem commendarunt, atque diuini philosophi cognomento eum honestarunt; ut Possidonius quem supra citauimus, M. Tullius, qui Platonem non vno in loco Aristoteli præfert, Plutarchus, Numenius, & ex nostris, Basiliius, Gregorius Nazianzenus, Clemens Alexandrinus, & speciatim Augustinus, qui eum aliquando pulcherrimo elogio celebravit: quamuis alibi in multis se ab eo deceptum fuisse fateatur. Ex recentioribus etiam nonnulli ex professore eius patrocinium susceperunt, & accusatoribus responderunt, ut præter alios Cardinalis Bessario: Iauellus etiam Platonem a multis calumnijs vindicauit: & Henricus Gandauensis, qui ex omnibus scholasticis Platonius a quibusdam habetur, quod de mulierum communitate Plato affirmare videtur, defendere conatus est. Verum, testimonium illud, quod ex quadam epistola Clementis Papæ affert, non est incorruptum. At vero Bessario alia ratione eandem rem defendi posse docuit. Sed utcunque sit, inquit alius, deniamus a Platonis Rep. mulierum communitatem, & habebimus Christianam Remp. proximorum suorum amore flagrantium.

Quo vero ad genus orationis attinet, cum Platonem scribendo, non solum docere, sed etiam mouere, animosque purgare voluerit, orationis ornamenta adhibuit, magniloquentiam, venustatem, & ut Fabius ait, facultatem quandam dicendi Homericam, quæ supra pedestrem orationem insurgit; ut non humano, sed quodam diuino eloquio usus esse videatur. Ea vero ornamenta quæ adhibet, non faciunt fucatam quandam, & sophisticam orationem, cum rebus & personis sint accommodata. Aliter enim scribere debuit Plato, cum sophistas redarguit, quam Aristoteles, cum discipulos instituit:

Lib. 8. d.
ciui. c. 4.
in li. cōf.
lib. retr.
Proc. in
Timo.
Marf. Fi.
Lan^o Co
marius.
Iac. Ma-
zon.
Quol. 4.
li. 2. q. 1.
c. 2.
Lib. 4.
Maz.

instituit: qui eas solum virtutes in scribendo adhibet, quæ ad docendum sunt necessariae, puritatem, breuitatem, & interdum perspicuitatem, reiectis fabulis Platonis, & Pythagoræ Symbolis: At cum intelligi noluit, abstrusa, concisa, & magis Laconica, quam Attica videtur oratione, quæ perspicuitatis virtutem aufert, & atramenti effusione obscurat. Sed, ut Philosophiæ candidus, quid de hoc humanæ sapientiæ magistro sentiendum sit, breuiter intelligat, quæ mihi dicenda videntur, quibusdam dictis complectar.

PRIMUM dictum, nullo modo audiendi sunt illi, qui adeo parum bene de Platone sentiunt, ut eius auctoritatem non pluris faciant, quam boni oratoris, vel Poetæ, & in numero bonorum philosophorum non ponant, atque philosophiæ perdiscendæ causa legendum non putent. Primum, quia eius doctrina semper a viris doctis, & iudicij acerrimi in pretio habita fuit; ut ex ijs quæ supra scripsimus, est manifestum: & quanti facienda sit plane Aristoteles re ipsa indicauit, qui iam adultus viginti annos eum audiuit, & aræ, in eius honorem dicatæ, inscripsit, illum esse, quem probi omnes merito deberent, & imitari, & commendare: atque etiam alij Græci scriptores, qui eum θεῖον, hoc est diuinum appellarunt, Aristotelem vero Δεμονιον, ut hic omitam Mar. Tullium qui Platonem, quasi quendam Philosophorum Deum vocat; sicuti Possidonius eorundem Homerum. Deinde, quis eum hominem filosoficiat, qui tam multa cum Christiana religione consentanea scripsit, ut diuus Augustinus dicere non dubitauerit, Platonicos mutatis paucis, Christianos absq; controuersia fore eum, inquam, de quo Aristobulus Iudæus, referente Eusebio, scriptum reliquit, legem nostram in multis Plato sequutus est: aperte nanque in multis diligenter examinasse singula videtur. Mosaica enim volumina ante Alexandrum, & ante Persarum imperium translata fuerunt: vnde plurima, sicut & Pythagoras, Philosophus ille accepit. Huc facit, si tamen

verum

Aug. lib.
8. d. ciu.
Epist. ad
Dios.

Lib. 1. d.
nat. deo.

Mar. sec.
5. c. 3.

verum est, quod Nicetas vetus Gregorij Nazianzeni Scholiastes, literis commendauit, Platonem cuidâ Christiano eum maledicenti noctu apparuisse, eique dixisse se vna cum antiquis patribus e limbo fuisse ereptum, & in cœlum tractum. Et sane Iustinus Martyr, omnes qui Christum antecesserunt, qui tamen honeste vivere, Christianos nominandos esse docet: in quibus Platonem reponere videtur. Illud tamen a quibusdam impie existimatum fuit, Christum in Platonis lectione versatum fuisse, & ex eo multa nobis tradidisse; cum viderent multa quæ ille docuit, cum nostris conuenire: quam impietatem in Celso damnauit Origenes. Et ne multa in re manifesta comprobanda persequar, Plato, eum. vt grauis auctor & lectione dignus, admittatur.

In orat.

2. in pas.

Orat. ad

Ant.

li. 6. cõt.

SECUNDVM dictum, vt in hoc auctore nonnulla notantur, quæ aliquo pacto excusari possunt; ita nonnulla sunt, quæ excusari nequeunt. Hoc plane indicauit Augustinus, qui nonnulla retractauit, quæ ex Platone didicerat; cuius doctrina se deceptum fuisse, aliquando confessus est. Itaque vt huius Philosophi doctrina, non est adeo commaculata, vt non habeat multa integra, ita non est adeo integra, vt nihil macularum habeat. Quo fit, ut illud epithetum, Diuini, non omni ex parte in eum quadret, qui doctrinam nonnullis maculis aspersam, & non omni ex parte absolutam tradidit. Quare, si quis eum non tam pro diuino, quam pro humano, bono tamen Philosopho haberet, nihil, ut existimo, ei detraheret: ac proinde non tanta cum admiratione, vt quidam faciunt, diuinus appellandus est; cum quæ diuina habet, ea non ex se inuenerit, sed ex diuinis libris furatus fuerit, & aliqua parte, temerauerit.

TERTIVM dictum, qui hunc auctorem sine periculo errandi legere voluerit, qui in eo notari solent errores præsertim circa doctrinam de anima, de natura, le corporibus cœlestibus, & de Deo, cognitos habeat, eos vt vitare possit. A nonnullis erroribus quos Aristoteles Platoni adscripsit, Iauellus eundem vindicauit.

Q V A R -

Legelo.
Ba. Cris.
Tract. 7.
de rep.
Plat.
Posseu.

Q V A R T V M dictum, qui in doctrina Platonis versari voluerit, cautissime eius sectat res & expositores legat: quoniam, ut quidam adnotarunt, isti Platonice doctrinā cœcā reddidere; cum sepe eius sententiam non sint assequuti, & suas cogitationes, seu potius fictiones scripserint; ut in explicatione idearum, naturæ, & eorum q̄ sub allegorijs textit. In quibus Iamblicus, Plotinus, & Porphyrius numerantur, atque priuatim illi, qui, Platonis doctrina, Christianam veritatem impugnare voluerunt.

Q V I N C T V M dictum, caueant Tirones & illi qui de nouo se ad philosophiam conferunt, ne primo Platonem legendum sumant; id quod nonnullos fecisse obseruari, qui ad id faciendum se a suis præceptoribus commotos fuisse aiebant: sed imprudens, ni fallor, admonitio: quoniam qui non fuerit bonus dialecticus, & aliquo tempore in Philosophia versatus, & antiquitatis gnarus, infructuose hunc auctorem leget. Quare, meo quidem iudicio, non minus conferet ad Platonem intelligendum Aristotelis doctrina, quam Platonice philosophiæ notitia ad intelligenda ea quæ Aristoteles docet: cum hic multo faciliorem viam teneat, ille vero præiuerit, & ab eo, ut eius discipulus, multa acceperit.

S E X T V M dictum, quidquid sentiendum sit de absoluto istorum philosophorum iudicio, vter priorem locum teneat, nos quod ad bonas disciplinas comparandas, & ad iuuentutem in philosophia instituendam attinet, Aristotelem præferendum putamus; cum is vnus ex ijs qui ad nos peruenere, vniuersas fere humanæ sapientiæ partes magis absolute & ordinate tradiderit, quam Plato fecerit; ac prout philosophari cupientes hunc ducem sibi proponāt; in quo, cum versati fuerint, nullo modo Platonem contempnant; cum ab hoc magistro, non modo philosophicam doctrinam, sed etiam dicendi copiam, atque sententiarum maiestatem haurire liceat.

SEPTIMUM dictum, ut Aristotelis lectio ob admirabilem rerum seriem, & doctrinæ varietatem, magis ad discendum confert, ita Platonis scripta magis ad modestiam, ad temperantiam, ad pietatem, & ad ceteras virtutes cōparandas iuuare possunt. Nam Plato nō solum docet, sed etiam accommodate ad persuadendū scribit Aristoteles vero, docet quidem, sed nunquam, aut certe raro, & leuiter aliquid dicit, quod ad honestatem & pietatem amplectendam lectorē commoueat: quod sane in humanæ vitæ magistro, talem enim philosophum esse debere fatentur omnes, mirum videri debet. Hinc fortasse factum est, vt maior quædam virtutis significatio in Platoniorum scriptis eluceat, quam in monumentis eorum, qui Aristotelem sunt sequuti.

OCTAVVM dictum, qui in Platonica disciplina aliquem facere volet progressum, is meliores Platonicos legat; in quibus hi præcipue numerantur. Speusippus, Alcinous, Xenocrates, Chalcidius, Syrianus, Porphyrius, Proclus, Iamblicus, cuius vitam descripsit Eunapius, Synesius, Maximus Tyrius, L. Apuleius, Georgius Gemistus, Psellius, Marsilius Ficinus; qui tamen quibusdam non omnino satisfacit; & sane in Platone vertendo præclarius se gerere potuisset. quare, qui Platonis scripta legere voluerit, potius Sebastiani Foxij Morxilli versione vtatur, quam Ficini. Denique Gabriel Buratellus, Iacobus Mazonius, & nonnulli alij, qui vel aliqua parte Platonis doctrinam explicarunt, vel platonice aliquid scripserunt, vt Macrobius, Plutarchus, Leo Hebræus, Ioannes Picus, Foxius, Franciscus Patritius, Augustinus Steuchus, Iacobus Carpentarius, & quidam alij. Inter omnes autem Platonicos Plotinus Lycopoli natus Origenis & Porphyrij magister, qui vita. Galieno imperante, floruit, & multa platonice, hoc est obscure scripsit; & post Platonem apud eius sectæ amatores primas tenet. At de Platone satis.

Mich.
Med. li.
de recta
in Deū
fide.

Eunap.
in eius
vita.

De Aristotelis vita eiusque moribus. Cap. VIII.

VT maior in Philosophandi ratione est Aristotelicæ doctrinæ, quam Platonicæ vsus; ita magis accurate de Aristotele eiusque monumentis, nobis agendum est. Dicemus itaque primo aliquid, de eius vita: deinde de libris: postea de doctrina: præterea de eius interpretibus: postremo nonnulla eius errata recensebimus, & a nonnullis erroribus vindicabimus.

Quod ergo ad primū attinet, fuit Aristoteles genere Macedo, patria Stagirites Nicomachi medici peritissimi Phœtliadisq; filius: natus anno a mundi creatione 4735. primo, vel tertio olympiadis nonagesimæ nonæ; ante Christi natiuitatem 410. Fuit corpore paruo, gybbofo, cruribus exilibus, oculis paruis, & balbutiente lingua. Præceptorem habuit primum domi patrem, a quo Hyppocraticam doctrinam accepit: deinde Atheniæ Socratem, quem tres annos audiuit; postea Platone ad quem anno decimo septimo ætatis suæ se contulit, quem viginti annos audiuit. Hinc sumant exemplum nostrorum temporum iuuenes, qui vix per annum, præceptori patientes aures præbent. Quo tempore in explebili quodam desiderio Philosophorum & aliorū Scriptorum, libros legebat, ita vt Plato eius ædes Lectoris domum appellare consueuerit: & adeo veri inuestigandi fuit cupidus, vt nunc Mens, nunc Veritatis Philosophus a suo præceptore fuerit appellatus. Vnde aliquando scholā ingressus, cum eū abesse vidisset, succlamando dixit, Mens abest: alias, Abest veritatis Philosophus. Hoc discendi studio atque diligentia, dum adhuc discipulus esset, Philippus Macedonum Rex ei Alexandrum filium instituendum dedit: & vt ex regijs literis constat, Dijs gratias agebat, quod eo tempore ei filius esset natus, quo ab Aristotele institui posset.

Ale-

Alexandro per quinquennium satis instituto, Athenas reuertitur, vbi cum Xenocratem condiscipulum Academiae praefectum docentem vidisset, dixisse ferunt, Sibi turpe esse silere, & Xenocratem loqui. Propterea iam annum agens quinquagesimum, in Lyceo scholam erexit, vbi annos tredecim docuit, & sectam Peripateticam instituit. Simul Philosophiam, & dicendi artem, docebat, illam ante, hanc post meridiem; vt nec hac in parte Isocrati, qui tunc Athenis eandem facultatem profitebatur, inferior videretur; & vt suos discipulos simul sapientes & eloquentes faceret.

DISCIPULOS praeter Alexandrum, qui dum vixit multum ei tribuit, & ab æmulis liberauit, in Lyceo habuit Tirtamum Lesbium, cui Theophrasti nomen imposuit, Menedemum Rhodium, & Theodectē. Alexandro vita fuit æto, in iudicium vocatus, ob impietatis crimen tanquam ἀθεὸς ἔχει ἀσεβείης, quod scilicet deos, & eorum cultus negaret, causam pro se, & hanc quidem solum in vita egit Atheniensem iudicium veritus, Chalcidem, quæ in Euboea insula est, se contulit, vbi anno sexagesimo tertio ætatis suæ moritur, quo etiam tempore Demosthenes obiit, biennio post Alexandri mortem, cum iam multa sui ingenij monumenta, 400 nimirum volumina, vt quidam scribunt, in lucem dedisset, aut scripta reliquisset.

Senec.
Crimin.

Suidas.

DE mortis genere, alii cum veneno se confecisse perhibent; alij, vt Iustinus Martyr, & Gregorius Nazianzenus, ob conceptum merorem ignorantiae reciprocatationis Euripi: alij denique cum dolore & lacrymis, ac etiam spe misericordiae primæ causæ, quam animam agens ex animo implorabat, e vita migrasse ferunt.

In ad-
moni.
Orat. 1.
in Iu-
lian.
Cœl.

QUO in Aristotelem parum fuerunt propensi, hæc in eo potissimum vitia notant, avaritiam, nimiam gloriæ cupiditatem, procacitatem, maledicentiam, atque animum ingratum in præceptorem, in quem tanquam pullus in matrem recalcitrauit. quod vitium purgasse ferunt, cum ei aram erexit, atque etiam cum ma-

lib. 16.
c. 34.

- Lib. 1** **eth.** **Eust.** **1.** **eth.c.6.** **Alex.** **Aphr.** **The-** **mult.** **Pier.** **ib.28.**
- gis veritatis amore, quam amicorum teneri se dixit. Eam quoque calumniam de nimio in alijs reprehendendis studio, nonnulli eleuare conati sunt. De doctrina etiam atque de docendi ratione, non defuerunt qui eum reprehendendum censuerint, & reprehenderint: quod fuerit in dicendo obscurus, tenebricosus, lubricus, incertus, sæpe nimis profusus, ut cum alios uellicat: sæpe nimis contractus, cum suam sententiam, præsertim de rebus dubijs, dicit: præcauens, ne si plane dixisset, in aliorum reprehensione incidisset, & talionis poena affectus fuisset. Quare, cum ea quæ docebat de industria obscurauerit, Sepia vocatus fuit. Est autem sepia piscis genus, quod dum se capiendum videt, ut piscantis spem eludat, atramentum in aquas euomit, quibus infectis, eius manus elabatur. Quod si postea in liquido loco iterum deprehendatur, statim in effusam atramenti nubem se recipit: unde Græci, atramentum *την αττικὸν* vocant.

S E D cur potius sepia, quam polypus, & loligo, quam vulgo piscem atramentarium vocant, cum hi quoque pisces atramentum effundant? An quia hi, non nisi metu pulsi id faciunt? sepia vero non solum cum timet, sed etiam animi causa, quod aliquando Aristotelem fecisse, facile aliquis existimaret: cum quibusdam in locis obscure loquutus sit, in quibus nihil fuit necesse, atramentum fundere. Vere itaque in epistola, qua cum Alexandro de acromaticorum sermonum editione conquerente, se purgauit, dicere potuit, ἴσθι ὅτι αὐτῶν καὶ ἐδεδομένους, μὴ καὶ ἐν δεδομένους, id est, scito eos esse editos, & non esse editos, cum ab ijs solum cognosci possint, qui nos audiunt. Sed ab hac calumnia facile sui cum liberarent, dicentes, nefas esse Philosophiæ arcana in vulgus palam proferre, ac proinde præscos Philosophos & Theologos, vel ænigmatibus, ut Museus, Orpheus, Pythagoras, & Plato, vel dictionis genere, ut Heraclitus, res Philosophicas occultasse; idemque fecit Aristoteles sed meliore quadam ratione. Nam fabularum & ænigmatum integumentis reiectis, quod facile

facile in errorem inducant, id quod Philosopho cauendum est, tanta dexteritate verbis alioqui proprijs, atque communi stylo Philosophiam tradidit, vt quod faciendum erat præstiterit, hoc est rudia ingenia a suis scriptis reiecerit, & ab industrijs tandem intelligi potuerit; id quod factum fuisse videmus. Huc facit, quod quæ grauitè & exactè docere, aut scribere solebat, ea populari quadam ratione in exotericis & communibus sermonibus tradere consuevit,

Quo d sæpe in aliorum sententias inuehatur, ea fuit causa, quia Philosophiam ab erroribus expurgare, & liquidam veritatem tradere cupiebat. Quod si non ita simpliciter eas accepit, vt accipiente erant, id ea de causa fecit, vt scribendi, & philosophandi minus aptam aliorum rationem ex Philosophorum scholis exploderet. Id etiam in eo damnatur, quod parum de rebus diuinis, de hominis post hanc vitam statu, & de religione in Deum scripserit; in quo certe damnandus non esset, si qui exstat de mundo liber, eius esset, vt nonnulli volunt: ac etiam multo minus, si libri de mystica theologia, seu de Philosophia secundum Aegyptios, superioribus annis ex arabico codice versi, in bibliotheca Damascena inuenti, quos me legisse memini, ab ipso scripti fuissent, quod non facile crediderim, licet id aliqui persuasum habeant; quorum librorum aliquando diuus Thomas mentionem fecit. Posset etiam dici Aristotelem plures scripsisse de Philosophia libros, qui ad nos non peruenerunt, vt aliqui de quibus meminit Laertius: & M. Tullius in primo & secundo de natura Deorum, aliqua testimonia ex libris philosophicis Aristotelis citat, quæ nunc non extant, vt etiam Eusebius Cæsariensis. In summa, cum Aristoteles Philosophiam ab alijs nondum bene constituam, & ab erroribus, purgatam ad methodum redigere, & purgatam, multa reijciendo, alia seligendo, noua inueniendo, atque cuncta rectè disponendo, tradere voluerit, quid mirum, si omnia ad vnguem præstare non potuit? Vt merito de cul-

Stenc.

Iacob.
Carpen.
Opus.
16.

Lib. 2.
pol.

to sermone quo utebatur Socrates, hoc est Plato, qui ubique Socratem loquentem facit, agēdo dixerit, Difficile esse omnia præstare. Et sane, quod ad sermonis elegantiam attinet, ornate & copiose loqui potuisset, cum Cicero, eum aureum orationis flumen appelleret. Ut ergo Aristoteles suos habuit accusatores, ita & defensores habere potuit, & habuit, & in doctrinæ genere, & in scribendi ratione. Et sane nonnulla ei tribuuntur errata, a quibus, vel omnino, vel aliqua parte purgari posset: ut de omnium rerum a prima causa efficientia, de animorum immortalitate, de providentia diuina: cum ex eius scriptis, & efficientia, ex providentia Dei, atque animorum noua productio, ac perpetuitas colligi possit. Fatendum tamen est, eum in multis non satis plane, quod sentiret explicuisse, & in rebus ad Geographiam & Astrologiam pertinentibus, non fuisse multum eruditum, ut quidam scripserunt. Nonnulla huius auctoris errata, ab eius Lectoribus cauenda, postea recensebo. Sed de Aristotelis vita & moribus hæc dicta sufficiant.

De libris Aristotelis.

Cap. IX.

Fran.
Pat. lib.
discus.

ON me fugit quam late de suscepto argumento scribi possit, & a nonnullis scribatur: sed quia hæc mea Institutio breuitatem flagitat; idcirco, quæ de re proposita sunt scitu digna, paucis complectar. Laertius de Aristotelis libris agendo, ad quadringentos enumerat: quorum multi nunc non extant; nec illi quos numerat, ijs quos habemus, omni ex parte respondent: qui centum & viginti summam non excedunt; & in sex classes a quibusdam distribuuntur.

IN prima ponuntur libri logici, siue organici; numero quindecim: vnus categoriarum: vnus, vel ut Latini distribuunt, duo de interpretatione: vnus, vel duo prio
re

res analytici : duo posterioris Analysis : octo Topici : vnus, vel duo Redargutionum. In secunda, physiologici, siue naturales, octo de naturali auscultatione: quattuor de cœlo: duo de generatione & corruptione: quattuor meteorologici, vel sublimes: vnus de mundo: tres de anima; vnus de sensu & sensilibus: de memoria & reminiscentia vnus: de somno & vigilia vnus: de insomnijs vnus: de diuinatione per somnium vnus: de motu animalium, vnus de longitudine & breuitate vitæ vnus de iuuetute, & senectute, morte & vita vnus: de respiratione vnus; de animalium ingressu vnus: de spiritu vnus; de animalium generatione vnus; quattuor de partibus animalium; de eorundem historia decem; de coloribus vnus; de physionomicis vnus, & de plantis vndecim. In tertia, metaphysici, (hoc est, post naturales, quod ordine inuentionis, post naturales inuenti sint, vel supranaturales, quod in eis de rebus supernaturalibus agatur) duodecim. In quarta, mathematici duo, vnus mechanicorum, alter de lineis infecabilibus. In quinta, Politici, siue Ethici, ciuiles octo: morales ad Nicomachum decem; Magnorum moralium duo; Eudemiorum septem: æconomici duo, & de virtutibus vnus. In sexta, philologici, siue sermocinales, in quibus de sermone agitur: Rhetoricorum tres; Poeticæ vnus. Reliqui extra ordinem ponuntur, Problematum, de admirabilibus auscultationibus, de Xenophane, de Gorgia, & de Nilo. An vero omnes citati libri sint Aristotelis, an etiam quidam alij, & an omnes sint integri, nō est nostrum hoc loco expendere, dicemus tamen aliquid de illa celebri librorum Aristotelis diuisione in Acromaticos, & Exotericos, de qua nonnihil discernimus in secundo de causis eloquentiæ libro.

Disp. 6.

QVAMVIS ergo de re proposita, de qua varij Cic. scriptores meminerunt, eamque examinerunt, varix Plut. extiterint sententiæ, tamen duæ sunt magis probabiles. Prima, libros Acromaticos, hoc est Auscultatorios esse existimat, qui de rebus subtilioribus, & subli-

nibus agebāt, quos illi solum intelligere poterant, qui eos a præceptore audiebant, & ingenio præstantiore præditi erant, ut libri octo physici, qui de physica auscultatione inscribuntur, quod abstrusius dicendi genere fuerint exarati, ut ipsemiet Aristoteles in epitola supra citata, plane fatetur. Item Metaphysici, & Analytici, de cælo, & horum similes, in quibus magis recondita, & graui stylo tradita continetur doctrina. Hos libros, referente Plutarcho, aliqui Epopticos, hoc est, inspectorios, ut ita dicam, vocarunt.

- ExotERICI vero, hoc est extrarij, siue externi, qui etiam, ἐν κοινῷ λόγοι, populares & communes, & τὰ ἐγκύκλια φιλοσοφήματα, quasi vulgares de Philosophia quæstiones, coram circumfusa multitudine disputatæ, vocantur, illi esse dicuntur, qui populari sensui & intelligentiæ erant accommodati, quamuis aliquid paullo maius continerent, & qui de rebus minus subtilibus scripti erant, & omnibus communes. Secunda aliorum, qui per Acromaticos intelligunt eos libros quos Aristoteles docendo suis communicabat; per Exotericos vero, alios, qui in vulgus editi erant. Quare nullo modo audiendus est Sepulveda, qui nomine Exotericorum librorum existimauit significari eos omnes, quos Aristoteles ex alio opere, citauit, non autem libros populares & communes, hoc nixus fundamento, quia in primo Ethico ad Nicomachum, & de Moribus ad Eudemum, reconditæ doctrinæ libros, non auscultatorios, sed exotericos vocat; ob quam causam, hanc librorum distinctionem fictam esse iudicauit, cum tamē auctores grauissimi eam admittant, Laertius, Philo, M. Lib. 1. Tullius, Macrobius, Gellius, Galenus, Clemens Alexandrinus, Basilus & alij: atque ex iisdem locis, quæ Fons. ff. pro se aduersarius affert, admittendam esse facile com in Met. probatur. Nam in priore loco expresse dicit, de eadem re actum esse in popularibus disputationibus, & in Philosophicis, hoc est in libris acurationibus & philosophico more scriptis: ubi vides duo expressa librorum genera.


nera. In posteriore vero, exoterice de aia tractationi, plane exactam de eadem re disputationem opponit. Quare allata librorum Aristotelis distinctio, nullo modo tanquam vana & commenticia reiicienda, sed vt utilis ad explicanda & intelligenda nonnulla Philosophi loca animaduertenda est.

D E N I Q V E circa Aristotelis libros illud dicendum occurrit, qua ratione ad posteros peruenerint, de qua re Plutarchus in Sylla, & Strabo libro decimo tertio suæ Geographiæ, præter alios legendi sunt Aristoteles ergo Theophrasto discipulo, vna cum schola, suos libros legauit: quos postea ipse cum suis Neleo Scepsio Corischi filio, & eiusdem Aristotelis discipulo testamento reliquit. Nelus totam suam bibliothecam, quam Scepsim comportauerat, hominibus a philosophicis studijs alienis reliquit, qui eam sine vlla maiore cura seruarunt. Sed metuentes ne sibi ab Attalicis Regibus Pergameâ bibliothecam instruendis vtriusque philosophi libri eriperentur, terræ infossos occultarunt: quos postea, multis modis iam labefactatos Appellioni Teio, magno prætio vendiderunt, qui pro suo arbitrio in consulte eos correxit, vel potius mendis respersit. Verum, vt iidem auctores scribunt, etsi ab Apellione deprauati fuere, semper tamen libri Aristotelici, eo viuente, in eius bibliotheca Athenis delituerunt. quo mortuo, & Athenis a Lucio Scylla Dictatore subactis, eiusdem iussu Romam translati fuere, vbi primus a Tyrannio Grammatico viro ea ætate, pererudito, deinde ab alijs consequentibus diligenter correcti, atque adeo explanati fuere. En igitur vt Græcorum Philosophia priuatim in urbem venit, vbi postea apud Latinos perpetuo conseruaretur, atque latinis litteris amplificaretur, vt cum Claudiano canere liceat, In Latum speretis Academia migrat Athenis. Quibus libris vulgatis, diligenter enarratores Aristoteles nactus est, qui & deprauata restituere, & explanationibus obscura illustrare, conati sunt: de quibus postea aliquid scribe-

Niceph.
in hyst.

mus. Itaque ante Syllam veteres Peripatetici acromatizicis sui magistri libris caruerunt, paucos exotericos habentes. Vnde posteriores Peripateticæ disciplinæ amatores, exquisitus philosophari cæperunt. Nec sine diuina prouidentia fortasse factum est, vt libri Aristotelis cui multum Ethnici omnes semper tribuerunt, conseruarentur, vt præter nostræ fidei propria præsidia, etiam Philosophi omnium grauissimi doctrina, Gentium damnarentur errores, & veritas retineretur, quâ etiam ob causam Sybillinos libros diuinitus inspiratos, conseruatos fuisse nonnulli Patres perhibent. Quare, pro singulari beneficio agnoscere debemus, quod Deus vnum voluerit existere, & permanere scriptorẽ, in quo vniuersa fere humana conseruaretur sapientia, alias temporum iniuria peritura, vt vnius hominis, vel etiam quamplurimorum laboribus, per multa annorũ spatia, vniuersus ferre terrarum orbis frueretur. Sed iam quid de hoc auctore, deque eius doctrina sentiendum sit, doceamus.

Quid de Aristotele & eius doctrina sentiendum sit. Cap. X.



X T I T I T olim inter quosdam Scriptores hæc curiosa quæstio, cuiam ex Græcis auctoribus ingemij & doctrinæ palma tribuenda sit; quam alij Homero, quod in suis operibus omnium bonarum artium doctrinam diseruerit, & a Platone, atque ab Aristotele mirifice laudatus, & pro diuino habitus fuerit. Alij Hippocrati Coo, quod in eius doctrina, nihil vnquam erroris per tot annorũ sæcula fuerit inuentum, & singulis pene verbis, aliquid mysterij aperuerit. Alij Socrati, vt Philosophiæ parenti, & principi, ac etiam omnium sapientissimo, demonis, qui interdum vera ad homines decipiendos dicit, testimonio, iudicato. Alij Platoni, vt homini, qui
apud

apud uarias nationes sapientiam didicit, multa nostræ religioni congruentia dixit, & adeo ornate & eleganter scripsit, ut si Iupiter Græce loqui voluisset, nō alio quam Platonis sermone usus fuisset, atque a M. Tullio, & ab Augustino omnibus alijs prælatum fuit. Alij vero, rationibus hinc inde perpensis, Aristotelem ingenij & doctrinæ præstantia, omnibus iam dictis, præferendum putarunt; quorum sententiæ facit quisque subscriberet.

LAVDE IVR ergo Homerus, ut bonus, vel ex omnibus Græcis, ut optimus poeta: Hippocrates ob sua sapienter tradita de re medica decreta, inter Medicos dominetur: Socrates, ut vir bonus, modestus, & in ethicis versatus suam retineat laudem: Plato ob variam eruditionem & dicendi maiestatem, suum habeat honorem: at vero Aristoteles, ut is qui omnia, quæ alij norunt, in rhetoricis, in poeticis, in mathematicis, in physicis, in theologicis, & mult. plura novit, & quod sapientis signum est, ea absolute, quod de nullo alio affirmares, alijs tradidit, præferatur omnibus. Sed quoniam non parum refert, ut discipulus recte intelligat quodnam iudicium de suo præceptore faciendum sit, non erit inutile humanæ Philosophiæ Tironem, quibusdam dictis explicatius docere, quid de Aristotelis ingenio atque doctrina sentiendū sit.

SIT itaque de re proposita, primū dictū, nullo modo audiendi sunt illi, qui ita male de Aristotele sentiunt, ut vel eum in Philosophia pro magistro non esse habendum, nec iuuenibus prælegendum putent, vel certe non tanti faciendum, quanti communi consensu sit. Nam isti siue ulla firma ratione doctissimorum hominum sententiæ, atque iudicio sese opponunt cum iam per multa annorum sæcula, non modo a suis laudatus, lectus, & illustratus, sed etiam ab externis, ut ab Arabibus, a Latinis, & a toto terrarum orbe, ut melior Philosophus approbatus fuerit; ut qui non tam humana auctoritate, ut fere alij omnes, quam rationibus,

Lib. 7.
hult.

bus, ad rerum naturas, & ad hominum ingenia accommodatis, philosophatus fuerit. Sed placet hoc loco, vnius grauiissimi auctoris testimonio, a iis omissis, quid de Aristotelis doctrina sentiendum sit breuiter confirmare. Legenti opera eius, inquit Plinius secundus, attente & diligenter, exoritur ingens admiratio: quā ab vltimis principiis deducit abditissima & profundissima rerum omnium? quam acute refellit aliena? quā fortiter communit, & corroborat sua? quo ordine diggerit singula? quod est in tradendis artibus perutile: quanta frugalitate verborum? nihil est in eo vacans, aut inane, omnia solida, & plena, nusquam finit lectorem oscicari, aut aliud agere; & quæ apud citatum aucto em sequuntur. Cum ergo quæ apud Ethnicos Philosophos sparsa erant, magna cura Aristoteles collegerit, distinxerit, suo loco posuerit, & rationum trutinā pōderauerit, iure optimo in humana Philosophia, cum meliorem non habeamus, pro magistro retinendus, & alijs præferendus est.

Aphro.
Auen.

SECVNDVM dictum, Aristoteli non est tantum tribuendum, quantum a quibusdam tribuitur, in quo dupliciter ab illis peccatur. Primum, quod putent de omni natura id solum sentiendum esse, quod ab eo scriptum fuit, ita vt nihil certius afferri possit, & nihil euidenter impugnari, quod ille sancierit, vnde sequitur aliud, vt censeant, omnia quæ probat, demonstrationibus confirmare; ac proinde lumine naturali eius rationes refelli non posse. At qui isti, vt ego existimo, tantum huic homini tribuunt, quantum ipse sibi, (cum tamen alias esset gloriæ cupidus) nunquam tribuisset, nec etiam sponte oblatum forsitam acceptasset. Quare, dū tanti Aristotelem faciunt, eum ex hominum numero extrahere contendunt, cū hominis sit, & labi posse, & sæpe labi, præsertim in de rebus grauissimis iudicio ferendo. Nunquid natura, in isto homine formando & perficiendo, omnem suum adhibuit conatum, ut perfectior unquam nec fuerit, nec esse possit? Quod si ab habitu

habitu corporis de ingenio iudicare licet, si vera sunt quæ de Platonis, & Aristotelis forma scribuntur, aliquid maius de illius, quam de huius ingenio existimare fas esset: nec minor in illo, quam in hoc fuit sapientiae comparandæ cura.

SED peteret hoc loco quispiam, unde factum sit, ut non modo alios, sed et suum præceptorem virum eruditissimum doctrinæ copia, & rerum veritate vicerit. Dicam, quia bonum sortitus est ingenium: quia multos annos optimo usus est magistro, a quo vno fonte, ea poterat haurire, quæ ipse a varijs magistris, varijs in locis didicerat: quia librorum copia & varietas, Alexandri munificentia, ei non defuit, eo tempore, quo libri non erant facile parabiles: quia fuit e numero eorum Philosophorum, quos Græcis electores vocabant, qui nullius addicti disciplinæ, id sequebantur, quod rationi esset magis consentaneum; ac proinde, cum post multos annos, quibus in scholis versatus fuerat, & tam multa, ut supra scripsimus, legerat, iam maturo, prudenti, atque perspicaci ornatus esset ingenio, aliena colligendo, & aliqua addendo, potuit meliora scribere: denique, quia labore, studio, & diligentia, in qua ut præclare Tullius dixit, posita sunt omnia, usus est maxima; qua contentione, qui in studijs utantur, paucos intinens: & idcirco pro miraculo habetur, si reperiatur aliquis, qui communem hominum consuetudinem scribendo vincat; ut præter Aristotelem, nonnulli alij fecerunt, ex nostris Origenes Adamantius, Magnus Albertus, & diuus Thomas. Nec fuit homini naus solerti, cupidoque gloriæ, quæ ad maximos labores in rebus præclaris sustinendos maximam vim habet, aliquid inuentis addere; ut qui eum sunt sequuti, multa ei addiderunt. Unde colligeres, errare eos, qui existimant Aristotelem tantarum rerum noticiam, alicuiusdæmonis ope sibi comparasse: cum, ut diximus, ingenio & labore, tanquam duobus optimis instrumentis, non fascino, non præstigijs, ad tantum doctrinæ fastigium pervenerit.

Lib. 2. d

orat.

uenerit. Non secus atque C. Furius Cresinus, qui e paruo agello copiosiores fructus colligere solebat, quam alij ex suis latifundijs. Qui accusatus, quod ueneficijs alienas fruges in suum fundum pelliceret, la-certosam filiam, saturos boues, optima rei rusticæ ar-ma, referente Plinio, in forum adduxit, dixitque, vene-ficia mea, Quirites, hæc sunt: neque possum vobis o-stendere, aut in forum adducere lucubrationes & sudo-res meos: quibus auditis, omnium sententijs fuit ab-solutus.

SE D iam ex ipsomet Aristotele ostendamus, quan-tum isti errent, ne, vt solent, teneros iuuenum animos tali opinione de Aristotele imbuant: quo fit, vt maio-rem de eius doctrina, quam de Christiana sapientia existimationem concipiant. Primum, qui ita de Aristotele sentiunt, non animaduertunt, id quod ipse sapien-ter dixit, quod ab omnibus qui ad philosophiam se cõ-ferunt, perpætua memoria conseruari deberet, Huma-næ mentis aciem ad ea quæ sunt naturæ manifestissi-ma, non secus se habere, atque nocturæ oculos ad lumē solis: & alibi, Difficile esse recte præstare omnia. Dein-de, quotnam isti in Aristotele inuenient demonstratio-nes, quibus omnia insint, quæ ipse ad perfectam de-monstrationem requirebat? Respondebunt, si Paripa-tetici videri volunt, paueas, aut potius nullam. Postea, quot in locis, seipsum hominem agnoscens, ait se dispu-tare verisimiliter, logice, & de quibusdam dubitanter, & nihil temere esse asserendum, & in omnibus non es-gener. se requirendas rationes mathematicas? Præterea, quis Meteor. ignorat, eum quibusdam de rebus varie sensisse; vt de Ethic. instrumento tactus, de actu videndi qua ratione fiat, & de nonnullis alijs? An non potuit, dum externi oculi senescebant, & interni magis vigeabant, aliquid melius videre, & emendare, quod prius non viderat? id quod omnibus hominibus vñ venire solet. Si Aristoteles in adulta, & iam matura ætate sub præceptore discebat, quæ ignorabat; cur non etiam a posteris didicisset ea,

quæ

Lib. 2.
polit.

Lib. de
cæl. de
gener.
Meteor.
Ethic.

quæ qui antecesserunt, non viderunt, nec experti sunt? multa, inquam, quæ Græci, q̄ Arabes, quæ Latini (a quibus nō multo post Aristotelis t̄pa Philosophia in omni fere sæculo accurate culta fuit, & nunc colit̄) nō dū ex naturæ penetralibus eruta, in lucem protulerunt: præsertim in Astrologicis & Geometricis; de quibus, vt quidam dixere, loquutus est Aristoteles, vt cæcus de coloribus: cum ante eum insignis esset Geographiæ inscitia: quæ postea beneficio expeditionum Alexandri in ultimam Asiam, emendata est. Nihil dico de cælorum numero, de modo, quo sol calorem producat, & de alijs naturalibus quæstionibus. Num fortasse isti earum rationes pro demonstrationibus habent, quibus mundi æternitatem primus, cum ante ipsum meliores Philosophi creationem agnouerint, probare frustra conatus est? Quod sane non fecisset, si id obseruasset, quod aliquando vere dixit, Antiquorum sermonibus maximā fidem habendam esse. Denique, cur non potuerit in humana Philosophia errare is, qui apud eos est natus, & educatus, qui antiquitatis monumentis, siue quibus nihil omni ex parte potest ab hominē sciri, erant destituti? cum non multo ante ipsum, & historia, & scientia græca initium habuerit. Nec hic mihi vllus pro Aristotele, vel Aristoteles ipse, cum M. Tullio eluiones, exu de som. stionesque prætetendat, quas certo tempore necesse est scip. esse; quia Aristotelicis ex eorum principijs facile responderem, & consequenter etiam Tullio, qui ab illis accepit. At de his alibi. Vt ergo hunc locum concludā, suscipiendus, ac suspiciendus est Aristoteles, sed non omnino vt dæmonium quoddam, & plenum miraculum; cum ab alijs accepta tradiderit, & quæ de suo dixit, non sint omnia cum veritate conformia: siquidem nonnullis principijs vsus est falsis. Retineatur itaque vt humanus magister, qui errare potuit, non vt Deus errorum expertus.

Lib. 2. d
cæl.

In met.
de som.

TERTIVM dictum, cum ex duobus magistris, quos in Philosophia retinendos esse diximus, vterque aliquā

aliqua parte errauerit; magis tamen Platoni, quam Aristoteli, aliqui ignoscendum putant. Primum, quod bonum præceptorem diu audiuerit, & tamen in quibusdam rebus male ab eo discesserit, aut quid ipse sentiret, non plane exposuerit, ut ille fecit; ut de mundi creatione, de diuina prouidentia, de animorum perpetuitate, & de eorum finibus. Deinde, quia maiora habuit ad veritatem videndam adiumenta, & illud speciatim, quod cum Hebræis apud quos veritas integra erat, versatus sit, ut Clearchus Peripateticus libro primo de somno testatum reliquit.

QUARTVM dictum, in Aristotelis operibus versari volenti, illud persuasum sit, eum non esse omnino peruium, immo potius multis in locis valde obscurum, nec omnino incorruptum, neque ab omnibus, nec ubique feliciter versum; ac proinde eius lectionem non esse accommodatam ijs, qui vix Grammaticam attingere, aut nondum ad aliquam ingenij maturitatem litterarum studijs peruenire: nec ex ea percipi posse fructum ab ijs qui oscitanter legunt; ut fortasse faciebat Leguleius ille, qui a prandio animi relaxandi causa. Aristotelicos libros lectitare, & omnia se intelligere aiebat. At multo aliter Plinius de hoc auctore sentiebat, & propterea hunc in modum scripsit, volunt Aristotelis opera Lectorem ingenij non acuti tantum, sed etiam profundi, solidi, sani circumspecti; volunt attentum, diligetem, imbutum lectione variorum auctorum, & cognitione rerum multarum. Hæc si desint, nihil Aristotelicis libris existimabitur asperius, insuauius in amœnius, quemadmodum nonnulli de eo iudicant, vel propter ignorantiam, vel propter teneritudinem ingeniorum, pondus non ferentes tantæ doctrinæ; quemadmodum infirmis oculis lux solis, & diei molestus est; quo nihil est sanis & valentibus iucundius. Hæc ille. Sententia sane dignissima, quæ ab omnibus, qui in Aristotele versari volunt, quam diligentissime obseruetur, *Quod autem Aristotelis opera non omnino incorrupta*

corrupta ad nos venerint, ex eo probari potest, quod minore cura fuerint conseruata, & pro corruptis alia fuerint reposita: vt omittam, quod Amanuenies rerū ignari, describēdis libris, præsertim veteribus, & manu scriptis, multa scdare solent. Sed vt dictis incommodis aliquid remediꝝ afferatur, aliud subijcio dictum.

QVINCTVM dictum, ad Aristotelis libros rectius intelligendos, hæc tria inter alia adhiberi possunt consilia. Primum, valde proderit, aliqua græcæ linguæ notitia; quod consilium quantum vtilitatis afferre possit, late demonstrarem, si in hoc immorari vellem: sed pro certo haberi velim ab ijs, qui vt discendi laborem fugiunt, satis sibi esse putant, si interpretes legant; non animaduertentes, vnam unius loci versionem, interdū non posse integrum sensum exprimere, quem verba continent: ut omittam, quod latina lingua græcas phrasas non semper plene assequitur: habet enim quæuis suos idiōtismos natio. Voces animi notiones enuntiāt, quare, qui uocum genuinam significationem ignorant, scribentū iniam nō assequunt, maxime Aristotelis, qui proprie, breuiterq; loquitur: ac proinde melius erit eū audire loquentem. Ponatur ergo aliquis in discenda lingua Græca labor, quem maximæ compenlabunt utilitates; & ea præsertim, ut intelligi queant expostores & scriptores illi qui græca uerba perpendunt. Secundum, is longe melius Aristotelis sensa percipiet, qui eius loca, & sententias conferet. & ipsum, per ipsummet exponet: & quid pro ratione subiectę materiæ quam tractat, & per longē quam gerit dixerit, perpendet, ac distinguet, atque quod uno in loco uniuersē sine distinctione docuit, alibi ex professo exposuerit animaduertet. Dixit aliquando ex nihilo nihil fieri, agēdo de cōpositione & productione physica, & uere qdē. Dixit physicū agere de formis corruptibilibus, ut ostēderet, non esse eius loci in quo versabatur, agere de prima forma, vt actum erat de prima materia. Huc faciūt eorū labores, qui Aristotelis apparentes contrarie-

Lib. 1.
perihēr.

Lib. 1.
phys. 1.

tates

tates tollere sunt conati. Esset itaque maxime utile, si quis, ubi aliquem progressum in lectione, & intelligentia Aristotelis fecisset, postea eius sententias ad communes locos reuocaret, easque sibi familiares faceret, & communium pronuntiatorum genuinum sensum indagaret. Tertium, qui facilius difficiliora Aristotelis scripta intelligere voluerit, is a facilioribus libris, ut sunt Ethici, & Politici incipiat, modo prius in Logicis fuerit versatus: cum Logicæ doctrina ad omnes Philosophorum libros intelligendos viam sternat. Et quod huc facit, erit valde fructuosum, si quæ legit ad breuem summam suæ intelligentiæ accommodatam rediget; cum quæ auctores, ut se explicent, late exponunt, in pauca conferri queant: quæ suis temporibus repetenda erunt. Sed de ratione studendi alio loco plura.

Nunc antequam ad alia proposita capita progredior, quadam dubitatio, nullo modo silentio inuoluenda, mihi explicanda est, cur Aristoteles nunc tanto in honore habeatur, & a viris etiam sacris tam studiose legatur atque explicetur; cum quæ contra Philosophorum doctrinam a sanctis patribus olim dicta fuere in Aristotelis dogmata cadant: quem aliqui Sepiam, nominarunt, ut Tertullianus, Cyprianus, & Epiphanius, vel proutatim impugnarunt, ut Gregorius Nazianzenus, & Iustinus Martyr: alios vero Philosophos potius approbarunt; ut Hieronymus Stoicos, & Platonicos Augustinus; quod illi recte beatitudinem in vna virtute posuerint, & nonnulla eorum scripta, videantur fere christiana, ut Epicteti, & Senecæ: hi vero de mundi origine, de animi perpetuitate, de prouidentia diuina, & de nonnullis mysterijs nobiscum contentiant; in quibus, vel Aristoteles errauit, vel quid senserit non explicauerit; ut etiam supra diximus. Quare, non recte factum esse videtur, ut hic vnus, a nobis præsertim Christianis, pro singulari sapientiæ humanæ magistro habeatur. Huic grauissimæ dubitationi hunc in modum satisfacio.

QUOD ad Stoicos eorumque doctrinam attinet, non habemus aliquem, quem in vniuersa Philosophia sequamur, præsertim in physicis: in moralibus, plura peccarunt, quam Aristoteles. Voluerunt enim virtutes esse scientias: affectus omnes esse malos, quod nunc nonnulli hæretici docent: vitia esse paria: libertatem sustulerunt: de beatitudine minus bene, quam Aristoteles senserunt; qui non solum in virtute, sed in speculatione eam posuit, nec solum vniuersæ, sed etiam præctice eam considerauit, ac proinde ad eius vsum fortunæ & corporis bona, vt instrumenta quædam ad multas virtutes exercendas, requisivit: vnde etiam Theologi corporis bona ad plenam beatitudinē post hanc vitam requirunt; vt non solum mens, sed totus homo, qui animo & corpore constat, sit beatus. Male de diuinis senserunt, cum Deum faciant corporeum; vnde quamplurimi dimanant errores. Omnia fato, hoc est necessitate quadam fieri & gubernari dicunt, vnde Manichæorum, & recentium hæreticorum turpissimus error. Atqui Aristoteles Deum ab omni concretione materiæ seiungit, & contingentiam admittit; quam veritatem totius pene Philosophiæ fundamentum, apertissime demonstrauit. Stoici tandem animos mortales faciunt: Aristoteles vero nullibi hoc docuit, sed potius ex communi Peripateticorum sententia, contrarium affirmauit. Deniq; quamuis Stoici in dialecticis & arte differendi, a Chrysippo homine peracuto instructi, excelluerint: tamen ab Aristotele, qui absolutam differendi rationem, non vnā tantum partem, vt illi, multa discere, & inuentis aliquid addere facile potuerunt.

Cic.li. 8
de fini.
Cic.in
Top.

DE Platone, & Platoniciis, iam supra diximus: a quibus non habemus vniuersum Philosophiæ cursum absolutum, & explicatum, vt a Peripateticis. Plato non satis pure de rebus diuinis scripsit, & ideo eius scripta nonnullorum errorum fuerunt seminarium. Vnde Tertullianus, alioqui Platonis studiosus, se dolo-

D. Tho. re dixit, Platonem omnium hæreticorum condimenta-
3. p. q 3. rium factum, Origenes etiam, & quidam alij, alias in
4. art. 2. Platonem bene affecti, eundem Arianorum fontem ap-
Aug. 8. pellarunt. Et sane, cum diuina legerit, & ea humana ra-
de ciu. tione condire uoluerit, nihil mirum, si lapsus fuerit. De
c. 11. mundi ortu, minus male sensit Aristoteles quam Pla-
to, qui posita elementorum æternitate, de nouo factū

In Tim. esse putauit. Et licet non ita dilucide, ut Plato fecit, de

Alc. de immortalitate animorum sit loquutus; tamen ille ani-
doct. mam ueram corporis formam facit, hic non item: &

Plat. certe, in doctrina de anima, plura extant Platonis, quā
Aristotelis errata. De prouidentia, & de Deo, si que
uarijs in locis, ut in libro de mundo, & in moralibus
Aristoteles scripsit, spectemus, meliora nobis tradidit,

In The- quam Plato, quamuis hic fortasse plura. At præstat, ut
et. ipse aliquando dixit, Pauca bene, quam multa male
definire. Merito igitur maiores nostri, cum uiderint
quantum utilitatis ex humanæ Philosophiæ studio ca-
piatur, philosophorum scripta legenda esse iudicarunt,
& unius Aristotelis doctrinam præcipuam auctorita-
tem habere posse existimarunt.

De Aristotelis interpretibus, eorumque selectu.

Cap. XI.



QUAM Aristotelis scripta tale ingeniū
requirunt, quale ex Plinij sententia es-
se debere, supra docuimus, cuiusmodi
non facile inuenitur; propterea neces-
se erit aliorum præsidio uti, qui in elu-
cidando Aristotele elaborarunt. Et
quoniam non omnes in hoc munere se præclare gesse-
runt, sed alij alijs melius, peniusque; ideo eorum ali-
quis habendus est selectus. De Aristotelis itaque in-
terpretibus eligendis, & legendis, hoc loco aliquid no-
bis dicendum duximus.

ANTEQUAM autem aliquid de re proposita statuo, id adscribam, quod Patetius de recta doctrinæ Aristotelicæ interpretandi ratione, prudenter admonuit. Ea, inquit prima est ratio, ut Aristotelis dogmata ex ipsiusmet verbis atque sententijs colligamus. Hæc enim non solum propinqua & proxima, sed legitima, genuina, atque germana methodus est, ut Aristoteles ipse suam explicet sententiã, suum dogma constituat, proutquam, vel Andronicus, vel Alexander, vel Porphyrius, vel Auenroes, vel quivis alius Interpretes, vel antiquior, vel auctoritate maior. Id autem facilius est colligere ex libris ipsius, quam ex tot eius explanatoribus. Neque enim semel tantum unius rei meminit, nec semel eandem pertractat, sed omnia fere problemata, & theses sæpe ac multis in locis, vel longa, vel breui oratione repetit, ac pleraque disquirendo, ac disputando refricat, inculcatque. Quam explicandi rationem paucos sequutos fuisse ait, & maxime eos, qui ex vno, vel altero Aristotelis loco dogma conficiunt, & non omnia eius opera evolvunt, nec exponunt. Et rem concludendo subdit, Optima igitur Aristotelicorum dogmatum constitutionem eam statuamus, quæ ex omnibus Aristotelis locis eruta sit, Optime enim is iudicabit, qui omnia collegerit, qui singula singulis contulerit, diuersitates viderit, & contrarietates examinaverit.

SECUNDAM eam dicemus, quæ ex pluribus fuerit collecta. Tertiam, ac difficillimam, quæ ex vno, altero tantum loco pendeat. Iam vero illa quæ quarto loco succedere posse videtur, extranea est proculdubio, quæ singulis explanatorum expositionibus scrutandis, combinandis, colligendis, immoratur: quod frequens & fuit, & maxime nostris temporibus est. Et quæ apud eundem sequuntur, ubi hanc postremam explanandi rationem, ut ab Aristotele distantem rejicit, & plus nimio de singulis rebus disputantes redarguit: de qua re nos infra accuratius agemus. Sed

quoniam, ut est in prouerbio, plus vident duo oculi, quam vnus; ideo interpretum meliorum scripta animaduertenda sunt, de quorum selectu nunc breuiter agemus, & quæ dicenda occurrunt quibusdam dictis complectemur.

PRIMUM dictum, interpretum Aristotelis, alij sunt Græci, alij Latini, alij Arabes: quorum alij græcam linguam callebant, alij minime: rursus alij fuerunt Christiana pietate imbuti, ut Latini omnes: alij vero, non modo non fuerunt Christiani, sed etiam Christianum nomen infectati sunt, ut præter alios impius Auenroes denique, alij antiquiores, alij neoterici.

SECUNDUM dictum, cæteris paribus, Græci, & qui græce norunt, præferendi sunt alijs. Quoniam negari non potest, quin linguæ græcæ notitia maximam vtilitatem afferat ad aliquem locum clare explicandum, & genuinum sensum eliciendum, verborum propria significatione atque eloquutionis genere percepto. Cum itaque scriptoris sententia sit expressa verbis, is profecto melius sententiam assequetur, qui melius eam linguam nouerit, qua usus est auctor. Dixi, cæteris paribus, quia posita clara & germana interpretatione codicis græci, poterit Latinus, vel etiam Arabs linguæ græcæ ignarus, melius aliquem locum intelligere, si perspicacior & magis erudito utatur ingenio, quam Græcus minus eruditus.

TERTIUM dictum, ut Græci, vniuerse loquendo, in exponendo, aliqua parte, Latinos superant; ita alia parte illi ab his superantur. Superant quidem, illi, quia cum linguam calleant, accuratius verborum sententiam explicare, ac etiam diutius circa verba insistere solent: superantur vero, quia Latini diligentius obscuritatem illam Aristotelis, textum, ut loquuntur, distinguendo, remouent, ac etiam subtilius, quæ dicuntur perpendunt, & examinant. Adde etiam quod illi interdum solent esse verbosiores, hi vero, paucioribus sunt contenti, ut sane esse debent, qui philosophice scribunt;

quia,

quia, vt nimis concisa explicatio rem non illustrat, ita nimis dilatata eandem dissipat.

Q V A R T V M dictum, vniuerse loquendo, expositores Arabes Græcis, & Latinis expositoribus postponendi sunt. Quoniam illi, vt plurimum, vsi sunt codicibus minus puris, quam hi: & quasdam magis leues, opinioniones sectari solent, vt is facile cognosceret, qui eorū in vniuersa Philosophia errata animaduerneret: vt omittam, quod omnes fuerunt mahometismo, vel alia falsa religione infecti, atque vt magis impij, minus veritatis lucem videre potuerunt. Quare potius illis expositoribus vtendum esse putarem, qui vera pietate fuerunt imbuti, quam alijs; modo tamen hi id præstet, quod bonus interpret præstare debet.

Q V I N C T V M dictum, quamuis, generatim loquendo, antiquiores explicatores legendi ac sequendi sint; tamen quidam recentiores nullo modo sunt contēnendi. Et licet illi sint maioris auctoritatis; tamen si esset aliquis qui perspicue, breuiterque meliorum, qui pauci sunt, expositiones afferret, suum iudicium interponeret, quod minus probabile est refelleret, quod tenendum est confirmaret, & per accuratam verborum considerationem atque aliorum locorum collationem auctoris sententiā, quibusdam dictis exponeret, is, meo quidem iudicio, nullo modo negligendus, immo, a Titronibus præsertim, magis quam alij legendus esset. Contulimus varios inter se interpetrum ordines, nunc qui in singulis ordinibus excelluerint, docebimus.

S E X T V M dictum ex Græcis, Simplicius, ut locuples, Themistius, ut compendiosus, Alexander, vt constans, Theophrastus, ut grauitèr elaboratus, Ammonius, vt facilis, & dicendi ratione gratus præferendus est. Habent itaque singuli suas virtutes ob quas in honore haberi debeant. Et cum variae sint hominum appetitiones, & gustus, quisque ex ijs, quos ut meliores numerauimus, qui magis placuerit, eum eligit. Neque enim nos in hac parte priuatum volumus in-

reponere iudicium : cum huiusmodi collationes soleant esse odiosæ .

SEPTIMUM dictum, ex Latinis antiquioribus, hi celebriores habentur, Boethius, Magnus Albertus, diuus Thomas, Aegidius, & Scotus : in quibus suas notares virtutes, quæ a quibusdā illis tribuuntur, quas nos in præsentia persequi nolumus . Sed quia, cum aliorum pacè grauiusmodi virorum auctoritate, diuum Thomam alijs præferre licet, ideo de hoc nunquā satis laudato, Philosopho, & omnium Theologorū princepe, angelicoq; Doctore, aliquid peciatim dicemus.

QV I D A M tale iudicium de diuo Thoma tulit . Hieron. Diuus Thomas in explicando Aristotele totus eo incumbit, vt verba diligenter consideret, eorumq; sententiam fideliter magis, quam eleganter exprimat, & de doct. diui Sepiam illam atramentum effundentem, crebro (vt Tho. prisci Aristotelem nuncupabant) sensimque fugientē lynceus ipse & prudens, tanquam Delius quidam natorator insequitur, apprehendit, detinet. Quamobrè, hiulca explet, complicata aperit, cōfusa distinguit, mutila sarcit, contextum ipsum partitur, distribuit, connectit: discussisque ambiguitatum nebulis, quæ interdum emergere circa ipsum solent, obscura quæq; breuissime quidem, sed attamē, ita illustrat, vt Expositoris nomen, nemine penitus dissentiente, obtinuerit.

Niphus. Alius de eodem diuo Thoma tale testimonium tulit, Hunc habemus, non modo in his physicis commentationibus, sed in libris alijs fidum ducenti, cui etiam nō sine causa, nomen Expositoris tributum est. Illo enim (pace Græcorum Expositorum dixerim) curiosior, aut vberior, aut, quod rarum est, clarior inuentus est nemo Vnde, meo quidem iudicio, omnis Latij, omnisque Philosophiæ decus semper habendus est. Item

Pōpon. alius, omnium Latinorum maximum, & non minore Flam. aliquo Aristotelis expositorem vocat, siue sit Græcus, Zum. siue Arabs, siue qualiscunque. Item alius, eundem Foxius. omnibus Latinis præfert: Et vt quorundam aliorum testi-

testi-

testimonia omittam, ideo diuus Thomas præferendus est, quia primus inter Latinos omnes fere Aristotelis libros commentarijs illustrauit, Logicos, Physicos, Metaphysicos, Morales, & Politicos; & quosdam vt melius exponeret, viros græcè eruditos adhibuit, cum græcâ linguam ipse non attigerit, aut certe leuiter: vt qui intelligebat magna luce ad intelligendum Aristotelē carere eos, qui græcè linguæ essent ignari.

OCTAVVM dictum inter Arabes, qui numero, doctrina, & auctoritate Græcis & Latinis sunt inferiores, in quibus Auempace, Alphabius Auenroes, & Auicenna Hispalensis Medicus insignis, sed religione infamis, Mahometanus enim, vt ipse de se testatur, potissimum numerantur, alij potius Auicennam, quam Auenroem, legendū putant: Quod eius scripta oī memoria a grauiſſimis hominibus probata sint: & quod vnus inter omnes Arabes proximè ad verum Philosophiæ Christianæ decus, & laudem accessisse videatur. At quid de Auenroē dicendum, qui magni Commentatoris titulum suis lucubrationibus sibi comparauit? Dicam, superioribus annis tantum ei fuisse a quibusdam tributum, vt pro honore haberetur, si quis eius profiteretur doctrinam; ita vt se cetera quedam Auenroistarum fuerit introducta, & eius digressiones ita publice exponerentur, ac si pro duce haberetur. At uero alij conlequuti sunt, qui auctorem mendis scatentem, barbare uersum, confusum, intricatissimum, & obcurissimum minoris faciunt, & aliorum purioribus nitidioribus, & clarioribus commentarijs uendum putant, ac etiam utuntur. Cecidit itaque illa Auenrois sine ratione excitata celebritas. Quem, etsi aliqui emendare atque illustrare conati sint, tamen id eis non omnino feliciter successit. Et sane, eas maculas quas ob eam causam contraxit, quod Aristotelis versione deprauatissima sit usus, eluet unquam nemo. Quanti Commē tator iste faciendus sit, qui intelligere uolet, grauiſſimā & uerissimam legat censuram, quam uir doctus Ludo-

Tolet.

Hier.

Bagab

Lib. 5. d uicus Viues in eum tulit, qui merito eos dementes uo-
corrup. cauit, qui Auenroem Aristoteli parem, & beato Tho-
ar. to. 1. ma superiore[m] fecere. Nec propterea, quod hunc au-
 ctorem minoris faciendum esse existimamus, quam su-
 perioribus annis a quibusdam factus fuerit, omnino
 reiiciendum esse statuimus; cum multa habeat firma,
 sed ferme aliunde accepta.

Perion. Quid vero ad græci codicis interpretem attinet,
Colleg. cum uarij uarie diuersos Aristotelis libros traduxe-
con. rint, is eligendus erit, qui planius traduxit, & magis ad
Faber. Philosophi sententiam accessit, ad quam minus accef-
 serunt, qui nimis eloquutionis latinæ fuerunt studiosi;
 in quibus aliqui Perionium ponunt. Ob quã causam
Muret. uir græce ualde eruditus, me audiente, dicere solebat,
 se, si quid interdum dubij in Aristotelis lectione ha-
 beret, potius eos consulere, qui minus eleganter tra-
 duxerunt, quam alios qui ad Ciceronis phrasim uer-
 tendo accedere uoluerunt.

*Recensentur nonnulla Aristotelis errata: &
 quibusdam calumnijs defenditur.*

Cap. X II.



Vn quoniam unum Aristotelem in
 Philosophia præ alijs sequendum esse
 docuimus; ne quis minus in doctrina
 Christiana uersatus, in eos impingat
 errores, qui omnium consensu in Ari-
 stotele inueniuntur, eos seorsim ab
 aliorum erroribus numerabimus, & eū a quorundam
 calumnijs uindicabimus; cum aliqui in eo quædam no-
 tãda putuerint, a quibus sane optime purgari potest.

Aegid. Quidem potissimum errores in Aristote-
Rom. le a quibusdam notati fuere, quos nunc breuiter recen-
Ex 8. sebo. Primus, nihil posse de nouo fieri nisi per motum;
phy. ita ut non sit nouitas, nisi ex mutatione proprie sum-
 pta: unde inferitur, motum nunquam incepisse, quia
 fuisset

fuiſſet nouus:& quoniam non potuit de nouo eſſe, niſi
 per motum, ante primum motum fuiſſet alius, quod
 eſt inconueniens; cum nihil poſſit eſſe ante primum.
 Secundus, tempus ſemper fuit: quia tempus ſequitur
 motum, quare ſi hic eſt æternus, etiam illud; ac etiam,
 quia inſtans temporis ſemper eſt ſinis præteriti, & ini-
 tium futuri; & ita non eſt dare primū inſtans. Tertius,
 primum mobile, ſiue cælum eſt æternum; quia non da-
 tur motus ſine mobili. Quartus, cælum eſſe inge-
 nitum & incorruptibile, & nunquam fuiſſe factum,
 ſed ſemper fuiſſe: quia inter ſpecies motus, ſolus cir-
 cularis eſt continuus: vnde, ſi quis motus eſt æternus,
 hic erit, qui conuenit cælo: ac etiam, quia quod poteſt
 eſſe perpetuum in futurum, debuit eſſe ab æterno
 Quintus, non poſſe fieri alium mundum: quia fieri
 debet ex materia, quæ tota eſt in hoc mundo iam fa-
 cto. Sextus, horum inferiorum generationem nun-
 quam incepiſſe, nec ceſſaturam: quia omnem gene-
 rationem præcedit corruptio, & hanc generatio. Se-
 ptimus, cum in multis inferioribus generatio fiat a ſo-
 le; ideo ſol nunquam ceſſabit generare plantas & ani-
 malia. Octauus, quia non eſt nouitas ſine motu præ-
 cedente, ideo Deus non poſſet aliquid de nouo pro-
 ducere: nam idem manens idem, ſemper facit idem.
 Nonus, negauit reſurrectionem: & ſi mortuum per
 multa media rediret, non rediret idem numero: & ſi
 Deus non poteſt aliquid producere niſi per motum,
 nec etiam ui diuina id fieri poſſet. Decimus, quia cre-
 didit nihil fieri poſſe niſi per motum, ideo diſputando
 contra Anaxagoram dixit, Intellectum volentem ſe-
 parare paſſiones & accidētia, quærere impoſſibilia; vn-
 de ſequitur Deum non poſſe ſeparare acci-
 dens a ſubie-
 cto. Vndecimus, in uno ſubiecto nō poſſe eſſe niſi vnā
 formā ſubſtantialē, cū vna forma nō introducatur, niſi
 altera expulſa. Duodecimus, ubi nūc eſt ſtagnū & ma-
 re, aliquando fuiſſe ſiccum & contra: & non eſſe dari
 primum hominem, nec primam pluuiam, quia tem-

- pus fuit æternum. Decimustertius, tot esse numero
 1. Met. Intelligentias quot sunt cœli, & non plures: quia In-
 47. & telligentia non est potens mouere, nisi cum actu mo-
 48. uet; quod expresse contradicit scripturæ. Decimus
 Dan. 7. quartus, corporum dimensiones non posse se penetra-
 4. Phys. re, ac proinde Deus non posset facere, vt duo corpo-
 1. 10. ra sint simul in eodem loco. Decimusquinctus, Deū
 nihil cognoscere extra se, & nullam habere rerum cu-
 ram, & animam esse mortalem. Sed ab hoc errore for-
 tasse purgari posset, sicut etiam a quibusdam notis,
 quibus nouus quidam scriptor eum asperfit: quas bre-
 uiter referam, & diluam.

Melech. PRIMA, videtur negasse Deum immittere som-
 Can. de nia: quia, si eorum esset auctor, utique sapientibus, &
 Lec. iisdem vigilantibus immitteret. At Aristoteles lo-
 Theol. quebatur vniuersæ, & solum negauit omnia somnia a
 lib. 5. c. Deo proficisci. Dixit enim etiam pessimos somnare,
 5. quibus non est credendum Deum suppeditare som-
 lib. de nia; quod est cum sacris literis consentaneum. Solum
 sen. itaque docuit non omnia somnia ex vi diuina fieri.

SECUNDA, res fortuitas diuinæ prouidentiae
 subtrahit; quia res secundæ prauis obueniunt: & si quo-
 rum fortuita effecta dirigit, bonorum & sapientum di-
 rigere debet: at contra fieri videmus. Sed cum tracta-
 tus de bona fortuna, vnde id sumitur, & Aristoteli tri-
 butur, vt quidam scribunt, non extet, proinde non est
 Lib. 7. cur ei talis calumnia, tribuatur. Immo, ex eius doctrina
 Eud. c. contrarium colligi potest: maxime ex eo loco, vbi ita
 18. scripsit, Qui ex intellectu operatur, huncque excolit,
 Lib. 10. atque optime afficit, is esse Deo carissimus videtur.
 Eth. c. 8. Nam, si aliquam humanarum rerum curam dii habent,
 sicut videtur; consentaneum est ipsos re illa quæ opti-
 ma est, atque ipsis maxime cognata delectari, qui est in-
 tellectus, eosque qui eam maxime amant & honorant
 remunerari: vtpote qui eorum quæ ipsis sunt amica,
 Lib. 1. d. curam habeant, recteque & honeste agant.

TERTIA, ex eius doctrina plane colligitur, ani-
 mam

nam debere esse mortalem, si verum est quod ipse aliquando docuit, Quidquid genitum est, esse corruptibile: & quod est incorruptibile, esse ingeneratum. Hunc calumniam respondent aliqui dicendo, Aristotelem loqui de productione per generationem, & ex materia, non autem per creationem, quam non agnouit: & disputare contra Platonem dicentem, mundum non esse ex nihilo, sed ex præexistente materia: at quod hac ratione fit, corruptibile est. Et cum aliquando dixerit, intellectum extrinsecus aduenire, & post corpus manere incolumem, animam facit immortalem; quamvis modum non indicauerit, vel non cognouerit.

Q V A R T A, plane aliquando dixit, Deum esse animal perpetuum & optimum, & substantiam celestem atque diuinam; quare affirmare videtur, Deum esse animam extremi cœli; sicuti & Intelligentiæ cæterorum cœlorum sunt. Quod attinet ad hanc criminationem, vere accusandus est Aristoteles, quod censuerit Deum per se proxime mouere primum orbem, & quod nullas posuerit substantias abstractas ultra cœlorum numerum. Quod autem Deum animal vocet, sumendo cœlum cum mente diuina, vel quod ipse Deus solus dicatur animal, hoc est viuens, non est pro inconuenienti habendum, cum verissimum sit, in Deo esse vitam, & Deum viuere.

Q V I N C T A, videtur substantijs omnibus a materia seiunctis & cœlo affixis tribuere virtutem infinitam: quia infinito tempore mouent. At, si qui istud obijcit, recte animaduertisset, quid interpretes de hac re disputent, & qua ratione Aristoteles probauerit dari substantias abstractas; potius dixisset, & verius sine dubio, omnes substantias a materia secretas, ex Aristotele, esse virtutē finitas. Quare, ea ratione qua octauo physico, vsus est, non probauit Intelligentias esse infinitæ virtutis; sed esse a materia seiunctas: ac proinde sua vi posse perpetuo mouere.

S E X T A, non obscure significasse videtur, Deum solum

2. d. gen.
anim. c.

3.

Lib. 12.

Met. 1.

17.

12. Met.

Lib. 8.

phys.

1. d. cœl.

t. 100.

Ioan. 1.

Ex lib. 8.

phys.

& 10.

Met.

Lib. 8.

Phys. 2.

de cœl. 2.

t. 36. ad

4.

Et. 12.

met. 1.

44.

solum habere curam rerum magnarum , paruas vero negligere, aut alijs curandas mandare, non secus ac Reges faciunt. Et sane , quod ad hanc notam attinet , non

Cap. 4. Eusebius Cæsariensis libro decimoquinto de præpara-
Cap. 3. tione, Gregorius Nyssenus libro de prouidentia, Theo-
Lib. 6. doretus de curandis græcanicis affectionibus, & in Epi-

Lib. 1. tomis diuinorum decretorum capite de prouidentia ,

Cap. 13. Gregorius Nazianzenus oratione prima de Theolo-

Lib. 2. gia, Origenes cōtra Celsum, Athenagoras oratione de

Christianis, Ambrosius libro primo de officijs , & Cy-

rillus Alexandrinus contra Iulianum , sed etiam eius

interpretes, Alexander, libro de prouidentia, Auenro-

Co. 37. es duodecimo *Metaphysicæ* , Laertius quoque & qui-

& 52. dam alij, id eum sensisse fatentur : quod si ita est , sane

errauit ; ut etiam in adimenda Deo libertate in rebus

creandis. Illud quoque ei adscribitur , quod nihil im-

mutari, & variari in natura possit, & monstra solius, ma-

terix vitio contingere ; vnde conficitur , nihil Deum

præter naturæ ordinem fecisse vnquam, aut facere pos-

se. Et tamen ipse libellum de admirabilibus auditioni-

bis scripsit. Quod si ex eodem terra , vt grauior , de-

buisse omnino aquis contegi, & tamen ad animalium

terrestrium & aereorum commoditatem bona eius

pars apparet : profecto diuina in hoc agnoscenda est

prouidentia , qua præter naturæ ordinem factum est ,

vt terra, aliqua parte, sit aqua superior . Quod diuinæ

prouidentie beneficium mirifice psalmo centesimo

tertio regius prædicat propheta . Et licet non me fu-

Card. giat, quosdam alios multa alia in Aristotele notasse; ta-

Alia cēs. men ea nunc missa facio . Exstiterunt etiam nonnulli ,

Bessar. qui Aristoteli sese opposuerunt, atque ex professo, vel

Lud. vniuerse , vel ex parte eius doctrinam impugnarunt ;

Vin. quorum conatus vanos fuisse exitus comprobauit. nec

Tilesius. defuerunt, qui Aristotelis patrocinium susceperunt, &

Lau. speciatim illi , qui contra Rameos nuper scripserunt .


Val. Qua autem ratione, eius sophismata, quibus suos erro-

Pet. Ra.

res confirmavit, soluenda sint, non est huius loci doce-
re: sat itaq; fuit eos notasse. Sed de Aristotele satis, &
fortasse, pro nostro instituto, superque.

De Epicurea, atque Stoica secta auctoribus.

Cap. X I I I.



X quattuor magis illustribus post So-
cratem exortis & cultis philosophorū
disciplinis, duas exposuimus. Platonica,
& Aristotelica, restant aliae duae, Epicu-
rea, & Stoica, de quarum auctoribus
hoc vno capite breuiter dicemus.

Et quidem de Epicureo, qui non modo ex omni-
bus scriptis, sed etiam ex omnium memoria omnino
delendus esset, nihil dicerem, nisi ob hominum prau-
tatem, non ob ingenij præstantiam atque doctrinam,
sectam habuisset multitudine amplam, tempore diu-
turnam, nec tã crebra de eo, præsertim in Philosophia
morum, facta fuisset mentio. Quis enim memoratiōe
eum dignum existimet, qui otij, hoc est vitiorum om-
nium magistri fautor fuit? cum nihil cessatione melius
iudicauerit: qui Deum fecit corporatum, rerum huma-
narum ignarum, nihil curantem, ita vt nec habeat, nec
exhibeat alicui negotium: qui omnem honestatem &
pietatem funditus sustulit: qui homines ad voluptates
perfruendas, non secus ac pecudes, factos esse docuit.
qui eosdem immortalitatis dote priuauit: qui nullis
doctrinis fuit instructus, quas qui tenent, eruditi appel-
luntur: qui dialecticam, rationemque contempsit, &
omne iudicium sensibus tribuit: qui in omnibus phi-
losophiæ partibus turpissime lapsus est: qui denique in
omnes Philosophos extitit maledicus, ut late primo de
atura Deorum docet M. Tullius; cuius doctrinam to-
tam commentitiam, & vix anicularum lucubratione
ignam esse idem affirmat. Et hæc sunt, vt alia omit-
tam, præclari philosophi elogia. Ex quibus intelligi li-
cet

Cic. lib.
I. d. nat.
deor.

Cic. lib.
2. d. fin.

cet, quam inconsulte ac tenere a suis sectatoribus in honore habitus, & pro vitæ & doctrinæ magistro sumptus fuerit: cum potius idoneus pecudum pastor fuisset: de quo æqualium aliquis, cum porci loquentur, eadem cum Epicuro dicent.

Lib. 1. d
nat.
deor.

Hic igitur homo, vel potius hominum sæx, fuit patria Atheniensis, primo Grammaticus; postea philosophus, a nemine edoctus, ut ipse de se dicebat: Democriti scriptis, & Aristippi libris de voluptate additus: ex illis errores de natura, ac proinde Tullius de hoc agendo, dixit, Quid est in physicis Epicuri non a Democrito ex his vero de morib. corruptâ doctrinâ hausit: & postea sectâ de suo nomine insinuit: eiusdem aliam similem eius fratre Neocles introduxit. In physicis impugnator habuit Stratonē Lâpsacenû; in ethicis, præter alios M. Tullium. Nascitur hoc monstrum, anno tertio olympiadis centesimæ nonæ: vixit annos septuaginta duos, cui multo melius fuisset, si nunquam in hâc lucem venisset. Multa edidit volumina, si Laertio credimus, qui eius vitam late describit. Habuit multos suæ doctrinæ sectatores, & speciatim Lucratium Romanum, qui eius de natura doctrinam eleganti poemate complexus est; qui, ut impius erat, dignum suis moribus exitum habuit; sua enim se manu confecit. Cuius ætas multos habuit Epicureos, Atticum, Velleium, utinam nostra plures non habeat. In eadem secta aliquando fuit Horatius, sed prudenter palinodiam cecinit, & multa præclare de virtute dixit, atque hoc vno versiculo epicuream sectam confodit.

Sperne voluptates: nocet emptæ dolore voluptas.

Epist. 2.
lib. 1
Lib. 2.
de fin.

IN Epicuro illud sanæ fuit admirabile, quod cum sua doctrina omnem honestatem & humanitatem sustulerit: genere tamen vitæ, (vide quanta sit naturæ vis) totam fere doctrinam destruebat, ut his verbis docet M. Tullius, Ac mihi quidem, quod & ipse bonus vir fuit, & multi Epicurei fuerunt, & hodie sunt, in amicis fideles, & in omni vita constantes, & graues, nec voluptate,

voluptate, sed officio consilia moderantes, hoc videtur maior vis honestatis, & minor voluptatis. Ita viuunt eorum quidam, ut eorum vita refellatur oratio. Atq; ut ceteri existimantur dicere melius, quā tacere; sic hi mihi uidentur facere melius, quam dicere. Et de eius epistola, quam animam agens, quasi testamentum ad Hermachum scripsit, cum Torquato Epicuri laudatore, ita disputat, Huc & illuc, Torquate, vos versetis licet; nihil in hac præclara epistola scriptum ab Epicuro congruens, & conueniens decretis eius inuenies. Ita redarguitur ipse a se, ueneuntque scripta eius probitate ipsius, ac moribus. Nam ista commendatio puerorum, memoria & caritas amicitiae, summorum officiorum in extremo spiritu conseruatio, indicat innatam esse homini probitatem gratuitam, non mutuatam voluptatibus, nec præmiorum mercedibus euocatam. Quod enim maius testimonium quærimus, quæ honesta & recta sint, ipsa esse optabilia per sese, cum videamus tanta esse officia morientis? Si quis rationes quibus Epicurus in voluptate summum bonum positum esse probabat, & earum confutationem uideri velit, Tullium legat.

Lib. I. d
fin.

SE D iam de Zenone Cittico dicamus, quem fortasse Deus extare voluit, ut Epicureorum sese opponeret errori, ne oēs Ethnicos, quorum magistri fuerūt Philosophi, suo veneno inficeret. Duas enim contrarias habuerunt sententias, cum vnus in corpore, alter in animo, summum bonum posuerit. Quod re vera in solo Deo est situm. Zeno ille de quo hic sermo habetur, nam plures fuerūt Zenones, natus est Cittici, quod est oppidum antiquissimum a Chetim Iapeti nepote in Cypro exædificatum, Stoicæ disciplinæ fuit auctor: quæ, ut diuus Hieronymus scripsit, multis in rebus est Christianæ religionis simillima, at epicuræ omnino contraria: vtræque tamen eodem fere tempore nata. Is cum prius mercaturam faceret, audito naufragio, dixit, quam bene fortuna facit, quæ nos ad Philosophiam

phiam impellit. Athenas itaque profectus, annos trīginta natus, Cratetis Cynici, Stilponis, & Xenocratis auditor per decennium fuit. Postea in porticu docere cœpit; ex quo loco eius discipuli, qui prius Zenonij dicebantur, Stoici nuncupati sunt. Qui, ut varijs in locis docet M. Tullius, fœlicitatem in vna uirtute posuere, & hanc vnam, siue ipsum honestum in bonorum genere. At alijs vitæ scopus, esset spurca voluptas. Zenoni, ait Tullius, præter honestum nihil est in bonis: & alio loco, Aristippus, quasi animum nullum habeamus, corpus solum tuetur, Zeno, quasi corporis simus expertes, animum solum complectitur. Alibi, Aristippo simplex voluptas, Stoicis consentire naturæ, quod esse uolunt, e uirtute, id est honeste viuere. Atque eandem sententiam hac in parte Peripateticis tribuit, a quibus non nisi uerborum nouitate dissentiebat: eamque communem esse aliquando affirmauit. Obscurus in loquendo fuit, & in disputando concisus, & siccus: cuius differendi rationem, varijs in locis exposuit M. Tullius. Zeno non satis bene de Deo, & de anima sensit, quem merito idem Tullius damnat.

ZENONI sese opposuit Arcesilas, ut patet ex ijs quæ supra non uno in loco scripsimus. Fuit homo patientissimus, simplicissimi uictus, crudisque tantum cibis utebatur, caricis & melle. Cuidam discipulo inflato, ac turgido, dixit, Non si magnus fueris bonus eris. Dicere solebat, Nullius nos rei maiorem habere inopiam, quam temporis: Nos duas habere aures, os unum, uti plura audiamus, quam loquamur. Multa scripsisse ferunt, & tanta subtilitate, ut Carneades ad ea refellenda, elleborum ante sumpsisse dicatur. Dogmata habuit uaria, quæ a Laertio late referuntur. Habuit sectatores multos, eiusque secta diu floruit: inter ceteros Cleanthem, Chrysippum, infinitorum prope librorum scriptorem, quam ob causam, librorum Parasitum uocare solebat, Panætium, quem Cicero in scribendis officijs sequutus est, Ex Romanis Catonem

Cantonem Vticensem, Brutum Cæsaris interfectorem, & M. Tullium. Item, Nerone imperante, Epictetum cuius extat libellus a Simplicio commentarijs illustratus, & quæ apud Arianum habentur, ex illius doctrina collecta: liber profecto lectione dignus; ac etiam Senecam, in quo mirifica ex Stoicorum disciplina extat doctrina. Floruit Zeno circa Olympiadem centesimam decimam octauam: annos quinquaginta & octo scholæ præfuit: ætatis uero suæ anno nonagesimo octauo nullo conflictatus morbo, e uita discessit.

FVERUNT alij Zenones, & speciatim duo, de quibus interdum apud scriptores fit mentio: alter Elea- Plat. in
tes Parmenidis auditor, quem Dialecticæ inuentorem Soph.
faciunt, & in præferendis cruciatibus patientissimus: alter Epicureus, Ciceroni æqualis, de quo primo de natura Deorum meminit: quem Philo ooryphæum Epicureorum appellare solebat.

AD extremum circa Zenonem Stoicorum principem ea adnotauerim, in quibus ab Academicis antiquis discrepauit. Primum igitur in morali Philosophia dissentiebat circa tria capita: circa beatam uitam, & bonorum partitionem, cum felicitatem non in tribus, ut Aristoteles, sed in uno tantum bonorum genere posuerit: circa uirtutum diuisionem & earum naturam; quia Zeno uirtutem in sola ratione posuit: at uero illi in ratione, & uoluntate: unde aliter Stoici, aliter Academici eas diuidebant: Postremo circa animi perturbationes: Stoici omnes malas esse putarunt, Academici non item: quorum omnis dissensio a definitione perturbationis nata est. Deinde in physicis, in duobus speciatim differebant; in partitione elementorum, quia Academici cælum faciebant quintam naturam, Stoici hanc ignem esse aiebant: & in assignanda natura primæ causæ, quam Academici expertem corporis faciunt, Stoici uero corpoream, mundumq; Cic.li.1
ipsum Deum appellant. Denique in dialecticis, Zeno Acad.q.
inventionem reliquit, & iudicandi partem excoluit, Cic.1.
Deor.

vbi multa de sensibus & scientia, visisque disputauit, docendo quid sit visum, & quotuplex: at Academici veteres vtranque partem excoluere. Quæ omnia ex Cicerone in fragmento libri primi Academici colliguntur, vt alia omittam eiusdem scriptoris loca. Et hæc sunt, quæ de sectarum auctoribus, & insignioribus philosophis dixisse volui.

De quibusdam illustrioribus Peripateticis, & Aristotelis interpretibus. Cap. XLIII.



QUÆ ex omnium Philosophorum sectis nulla magis ante hac culta fuit, atque nunc etiam colitur, quam Peripatetica; idcirco non erit inutile, nec vlllo modo a loco in quo nunc versamur alienum, si de magis illustribus Aristotelicæ disciplinæ professoribus & expositoribus, aliquid priuatim scripserimus.

ARISTOTELE itaque vita functo in eius schola successit, Tyrtamus, cognomento a diuina phrasi, Theophrastus, Philosophorum eloquentissimus, & eruditissimus: prius Leucippi, postea Platonis, ac demum Aristotelis discipulus: qui ingenij acumine, librorum copia, cum suo præceptore contendere potuisset, si vera sunt quæ de eo Laertius refert: cuius scholam ad duo millia discipulorum frequentabant. Illud eius in ore erat frequens, Sumptus speciosissimus tempus est: quem tunc obiisse dicunt, cum modice a labore quiescisset. In quem tale extat Laertij epigramma,

Haud vane quidam, studij si forte relaxes,

Rumpi arcum dixit, quisquis homo ille fuit.

Nam vegeus Thephrastus erat, firmusque labore,

Laxauit postquam membra labore, obiit.

ET quamuis perpetuo laborauerit: tamen ad annum octogesimum quinctum peruenit. Ex quo intel-

ligi licet, dulcissimos studiorum labores, non ita conficere homines, ut multi effœminati & molles arbitrantur. Floruit olympiade centesima decimaquarta, ut Laertio placet.

THEOPHRASTO successit Strato Lampſacenus, Ptolemæi Philadelphi Aegyptiorum regis magister, vir eloquentissimus: cognomento Physicus, quod in naturæ speculatione præ ceteris versaretur: in qua ita degeneravit a suis, ut ex se natus videretur. Nā Strato, ait Tullius, eius auditor (Theophrastum intelligit) quamquam fuit acri ingenio: tamen ab ea disciplina semouendus est: qui cum maxime necessariam partem philosophiæ, quæ posita est in virtute & moribus, reliquisset, totumque se ad inuestigationem naturæ contulisset; in ea plurimum discessit a suis. Et alio loco, Primum Theophrasti Strato physicū se voluit: in quo etsi est magnus; tamen noua pleraque, & pauca de moribus. Is præesse cœpit scholæ, centesima vigesimatertia olympiade, quam annos decem & octo rexit. Edidit etiam præclara sui ingeni monumenta, quæ testamento, sicuti & Scholam reliquit Lyconi, qui ob eloquentiæ suauitatem Glycon, hoc est Dulcis, cognominatus fuit. Scholæ annos duos supra quadraginta præfuit: & septuaginta quattuor natus obiit. Sed is, ut minus illustris omittatur.

Tusc. i.

Lib. 5. d.
fin.

SUCCESSIT postea, Demetrius Phalereus Theophrasti auditor, bonarum artium, & rerum gerendarū peritia maxime illustris; Atheniensibus maxime carus, ob sua in remp. merita, quem decemnali præfectura, & trecentis sexaginta æreis statuis ornarunt. Is omnes sui temporis Peripateticos librorum multitudine superauit. Cuius monumenta partim hystorica, partim politica poetica alia, alia rhetorica fuere, & complura alia. Hic Demetrius fuit Alexandrinæ bibliothecæ perfectus, quam quingentis circiter librorum millibus instruxit. Cuius suasu enatum est maximum illud bonum, quod in posteros redundauit, versio nimirum li-

Plin. lib
33. c. 6

brorum sacrorum in græcum sermonem facta per Septuaginta interpretes ab Eleazaro Pontifice, ad regem Philadelphum missos: quorum historiam scripsit Aristæas, quæ adhuc extat: quamuis apud quosdam de vero auctore sit suspecta.

DEMETRII fere æqualis fuit Hieronymus Rhodius Peripateticus, de quo varijs in locis meminit M. Tullius, & speciatim hoc loco, Præterea multos, in his doctum hominem, & suauem Hieronymum: quem iam cur peripateticū appellem nescio; summum enim bonum posuit vacuitatem doloris. Qui autem de summo bono dissentit, de tota philosophiæ ratione dissentit: cuius sententiam non vno in loco damnat. Fuit postea præter alios celebris Peripateticus Aristobulus natione Hebræus, cognomento Physicus, circa olympiadem cêtesimam quinquagesimam primam: de quo initio posterioris libri Machabæorum fit mentio: qui Ptolomæi Philometoris (hoc est matris, quam nec ait, per antiphrasim amatoris) hortatu, commentarios in Mosen edidit: & quosdam antiquos philosophos, quorum dogmata cum sacris literis conuenire videntur, diuina antiquæ legis oracula legisse scriptum reliquit.

MARC I Tullij temporibus, Cratippus non obscurus Peripateticus floruit; de quo, præter alia, hoc extat citati auctoris testimonium. Cratippusque familiaris noster, quem ego parem summis Peripateticis Lib. de iudico, & quæ sequuntur. Hunc Ciceronis filius Athēnis audiuit, vt ex initio primi libri officiorum patet.

SVB Septimio Seuero Iustini Martyris & Galeni temporibus, floruit Alexander Aphrodisæus, qui omnes fere Aristotelis libros exposuit: in quo tantum auletoritatis est consequutus, vt non haberetur Aristotēnapium leus, qui non esset Alexandræus. Omitto hic Malchū Sardianum quod nomen Syrorum, lingua regē significat, cognomen in to Porphyrium, sic dictū, quasi purpureū a veste qua eius vita utebatur, indignum qui inter homines numeretur, ob

eius in Christum veræ sapientiæ fontem impietatem ,
ne dum inter Peripateticos , cum ab eorum doctrina
multum dissenserit, & præceptorem Platonicum, nimi-
rum Plotinum habuerit : qui etsi , nec vita fuerit di-
gnus; tamen supra centesimum annum vixit .

V A L E N T I S Cæsaris temporibus floruit The-
mistiæ æqualis diuo Basilio, Gregorio Nazianzeno, & **Nic. lib.**
Augustino, qui se eum audiuisse significat, & eximium **18. c. 50.**
Philosophum appellat. Is paraphrastice nullos Aristot- **lib. categ.**
telis libros perspicue explanauit , magnamque lucem
obscuritati Aristotelicæ dedit.

P H O C A imperante , a Christi Recuperatoris na-
tiuitate anno, sexcentesimo septimo, floruit Simplicius
philosophus Peripateticus, qui in explicandis Aristote-
lis scriptis nemini postponendus est.

E O D E M fere tempore apud Latinos floruit Scue-
rinus Boetius, vir generis nobilitate & omnium bona-
rum artium & scientiarum præstantia. & uitæ integri-
tate clarissimus Poeta, Mathematicus, Philosophus, &
Theologus insignis: qui multa sui ingenij monumenta
reliquit, & inter cætera, aureum de consolatione Phi-
losophiæ libellum; dignum, qui perpetuo manibus te-
ratur.

D E N I Q U E , Ioannes Philoponus Alexandri- **Nic. lib.**
nus Philosophus, Thirtheitarum auctor , vt quidam **18. c. 46**
scribunt, Aristotelis interpres: qui, cum, nō raro a Sim-
plicio redarguatur, vel ei æqualis fuit, aut certe paullo
ante vixit. Quorundam philosophorum, qui istos con-
sequuti sunt apud Græcos, qui cognoscere volet, Sar-
dianum legat . Atque hucusque de Philosophorum
scholis, deque earum successione , pro nostro instituto
satis .

S E D peteret fortasse aliquis , quid vtilitatis ex ijs
quæ diximus percipi possit : cui petitioni hunc in mo-
dum satisfacerem .

P R I M U M , qui ea quæ scripsimus nouerit , inu-
mera fere Philosophorum loca intelliget, quæ alias in-

telligere non posset . Nam, vt de vno tanto auctore lo-
quamus, quis multa Tullij loca percipiet, qui quæ de
diuersis Academijs dicta sunt ignorauerit ? Deinde,
qui Illustriorum Philosophorum habuerit notitiam, is
etiam intelliget, quæ maior sit eorum auctoritas, &
quantum cuique tribuendum sit, non ignorabit . Præ-
terea, qui hæc in partē non fuerit rudis, is in eo non
errabit, in quo nonnulli errare solent, ut vnum su-
mat pro altero, & vni tribuat, quod alteri tribuendū
erat . Tres extiterunt Zenones, qui non eiusdem fue-
runt scholæ, neque idem senserunt, varijsque tempori-
bus floruerunt, Eleates, Citricus, & Rhodius, uel Si-
donius . Item duo Ammonij, Saccus, & Hermiæ . De-
nique, vt alias omittam utilitates, ex hac industria, ha-
betur aliqua notitia diuersarum opinionum, de rebus
Philosophiæ subiectis.

QVAM vero sit vtile varias scriptorum opiniones
habere perspectas, varijs in locis docuit Aristoteles .

- Lib. 1. Top. Primo, ista notitia suppeditat copiam ad differendum
probabiliter de vnaquaque re proposita: cum id pro
probabili habeatur, quod multis verum visum fuerit.
Li. 1. de cæl. t. 10. Secundo, diuersarum opinionum cognitio, nos in dubi-
tationem adducit, cum dubitationes sint de rebus con-
trarijs. Quantum autem utilitatis ex dubitatione col-
ligatur præclare, tertio suæ Theologiæ libro, docuit
Aristoteles: cum veritatis inuentio sit dubitationis so-
lutio. Tertio, cum variæ sententiæ fuerint examinatæ,
an. t. 19 & inter se collatæ quid sequendum, vitandumque sit
facile discetnitur. Quarto, qui hanc adhibent diligen-
tiam, vt aliorum dicta cognoscant, huius illud præclarum
Philosophi munus possunt explere, ut errores refellat,
& veritates confirmet; cum nemo de re quapiam
Lib. 1. iudicium ferre valeat, nisi prius eam cognouerit: co-
eth. c. 3. gnoscendæ igitur erunt variæ Philosophorum opinio-
Lib. 3. nes, ut de illis iusta feratur sententia, vt præclare libro
Met. t. 1 primo de cælo, particula centesima prima docet Ari-
stoteles. Denique, qui alienas opiniones nouit, & ea-

rum minorem probabilitatem, fundamentis sublatis, Lib. 7.
habet perspectam, is demum magis in sua sententia eth.cap.
hæret, atque maiorem veritatis lucem, tenebris fuga- vlt.
tis, videt: cum & falsitatis, & veritatis causas habeat Lib. 2.
perspectas: siquidem opposita inter se collata magis de cel.
elucescunt.

*Cūr M. Tullius libros Academicos scripserit, quid ipse de
rerum comprehensione senserit, & eiusdem a qui-
busdam calumnijs defensus. Cap. XV.*



T quæ de Academicis Philosophis su-
pra scripsimus, multo melius intelli-
gantur, antequam hunc libro finem fa-
cio, aliqd de libris Academicis M. Tul-
lij, deque eius sententia, circa rerum
cognitionem, ijs quæ diximus adscri-
bere placet.

Cū M. ergo M. Tullius Socraticam & Platoniam De Fin.
scribendi formam retinendo, in quibusdam libris in cō Diuin.
trarias partes, varijs de rebus differuisset, & nūc vnius, Natura
nunc alterius Philosophi opiniones sequutus fuisset: in Deor.
alijs vero per modum cuiusdam artis procedendo, præ
cepta tradidisset; in quodam incidit censes, qui Lib. de
eum inconstantia damnarunt; cum modo pro Stoicis, offic.
& Peripateticis, alijsque Philosophis diceret, modo cō Lib. de
tra eosdem staret: & cum videretur Academiae nouæ Legib.
sectator, aliquid tamen sequendum statuebat. Vt igitur
has dilueret calumnias, semel & iterum de Acade-
micis scripsit.

Et primum quidem duos libros, quorum alterum
Catulum, alterum Lucillum inscripsit. Ille omnino
temporum iniuria periit, hic vero integer remansit.
His libris iam editis, noua addidit præmia, quibus
personas quas secum loquentes fecerat, laudauit: ea
fortasse de causa, quod quibusdam videretur indeco-
rum, eos de Philologia differentes introduxisse, qui

Lib. 13. non satis essent philologi, vt ex epistolis ad Atticū scriptis cognoscere licet. Hinc occasio nouę editionis, quatuor librorum de eadem re, in quibus partes Antiochias, hoc est, eius qui contra Academiā nouam disputat, sub psona Antiochi, M. Terētio Varroni viro eruditissimo dedit: quamuis, libris iam confectis, multum dubitauerit, an Varronis nomen mutare deberet, vt ex eisdem epistolis intelligi potest: Librorum academicorum secundę editionis, extat solum fragmentum quoddam primi libri: quos quanta accuratione & diligentia scripserit, ipsemet Tullius vno & altero loco in iisdem epistolis exposuit. Verum, quę in his libris de sunt, aliqua parte ex Lucullo suppleri possunt. In his ergo Varro veteris Academię, quę aliquid comprehendendi posse docebat, & ad certas sententias sequendas egebat, patrocinium suscipit; cui Cicero respondet, & disputationis, quasi arbiter Atticus adsistit.

IN eo quod extat fragmento, hæc summariū tractantur. Primo ponitur sermonis apparatus: deinde sequitur disputatio de litteris & studijs Varronis: postea agitur de Tullij studio in colenda Philosophia litteris latinis: quę oīa sunt veluti præludia ad quęstionem Academicam. Cuius initium sumitur a Socrate, vbi philosophię partes numerantur, & circa eas varię sententię recensentur. Postea docetur, quid Aristoteles in dialecticis, Theophrastus in moralibus, & Strato in physicis ex vetere Platonis & Academicorum doctrina correxerint, aut immutauerint. Ab his enim tribus primo vetus Academia impugnata fuit, & postea a Zeno. Exposito a Varrone veteris Academię statu, Tullius ad nouę explicationē accedit; & rationem reddit, cur Arcesilas eius auctor nihil scire dixerit; cuius doctrinam ait esse eandem cum vetere, hoc est cum doctrina Socratis & Platonis. Denique, ad Carneadis sententiam exponendam se conuertit: & hucusque primi libri peruenit fragmentum.

SECUNDVS vero prioris editionis liber, qui Lucullus

cellus inscribitur, his partibus continetur. In prima ponitur proœmium, in quo Lucullus laudatur, dialogi occasio exponitur, & calumniatoribus Tulij occurrunt. In secunda Lucullus disputationem aggreditur, & veterem Academiã, quæ aliquid sciri posse docet, ex Antiochi doctrina defendit: & primum novos Academicos exagitat: deinde thesi constituta, varijs argumentis pro comprehensione & assensione retinenda disputat: postea argumenta aduersariorum refellit: & tandem perorat. In tertia M. Tullius aggreditur disputationem in fauorem nouæ Academiæ, quæ in tres partes est distributa. Prima continet exordium: secunda confutationem eorum quæ a Lucullo allata fuerant: tertia confirmationem, qua docetur cur nihil percipi possit.

OMNES itaque citati libri vnicam explicarunt quæstionem, quæ duas continebat partes, an aliquid percipi possit, & an assensio sustinenda sit.

ET quidem in tota hac disputatione, ex quorundã Iul. sententia in his peccauit Tullius. Primum, quod de Cast. viribus animæ, sensuumque functionibus interdum disparum exquisitè loquatur. Secundo, quod quasdam contr. antiquorum Philosophorum sententias, male intellexit, vel explicauerit, vt Anaxagoræ dicentis, niuem esse albam, Democriti, Empedoclis, & maxime Cyreneorum, de doloris & voluptatis perceptione. Tertio, quod Socratem & Platonem in suam sententiam traxerit, cum hi multa, vt vera docuerint. Postremo, quod nouæ Academiæ, scepticæ nimirum, sectator & defensor fuerit. Quod autem Ciceroni ea philosophandi ratio placuerit, quæ nulli certæ sit addicta sententiæ, & probabilia sectatur, ex varijs eius locis plane colligitur. Nam aliquando, non certa & incerta, vt alij, sed Lib. 2. probabilia, & improbabilia admittit. Alibi, ait se diligenter disputasse contra eos, qui acatalepsiam tollunt. Lib. 1. Alibi, multa esse vera fatetur, sed quia illis sunt admixta falsa, ideo nulla in eis inest assentiendi nota: at- epist. ad Attic. qui

Lib. 1. qui multa sunt probabilia, ob insignem & illustrem vi-
de nat. sum, quæ habent. Anbi autem se sequi Stoicos, sed tamen
deor. pro suo arbitrio & iudicio ex eorum fontibus, quod vi-
Lib. 1. debetur, haurire velle. Vt autem quid de M. Tullio hac
offic. in parte (nam aliæ calumniæ minoris sunt momenti &
defensionem facilem habent) sciendum sit plane ex-
plicetur, nonnulla fundamenta ponenda sunt.

PRIMUM fundamentum, pro certo omnino ha-
bendum est, ante novos Academicos, hoc est ante Ar-
cesilam & Carneadem extitisse quosdam, qui huma-
nam scientiam sustulerunt, ut supra etiam docuimus:

Arist. 1. in quibus Anacharsis Scyta, qui cuique arti iudicium
Met. sustulit: Heraclytus, cum suo discipulo Cratylo, qui
omnia perpetuo labi dicebat, more fluentis aquæ, ac
proinde omnem subterfugere comprehensionem: Xe-
nophanes Parmenidis præceptor, qui licet aliquid veri
esse crediderit: tamen veritatem a nobis comprehendere
posse negabat, cum semper in rebus obscuris delite-

Laer. in sciat: ac proinde solam quandam leuem ac debilem re-
vita rum visionem nobis reliquit, quam verbo *palæstrai*,
Pyrrh. id est apparere significabat: Gorgias Leontinus, in li-
bro, quem de eo quod non est, inscripsit, tria sibi pro-
banda proposuit, In rerum natura nihil esse: si quid es-
set, illud minime comprehendere posse si id posset, saltē
alios doceri non posse: contra quem Aristoteles exar-
uit librum, qui nunc non extat. Anaxarchus Abderi-
tes, & Monymus, omnia umbratilibus lineamentis si-
mila esse dicebant; & eos qui ista apprehendere co-
nantur, parum differre ab insipientibus & somniantibus.
Xeniades Corinthius omnem sensum, phantasiam,
opinionem, & intelligentiam falsam esse persuadere
conatus est. Denique, ut Theodorum cognomento
Atheum, Pyrrhonem, Timonem, & alios omittam, Ar-
cesilas, cum Metrodoro Chio, nihil penitus hominem
scire docuit, hoc etiam ipsum, quod nihil sciret, quod
tamen Socrates sibi rel querat. Qui fortasse horum
opinionem, iam veterum Academicorum, & Peripate-
ticorum

ticorum doctrina existētiā , ideo in lucem reuocauit, vt illam tam magnā, atque certā omnium rerū comprehensionem euēteret , quā Zēno Academiæ desertor prædicabat. Quare Arceſilas, qui princeps scēpticæ Academiæ ponitur , non fuit huius doctrinæ auctor, sed pōtius innouator. Quid autem de Socrate, cuius auctoritatē se Arceſilas tuebatur, sentiendum sit, sequenti fundamento explicabo.

S E C V N D V M fundamentum, Socratis & Platonis temporibus, ut primo libro docuimus, multi extiterūt Sophistæ, qui omnia se scire, ac docere posse profitebantur ; cū tamen parum, vel nihil scirent : contra quos Socrates & Plato , Philosophiæ conseruandæ , & recte tradendæ studio, bellum susceperunt ; atque aliam disputandi rationem ab ea qua illi utebantur diuersā introduxerunt . Sophistæ enim suæ scientiæ opinione inflati, in conuentu poscere solebāt quæstionem, idest iubere dicere , quā de re quis vellet audire : & cū is qui audire uolebat, proposuisset, gratia exempli, voluntas mihi summū bonum videtur , qui quæsiuerat , perpetua oratione contra disputabat . At verō Socrates & Plato, ut istos luderent, percuntando & interrogando , elicere solebant eorum opiniones ab illis quibuscum agebant, ut ad ea quæ respondissent, dicerent : quem morem a posterioribus neglectum, Arceſilas reuocauit, vt ij qui se audire uellent, non de se quærerēt, sed ipsi dicerent, quid sentirent : quod cū dixissent, ille contra; sed qui audiebant , quoad poterant defendebant sententiam suā . Hanc etiam consuetudinem retinuit M. Tullius, ut ex hoc eius loco, vt alios missos faciam, intelligi plane potest, Fiebat autem ita, vt, cū is qui audire uellet, dixisset, quid sibi videretur ; tum ego contradicerem . Hæc est enim, ut sci, vetus & Socratica ratio, contra alterius opinionem ita differendū . Nam ita facile , quod verissimilimum esset , inueniri posse Socrates arbitratū . Vt autem illam procacem, & arrogantem philosophandi sophistarum rationem faci.

Tul. li. 2
de fin.

Tul. 1.

Lib. I.
Acad.

In Brut.

Cic. I. 4
orat.

facilius refelleret, se nihil scire per ironiam dicebat, & quid ipse sentiret, non indicabat: sed qui cum eo agebant, ex eius disputationibus, quid de re proposita tenendum esset, poterant cognoscere; atque ita alijs iudicium relinquebat. Hic, ait Varro, in omnibus fere sermonibus, qui ab illis, qui illum audierant, perscripti varie, copiose sunt, ita disputat, ut nihil affirmet ipse, refellat alios. Illam Socratis ironiam laudat apud Tulliū Atticus, Est enim & minime inepti hominis, & eiusdem etiam faceti, cū de sapientia disceptatur, hanc sibi ipsum detrahare, eis tribuere illudentem, qui eam sibi arrogant: vt apud Platonem Socrates in cœlum effert laudibus Protagoram, Hippiam, Prodicum, Gorgiā cæteros; se autem omnium rerum inscium fingit, & rudem. Eandem Socratis consuetudinem refert Tullius in Lucullo, & hanc ob causam, quod parum de sua doctrina sentiret, & soli Deo sapientis nomen conuenire putaret, Apollinis oraculo, Hominum sapientissimū, iudicatum fuisse quidam volunt. Sermones autem illi de quibus facta est mentio, apud Platonem, & Xenophontem Socratis discipulos extant: in quibus illa differendi forma, de qua diximus, obseruari potest. Vt autem Socrates id quod volebat facilius efficeret, physiologiæ studia, vel quod tunc essent valde incerta, vel quæ ei minus vtilia viderentur, reliquit, & ad morum doctrinā se totū contulit, atq; adeo suos sermones consumebat in hominibus ad virtutis studium cohortandis. Quem solitum dicere aiunt, sibi perfectum opus esse, si quis satis esset concitatus oratione sua, ad studium percipiendæ, cognoscendæ virtutis. Quibus enim id esset persuasum, ut nihil mallent se esse, quam viros bonos, his reliquam facile esse doctrinā. His Socratis monitis pleni sunt Xenophontis libri, & Platonis de moribus & virtutibus disputationes. Locus ad hoc demonstrandum illustris est in Clitiphone, vbi ita scribitur, E-
quidem cum tecum essem sæpenumero, Socrates, valde commotus sum, cum te dicentē audirem, mihiq; pæ-
cherri-

cherrime omnium dicere visus es; cum ad homines ob iurgandos, velut e tragica machina, Deus aliquis repente exclamares, quo præcipites ruitis homines? & quæ ibi sequuntur. Quin etiam, ut id efficeret, artificum officinas adhibat, & vnam uirtutem acquirendam, atque colendam esse dicebat. Disputasse tamen nonnihil de rebus Physicis ex iisdem scriptoribus colligitur. Atque eandem non obscure philosophandi formam eius discipulus Plato retinuisse videtur: qui tamen, ut dogmaticus multa ex sua sententia statuit, ut supra docuimus. At vero qui post Platonem consequuti sunt Academici, & Peripatetici, in rebus dubijs & obscuris definiendis, ab illa simplici, & modesta philosophandi ratione recesserunt, & quasdam sententias tanquam ratas & firmas, non tam ob rationum momēta, quam ob auctoritatem, ab ijs qui se audiebant, haberi voluerunt, quas Græci *κρίσις δόξας* vocant. In quo potissimum peccatum fuit a Zenone, qui omnia nobis comprehendere posse existimauit; ac proinde indubitatam assensionē omnibus esse præbendam: & ita plus humanæ scientiæ, quàm pauca comprehendit, & multa sola opinione attingit, tribuisse videtur, quamtribuendum erat. Atque contra hos noui Academici, Arcesilas, & Carneades insurrexerunt, quorum sententias supra explicuimus, cum de Academicarum varietate egimus.

TERTIVM fundamentum, rem aliquam a nobis comprehendere, duobus modis intelligi potest: primo, quod ita intelligatur, ut nihil eius nos fugiat, & omnia quæ de ea sciri possunt, per rationes certissimas cognoscamus: & si de hoc comprehensionis genere loquamur, quod potius Deo, quam homini conuenit, vere cum Tullio dicere licebit, Angusti sensus, imbecilli animi, breuia curricula vitæ. Quis enim ignorat, non esse talē ac tantam humanæ intelligentiæ vim, ut in intimas rerum naturas penetrare, & omnia perlustrare queat? atque ita omnes, vel vnius rei, causas peruidere? Altero modo comprehensio sumi potest, pro certa atque fir

Lib. 1.
Aca. 99.

ma notitia, aliquarum causarum, proprietatum, effectuumque multarum rerum, de quibus in scientijs, & artibus agitur, ita ut non solum probabiles, sed etiam certæ eius, quod cognoscitur habeantur rationes: & hanc comprehensionem, dum de quibusdam rebus firmissimis rationibus Tullius disputat, non negasset, ut planius postea docebo: quamvis dum pro novis Academicis disserit, ut planius calumniatores refellat, se probabilibus contentum esse, doceat: quibus, quicquid aliqui dicant, etiam qui sapientes videri volunt, possunt esse contenti: cum pauciora sint, quæ perfectis demonstrationibus tenentur, quam quæ rationibus topicis. Adde etiam, quod ideo fortasse Tullius illas ratas aduersariorum sententias non approbavit, ut cuius ipse vellet, ei liceret sequi doctrinam, ne præiudicata alicuius magistri opinione, ad veritatem melius inuestigandam, quod sane suo disputandi genere efficiebant Academicis, sibi præcluderetur via; ut aliquando ipse plane dixit, & ut id alij cauerent, præmonuit. Atque eandem distinctionem de assensione faceres: nam pro ratione iudicij, quo res apprehendimus, vel attingimus, maior vel minor esse debet assensio; quæ magis, vel minus adhibenda, vel sustinenda erit, vel circa prima principia, vel circa decreta, conclusionesve, quæ in aliqua sunt scientia. Sed iam quid in re proposita tenendum sit, quibusdam dictis plane doceamus.

PRIMUM dictum, Tullius non fuit in sententia eorum, qui ita philosophabantur, ut nihil omnino sequerentur, & nihil determinate tenerent. Hoc ipse Lib. 1. de leg. expresse docuit, cum de obrectatoribus suis loquendo dixit, Quibus vellem satis cognita esset nostra sententia. Non enim sumus ij, quorum vagetur animis in errore, nec habeat vnquam quid sequatur: quæ enim esset ista mens?

SECUNDUM dictum, Tullius non sustulit assensionem quæmcunque. Quoniam, multis de rebus de quibus disseruit, iudicium tulit, & aliquid sibi sequendum

dum statuit, probabiliter saltem. Ideo damnare solebat Epicurum, qui Dialecticam, cuius beneficio vera a falsis discernuntur, & de rebus iudicatur, contemnebat. Nec grauiter peccauit, cum dixit, Sapientem debere esse contentum probabilibus, cum non erret, qui in rebus obscuris probabilia sectatur.

TERTIVM dictum, M. Tullio placuit ea philosophandi ratio, quæ non est addicta alicui disciplinæ, sed id sequitur, quod magis cum ratione congruere videtur: quam qui non sequitur, ut alibi docuimus, non recte facit: atque etiam ea, quæ in utranque partem de rebus dubijs disputat, ut differendo, quid magis ad verum accedat inueniatur. Atque iuxta hanc explicationem eum Academicum fuisse, & quidē ex animo, ut ipse scribit, affirmari potest, & ex eius scriptis cognoscere licet. Non secus ac si quis nunc quarundā scholarum sententias, quas illæ pro ratis & certis omnino habent, cum tamen re uera non sint, eas pro ratis non haberet, sed sibi, relicta præceptorum auctoritate, liberum iudicium relinqueret, ut disputando inquireret, in vtram partem magis deberet inclinare: quod faciunt illi qui non habent pro rato quidquid Scotus, aut alius doctor dixerit. Ideo aliquando scripsit, cæteri primum ante tenentur astricti, quam quid esset optimum, iudicare potuerint: quibus, ut alibi docuit, eorum qui se docere profitentur, obest auctoritas.

QVARTVM dictum, non est credendum M. Tullio omnem veri comprehensionem negasse, sed eam tantum, qualem Stoici, & quidam alij se habere existimabant, & eam quam in rebus alias dubijs ponebāt. Nam absurdum omnino esse videtur de homine pererudito, in scriptis omnium pene Philosophorum versato, & Dialecticæ non ignaro, non vidisse quam multa argumentis firmissimis, a quibus nulla ratione dissentiri potest, stabiluerit: ut cum pro virtute retinenda, contra Epicurum disputat, cum animorum immortalitatem probat, cum efficacissimis rationibus Deū esse

Li. 1. de
Natura
Deorū.
In Luc.

In Luc.

contendit; unde cum ex rebus creatis hanc veritatem, demonstrasset, hæc verba subiecit, Quod qui dubitat, haud sane intelligo, cur non idem, sol sit, an nullus sit, dubitare possit. Quid enim est hoc illo evidentius? quod nisi cognitum haberemus, non tam stabilis opinio permaneret, nec confirmaretur diuturnitate temporis, nec una cum sæculis, ætatibusque hominum inueterare potuisset. Etenim videmus cæteras opiniones fictas, atque vanas diuturnitate extabuissse. Et alio loco, tanquam Academicus Dogmaticus loquendo dixit, Est enim & Philosophi, & Pontificis, & Cottæ, de dijs immortalibus habere non errantem, non vagam, vt Academici, sed vt nostri stabilem eertamque scientiam. Atque multa alia huc pertinentia ex eodẽ possent citari loca, quibus plane demonstrare liceret, multa pro veris & certis, ex eius sententia retinenda esse. Vbi unquã Aristoteles, tam plane, tamq; copiose docuit Deum esse, rerum omnium procuracionem habere, animos esse corruptionis expertes, in vna virtute summum huius vitæ bonum consistere, quæ ueritates sunt humanæ & ueræ sapientiæ fundamenta, vt M. Tullius fecit? Cur igitur obtrectatores non ita eum excusant, aut defendunt, vt Socratem, vt Platonem; cum ille plane dixerit, Se nihil scire, idque pro sua modestia, dicentes, eum aliquid statuisse, & assensionem non prohibuisse; cum idem de M. Tullio, & quidem multo certius, affirmare possint. Quis modestiam, hac in parte, in eo non agnoscat, qui de se hunc in modum loquitur?

Tusc. 2. Nec tamen quasi Pythius Apollo certa ut sint, & fixa quæ dixerò, sed ut homunculus vnus e multis probabilia coniectura sequens: vltra enim quo progrediar, quã vt verisimilia videam, non habeo: certa dent hi, qui &

In Luc, percipi posse dicunt, & se sapientes profitentur. vides, vt aliorum fastum socratico more damnat? Et alio loco, Neque nostræ disputationes quicquam aliud agunt, nisi in vtranque partem dicendo, & audiendo eliciant, & tanquam exprimant aliquid, quod aut sit verum,

aut ad id quam proxime accedat. Item, sed nescio quomodo plerique errare malunt, eamque sententiam, quam semel adamarunt, pugnacissime defendere, quā quid constantissime dicatur, exquirere. Dicendum itaque est, interdum vniuerse ea probabilia vocare, quæ tamen vera & certa sunt; vt inuidiam ijs conflet, qui plus iusto de sua doctrina sentiunt. Non tamen negauerim, interdum plane ea dixisse, quibus nouæ Academicæ causam tueri videtur: Quod mirum videri nō debet, cum a calumnia illa de qua initio diximus, se purgare vellet; quæ ad Academicos libros scribendos eum impulit. Sed de M. Tullij consilio atque sententia hæc dicta sufficiant; cum fortasse plura dixerim, quam instituti operis ratio postulabat. Quod si ex professo de suscepta hypothesi scribere voluisssem, plane demonstrasssem, nihil necesse fuisse, vt aliqui, hominem admirabilem, & vt Lactantius loquitur, perfectum sum mumque philosophum, & Romanæ philosophiæ prin- Angel, cipem, atque Latinum Mosen, ac proinde perpetua Decēbr, gloria dignum, sibi impugnandum ex professo sume- lib. 1. rent, in ea præsertim re, in qua nihil, aut certe parum par. 7. peccauit.

AD extremum, addere placet quid de totius Academicæ consilio atque progressionē aliqui sentiendum esse existimarunt. Cum ergo Zeno ab Academia defecisset, & falsas quasdam opiniones inuexisset, vt quod animæ sint corporatæ, mortales, nihil inueniri quod Plut., mole careat, nihil in mundo fieri nisi per corpus, & de- lib. con. nique Deum esse corporeum, & in eum omnia aliquā- traStoic. do casura consumi; cui solam singularem tribuit noti- Sen.ept, tiam, cum hæc sola esse putauerit, & vniuersalia nega- 117, uerit; hæc animaduertens Arcesilas, & acute prouidēs turbam ad falsas opiniones capescendas esse pronam; propterea potius dedocere, quam docere, instituit, negando interim aliquid sciri posse, si omnia essent corporea & singularia: & ita veram Academicæ doctrinam occultari voluit, quam postea Carneades, cum videret

Stoicos iam esse fractos, referare cœpit, verisimilia cōcedendo. At vero cum Philo quartæ Academiæ caput iam Stoicos plene profligatos videret, dogmaticam & nouam academiam nihil inter se differre plane docuit: & qui ei successit adhuc apertius idem fecit Antiochus, palam docendo veritatem comprehendi posse; cū iam sublatam videret illam perniciosam Stoicorum doctrinam, quod nihil esset nisi corporeum, ad quam tollendam Academia ad incomprehensibilitatem, quasi ad quoddam amuletum confugerat. Tandem Academia noua domatica & platonica in Numenio Chironio, Apollopheane, Longino, & alijs reuixit. Nec ob aliā causam, Socrates contra omnes indoctos, vel superbos philosophos sui temporis in ytranque partem disputabat, & nihil differendo assererebat, seque nihil scire aiebat, nisi vt eorum fastum reprimeret, vt ex eius Apollogia cognoscere licet. Sed quidquid Academici senserint, eis ommissis, cum iam satis pro instituto de Philosophorum scholis, sectisque dixerimus, ad postremam nostri operis partem accedamus.

Libri Tertij finis.



INTRODVCTIONIS in vniuersam Philosophiam

LIBER QVARTVS;

In quo de recta philosophandi ratione agitur.

*Quam sit necessaria preparatio, siue institutio, ad
sapientiam acquirendam. Cap. 1.*

INTER alia Stoicę disciplinę errata, illud fuit sane turpissimū, quod existimauerit, quemcunque indifferenter, addiderunt Epicurei qui hac in parte Stoicos sunt sequuti, et mulierculas, absq; ullo delectu, & institutione ad philosophādū admittēdas esse; vt ex illustribus scriptoribus, & speciatim ex Plutarcho in libello, qui inscribitur, nō posse suauiter viui secundum Epicurum, & ex Lactantio Firmiano, colligere licet. Quam stultam sententiam, Possidonius, vt memoria p̄didit Galenus, & Seneca, alias vterque Stoicus, reiecerunt. Qui ad liberales disciplinas capescendas, in quibus Philosophiam ponunt, pueriles artes, quę nomine pædiæ ab Aristotele, & a Cicero ne appellatione litterarum designantur, necessarias esse docuerunt: vt etiam Plato varijs in locis, dum de corporum & animorum purgatione disputat, per quam,

D d 2 pædiam

Laer. in
vita Epic.
Cic. 2.
de fin.

Lib. 3.
diu. inst.
c. 25.
Lib. 9
mores
seq. cor
poris tē
per.
Epist. 88

Nicol. pædiam & præparationem ad philosophiæ studium in-
 Damas. telligit. Vnde quidam auctor, purgationem appellauit
 peregrinationem, & Philosophiam patriam, ad quam
 Plat. in fit perceptu facilis, ad eam percipiendam adhibenda
 Epist. ad erit aliqua præparatio, atque pædia, cum non quoduis
 Dion. ingenium, etiam bonum, possit ea percipere, quæ in
 scholis philosophorum traduntur, nisi ad eas aliquibus
 artibus instructum accesserit, ut Plato, Aristoteles, &
 ante eos Pythagoras sapienter docuit; ut ex Lycidis ad
 Clem. Hipparchum epistola constat: in qua fit mentio de qua
 Alex. dam Pythagoreorum consuetudine, qui cœnotaphia,
 lib. 5. hoc est mortuorum monumenta extruebant ijs, qui a
 Strom. Philosophia defecissent, aut eam temere diuulgassent.
 cant. Hanc eandem necessitatem planius exponunt diuinæ
 lib. 5. literæ, cum dicunt, Non esse dandum sanctum cani-
 var. bus, in animam maleuolam non intrare sapientiam, &
 lect. c. sapientiæ initium esse timorem Domini. Possem hoc
 12. loco multos ex sacris scriptoribus in medium afferre
 Mat. 7. ad eandem rem confirmandam, quos sciens omitto, cū
 Greg. in libris diuinarum Institutionum contra nouos hære-
 Nazl. ticos, Epicuri & Stoicorum errorem sectantes, eos ci-
 orat. in tauerim. Eandem necessitatem demonstrare liceret, ex
 sanc. lu- eo, quod beatæ illæ mentes, quas intelligentias & An-
 mina. gelos vocamus, ad maiora quædam intelligenda purga-
 Dion. tione, & illuminatione egent, ut sacri Theologi com-
 Areop. muniter docent.

S E D peteret hoc loco aliquis, quænam sint causæ
 ob quas homines a pueris efficiuntur minus idonei ad
 percipiendam Philosophiam? Cui ex bonorum scripto-
 rum doctrina, & speciatim Platoniorum responderé,
 Chal. in ob duas. Prima est praua consuetudo in percipienda
 Tim. voluptate ex illis rebus, unde percipienda non esset, at-
 Plat. que molestiæ & tristitiæ timor earum rerum quæ ti-
 Arist. mendæ non forent. Quare, hoc pueri docendi essent,
 lib. 2. honestos labores non fugiendos, sed voluptatum ille-
 eth. c. 2. cæbris ac titillationibus præferendos esse. Atque vtinā
 hoc

hoc animaduertent, & exequutioni puerorum institutores mandarent: Altera domestica viuendi ratio parum honesta, a qua pueri facile corrumpantur, etiam si bona sint indole præditi; dum deprauatas viuendi rationes videndo, id faciunt, quod vident, & id dicunt, quod audiunt: quo etiam referres, minus honestas picturas, & librorum impudicorum lectionem. Hoc itaque tetro veneno teneri animi inficiuntur, qui candido puroque lacte bonæ vitæ imbuendi erant. Huc faciunt hæc propemodum diuina Iuuenalis carmina, quæ non modo memoria, sed etiam maxima sunt admiratione digna.

*Nil dictu fœdum, visuque hæc limina tangat,
Intra qua puer est, procul hinc, procul inde puella
Lenonum, & cantus pernoctantis parasiti:
Maxima debetur puero reuerentia.*

Et cum elegantissime atque acerrime redarguisset eum qui pauimenta, parietes, & vniuersam domum purgat, cum hospitem domi est excepturus, tandem hunc in modum concludendo, ait.

*Illud non agitas, ut sanctam filius omni
Aspiciat sine labe domum, vitioque carentem?*

C A V E N D U M itaque omni studio est, ne vlla ratione adhuc puræ puerorum mentes inficiantur, curandumque ut honestos suscipiant labores, & ut voluntatum malarum vitent illecebras.

O M N I S autem purgatio, partim consistit in remotione eorum quæ corpus animumque inficiunt, partim vero in vsu earum rerum quæ vitamque hominis partem iuuare quæunt: vnde alia corporis, alia animi purgatio. Puerorum ingenia ratione corporis potissimum vitari solent nimio cibo, atque sono immo dico: quibus rebus ita interdum corpora mutantur, ut non videantur eadem. Ratione animi, si omni careant honesta delectatione, & perpetuo sint animo tristi, atque mesto. Huc referres ea quæ de vsu gymnasticæ, & musicæ, quo etiam nomine poetica intelligi potest, do-

cet Plato, in quibus pueros exerceri volebat: ut ad labores suscipiendos corpus assuefiat, & aliqua honesta oblectatione animus relaxetur. Sed hic cauendum est, ne dum puer eas exercet artes, atque ijs versatur in rebus, quibus animus & corpus purgantur, & ad maiora studia præparant, nimio alicuius inferioris artis amore, aut oblectatione capiatur, ut in ea hæret, aut ad eam omnia accommodare, aut sæpe redire velit. Etenim, ut sæpe experientia didici, poeticæ artis oblectamenta, & suaves musicæ voces, ijs qui illis nimium sunt delectati, plurimum detrimenti attulerunt, & a recta philosophandi ratione, atque a progressu in sapientiæ curriculo

Lib. 3. de cæl. retardarunt. Ob hanc causam, ut Aristoteles scriptum reliquit, minus bene Timæus & Plato philosophati sunt, quod nimis mathematicis disciplinis oblectarentur, & ad eas res physicas accommodare voluerint.

Lib. 5. de rep. Etenim, ut ipsemet Plato aliquando scripsit, non in Geometriæ quæstionibus, non in argumentosa Philosophia, non in coniecturali Musica, neque in Astrologia, quæ physicis rationibus, fluxisque ac verisimilibus clauditur, sed in ipsius boni verique scientia (Dei nimirum) philosophus versari debet.

Ad eandem purgationem atque præparationem proxime refertur Grammatica, & Rhetorica, ac etiam multo magis Logica, siue Dialectica, quam Plato interdum philosophiæ instrumentum appellat, interdum vero eandem facit cum prima Philosophia, quam Metaphysicam vocamus; & ita nomine Dialecticæ, ut nonnulli Platonici volunt, diuina designatur Philosophia.

Ficin.

Maz.

Phædr.

Phædo.

Philop.

2. Phys.

Sed cur Plato aliquando dialecticam instrumentum, aliquando vero Philosophiæ partem vocat? Respondent aliqui, vocare instrumentum, ut est auxilium a rebus: philosophiæ vero partem, ut est cum rebus coniuncta. Etenim ad philosophum constituendam duo sunt necessaria, materia & forma, res nimirum & modus cognoscendi: & quia, ut Philosophus docet, denominatio fit a forma, ideo philosophia quæ res exhibet,

vocatur

vocatur Dialectica, quæ formam, methodumque rerû cognoscendarum & tractandarum præbet. At cur magis prima Philosophia, quam alia pars? Respondent aliqui, quia illa est finis totius philosophiæ, & omnes philosophiæ partes vniuersè complectitur: & cum Dialectica speciatim referatur ad diuinam Philosophiam, quæ est vniuersalissima scientia, & aliarum finis, ideo ei priuatim hoc nomen tribuitur: vt omittam quod magis dialecticæ præceptis indiget.

Ex quibus colligere licet, ex sententia Platonis, nõ modò eas artes quas diximus, esse veluti ancillas Philosophiæ, sed etiam Physicam præparare animos ad scientiam diuinam, quæ speciatim Philosophiæ nomê meretur, ac sola esse videtur Philosophia: cum omnes res creatæ quas naturalis scientia tractat, sint veluti vmbre quædam, & scintillæ quæ nos ad supremi entis notitiam ducunt, quam prima Philosophia tradit. Philosophia enim apud Platonem illa censetur, quæ nos cum diuino numine coniungit. Atque ex dictis colligeres, omnem purgationem ex Platonis sententia in tres partes esse distributam; in eam quæ impedimêta remouet, in eam quæ præparat, & in eã quæ dirigit.

ARISTOTELES autem, eandem rem sub nomine pædiæ, ut supra diximus, varijs in locis exposuit: cæterum quid nomine pædiæ significare voluerit, non eodem modo ab omnibus intelligitur. Aliqui per pædiam, quandam confusam notitiam intelligendam esse existimarunt: alij Logicam particularem, seu modum procedendi in particularibus scientijs, vt Auenroes, & qui eum sequuntur: alij experientiam designari putarunt: alij miscellam quandam ex istis omnibus constitutam: alij denique hoc nomine Platoniam purgationem in eas partes distributas, quas paullo ante attulimus, intelligi volunt, quas varijs in locis Aristoteles tradidit. Et quod attinet ad illam quæ remouet impedimenta, vitia nimirum & animi perturbationes, eã indicauit Aristoteles in Ethicis, vbi sectactorem suarû

Se&.30.
prob.vl.
Tex.49.

affectionum ad scientiam morum capeſcendam ineptū eſſe dixit: qui proſecto, nec ſcientiam in veritatis inſpectione poſitam, ob mentis perturbationes, facile perciperet: vt alio loco idem luculentiffimis verbis demonſtrauit, ac etiam Themiftius in librum primum de anima; vbi ait, Mentis opus eſſe quieti, quam agitationi ſimilius: ac proinde abſtemios purgatiuſ & vibratiuſ, quam temulentos cognoscere: & noctis ſilentio, quam interdium, & corpore inoffenſo, quam perturbato, & in ſenectū ætate, quam in iuuenta veritatem videri. Vbi concludendo ait, Motus itaque alienior eſt ab animæ natura, quam ſtatuſ. Huc facit quod Græci ſcientiam *ἐπιστήμην*, a *σῆναι*, hoc eſt, ſtare dicunt. Et cum ſcientiarum abſolutio in iudicij perfectione conſiſtat, & iudiciuſ animi perturbationibus maxime impediatur, proſecto ad recte philoſophandū ea erit opus pædia, quæ animum a vitijs purgat.

QVOD vero attinet ad pædiam dirigentem, hæc
 consistit in quibusdam artibus, quæ Philosophiam an-
 tecedunt, quas humanas appellât, quod eas ex vniuer-
 sis animantibus vnus homo possidere queat: quarum
 Gel. lib. artium complexum Græci pædiam solent appellare.
 13. c. 15 In quo genere non solum illæ quæ liberales vocantur,
 sed etiam Historica, quam nonnulli Grāmaticæ subij-
 ciunt, contineatur; quam sæpe Philosophia supponit: sine
 cuius notitia, multa Philosophorum loca recte intelligi
 nequeunt, & interdum in rebus ad Philosophiam per-
 tinentibus erratur; vt ijs contigit, qui Hebræorum
 historias non viderunt. Ob hanc causam interdum
 I. ad. Vi. lapsus est Auenroes in Aristotele explicando, vt cum
 lib. 3. de Pythagoricos Philosophos distinxit ab Italicis, cum sint
 caus. cor. iidem; & cum pro sectatoribus Heracliti, posuit Her-
 art. culeos, nisi forte eius codex est mendosus. Inter cæte-
 Lib. 1. ras artes, quæ ad pædiam dirigentem pertinent, princi-
 phyfi. t. pem locum obtinet Logica, ut ex varijs locis Aristote-
 7. li. 4. lis cognoscere licet: ob cuius ignorantiam, quam in-
 Met. lib. experientiam, & apædeusiam uocat, sæpe errarunt an-
 tiqui:

tiqui: interdum etiam modum sciendi appellauit, per quem cognoscimus qua ratione argumentis assentientum sit, & quæ rationes in vnaquaque arte quærendæ. Hæc enim est veluti regula, qua, an omnia recte constituta sint in scientijs, iudicandum est. Cæterum nomine pedia, interdum Aristoteles eum habitum intelligit, quo natura alicuius artis, scientiæve continetur, & explicatur: cuius explicatio ad ea quæ sunt scientiæ subiecta recte intelligenda, est optima pedia. Qui itaque Logica instructus ad scientias accedit, iudicare poterit, de definitionibus, & demonstrationibus, quid quantunque ualeant, & qua ratione in quacunque scientia procedendum, & demonstrandum sit; cum ipsa sit veluti scientiarum amussis atque criterium, ut alibi docuimus. Est autem criterium facultas illa animi qua de ratione procedendi, definiendi, demonstrandi iudicamus, dum demonstrationum nométa, formam, atq; materiam perpendimus. Hæc iudicandi vis non est tota posita in sensu, vt Epicurus voluit, licet sensuum iudicium non sit spernendum, cum sit omnis humani iudicij fundamentum, vt ex nonnullis Aristotelis locis intelligimus, sed debet esse cum ratione cõforme, atq; connexum. Ratione itaque cum sensu consentiente, omnia iudicanda ac metienda sunt: & tunc perfectum fiet iudicium, cum ad id quod est rationi, aut sensibus manifestum, fiet resolutio, cum nostra cognitio ortum habeat a sensibus. Atque huiusmodi rationis, & sensuum consensionem varijs in locis approbat Aristoteles. Et licet sensuum iudicium pro certo haberi debeat: tamen quia sensus interdum ob impedimenta, non recte obiecta percipiunt, vel quia non omnia quæ sub intelligentiam cadunt, attingunt; ideo eorum iudicium est corrigendum, & aliter interdum iudicandum, quam ipsi iudicant; ut cum parallela cernimus, & rem distantem inspicimus, & antipodas consistere non posse, si sensus spectetur, existimamus. Vnde colligeres, aliquod fieri posse & debere iudicium sine sensuum

2. Met.
Lib. 1.
eth. c. 2.

Li. 1. de
part.

Lib. 8.
physic.
Li. 3. de
gen. an.

Li. 1. de
cæl. t. 22
Lib. 2. t.
72.
1. de his.
an. c. 6.
Phil. lib.
7. cont.
Procl.

suum ministerio, vel in eisdem omiſſa resolutione.

Sim.
Port.
Iac.
Maz.

QUOD attinet ad pædiam præparantem, aliqui existimant hoc nomine designari rudem quandam notitiam eorum, quæ in aliqua scientia tractatur, quæ sine grauioribus probationibus & disputatione, & absque cauſarum assignatione, simplici pædia traditur; faciliores nimirum libellos, qui foras dantur ad parandos lectores ad maiores artes, & ad exactius tractandas disciplinas: & huc aliqui pertinere putant eos libros, quos Aristoteles exotericos vocat, quod essent veluti Isagoges ad libros accuratius scriptos. Et quamuis ex Platonis sententia, omnes Philosophiæ partes sub pædiæ nomine contineri possint, quod ad diuina intel ligenda nos præparent: tamen phisici & mathematici libri ex Aristotelis opinione, non sunt collocandi inter libros ad pædiam pertinentes.

Faber
Stap. in
li. 1. eth.
1. Phys.
t. 2.
1. Ethic.
c. 3.

ET ut hunc locum concludam, iuxta Aristotelis doctrinam, hæc assignantur pædiæ capita. Primum continet purgationem a vitijs. Secundum, Logicæ rudimenta, & isagoges. Tertium ordinem doctrinæ, ita ut a notioribus semper inchoandum sit: Quartum, ut suo quæque loco tradatur, & quæ sunt inter se affinia: Quintum, in vnaquaque re explicanda, illas esse quærendas, & requirendas rationes, quas subiecta materia requirit: Sextum, ea solum tractanda esse, quæ cum re de qua agitur sunt coniuncta, non extrinsecus accersita; & ut nihil est omittendum quod rem contineat, ita nihil superfluum addendum: Septimum, non omnium cauſas esse quærendas, sed quædam notiora, ut sunt principia, sensu, experientia, communique notitia, & inductione esse probanda: in quo peccant, qui de principijs, & rebus notis tragedias excitant.

CONCLVDAMVS igitur, non quoscunque, sine vlllo discrimine, ad diuina Philosophiæ studia esse admittendos, sed idoneos, & aliqua ratione institutos, atq; paratos: tū ex parte corporis, tū animi per remotionem eorum quæ impedimento esse possunt, & per
accessio-

accessionem earum rerum, quæ vel dirigere, vel iuuare queunt: ne temere, tanto opere suscepto, aut nullus, aut paruus in eo fiat progressus, & ne frustra tempus, operaque perdatur. Ob quam causam nos huius Institutionis scribendæ laborem suscepimus, ut Philosophiæ perdiscendæ, vel docendæ cupidos, ea doceremus, quæ ad tantum opus cum ratione aggrediendum scitu & paratu essent necessaria, atque ad recte Philosophandum viam indicarem, quod & hucusque fecimus dum, Philosophiæ & scientiæ naturam causas, partes, & munera explicuimus, & adhuc plenius in reliqua huius operis parte tacturi sumus; in qua priuatim de purgatione, vel pædia agentes, de recta philosophandi ratione agemus: a qua quantum nonnulli abhorreant, verè & subtiliter more suo, vt alios omittam, docuit Gulielmus Parisiensis initio primæ partis. de vniuerso, dum quosdam, inaniter, steriliter, deformiter, **Cap. 2.** stulte, impie, & contumeliose philosophari docet.

Traduntur nonnulla præcepta communia ad recte philosophandum pro Philosophiæ magistro.

Cap. I I.



Tres præclare, si conuenienter tractentur, & ad vnum traducantur, maximam vtilitatem afferunt; ita si quis eas perperam tractauerit, infructuose existunt; vt plerisque Philosophiæ studium esse consuevit. Quoniam igitur, non pauci reperiuntur, qui vel docendo, vel discendo non ita humanæ sapientiæ curriculum conficiunt, ut deberent, unde maxima, tum priuata, tum publica nascuntur incommoda; ideo in hac nostra Institutione huic malo medicamentum aliquod nobis adhibendum esse iudicauimus: cum ad eum qui instituit nihil magis pertinere videat, quàm recte agendi formam modumque præscribere.

Et quoniam eius, qui alios (præsertim Philosophiam

phiam profitentes) est instituturus maxima esse debet auctoritas & eruditio, quas duas res in nobis non esse libere fatemur; idcirco quæ daturi sumus præcepta, ea omnia ex aliquo graui scriptore sumemus: ac proinde qui quæ dicemus leget, aliquem virum eruditum, & dignum qui audiat pro magistro habebit.

QVAMVIS autem de re proposita latissime agi posse non ignorem; tamen cum breuem Institutionem conficiendam mihi proposuerim, quæ multis dici potuissent, in hæc pauca capita hoc ordine conferam.

PRIMUM, nonnulla præcepta monitave tradam omnibus magistris communia: deinde quædam priuatim accommodata ad Christianum Philosophiæ professorem: postea quibusdam alijs præceptionibus discipulos scholæ philosophicæ instituiam: denique quam turpe sit solis verbis philosophari demonstrabo. Quod igitur ad primum attinet, has trado admonitiones.

Cic.in
Lucul.

PRIMA, cum finis sit omnium rerum agendarum ratio, qui philosophando nihil peccare volet, is semper Philosophiæ finem ob oculos habeat, quo omnes suos conatus referat. Qui sit Philosophiæ finis, supra ex bo-

Vide
Stob.in
eclog.
mor.ca.
de fine.

norum Philosophorum sententia plane docuimus, veritas nimirum, & per sui rerumque cæterarum notitiam, Dei omnium rerum parentis cognitio, eiusdemque similitudo, & ad eundem reditus. A quo fine qui aberrant, in unum laborant, seipsos decipiunt, & alijs seduculos præbent, atque præstantissimo maximoque Dei manere abutuntur: denique ijs priuantur fructibus, & voluptatibus, quas hoc diuinum studium, secum af-

Diodo.
Sic.
Pet. cri.

ferre supra docuimus. Quod ad veritatē attinet, olim Chaldæi & Gymnosophistæ adeo fuerunt veritatis studiosi, ut sapientes, qui ter in mendacio fuissent deprehensi, perpetuo silentio mulctarent. Quod si Plato, ut quidam scripsit, in istorum schola versatus esset, in hanc pœnam incidisset: & si hoc tempore, quo passim docti, atque indocti scribunt, ista lex vigeret, multi profecto

Beccan. tacerent. Olim inter generosos viros comprehensus

in mendacio, capite minuebatur, & aliorum consortio indignus habebatur. Admonitio quidem facilis, atque cuique notissima, quæ utinam, ita ab omnibus obseruaretur, ut est omnibus in promptu, & quantum ex eius neglectu nascatur malorum omnes intelligerent. Ut autem hunc finem prudens Philosophiæ magister consequi facilius queat, insequentes obseruabit admonitiones.

SECUNDA, ut Philosophiæ bonum, a bonis Philosophis donum fuit existimatum diuinum, ita qui illud pro dignitate tractare voluerit, nunquam se ad docendum, vel studendum conferat, quin prius, vel expresse, uel tacite diuinum imploret auxilium; id quod Plato, M. Tullius, Isocrates, Phocillides, & omnes meliores Philosophi faciendum monent, feceruntque. Ab Ioue Musarum primordia, Tullius loquitur, sicuti in Aratio carmine posui sumus. Quia nunc itidem ab eodem, & a cæteris dijs immortalibus nobis agendi capienda primordia. Huc facit quod aliqui de C. Cæsare scribunt, solitum fuisse de nocte surgere ad orandū Mercuriū, ut sibi sapiētiam tribueret.

In Tim.
Li. 2. de
leg.
Isoc. ad
Demō.

TERTIA, quoniam a proposito fine, nihil est quod magis sapientiæ professorem reuocare soleat, quam turpis lucri & inanis gloriæ cupiditas, atque iactantia, quibus vitijs, omnes laborarunt Sophistæ, hoc est, Philosophiæ corruptores, ut supra de eis agendo ex Platone docuimus; propterea, hæc potissimum vitia, honeste philosophari volenti, vitanda erunt; cum ex his fontibus omnis emanarit Philosophiæ, & Philosophorum vituperatio. Quantum autem vitanda sint, ex ijs est manifestum, quæ supra de utilitatibus Philosophiæ agendo docuimus. Sed hac de re infra latius dicetur.

QUARTA, cauendum est, ne quid temere, aut false dicatur; & si quid dictum fuerit, ne pugnacissime ostentationis causa defendatur. Quid est, inquit M. Tullius, temeritate fortius? aut quid tam temerarium, tanque

Lib. 2.
Acad.
99.

tanque indignum sapientis grauitate, atque constantia, quam aut falsum sentire, aut quod non satis explorate perceptum sit & cognitum sine vlla dubitatione defendere? Et alio loco, Sed nescio quo modo plerique errare malunt, eamque sententiam, quam adamauerunt pugnacissime defendere, quam sine pertinacia, quid constantissime dicatur exquirere. Item alibi, cum de vitijs in cognoscendo fugiendis ageret, vnum, inquit, ne incognita pro cognitis habeamus, hisque temere assentiamur. Quod vitium fugere qui volet, (omnes autem velle debent) adhibebit ad considerandas res, & tempus, & diligentiam. Hanc admonitionem, si olim philosophi seruassent, ac etiam nunc seruarent, magis expeditum haberemus philosophiæ cursum, veritatemque magis explicatam, & sapientiæ studium minus odiosum.

Q V I N C T A, vt principia, ei qui philosophari vult, sunt ponenda, quod qui non faciunt perperam & temere philosophantur; ita diligenter cauendum est, ne quid semel pro falso principio statuatur. Quod principia sint in omni disputatione statuenda, & verbis & exemplo docuit M. Tullius: qui de legibus acturus, optima quædam posuit legum fundamenta; cuius nos vestigia in Tractatu de legibus sequuti sumus. Accedat etiam ratio, quia omnis nostra cognitio ex quibusdam primis principijs conficienda est: igitur illa priore loco ponenda erunt: quod cum multi non faciunt, perperam philosophantur. Et hanc admonitionem maxime animaduerti velim, cum tunc maxime

Arist. 1. scire dicamur, cum prima principia nouimus. Quod autem
phys. t. 1 tem in eis recte ponendis maxima adhibenda sit cautio, ex eo patet; quia hinc omnes in Philosophia nati

Arist. 1. sunt errores, quod male posita fuerint principia: & uno
phys. t. inconuenienti dato, multa sequuntur. Hanc admonitionem maxime obseruandam multis possem exemplis,
10. demonstrare, si hac in parte vellem late vagari: sed rei manifestæ suæ habeatur fides.

S E X T A, principijs constitutis, vnam in philosophando magistratam rationem habeat: rationes enim vt docet Plato, sunt philosophorum instrumenta. Huc pertinet ea regula, quam ex Platone depromptam dedit Clemens Alexandrinus, Nemini magis esse credendum, quam rationi, & ei quæ visa fuerit probabilior. Liberam igitur sequatur philosophandi rationem; ita vt potius sit opinionum selector, & æquus censor, quam sectator, qualem Aristotelem supra fuisse docuimus; ac proinde minus, quam alij errauit. Nunquam igitur tantum alicuius præiudicata possit opinio, vt etiam sine ratione valeat auctoritas. Nulla, inquit Tullius vincula te impedian, vilius certæ disciplinæ: libera ex omnibus quodcunque te maxime specie veritatis mouet. Et quamuis Philosophiæ professorem eum esse velim, qui cum Lyrico dicere queat,

Tuf. 1.

Nullius addictus iurare in verba magistri.

Lib. 1.

N O N tamen tantam ei libertatem darem, quam tam ille sibi sumpsisse significauit, cum dixit,

epist. 1.

Quo me cunque rapit tempestas, deferor hospes.

I L L V D vero nunquam sibi fas esse dicat, quod se facere idem aiebat,

Et mihi res, non me rebus summittere cogor.

S E P T I M A, vt facilius latentem veritatem inueniat, disputationē in vtramq; partem adhibeat; qua philosophandi ratione, præter alius, vsus est Aristoteles, eandemque approbavit Tullius, cum hunc in modum scripsit, Itaq; mihi semper Peripateticorum Academicæque consuetudo de omnibus rebus in contrarias partes differendi, non ob eam causam solum placuit, quod aliter non posset, quid in vnaquaque re verisimile esset, inueniri; sed etiam quod esset maxima dicendi exercitatio, qua princeps vsus est Aristoteles, deinde eum qui sequuti sunt. Is enim primum philosophiam docebat: postea suos discipulos in dicendi ratione, vt supra scripsimus, exercebat: Quod si nunc fieret, meliores haberemus Philosophos, & sapientiam
cum

Cic. lib. de perf. orat. cum eloquentia coniunctam : quarum perpetuum deberet esse consortium: ne sapientia sine eloquentia sit muta, & eloquentia, sine sapientia, stulta. Vnde illa sine dubio maxima extaret utilitas, vt, siquid litteris mandandum esset, id facile conuenienterque fieret: sed describendi ratione inferius. Ad confirmandam allatā

Lib. 3. Met. tex. 1. admonitionem, facit hic illustris Aristotelis locus. Est autem, inquit ipse, operæ pretium aliquid facultatis habere volentibus, bene dubitare: nam posterior facultas, solutio eorum est, quæ ante dubitata fuerunt; & quæ apud ipsum sequuntur.

S E D hoc loco ea cautio adhibenda est, ne qui cum utilitate docere vult, sit in disputando nimius, aliam ex alia disputationem colligendo, & nunquam finiendo; vt illi faciunt, qui omnia ubique & minima quæque sibi examinanda, & enucleanda putant: quod dum faciunt, discipulorum ingenia confundunt, & vna cum illis frustra tempus conterunt: vnde etiam sæpe exoritur inter ipsos magistros odiosa contentio, & vellicatio: quam philosophandi rationem Hieronymus Peripateticus, vt est apud Plutarchum, sapienter damna-

Lib. de audien. Lib. 1. offic. uit. Adhibeatur itaque in re alias utili modus, ne fiat inutili. Huc referres quarundam quæstionum obscurarum & difficilium, ac etiam non necessariarum vitatorem, quas declinandas esse prudenter admonuit M. Tullius.

O C T A V A, in disputando absteineat a citatione minutorum ac minoris auctoritatis scriptorum, ac etiā a multis multorum locorum citationibus, & a multitudine probationum, in rebus leuioribus, ac etiam in manifestis. Paucis itaq; rationibus & auctoritatibus esto contentus, cum pauca sufficiunt. Quid enim opus est in clara luce pluribus vti luminibus? aut vno, vel altero lætali vulnere inflicto, iam mortuum hominem pluribus velle conficere? Similiter, in citandis sententijs, illæ citentur, quæ aliquid stabilitatis habent. Qua autem ratione auctorum opiniones spectandæ sint, his verbis exposuit

Tuf. 5.

exposuit M. Tullius. Acute disputantis illud est, non quid quisque dicat, sed quid cuique dicendum sit videre: & rursus. Non igitur ex singulis vocibus philosophi spectandi sunt, sed ex perpetuitate atque constantia. Et quod ad hanc admonitionem facit, magis in veritate inuestiganda, quam in falsitate refellenda sibi elaborandum putet; cum hoc sit facilius factu: ideo Cicero aliquando dixit, Vtinam tam facile vera inuenire possem, quam falsa conuincere. Quod autem de minorum, vel etiam imperitorum auctoritate adhibenda diximus, id Tulij hæc pulcherrima nos docet sententia. Non pudet igitur physicum, id est speculatore venatoremque naturæ, ab animis consuetudine imbutis petere testimonium veritatis: siquidem auctoritas parum mouet, nisi sit grauis.

Lib. 1.
de nat.
Deor.

Lib. 1.
de nat.
deor,

NONA, ita disputet, & aliorum sententias tractet, ut non tam quemquam conuincere, aut contentiose cum aliquo agere, quam veritatem inuenire velit. Verum, inquit Tullius, inuenire volumus, non tantumquam aduersarium aliquem conuincere. Et alio loco, Quamobrem differentium inter se reprehensiones non sunt vituperandæ: maledicta, contumelia, tum iracundia, contentionesque in disputando pertinaces, indigna mihi philosophia videri solent. Quam hominis Ethnici admonitionem, utinam nostri animaduertent, & obseruarent.

Lib. 1,
de fin.
eod. lib,

DECIMA, prompto animo candidoquæ ea quæ nouit doceat: & se in hunc finem didicisse putet, ut doceat. Si cum hac exceptione detur sapientia, inquit Seneca, ut non communicem, quid est, ut tanti sudem & æstuem? Et quis non communicet id, ex quo nihil per communicationem minuitur, sed potius augetur? Huc transferri potest quod ab Ennio dictum est,

Enn.
apud
Tul. lib,
1. offic.

*Vt homo, qui erranti comiti monstrat viam,
Quasi lumen de suo lumine accendat, facit,
Nihilominus ipsi luceat, cum illi accenderit.*

Ideo Sapiens de sua sapientia loquendo dixit, Quam

E c

sine

ne fictione didici, & sine inuidia communico.

Dist. 9. **ca. neq;** **Undecima**, ut bono magistro liberam, sed modestam facultatem damus ad id refellendum, quod minus verum in alijs notauerit; ita eum monemus, ut libenter ferat, si quid in ipso ab alio iure reprehensum fuerit. Huc pertinet quædam pulcherrima diui Augustini sententia, qua dicebat, salua honorificentia, se vel in alijs improbare, si quid a veritate alienū inuenisset: vbi concludendo ait, Talis ego sum in scriptis aliorum, quales volo esse intellectores meorum. Et M. Tullius, Philosophia nascatur latinis quidem literis ex his temporibus, eamque nos adiuuemus, nosque ipsos redargui, refellique patiamur. Quod, qui iniquo animo ferunt, ij certis quibuldā, destinatisq; sententijs, quasi addicti & consecrati sunt, eaque necessitate constricti, ut etiam quæ non probare soleant, ea cogantur, constantiæ causa, defendere. In rebus itaque probabilibus refellere sine pertinacia, & refelli sine iracundia parati sumus, ut idem ait. Hanc admonitionem vir nostra ætate sapientia & pietate insignis, sibi seruandam esse his verbis præscripsit. Sed rogatos omnes philosophos velim, ut si ad eorum manus hi libri aliquando peruenerint, eos legant, addant, minuant, mutant quidquid placebit: efficiant ipsi, quod a me præstari non potuit: doceant, quæ sit recta philosophandi ratio, ut tandem hac de re, quæ est non minimi momēti, omnes dissensiones hac ætate tollantur. Hæc ille. Hoc animo, qui sapientiæ studium proficitur, si erit affectus, nihil vnquam temere affirmabit, & si quid errauerit, errorem fatebitur suum; atque quod optimi & eruditi viri fecerunt, libere palinodiam canet; ne vnquam in eam reprehensionem incidat, qua contra Velleium Epicureæ sectæ defensorum vsus est M. Tullius, Quam bellum erat Vellei, confiteri potius nescire, quod nescires, quam ista nescientem nauseare, atque ipsum tibi displicere?

D. Aug. **Lib. 2.** **de nat. deor.** **Dodecima** & vltima admonitio, in qua de ratione scribendi, dicendique, quod attinet ad stylum atque

atque sermonis elegantiam, aliquid præscribere volumus, de qua re ita statuimus.

PRIMUM dictū, expediret profecto, ut Philosophus aliquam curam in eloquentia & puro sermone comparando poneret: ex qua diligentia hæ manarent utilitates non spernendæ. Prima, quia multo libentius audiretur, & legeretur, quod sanus negaret nemo; ac proinde auditores, lectoresq; suos ad hoc diuinum studium magis alliceret. Res vero bonas, inquit Tullius, verbis selectis, graniter, ornatæque dictatas, quis non legat? Secunda, multo facilius atque splendidius animi sui sensa aperiret, intelligentiamque exponeret: quod facere nequeunt, qui ob neglectum eloquentiæ studium, improprie, obscure, & spinose loquuntur. Tertia, eius scripta minus essent exposita calumnijs: ac proinde tolleretur occasio oblatrandi contra philosophos: unde interdum inter graues viros graues enatæ sunt contentiones; ut inter Barbarum & Picum, quorum vterque, dum suum voluit tueri studium, nescio an vterque pecauerit; de qua re alio opere me nonnihil dixisse memini. Ut hic omittam oblectationem illam, quam ex ornato sermone, is qui dicit, aut scribit, capit. Et sane, cum nemo sit qui eleganter, splendideque dicere nolle, cur etiam omnes qui hoc tenentur desiderio, in hoc curâ aliquam non ponunt? Quod qui faceret, insigniores imitaretur philosophos, Platonem, Aristotelem, Theophrastum, Plutarchum, M. Tullium, Prohæresium, cuius eloquentiam admirabilem fuisse scribitur, & ex recentioribus, Ficinum, Pontanum, vtrumque Picum, Politianum, Contarenum, Sadoletum, & Polū Cardinales, ut alios missos faciam: Et qui sibi non gloriosum putet, eos scribendo imitari, qui ab omnibus leguntur? Ponenda itaque est in eo opera aliqua, ut distincte, ut distribute, ut eleganter, ut ornate, quantum res ipsa patitur, scribamus; ne, quæ aliorum causa scribimus, quia omni delectatione carent, negligantur.

SECUNDUM dictum, quantum fieri potest, re-

Lib. I.
de fin.

Lib. 4.
de caus.
eloqu.

mouenda sunt a schola Philosophiæ barbara verba; & cū bonū ue bñ latina lingua suppeditat, quæ caussa est vt verbo non vtamur latino? & pro rerum notis, dicamus hecceitates: pro attributo, prædicatū: pro potestate, uirtualiter: pro re, realiter; pro intime, essentialiter, & idem dicas de alijs multis. Si uero non suppeditet, græca vtamur voce, vt cæteræ artes, Grammatica, Rhetorica, Medicina, & aliæ faciunt, vel si necessitas cogat, rebus præsertim nouis nascentibus, fabrice-

Lib. 1. mus noua. Dabitur enim, inquit Tullius, profecto, ut
Aca. qq. in rebus inusitatis, quod Græci ipsi faciunt, a quibus hæc iam diu tractantur, utamur verbis interdum inauditis. Vbi, noue, qualitates dixit, *ποιοτῆτες* Græcialibi equalitatem, græce *ἰσότης*. Et alio loco, Si
Li. 1. de Natura Deor. enim Zenoni licuit, cum rem aliquam inuenisset inusitatum, inauditum quoque ei nomen imponere; cur nō
Li. 3. de Fin. liceat Catoni? ubi etiam ait græcis uti oportere, ni
Eod. lib. verbum occurrat latinum. Item, quod si in ea lingua, quam plerique vberiore putant, concessum Græcis est, vt doctissimi homines de rebus non peruulgatis inusitatis verbis vterentur; quanto id vel nobis magis est concedendum, qui ea nunc primum audemus attingere? Parienda itaque sunt verba, imponendaque noua nouis rebus nomina: quod tamen non cuique concesserim, sed viris eruditis, & alias eloquentibus, qui congruenter fingent, & pro sua prudentia, atque modestia parce.

TERTIVM dictum, non est omnino succensendum Philosophis, si quibusdam vtantur verbis a comuni vltu remotis: quia, vt eleganter & vere docet M. Tullius, cuique arti, Dialecticæ, Physicæ, Geometriæ, Musicæ, & cæteris sue sunt voces propriæ; quæ artes sua artificia tueri non possent, nisi uocabulis vterentur nobis in cognitis, vsitatis sibi. Cum ergo omnibus artibus id concedatur, cur non magis Philosophiæ,

Lib. 1. quæ est ars vitæ? de qua disserens, arripere verba de
Aca. qq. foro non potest. Et alio loco, Dialecticorum quoque
 vrba

verba nulla sunt publica; suis vtuntur, & id quoque cōmune omnium fere artium, Quae prudenter alio loco dixit, vtendū esse verbo minus vſitato docendi cā.

QUARTVM dictum, nullius Philoſophi ſcripta contemnenda, aut reiſcienda ſunt, quātumuis parū nitida, atque latina, modo doctrinam contineant bonam. Hoc dixerim contra quōſdam qui plus iuſto ſtomachantur contra bonos, & alias celebres Philoſophos, quos minus nitide ſcripſiſſe vident, & plus in Philoſopho eloquentiæ & puritatis requirunt, quam pater eloquentiæ Tullius deſiderauerit: qui, cum de Philoſopho, Platonis & Ariſtotelis ornamenta negligente loqueretur, ita ſcripſit. Oratio me iſtius Philoſophi non offendit: nam & complectitur verbis, quod vult, & dicit plane quod intelligam: & tamen a Philoſopho, ſi afferat eloquentiam, non aſperner: ſi non habeat, non admodum flagitem. Acquiſceſcant igitur iſti, ſicuti & Cicero acquieſcebat: nec magis de verbis quam de rebus velint eſſe ſollicitos eos, qui magis res, quam verba quærunt, ac quærere debent. Et, vt cum eodem hanc rem cōcludā, rem opinor ſpectari oportere, nō verba.

*Traduntur alia praecepta pro homine Chriſtiano
Philoſophiam proſequire. Cap. III.*



HOMINI Chriſtiano priuata quadam ratione in Philoſophiæ ſchola verſandum eſſe, prudens, vt exiſtimo, negaret nemo: quod ſi hoc verum eſt, vt ſane eſt, proſecto non erit inutile priuatis quibſdam admonitionibus eum inſtituere, ne vnquam in philoſophando, hoc eſt in Deo ſequendo & imitando is erret, qui priuatam de rebus diuinis diuinitus habuit notitiam: cum, vt quidam e Diadoch. noſtris ſcripſit, Nihil ſit egentius ea mēte, quæ de Deo extra Deum philoſophatur; vt ea certe facit, quæ Deū non ſequitur, quæ cum Deo non eſt coniuncta. Vt igitur

tur Christianus Philosophus, qui maiore est illustratus lumine, minus in philosophando erret, has quas subijciam admonitiones animaduertat.

PRIMA, cum sit verissimum pronūciatum illud, apud omnes Philosophos celebre, Rem vt se habet inesse, ita se habere ad cognitionem, profecto de rebus ipsis, vt de mundi molitione, de eiusdem gubernatione, de motu, de tempore, deque multis alijs rebus philosophandum erit, prout de eis diuina scribūt eloquia. Vnde qui eorum aliquam habuere notitiam, & eam quam habuerunt, non temerarunt, longe melius philosophati sunt. Ex qua admonitione plane conficitur, eum qui vult recte philosophari, ea debere habere perspecta, quæ in sacra Genesi de mundi molitione scribuntur, & alia multa, quæ varijs in locis in diuina pagina ad rerum naturas, & ad humanam conditionem statumque spectantia dicuntur. Hinc factū est, vt quod docemus aliquo illustremus exēplo, ut Theophrastus, Plinius, Plutarchus, Virgilius,, Cornelius Gallus, Rodiginus, & alij, cum non nouerint, vel non animaduertierint, vnde humanæ naturæ vitium emanauerit, naturam tanquam nouercam accusauerint, & de humanæ vitæ breuitate, & infirmitate quæsti fuerint. Verum, si quis attente naturæ consilium in suis operibus conficiendis spectet, profecto intelliget, tale esse debuisse humanum corpus, gratia diuina semota, quale nūc est. Siquidem rei cuiusque materiā eam esse oportet, quā forma requirit: & quia forma intelligens requirebat corpus varijs partibus, & membris, atque optima elementorum, qualitatumque temperatione formatum, vt in illis suās posset exercere functiones; non propterea, quod inde quædam cōsequuntur imperfectiones, quas in alijs corporibus non cernimus, natura vt inuida & improuida nouerca damnanda est: sicuti nemo damnaret artificem, qui ferram ad secandum institutam ex ferro conficit; quamuis ferrum hebescat, & rubiginem contrahat. Nec propterea, quod natura vel

Deus potuisset facere humanum corpus immortale, & impatibile, reprehendendus est, cum Deus nō quid-
quid facere potest, faciat; sed, ut Augustinus docet, id
quod naturæ rerum conuenit. Quare multo melius
hac in parte Plato, philosophatus est, ac etiam Chry-
sippus, ut est apud Gellium, & alij, qui naturæ consiliū
hac in re recte obseruarunt. In summa, qui Phi-
losophiam profiteri debet, is non sit omnino sacræ
Theologiæ ignarus. Et sane, cum Theologi extra suos
cancellos egredientes in Philosophiæ campos excur-
runt, multo subtilius, & accuratius res perpédunt, & de
illis iudicant, quam puri Philosophi faciant: cum, sup-
posita veritate mysteriorum nostræ religionis, multo
aliter de nonnullis rebus sentiendum sit, quam Philo-
sophi senserunt; ut de accidentis a substantia separa-
tione: de distinctione naturæ & suppositi: de dimen-
sionum penetratione: de unius corporis in pluribus
locis existentia: de humanæ naturæ vitio: de motus té-
porisque natura, & de alijs multis rebus.

SECUNDA, cum Christiani Philosophi sit, veri-
tatem tuam Christianam quam profitetur, profecto
necesse erit, ut optime teneat, quid Philosophi Ethni-
ci bene, quid male dixerint, quid a nostris acceperint,
& quid intactum conseruauerint, & quid maculaue-
rint. Ut autem hæc perspecta habeat, hos speciatim
ex nostris scriptoribus legat, Eusebium Cæsariensem
de præparatione Euangelica: Theodoretum libros de
curandis græcanicis affectionibus: Lactantij Firmiani
libros diuinarum Institutionum: D. Thomæ libros cō-
tra Gentes: & Augustini Steuchi diuinum opus de pe-
renni Philosophia; ex cuius lectione, non modo multa
scitu præclara cognoscere, sed etiam Christianam Phi-
losophandi rationem promere licebit.

TERTIA, cum periculose is attingat religionis
mytheria, qui non fuerit aliqua parte in rebus diuinis
eruditus; ideo qui tute philosophari voluerit, si talē se
nō esse viderit, caueat ne diuina velit attingere, dum

ea tractat, quæ sunt Philosophiæ cum Theologia communia : cum diuina idonee tractare nequeat, qui theologiandi regulas ignorauerit. Ex huius admonitionis neglectu, multi in graues inciderunt, ac incidunt errores; & vel expresse, vel tacite contra Deum, quem pro fine habere deberent, disputant, quod quanta sit reprehensione dignum, etiam M. Tullius vidit, ac proinde sapienter secundum de natura Deorum librum concludendo dixit, Mala & impia consuetudo est contra Deos disputandi, siue ex animo id sit, siue simulate. Cum itaque sine reuelatæ veritatis lumine & diuinæ sapientiæ condimento, humana sapientia, quam Deus stultam fecit, in errorem incidere soleat, diuinum est adhibendum lumen.

QVARTA, quæ de recta ratione philosophandi a sacris canonibus decreta sunt, ea non ignoret, & quæ nouit, seruet, & speciatim decretum sub Leone X. in Synodo Lateranensi statutum, cuius decreti hæc est summa. Primum, id omne pro falso habeat, quod veritati catholicæ inuenitur esse contrarium, ac proinde nihil vnquam contra statuat, aut sentiat. Nam cum veritas christiana sit diuina veritas, cui falsum per nullam potentiam subesse potest; profecto, quidquid ei repugnabit, falsum erit. Vnde colligeres, quam non modo inscienter, sed etiam parum pie loquantur illi, qui dicunt, aliquid esse verum secundum religionem, sed non secundum Philosophiam; & contra; in quo errauit Gulielmus Olcothus, cum dixit, ea quæ dicunt Philosophi esse vera secundum rationem naturalem, & fidei dogmata secundum rationem supernaturalem; cum vere Boetius cecinerit;

At nulla est discordia veris;

Semperque sibi certa coherent:

Sed mens cæcis obruta membris,

Nequit oppresso luminis igne,

Rerum tenues noscere nexus.

Lib. 2.

Eth.

Eorundem ignorantiam tunc dampnauit Aristoteles,
cum

cum dixit, verum vero consonum esse: ac etiā M. Tul. Lib. j. de
lius, cum ex dissidentibus opinionibus, vnam tantum nat. dor.
veram esse posse docuit. & vt cum eodem concludam, Lib. 2.
Plus vno verum esse non potest: ut etiā concilium, Acade.
istorum impietatem tacite dānando, dixit. Deinde, cū quæstio.
principia, vel conclusiones philosophorum attinget, in
quibus Etnici philosophi errarunt, ex concilij præce-
pto, christianam veritatem manifestare, docere, persua-
dere, atque omni studio philosophorum argumenta re-
fellere, atque soluere debet, cum omnia sint solubilia:
nam quidquid contra veritatem dicitur, sophisticum
est. Vnde sapienter Gulielmus Parisiensis scriptum re-
liquit, alteram philosophandi causam, ex duabus quas
assignauit, hanc esse, errorum qui aliquando in scientia
de vniuerso fuerunt, refutationem; quibus declinatur
a vi veritatis, & a semitis veri modi philosophādi. Quo
loco notādū est, imprudēter se gerere eos, qui dum ad-
uersariorum argumēta proponunt, ea neruose vrgent,
magnumque pondus contra veritatem habere demon-
strant: at quando ea solvunt, leuiter disputant; ut dubi-
tare liceat, an adhuc vigeant. Quare, in proponendo
ea adhibenda est cautela, vt integre quidem proponan-
tur, sed dum proponuntur ēt aliqua spargatur, aut infi-
nuetur solutio, ne forte nimis animo hæreant, & eas ra-
dices agant, quas postea euellere sit difficile. Solutio sit
neruosa, lacertosa, & omnino ad veritatem confirman-
dam accommodata.

Q V I N C T A, cum quæ in philosophia tradun-
tur sæpenumero non sint omnino firma & indubitata,
ea ex diuinis scriptis, & sanctorum patrum monumen-
tis Christianus confirmet sapientiæ magister: quod qui
facient, non risu, non criminatione, sed laude & appro-
batione digni censendi erunt. Nam, cum omnis veritas
a Deo sit, cur eam testimonijs diuinis comprobare im-
probādum erit? an fortasse alia est humana ratio recta,
quam diuina? Quid igitur peccabit, si auctoritate di-
uina, ea confirmabit, quæ minus clare ratio videt huma-
na?

Par. i. d.
vniu. c. 2

Cic. lib.
i. de leg.

Aug. Va
ler lib. 2
de rect.
ratione
philos.

na? Hanc admonitionem, secularis homo, & ætate iu-
nior, pietate vero non vulgari, nec prudentia iuuenili
præditus, dum Venetam iuventutem rectam philoso-
phandi rationem doceret, his verbis tradidit. Si verita-
tis studiosi, si indagatores pulcherrimarum rerum su-
mus, cur nobis non debet esse iucundum, ea quæ a Phi-
losophia didicimus, sacrorum librorum testimonio, &
sanctissimorum hominum rationibus, & auctoritate cõ-
firmare? Quod si quid repugnet verissimæ scientiæ
Theologiæ, quid potest esse tam necessarium, quam il-
lud ipsum cognoscere, & alijs explicare, ne diutius in
errore maneant? Sed nos miseros, nobis ipsis stultè ni-
miũ tribuentes: pudet philosophantes rationibus quæ
in sacris literis sunt, vt: non esse perturbandas sciẽtias
dicimus, studium eorum, qui id faciunt, aliquando irri-
demus, quasi nos iuuet errare, labi, admirãtes nonnul-
lorum hominum acutas sententias. An inutile potest
esse, cum præceptis de moribus Platonis, Xenophõtis,
Aristotelis, Plutarchi, Ciceronis conferre ea, quæ Salo-
mon, Paulus, Basiliius in ethicis, Ambrosius in libris de
officijs, Thomas multis in libris, & sanctissimi alij mul-
ti homines tradiderunt? Cur si possumus, non vtile pu-
tamus metallorum, stirpium, animalium, aliquam co-
gnitionem petere è sacris literis, quarum auctoritate
Aristotelis sententia, aut confirmetur, aut refellatur?
Tantum abest, vt non pauci, qui philosophantur, hæc
studia coniungant, ut indignum putent philosopho, nõ
defendere Mundum esse ingenitum, animos mortales,
Deum non curare res humanas. quod si quis rationi-
bus à Philosophia illis quidem sumptis, sed vberius ab
optimis viris Theologis explicatis, peruersas eorum
opinionem conetur euellere, scilicet admirabiles Philo-
sophi ridet, dicunt se esse philosophos, veritatem phi-
losophicam se defendere non licere sacra miscere pro-
fanis, philosophis cum Theologis non esse disputan-
dum. O ignobile & miserabile Philosophiæ studium,
si eo erudiuntur ad impias opiniones defendendas ho-
mines;

mines; si discunt Theologiam verissimarum sententiarum matrem, & veram recte intelligendi, & beate viuendi magistram contemnere. Illi itaque tanquam optimi Philosophi probandi sunt, qui philosophiam cum sacris literis coniungunt, qui humana diuinis confirmant, & diuina humanis illustrent, amplificent, & tuentur: qui denique humanas artes quasi ancillas, ad Theologiam scientiarum dominam adducunt, eique tanquam Agar Saræ obsequentem reddunt. Et sane, si natura rudimentum est gratiæ, vtique & Philosophia inchoatio erit religionis: nec philosophia est censa, quæ hominem a religione semouet. Quare, primaria quadam ratione philosophi est de rebus diuinis deque religione veram tradere doctrinam, eamque tueri; quod non modo nostri, sed etiam Cicero, his verbis docuit. Est enim & philosophi, & Pontificis, & Cottæ, de dijs immortalibus habere non errantem, & vagam, vt Academici, sed vt nostri, stabilem, certamque sententiam. Gen. 16
Lib. 2. d
nat. deo.

S E X T A, vt Christianæ est modestiæ suam cuique tribuere auctoritatem; ita eiusdem est prudentiæ nulli hominum, aut omnibus simul tantum tribuere, vt existimet in philosophia id solum esse verum, quod vel Aristoteles, vel alij omnes, qui solo naturæ lumine sunt vsi, cognouerunt, & ea tantum posse cognosci, quæ ab eis cognita fuere. Quare, Christianus Philosophus, p certo habeat, multo plura, ex omni naturæ & vitæ reستا cognoscenda, quam quæ humano studio cognita sunt, cum maxima pars eorum quæ scimus, sit minima eorum quæ ignoramus. Ex qua admonitione duas utilitates colligi volo: vnā ne quis vnquam se efferat, quod multa per philosophiam nouerit: alteram, omnibus qui ad humanæ sapientiæ studia se conferunt, aliquid esse relictum, in quo utiliter sui ingenij vires solertiamque possit ostendere. Et quod ad primam attinet, quis de humana sapientia se efferat, etiam si sciret omnia quæ omnes meliores philosophi naturæ lumine

ne cognouerunt, cum ei sexcentæ, non dicam de Deo, vel de cœlestibus mentibus proponi possint quæstiones, ad quas nihil posset respondere? Spiritus, hoc est ventus, spirat, & vnde veniat, & quo vadat, quis sciuit?

Corn.
Mus. lib.

2. hist. c.

73.

Quis rerum numerum, mensuram, & pondus, hoc est gradus, formas speciesque, & priuatum ordinem nouit?

Quis in abditas rerum naturas vnquam penetrauit?

quis quæ in terræ visceribus, & in maris gremio latent, vnquam vidit? Quid formica, vel pulice magis exiguum, & tamen quis earum structuram cognitam habet?

Quis Aristotele vnquā plura de natura nouit; & tamen reciprocationis fluctuū maris causam ignorauit, ob quam ignorationem sibi mortem, ut quidam uolunt, acersuit. Sed si hoc sciuisset, aut animarueretis-

set, quod hic monemus, nunquam ob unius rei ignorantiam tantum tristitiæ concepisset, ut sibi esset mortis auctor. At cum illa noscere aueamus, & in hac uita noscere non possimus, profecto, ne hic appetitus frustra naturæ nostræ sit inditus, hinc alterius uitæ colligitur necessitas. Vbi, ut quidam scripsit, cōputabimus cuiusque naturæ numeros, mensuras, & ponderauires inquam, formas, rationesque uirium & formarum: ut & tandem reuelata facie, & apertis omnibus uniuersæ naturæ secretis, erubescere cogatur. o insanæ gentes,

occulta illa uestra, qua pollincitis, tantū diues, tanto pe-

re sese efferre solet magna & inanis philosophia. Quæ uero ad alteram utilitatem attinet, certum est eos qui

Aristotelem, qui plura quam alij nouit sunt sequuti, multa atque præclara inuenisse, & quotidie etiam in-

uenire, aut inuenta augere, atque amplificare; & quæ ab alijs dicta fuerunt, ad res diuinas explicandas tradu-

cere. Quare, sapientiæ cupidis, & laborare uolentibus

adhuc restat amplissimus rerum diuinarum & huma-

narum campus, in quo, salua religione, immo cum reli-

gionis utilitate, philosophando spatium queant, ea ex-

plicando quæ de natura, de mathematicis, de moribus

de historia, de rerum administrandarum ratione in di-

uinis

uinis

Idē loc.
cit.

Io. Fer-

nel. Io.

Baptista

por. Frā.

Rales.

Lemn.

Iul. cæf.

Scalig.

uinis literis dicuntur: aut diuina ad humana illustranda accommodando. Id, nos in arte dicendi fecimus, cū in libris de Rhetorica diuina omnia dicendi artificia, & lumina in sacris literis contineri plane demonstraui-
mus: & nonnulla alia opera in lucem dedimus, de argu-
mentis nouis nunquam ab alijs scriptoribus tractatis;
& hoc quod prae manibus habemus opusculum a nemi-
ne ita plene confectum fortasse inuenies, vt a nobis
conficitur; cui aliquis alius plura, quæ nos prætermissi-
mus adderet. Illud tamen monuerim, ne quis ea sua ra-
tione metiri velit, quæ omni ex parte captum superat
humanum, ne, inquam velit sapere, plusquam oportet
sapere. Ideo quidam sapienter dixit, Noli omnia disce-
re, ne ignores omnia.

Simoni,

S E P T I M A, in re ad Philosophiam pertinente
confirmanda, id probabile existimetur, quod doctrinæ
Aristoteli fuerit consentaneum, quatenus a viro singu-
lari doctrina prædito, & a magistro profectum est:
sed multo verius esse putet, quod firma suadebit ratio,
quæ, vt supra docuimus, in philosophando pro norma
habenda est: at vero id certissimum, & indubitatum,
quod cum doctrinæ fidei consonum fuerit. Quare, in
probationibus primus locus dandus est lumini diui-
no: secundus sensuum iudicio certa experientia ex-
plorato, & confirmato: tertius naturali rationi: postre-
mus humano lumini, siue meliorum philosophorum
auctoritati. Quattuor itaque sunt probationum gra-
dus, & ad aliquam veritatem stabiliendam viæ, quas
suo ordine tenere debet is, qui cum ratione philoso-
phiæ cursum conficere volet: in quo nemo labetur vn-
quam, quod ad religionem attinet, qui semel in animū
suum induxerit, id se velle tenere, quod se seruaturum
publice promisit, cum factus est Christianus.

O C T A V A, ad id quod nunc admonebamus præ-
standum, is erit magis idoneus, qui non plaris faciet cu-
iuscunque philosophi ingenium, vel auctoritatem, quā
facienda est, nec putabit id omne pro rato habendum,
quod

quod humana cuiusvis ratio potuit vnquam attingere : is qui non censebit aliud secundum philosophos , aliud secundum Theologos tenendum esse, & hos in rebus philosophicis non esse plumbeos; is, inquam , qui non facile in varias opiniones & sectas Græcos , Latinos, & Arabes diuidet, sed potius, cum fieri poterit, conciliabit, & ad veritatem confirmandam adducet: is denique, qui cum commode poterit, Aristotelis doctrinā ad meliorem sensum vna cum viris doctis traducet, & in paucioribus a veritate aberrare demonstrabit. Quod qui faciunt, & de religione & de magistro suo bene merentur: Qui, cum de rebus difficillimis, data opera, ita sit loquutus, vt quid senserit, non plane exposuerit, si nunc in vitam rediret , ijs haberet gratias , qui eum a veritate non aberrasse docerent ; quam se amasse , & pluris, quam amicos fieri oportere, testatum reliquit. Illi vero qui hoc pietatis officio vtentes damnant , dicentes, velle Aristotelis doctrinam ad veritatem Christianā accommodare, nihil aliud esse , quam Aristotelē Theologum, & Monachum facere, non magis Theologos, quā bonos philosophos, quorū auctoritate Theologi quę dicunt confirmant , vituperant, & suę parue pietatis significationem præbent . Qui, si veritatis cognoscendæ amore philosopharentur, id omne, ad eam confirmandam conferrent, quod prudenter, & cum scribentium honore traduci potest .

N O N A , quæ omnibus philosophis communis esse debet; pius philosophiæ Magister non modo de sua recte viuendi ratione sit sollicitus, sed etiam discipulorum; cum hac philosophandi ratione, vt aliquando docuit Plato, nihil possit esse præstantius. Sumat , inquit Fabius, de oratoriæ facultatis magistro loquendo, ante omnia parentis erga discipulos suos animum, ac succedere se in eorum locum, a quibus sibi liberi traduntur, existimet. Ipse nec habeat vitia, nec ferat. Plurimus ei de honesto ac bono sit sermo. Nam quo sæpius monuerit, hoc rarius castigabit. Quod si vir Christiana pietate orbatus,

Lib. r.
eth.

Theo.

Lib. 2.
c. 2.

orbatus, hæc faciēda monuit, qd nos maiore lumine illustrati, monere ac facere debebimus? Sed Deus velit, ne qui bonis moribus suos discipulos informare debent, iidem vel sermonibus, vel genere vitæ eos corrumpant, & inficiant; dum de rebus inutilibus & minus honestis cum eis loquuntur: dum domi varia ludorum & librorum impudicorum genera parata habent: dum ad voluptates perfruendas eos prouocant: dum a locis ubi pietas docetur, & a melioribus præceptoribus eos auocant: dum eos discipulos minoris faciunt, & tanquā inurbanos fugiendos docent, qui ut cum studijs pietatem coniungant, se a cæteris minus honestis iuuenibus seiungunt: non animaduertentes id esse verissimum, quod aliquando M. Tullius de philosophiæ studijs collendis dixit, Ei qui philosophari velit, & congruenter naturæ sit victurus, proficiscendum esse ab omni munda, & ab eius procuratione. Lib. 3. de fin.

DECIMA & yltima, caueat, ne vnquam apud se retineat, aut legat eos libros, quorum lectio est ab ecclesia prohibita; in quo a quibusdam peccari solet: neque, ut aliqui faciunt, hoc ecclesiasticum decretum improbet, cum etiam humanæ resp. cum ratione administratæ id fecerint. Vnde cum Abderites Protagoras, in principio libri sui posuisset, De dijs, neque ut sint, neque ut non sint, habeo dicere, Atheniensium iussu urbe atque agro exterminatus fuit, & eius libri in concio ne combusti. Et quod huc facit, monerem etiam, ut Philosophorum in rebus ad religionem pertinentibus nota haberet errata, quæ nos infra recensebimus. Cic. lib. 1. d. nat. deor.

Traduntur nonnulla praecepta pro discipulis, Philosophia cursum conficere volentibus.

Cap. 1111.



Neum finem praecipue ad bonas artes comparatae sunt Institutiones, vt qui ad eas accedunt maiores in eis faciant progressus. Quare, si pro Philosophiae magistris aliqua admonitiones dari debuerunt, multo magis Tironibus, aliqua praecepta danda sunt: ne si temere & sine vlla institutione, penitus ignorantes ad hoc studium accesserint, operam & tempus perdant, & eo non perueniant, quo omnes suos conatus dirigere debent, vt scilicet: veritatis notitiam consequantur, & honestis vite rationibus se similes Deo reddant. Et quamuis integro libro de re proposita scribi a nobis posset; tamen, ne institutionis terminos transiliamus, intra vnius capitis cancellos nostra versabitur praeceptio. Is igitur, qui prudenter & vtiliter philosophari volet, has, quas subiiciam admonitiones seruet.

P R I M A, ad philosophiae studium accessurus, antequam re aggrediatur, suum non modo suo, sed etiam aliorum iudicio exploret ingenium, vt videat an ad haec studia sit accommodatum, ne quicquam inuieta, vt dicitur, Minerva, velit efficere. Quale autem esse debeat philosophicum ingenium, ex Platonis discimus doctrina, acutum nimirum, veritatis amantissimum, ad res facile percipiendas aptum, in primisque liberum. Quare, cum Dial. 7. de ijs ageret, quibus communicandae sunt disciplinae, de rep. has dotes disciplinam requirere docuit. Acumen, facilitatemque ingenij, & laborum tollerantiam. Quarendus itaque est, inquit Plato, vir memoria valens, integerrimus, tollerantissimus. Nam quem alium censes libenter labores corporis subiturum, tanque arduum doctrinae meditationisque studium ad finem usque consequuntur?

sequuntur? Neminem, inquit, prorsus, nisi qui optima natura sit præditus. Cum ergo Philosophiæ bonū sit quod optimum, necesse est, ut ea pars sit optima, in qua recipiendum est.

SECUNDA, cum ingenium ad hæc studia nō ineptum se habere viderit, bonum sibi præceptorē quærat, quem non minus cum bene agentem viderit, admiretur, quam cum docentem audiuerit, cum idem & Sene. doctrinæ, & morū debeat esse magister; in quo passim a multis grauitèr peccatur, ac proinde quam longissime a vera philosophandi ratione receditur, dum non attingitur finis, vita nimirum beata, cuius parens censetur philosophia. Huc facit hæc pulcherrima M. Tullij sententia, Etenim quæ pars optima est in homine, in ea situm esse necesse est illud, quod quæris, omnium optimum. Quid est autem in homine, sagaci a bona mente melius? Eius bono fruendum est igitur, si beati esse volumus. Bonum autem mentis est virtus: ergo hæc beatam vitam contineri necesse est. Quare, qui magistros parum bonos, aut etiam moribus corruptos sibi eligunt, nō secus agunt, ac si quis valetudinis recuperandæ causâ ad medicum contagio infectū accederet.

TERTIA, cum bonū nactus fuerit præceptorē, eum ut parentem colat, eique fidem habeat: ita tamē, ut nunquam in eius verba iurare, velit, & id solum defendere, aut credere, quod ab ipso didicerit, ita ut eius auctoritatem pro ratione sibi habendam putet: Quia Ioa. hæc discendi ratio, non probatur omnibus; immo a Ci Bap. cerone plane vituperatur; ut ex his eius uerbis con Mant. stat, Quin etiam obest plurimum ijs qui discere volūt Lib. 1. auctoritas eorum, qui se docere profitentur. Desinūt de nat. enim iudicium adhibere: id habent ratum, quod ab eo deor. quem probant fuerit iudicatum. Tantum apud eos (de Pythagoricis loquitur) opinio præiudicata poterat, ut etiam sine ratione valeret auctoritas. Huc etiam facit Dīal. 9. id quod Plato docet, penes philosophum esse auctori- de rep. tatem iudicandi: iudicium autem, ut idem ait, faciendū

est per rōnes, quæ sunt p̄cipua philosophi instrumēta.

Sap. 1. **Q**UARTA, etsi vitia omnia fugienda sunt ab eo, qui ad philosophiæ studium se conferre vult, quia vt diuinæ literæ docent, in animam maleuolam non intrabit sapientia: tamen hæc præcipue, ventres, venus, otium, immodestia, & loquacitas: quæ fere omnia Lyricus poeta his carminibus est complexus.

Multa tulit, fecitque puer, sudauit & alsit.

Abstiniuit Venere & Baccho, extimuitq; magistrū.

Dial. 7. **Q**UOD attinet ad otium laborisque timorem, ob quam causam pauci in bonarum artium studia incumbūt, & pauci qui sunt, paruos faciunt progressus, Principio ad labores suscipiendos claudus, scribit Plato esse non debet quisquis est philosophiæ sacris initandus, vt partim eos adeat, partim recuset. Contingit autem hoc quoties aliquis gymnasijs, & venationi, & reliquis corporis exercitationibus deditus, disciplinarū studium refugit, neque audiendo delectatur, nec inquiringendo, sed omnem hanc odit curam. Claudus præterea & ille est, qui exercitationibus animi delectatus, contemnit alias. In summa, vt est apud Iobum, sapientia non inuenitur in terra suauiter dormientium. Sed hi non viderunt, vt ad cursum equum, ad arandum bouem, ad indagandum canem, sic hominem ad duas res; vt ait Aristoteles, intelligendum, & agendum esse natum, quasi mortalem Deum: contraque, vt tardam aliquam & languidā pecudem ad pastum, & ad procreandi voluptatē hoc diuinum animal ortum esse voluerunt: quo nihil mihi, ait Tullius, videtur esse absurdius.

Cic. 2. **E**t quem non moueat hæc eiusdem auctoris pulcherrima sententia? Querendi defatigatio turpis est, cum id quod quæritur sit pulcherrimum. Susciperent isti, qui audiendi & legendi laborē fugiunt, eos labores, quos Pythagoras, quos Plato, quos Apolonius, quos alij homines vere Philosophi susceperunt, q̄ sapientiæ amore incensi, remotissimas terras peragrarunt. Isti, eiusdem rei causa sibi oculos effoderēt, vt Democritus fecit.

Isti

Isti viginti annos vnum audirent magistrum, vt Aristoteles audiuit: isti, inquam, qui, nec vnum quidem, immo, nec horam vnā patienter audiunt? Isti locum in salubrem, ad Philosophandum eligerent, vt Plato, in quo etiam a nostris laudatur, elegit? Denique, ita omnis natura est negocij amans, vt etiam somnum, nisi requietem corporibus, & medicinam quandam laboris afferret, contra naturam putaremus datum. Aufert n. sensus, actionemque tollit omnem. Itaque, ne si iucundissimis quidem nos somnijs vsuiros putemus, Endymionis somnum nobis velimus dari: idque si accadat, mortis instar putemus. Quare, vt quisque optime natus, institutusque est, esse omnino nolit in vita, si gerendis negocijs orbatus, possit paratissimis uesci voluptatibus; & quę ornatissime & copiose apud Tullium, contra otiosos disputantur, qui locus est omnino legendus.

Lib. 5.
de fin.

Tuf. 5.

NEQUE timendum est, vt aliqui timent, fore si honestissimum laborem susceperimus, vt breuiore utamur vita. Primum, quia melior censenda est vita hominis vnus diei, quam centum annorum vnus corui, & ut Tullius ait, vnus dies ex Philosophiæ præceptis actus, quā hominis peccantis perpetua uita. Deinde, quæ est natura ingenioq; ita peruerso, ut potius vellet in fine vitæ honeste, cum honore, & cum sua aliorumque utilitate laborando vixisse, quam summis voluptatibus vitam inhonestam transegisse? Huc facit sententia illa, quam ego sæpe meis discipulis inculcare soleo, quæ sane perpetuo memoriæ hæere deberet, Honesti labor abit, ipsum manet; voluptas volat, eius hæret turpe. Præterea, si quis parce, si caste, vt Philosophum decet, Muson. vitam deget, is ob summam delectationem, quæ ex stu apud diis capitur, diutius viuet, quam qui se tali oblectamento otiose viuendo priuabit: cū nihil magis vitam conferuet, quam honesta animi delectatio: quippe spiritus tristis exiccat ossa. Et ne sine exēplis loquamur, uiri docti & in studijs indefessi, longam vitam ultra octoge

simum annū vixerunt; vt Dionysius, Heracleotas, Diogenes, Democritus, Erasthenes, Xenocrates, Isocrates, q vsq; ad annū nonagesimū octauū nūquā ab institutione cessauit, Porphyrius, & Plato, ut alios multos omittam, qui annum nonagesimum primum agens, scribendo e vita discessit: & duo summi Oratores, quibus nemo vnquam fortasse magis in studijs laborauit, cum tamen vterque vteretur natura valde infirma, ad senectam peruenerunt, Demosthenes & Tullius, cui Medici consuluerunt, vt a contentione dicendi abstineret, ni uellet, in perpetuam febrim incidere, quibus tantū abest, ut paruerit; vt etiam relictā patriā, maiore studio atque labore in Græcia sub magistrōs se iterum formā dum dederit: quamuis non sine communi approbatione, iam versatus esset in foro. Et quid mirum? cum iam senex perpetuo oblectaretur cum Musis? ac proinde diutius vixisset, ni violenta manu eius uitæ tela præcisa fuisset; cum ut ipse aliquando sapienter dixit, nihil sit senectute iucundius studijs iuuentutis stipata. Vt enim corpus nostrum ab adolescentia pergit in senium, ita anima sapiētis, pij, probatique iuri a senecta in adolescentiam transmittitur; & dum exterior homo flaccescit, & in dies deficit, interior magis viget, & renouatur, quo diutius in veri honestique meditatione, exercitioque vitam degit. Vt merito Socrates, vt est apud Platonem, dixerit, Tunc sanæ mentis oculū acute cernere incipere, cū corporis oculus incipit hebescere. Denique, ne plura de loco amplissimo dicam, mittamus istos otiosos, & laboris impatientes, vna cū

Prop. 6. Sapiente ad formicam, vt ab ea discant sapientiam, quam eandem viam semper itare, nunquam a loco quo pergit aberrare, grana se ponderosiora gestare, & magno nixu pedibus protrudere, officiose iam fessis succedere, & opem ferre videbit: vt merito sit exemplum nobis, magni formicæ laboris: quæ argutam longe argutius cicadam elusit, cum ei, vt in fabulis est, respondit, Aestate quæ cātaueris, hyeme salta. Deus enim vt

qui-

quidam existimauit, ideo talem industriam & quasi prudentiæ similitudinem formicæ dedit, vt nobis ratione vtentibus, perspicuum esset exemplar: vt formicarum opera contemplantur, ad res gerendas, ipsi quoque aggredieremur, vt vsui necessaria cōpararemus, & parata asseruare disceremus. Ex quibus intelligi licet, quam prudenter Heraclides Lycius de laboris laudibus librum fecerit; quem sic inscripsit, *πρὸς ἐγκόμιον*, laboris laudatio, & Regi Ptolemæo obtulit: qui iocose quidem, sed non satis honeste, π primum tituli elementum, abrasit, & pro laboris laudatione *ὁρ*, hoc est asini encomium fecit: quod encomium illud, potius ad asinum, quam ad hominem spectaret. Ita enim (vt qui dam scripsit) deliciosum ac molle potentiorum genus, ingenuis etiam laboribus, & industriæ generosæ, laudabilibusque vigilijs illudit, cum fruges consumere nati, tantillum hoc etiam gloriæ, quod per genij fraudationem quærimus, iniquissime inuident. Multa itaque ferat, faciatque pueri, diu sudet, & algeat, vt sibi tantumquam asinus fortis, quo præclaro titulo, Iacob Isachar filium honestauit, sapientiam sibi comparet, ne sit mente asinus, vt sunt illi qui laborare nolunt; vt sicuti Isachar laborando, ei sit Deus merces. Sed hucusque de labore suscipiēdo, otioque uitādo: nūc de uoluptatibus carnis fugiendis, seu de caste viuendo aliquid dicamus.

Q u o d igitur ad vitam caste degendam attinet, quam sub abstinentia a venere indicauit Flaccus, nolo hic longum facere, cum nemo sit ingenio ita obtuso, atque obscuro, qui non intelligat, nullum esse vitium quod ingenium magis obtundat, mentem magis obscuret, & vt vno verbo dicam, quod studijs magis aduersetur, quam vitium castitati contrarium: cum nihil præclarum nihil sublime nihil purum cogitare possit is, qui mentem ad rem tam abiectam atque contemptam abiecit; & in isto cœno, tanquam sordidissimus, sus sese inuoluit, & ad rem tam fetulētam adhærescit, in eaque computrescit; vt non sine causa suille esus

Lucr. in diuinis literis Hebræis fuerit interdictus, vt sordidissimi vitij designaretur fuga: cum sus nihil limpīdū, nihil purū amet, sed sordida & immunda sectetur, & omnia odorata ac munda conculcet: Hinc prouerbiū
 עֵס דִּיאָ פֿוֹדֶוֹן, id est, sus per rosas, quas pedibus proterere & conculcare solet. Et cum diuinæ Philosophiæ dogmata atque præcepta, sint veluti margaritæ quædam, quis eas ante istos impuros homines projiciat? id cum diuino prohibitum sit mandato.

Pier. lib. 8. Huc facit, quod quidam scribunt, in Arabia odoramentorum altrice, nullum suillum genus viuere posse. Et ne istius vitij putore, atque fœtore legentem offendamus, vniuersæ de corporis voluptatibus, quas quantum fieri potest, vt lues & pettes Philosophiæ candidatus vitare debet, cum Tullio dicamus, eas relinquendas esse bestiis; & maximas uirtutes iacere omnes necesse esse, voluptate dominante, nec in voluptatis regno virtutem posse consistere: quæ qui incitatus est, nihil agitare mente, nihil ratione, nihil cogitatione consequi potest, cum ad o mentis oculos perstringat, nihil vt videre sinat. Ideo ab antiquis dictum fuit, Musas, quibus cum philosophus versari debet, virgines fuisse, vt indicarent eos qui sapientiæ vacant, caste viuere debere. Hinc Cupido apud Lucianum.

**Lib. 2.
de fin.
De Senec.**

**In suo
Cupid.**

Aonides vultu sunt, o Cytherea pudico;

Vnice & istarum nomina sacra colo.

Et quoniam semper studijs retinentur honestis;

Iuris in has plane, nil meus ignis habet.

O M N I S itaq; corporis voluptas a philosophorum schola abiicienda est; non secus atque Mithecus olim apud Græcos celebratissimus coquus a Spartanis inhonoratus, explosus fuit: vt quæ ipsum corpus destruit, a quo suscipitur, animique ingenitos igniculos extinguit, atque doloris & pœnitentiæ causas, quæ perpetuo excruciant relinquit. Cum igitur voluptas sit corporis animique inimica, qui diu animo corporeque valere volunt, bellum indicant voluptati, & diu
 corpo-

corpore & animo incolumes seruabuntur in vita, vt omnes meliores Philosophi fecere.

Quod vero ad Bacchi abſtinentiam attinet, quibus veſtis admonetur puer, vt ventris vitium fugiat, ſtudioſum capitaliſſimū hoſtem, qui non modo ingenium hebetat, ſed etiam corpus inſalubre reddit, uitamque minuit. Ideo Plato cum Syracuſanorum uiuendi rationem, quod bis in die ſaturi fierent, uidiſſet, eam his uerbis improbauit. Nemo enim omnium qui ſub cœlo ſunt, ſi in huiusmodi moribus ab adoleſcentia nutriatur, quamuis natura & ingenio excellenti præditus, vnquam tamen prudens euadet. Temperatus eſſe certe nunquam curabit: eademque erit de ceteris virtutibus ratio. Intelligat Philoſophiæ candidatus, id philoſophi eſſe maxime proprium, vt bellum indicat omnibus voluptatibus, animique perturbationibus, atque etiam curis, quæ mentem a ſtudijs reuocare poſſunt; vt præter alias eſt illa, quam edacitatis vitium ſecum affert, indigna quæ ſuſcipiatur ab eo, cuius cibus eſt virtus, & veritas potus; cuius prata & horſi, ſunt amœniſſimi vtriuſque Philoſophiæ cæpi, quos dies nocteſq; colere dēt, vt eas ſibi paret eſcas, quibus a non corpus, ſed aſus alitur. Iſ quidam Aegyptiorū Rex ſupra portā bibliothecæ, quā ſibi parauerat, hanc poſuit epigraphē, Animi pabulū. Atq; adeo vita parca vr̄ eſſe philoſophi propria, vt et ipſe oīum voluptatū vindex Epicurus tenuē victū nō modo laudauerit, ſed et amplexus fuerit & vt qđ doceo facilius perſuadeā, ea placet adſcribere, quæ eleganter de parca vita memoria, hac de re agendo, prōdidit M. Tullius. Atque ijs ſimilia ad victum etiam transferuntur; extenuanturque magnificentia & ſumptus epularum, quod paruo cultu natura contenta ſit: etenim quis hoc non videt, deſiderijs iſta condiri omnia? Darius in fuga, cum aquam turbidam, & cadaueribus inquinatam bibiſſet, negauit vnquam ſe bibiſſe iucundius: nunquam videlicet ſitiens biberat: nec exuriens Tolomæus ederat,

Epist. 7.

*Cic.
Tul. 5.*

Herru.
Bar.

cui, cum peragranti Aegyptum, comitibus non confectus, cibarius in casa panis datus esset, nihil visum est illo pane iucundius. Socratem ferunt, cum usque ad vesperum contentius ambularet; quæsitumque esset ex eo, quare id faceret; respondisse, se, quo melius cenaret, obsonare ambulando famem. Quid? victum Lacædæmoniorum in phiditijs non ne videmus? ubi cum tyrannus cenauisset Dyonisius, negavit se iure illo nigro, quod cenæ caput erat, delectatum. tum is, qui illa coxerat, minime mirum, inquit, condimenta enim defuerunt quæ tandem inquit ille? Labor in venatu, sudor, cursus ab Eurota, fames, sitis, his enim rebus Lacædæmoniorum epulæ conduntur. Et ut hunc locum concludam.

Venter, pluma Venus laudem fugienda sequenti.

DE timore & honore erga Magistrum, atque de modestia in loquendo seruanda, si quis discipulos nostrorum temporum, hac in parte, vellet in officio continere, multa contra deprauitatem eorum viuendi rationes ei scribenda essent. Ita enim plerique viuunt, ut si quis hoc tempore iuuenem effrenem, immodestum, & perulantem, designare velit, scholaræ designet: & nunc scholæ quædam, non tam honestatis, ut esse deberent, quam immodestix sunt officinæ, id quod etiam parietes ipsi declarant. Sed; ne quid hac de re grauius dicā, si quod est hac in parte vitij, id emendare vellem, non quid reprehendendū in discipulis esset, sed quid opus sit factu, breuiter indicabo. Bonus itaque discipulus, sit erga suum præceptorem gratus: eum ut alterum parentem colat, & tanquam suæ naturæ perfectorem amet; non secus ac amaret eum, quem se singulis diebus maximis fortunæ bonis locupletantē videret: animaduertatque quam sit a ratione remotum, eum habere vellet pro vili & inhonorato, quem sibi in suæ vitæ ducē elegit: eum, inquam, non honorare, quem ut se dignū honore reddat, in magistrum elegit. Et, qui sient in virtute progressus, ubi sublatus erit institutoris timor &

reue-

reuerentia? quam sane auferunt illi, qui coram præceptore multum & intempestiue loquuntur, & quod intollerabilius est, etiã eo docente Id qui faciunt, & qui non faciunt? suam petulantiam palam ostendunt, dum prælegente magistro, pedibus, manibus, voceque rumores edût, eique tanquam importune auiculæ, quasi noctuæ, obstrepuunt, eandemque deludunt O immodestiam grauissimis publicisque pœnis puniendam, & ab homine graui nullo modo ferendam. Is erit iocorum & iniuriarum scopus, qui summo honore summaque veneratione afficiendus erat? Coram eo discipulus se immodeste ager, ad cuius præsentiam modestissime se gerere debere? Dicere ne hic magister posset, vt ille fecit, qui a suis discipulis interrogatus, quid facerent, vt nihil vnquam peccarent, si me, inquit, vobis adesse semper cogitaueritis. Sed vt hic calamum excurrere cupientem, contineam, huius sententiæ Tironem perpetuo meminisse velim, Loqui ignorabit, qui tacere nescit. Cur nunc non tantum habent Præceptores auctoritatis, vt vnius horæ silentiũ discipulis indicare queât, vt olim Pythagoras, qui per biennium indicebat?

Er vt hunc locum concludam, Anacharsis Scythæ factum adscribam, quo omnia iam dicta vitia fugienda esse plane expressit. Is apud Solonem conuiuio exceptus, ita dispositus decubuit, vt vna manu pudenda, altera vero os obsignaret, palma ad id appressa, daturus quippe per huiusmodi gestum continentię, atque silentij monumenta. Is toto vitæ tempore continentiam, & vitã a delicijs oĩbus alienã esse sequeutus; vt merice eius statuis inscriptum fuit, *Γλώσσης, γαστρός, αἰδοῦται, κρατεῖν* id est, linguam, ventrem, metulamque compesce. Nam ille ante omnes probus est, qui tribus his egregie sibi temperarit. Sed iam ad alias admonitiones tradendas reuertamur.

Q V I N C T A, quoniam Tirones inter disputandum spirituum calore cominoti, non eam seruant modestiam, quam seruare deberent, præter ea quæ supra

de ratione disputandi diximus, volenti cum laude dis-
serere necessum est, vt personarum, locorum, rerum-
que de quibus, in quibus, & apud quas differitur, ha-
bere rationem: num personæ sint graues, pertinaces, ru-
des, doctæ; pro quarum varietate, variè etiam respon-
dendum ac disputandum erit: atque idem de alijs cir-
cuntantijs dicas, præsertim de subiecta materia, an sit
grauis, an leuis, an dubia, an explorata; & qua occasio-
ne, & in quem finem de ea disputetur. Et, vt supra mo-
nuimus, semper disputationis finem habeat præ oculis,
veritatem nimirum, quam cum inspexerit, ei assur-
get, & nihil vnquam serio contra eam dicet: quod qui
faciet pulcherrimū Pythagoræ seruabit præceptum,
Neminem loqui debere facie ad solem conuersa, id est,
contra veritatem.

S E X T A, quod supra de sapientia a Deo precibus
petenda diximus, id multo magis a Tironibus seruân-
dum erit: & ne quibusdam minus religiosis hæc ad-
monitio nimis religiosa videatur, eam Ethnicorum au-
thoritate muniemus. Huc pertinet in primis catena il-
la aurea ab antiquis ficta, quam Deum cælo demissis-
se dicebant, & neminem, quantolibet nixu, ea apprehen-
sa, eum in terram trahere posse; ipsum vero cun-
cta eadem catena fursum attollere: qua catena, non
nulli rerum cognitionem designari volunt. Nam, & si
philosophiæ studia sint quasi gradus quidam ad cœle-
stium rerum cognitionem: tamen, si quis per eos crea-
toris naturam indagare velit, id nullo ingenij acumi-
ne diligentiaque assequetur, hoc enim esset Deum de
cælo detrahere, & humano ingenio subijcere. At si
cuiuspiam Deus sui cognitionem dederit, is totus ei con-
iunctus, facillime cœlestia assequetur. Quare non solū
ex philosophorum libris sapientia colligenda, & pro-
pria industria comparanda, sed etiam præcibus a Deo
petenda erit. Deinde, huius admonitionis, ut alia omit-
tam, grauissimum extat Iulij Cæsaris exemplum, qui
in media nocte, vt quidam referunt, surgere solebat Mer-
curium

Homer.
Iliad. 8.

Cœl.
Aug. a-
pud Pie.
lib. 60.

Amian.

curium supplicaturus, ut suæ mēti lumina præferret. Quod si homo ethnicus fictum sapientiæ Deum, ut sapientiam sibi communicaret, orabat, cur vir Christianus verum Deum, ipsamque veram sapientiam non orabit? ut suo lumine suam illustret mentem; ut ad eius, & ad rerum a se creatarum notitiam sibi peruenire liceat. Nam, sicuti sol sine sole non cernitur, ita Dei notitia absque eius lumine haberi non potest. Propterea diuus Iacobus monebat, ut a Deo lumine parente, apud quem nulla est transmutatio, nec vicissitudinis obumbratio, sapientiam peteremus. Id quod magis faciendum esset, si homo in se quasi in quodam domicilio, Deum tanquam intellectum agentem, ut aliqui uoluerē, haberet, unde Manilius,

Cap. I.

Quis dubitet post hac hominem coniungere cælo?

Eximiam natura dedit, linguamque capaxq;

Ingenium, volucremq; animam, quem deniq; in vnũ

Descendit Deus, atque habitat, ipsumque requirit.

Et ut hunc locum cum M Tullio concludam. Nemo uir magnus sine aliquo afflatu diuino vnquam fuit.

Lib. 2. 4
nat. De-
orum.

SEPTIMA, qui in sapientiæ studio proficere uoluerit, is rationem studendi teneat, ut suo tempore, loco, modoque in studia incumbat, de quibus rebus nolumus in præsentia accuratius scribere, ut alibi fecimus:

Lib. 4. 4
causis:
eloque-
tiæ.

solum illud de tempore adnotauerim, Omnia tempora debere esse accommodata studijs, locaque omnia: Quia, si philosophi est beatam vitam agere, profecto, quocumq; loco & tempore licebit esse beatum: cum præsertim melior philosophandi ratio sit in rerum cogitatione posita: ut ubi, & quando cogitare non liceat? Nec tamen negamus quedam certa tempora & loca debere esse ad commentandum fixa, & speciatim tempus matutinum, quod Musis amicum esse dicitur: & magis nocturnum, quem diurnum propter silentium: & magis locum remotum a rumoribus, quam locum inquietum, & frequentem. Ideo de studiosis dicitur: Plus olei, quam uiu consumpsisse, & lucubrare, & lucubratio.

cubrationes sapere lucernam. Ut merito præceperit Epicarmus, quod scitu dignum quæras, nocte meditandum, ἐν νυκτὶ γὰρ βελὴ τοῖς σοφοῖς γίνεται. quo loco illud admonuerim, multos in eo peccare, qui ne videantur negligentes, vel non intelligere, nihil eorum quæ non capiunt, præceptorem interrogant. At hoc quid aliud est, quam velle esse discipulum, & nolle discere? velle progredi, & nolle ambulare? velle videre, & nolle aperire oculos? & denique esurire, & nolle famem pellere? Quo quid potest cogitari stultius, & ob omni ratione magis dissentaneum? Hanc qui viam tenent, cum postea se nihil proficere videant, facile studia abijciunt, & cum se prius, & magistrum, ac etiã quodammodo Deum ipsum tentauerint, dum quod in se erat facere noluerunt, ab incepto, non sine detrimento & dedecore desistunt; & ut est in proverbio, Ab asino se executi finit: quod in eos dicitur, qui graui, vel magna, vel difficilia professi, ab incepto turpiter discedunt. In quo proverbio, quod est apud Platonem, si verba græca spectes, est etiam iocus quidam, siue potius quædam sarcasmæ species, cum ἀπ' ὄντος, & ἀπο' νῦν hoc est ab asino, & mente, idem sonare videantur.

OCTAVA, ob id multi in sapientiæ curriculo nõ proficiunt, quod ijs præditijs instructi nõ accedant, quibus accedere oportebat; litteris nimirum, quarum appellatione ea cõtinetur doctrina, quæ in scholis humanitatis comparatur, latinæ linguæ bona notitia, poetica, & historica. Multis artibus, ait Lactantius, opus est, ut ad philosophiam accedi possit. Discendæ istæ communes litteræ, propter vsum legendi: quia in tanta rerum varietate, nec disci audiendo possunt omnia, nec memoria contineri. Grammaticis quoque non parum operæ dandum est, ut rectè imloquendi rationem scias. Id multos annos auferat necesse est. Nec oratoria quidẽ ignoranda est, ut ea quæ didiceris, proferre, ac eloqui possis. Sunt etiam qui a aliquam poeticæ notitiam

Pla. lib.
3. de le.

Cic. 1. d.
fin.
Lib. 2. c.
25.

Valer.

tiam in eo qui bonus futurus sit philosophus requirant. De dialectica omnium bonarum artium organo, & veri falsique quasi disceptatrice & iudice, ut contra eius contemptorem Epicurum loquitur M. Tullius, nihil attinet dicere, ob cuius ignorationem, neglectumque multi philosophando turpissime lapsi sunt. Et ut hunc locum concludamus, huc pertinent ea, quæ supra hoc libro, capite primo de Platonica purgatione, & de Aristotelea pædia diximus. Quare, & corpore & animo bene institutus ac paratus ad tantam perfectionem absolutionemque excipiendam, qui recte philosophari volet, accedat: ne si secus fecerit, frustra tempus, operamque perdat.

Lib. 2.

de fin.

N O N A, quod attinet ad librorum copiam, illud admonuerim, dum quis in scholis versatur, iis sit contentus libris, qui sunt necessarij, alij omnes a cubiculo remoueantur, nisi is sit, qui se a non necessariorum lectione continere possit: cum bona philosophandi ratio non tam in lectione, quam in commentatione & disputatione sit sita; & librorum fiducia, multi minus diligentes in memoria excolenda esse soleant, qua non exulta, nihil scitur: cum tantum sciamus, quantum memorix mandamus: ut non sine ratione Thamus Aegyptiorum Rex Theuthi literarum inuentoris industriam, ut minus utilem non approbauerit. Cuius opinionem Pythagoreorum consuetudine comprobare licet, ac etiam Druidarum, qui nihil literis committendum putarunt. Idem approbavit Plato, Seneca, & aliquando Quintilianus, qui tamen & scribendi usum, una cum Aristotele commendauit. Huc accedit, quod Alexander Aphrodisensis scriptum reliquit, ideo olim fructuosissimam disserendi rationem, & dialecticæ usum fuisse ueteribus familiarissimum, quia nondum extabant literæ. Et, ut ego existimo, ideo antiqui erant doctiores, quia minorem habebant librorum copiam: quod mihi sane adiumento fuisse, sæpe dicere soleo. Paucioribus ergo Tyro sit contentus libris: nec calamo parcat,

Pla. epi.

1. ad dio
ny.

Ces. lib.

6. d. bel.

gal. lib. 2

Lib. 1.

Top.

cat, si minus memoria ualet, & quæ audit, aut legit, sci-
tu digna ea notet, non ut recondat, sed ut relegat, & in
memoriæ penu transferat.

*Recensentur antiquorum Philosophorum gra-
uiores in re philosophica errores.*

Cap. V.



EX ijs quæ ad recte philosophandum co-
gnitu necessaria mihi esse videntur, est
notitia errorum in quos nonnulli male
philosophando inciderunt. Nam qui
eos cognitos habuerit, sine offensionis
periculo, in philosophiæ curriculo pro-
gredi poterit. Et, si verum est id quod quidam dixit,

*Est virtus vitium fugere, & sapientia prima
Stultitia caruisse,*

Prima quoque sapientiæ pars erit errores vitas-
se. Quare non erit a nostro instituto alienum, si præ-
cipuos qui in omnibus philosophiæ partibus sparsi fue-
runt errores, notauerimus; ut tutior atque liberior ad
sapientiam acquirendam reddatur via. Et quia eorum
confutatio non est huius loci, ideo nos simplici enume-
ratione contenti erimus; & ne rem consulam sine ordi-
ne tradamus, eos ad quædam certa capita reuocabi-
mus.

C I R C A Deum eiusque attributa, hi fuerunt er-
rores: Deum non esse; esse corporeum: non esse Trinū:
non præcedere creaturam duratione: attributa in Deo
non dicere aliquid in re, sed solū negationē & remotio-
nē: Deo esse aliqua possibilia, alia impossibilia: deū esse
infinitæ virtutis duratione, nō ætione: Deū esse æter-
num in agendo, & mouendo, sicuti in essendo: Deum
esse mobilem: esse necessariam causam primæ intelli-
gentiæ: esse infinitum virtute, non quia faciat aliquid
ex nihilo, sed quia communicat motum infinitum: pri-
mam causam esse causam omnium rerum remotissi-
mam.

mam: Deum non esse ens positivè, sed privativè.

CIRCA Dei operationē & potentiam in agendo & cognoscendo; Deum nihil agere; non posse generare sibi simile, & generationem in Deo non dicere perfectionem, non posse facere alium mundum; nihil de novo posse producere sine motu, & sine prævia dispositione in materia, unde tollitur creatio: non posse separare accidens a subiecto, nec efficere ut dimensiones se penetrēt: non posse dare immortalitatem & incorruptibilitatem rei mortali & corruptibili; non posse facere aliquem proxime beatum, & non dare felicitatē vni & non alijs: non posse facere plures animas numero, nec hominem sine agentibus naturalibus: non potuisse facere primam materiam sine corpore cœlesti: a voluntate antiqua non posse aliquid procedere sine mutatione præcedente: ab vno agente non posse esse multitudinem effectuum: primum principium esse causam æternorum, solum quia ea conseruat, & quia nisi esset, ea non essent: non esse causam efficientem nisi respectu eius, quod est in potentia materiæ: non posse mouere cœlum motu recto, quia daretur vacuū: non posse aliquid aliter mouere, quam mouet, quia in eo non est diuersitas voluntatis: Ab vno principio non posse fieri multitudinem: Deum non posse facere aliquid de nouo: semper agere, aut nunquam, & quod proxime ab ipso fit, necessatio fieri: non esse causam proximam rerum generabilium, quia sunt affectus noui: non posse aliud a se producere: Esse primam & necessariam causam primæ intelligentiæ: non esse necessariam causam motus corporum superiorum: omnes effectus esse necessarios respectu primæ causæ: facere contraria respectu corporum cœlestium: non posse in effectum causæ secundæ, sine ipsa: non posse multiplicare indiuidua sub una specie sine materia: esse causam remotissimam omnium entium: non posse facere plures intelligentias eiusdem speciei, quia carent materia; non posse facere plures animas, & eas creare, corpora vero

vero fieri ab Angelis: Non cognoscere alia a se: non creare inferiora, quæ hic fiunt, non reuocari ad prouidentiam diuinam, ignorare particularia, in propria forma; & solum cognoscere in vniuersali, non permittere mala, vt inde colligat bona, sed euenire ex necessitate materiæ, non cognoscere futura contingentia, aliqua casu euenire respectu primo causæ, non posse immediate cognoscere contingentiam, nisi per aliquam causam particularem.

DE Intelligentijs, hi potissimum extiterunt errores: intelligentias esse æternas suo principio: intelligentias superiores creare animas rationales sine motu cœli inferiores vero animam vegetatiuam, & sensitiuam cum motu cœli, intelligentias nullibi esse: non mutari in opere, seu appetitu, & non esse in potentia ad aliquam mutationem: non habere causam efficientem, sed conseruantem, vnde non sunt factæ de nouo: intelligentiam quæ cœlos mouet, influere in animam rationalem, vt cœlum in corpus: nihil intelligere de nouo, habere omne bonum possibile, & nihil desiderare, quo careât: in eis idem esse essentiam & existentiam: superiores non esse causas alicuius nouitatis in inferioribus: superiores esse causam æternæ cognitionis inferiorum: inferiores accipere esse a suprema, quæ est proxime a Deo: earum scientiam esse idem quod essentia: esse actu infinitas, quia immateriales: intelligentias, cum sint plenæ formarum, eas imprimere in materiam per cœlos, ut per instrumenta: esse alicubi per operationem, & non posse moueri a loco in locum per medium nisi quia volunt esse in medio, vel in loco, & nunquam esse secundum substantiam: Tot esse numero intelligētias, quot sunt cœlorum orbis, vnde alij 20. alij 40. alij 50. ponunt, animas cœlestes produci ab intelligentijs, & vnā intelligētiam ab alia: et idem producere corpore cœlestia, & animas rationales, easque gubernare, & beare, omnes formas produci a datore formarum, id est, ab ultima intelligentia, in intelli-

in intelligentijs nihil mali esse posse, vltimam præesse omnibus rebus inferioribus, & ab eadem procedere totam nostram perfectionem, & scientiam, & in eius cognitione consistere nostram beatitudinem: non infundere scientiam per insomnia, nisi mediante corpore celesti, quod etiam de Deo dicitur: in eodem instanti posse esse vbiq̃ue, si velint. Diabolum nunquam habuisse, cur potuerit stare, & angelum malū semper fuisse malum ab instanti creationis.

DE cælo & mundo; mundum non incepisse: fuisse Arist. h. de cæl,
quoddam mobile ab æterno, & motum, ac tempus. cæl. & gene,
lum non fuisse factum, sed esse ab æterno, vnde genera
tio nunquam cœpit, nec desinet: cælum esse quoddam
animal obediens Deo, eius motum effici ab eius anima,
& esse animatum anima rationali: corpora cœlestia
esse producta ab animabus corporum cœlestium,
ex cælo, & eius anima fieri vnum per se. corpora cœle
stia & eorum dispositiones, in quibus aliquid incipitur
habere dominium in illud opus etiā si sit voluntariū,
a principio vsque in finem: mundum nunquam innouā
dum: omnia quæ hic aguntur subesse necessitati corpo
rum cœlestium. Plures esse motores primi cœli: orbes
esse causam voluntatis medici, vt sanet: redeuntibus
corporibus cœlestibus ad idem pūctum, spatio 36. mil
lium annorum, redibunt ijdem effectus. Nihil esset no
uum, nisi cælum esset variatum respectu materiæ ge
nerabilium: non posse solui rationes philosophi de æ
ternitate mundi: duo esse principia æterna, corpus cœ
li, & eius animam: cœli motum nunquam cessaturum,
quia inferiorum generatio est eius finis, & si cessaret a
motu, cessaret ab esse. Vniuersum non posse deficere,
quia primum mouens in æternum debet transmutare
materiam: Naturalem philosophū debere negare mun
di nitritatem, quia nititur rationibus naturalibus, & ra
tiones quibus probatur æternitas non esse sophisticas:
creationem non esse possibilem: non esse verum ali
quid fieri ex nihilo, cælum moueri a sua anima, & ab

appetitu sensitivo, cœlos esse instrumenta intelligentiarum, quæ sunt eorum animæ, a cœlis posse produci hominem, & esse causas omnium formarum: Diuersis cœlorum signis significari hominum conditiones, & mutationes intenzionum; ab illis pendere actus humanos, & vitam hominum. Ex cœlorum dispositione pendere omnia futura, & ita si quis eorum dispositiones nosceret, omnia præterita & futura sciret: & omnia necessario euenire.

De anima humana, & homine, eiusque potentijs. Animam simul cum corpore mori, mentem esse Deū lucidum, animam esse Deum commorantem in omnibus, non totam animam esse æternam, sed eius particulam maiorem, aliam temporalem: animā nihil aliud esse, quam corpus, ex anima & corpore non fieri vnum per se, nisi, vt ex motore cœli & cœlo: animas produci ab vltima intelligentia, animam per imaginationem posse agere in alieno corpore, vt in proprio, hinc fasciatio: animæ pœnam esse separationem a prima intelligentia, & ita non sentit nisi pœnam damni, animam coniunctam cum corpore dolere ob separationem ab vltima intelligentia; non fuisse primum hominem, nec fore vltimum, animam separatam non pati ab igne corporeo, intellectum non esse formam corporis, sicuti nec nauta nauis, & ex sensitivo, & intellectiuo nō fieri vnum per se, vnum esse intellectum in omnibus: intellectum humanum esse æternum, animam nullo modo esse mobilem secundum locum, animam & intellectū non posse produci nisi mediante corpore, formam extrinsecus aduenientem non facere vnum cum materia, animam separatam non esse alterabilem, intellectū possibilem, non esse vnitum nobis secundum substantiam, nihil sciri ab intellectu post separationem, intellectum esse totaliter abstractum, intellectum agentem esse quandam substantiam separatam a corpore, intellectum speculatiuum simpliciter esse æternum, & corrumpi respectu huius hominis, corruptis eius phantasmatibus,

matibus, intellectum possibilem nihil esse actu, antequam intelligat, intellectum, sua natura, posse pervenire ad cognitionem essentiae primae causae; quod est falsum, si intelligatur de cognitione immediata: animam educi de potentia materiae, non advenire extrinsecus, hominem per nutritionem posse fieri alium numeraliter, hominem esse hominem per solam animam rationalem, hominis generationem esse circularem, & redire pluries ad easdem materiae partes, & post certam annorum spatia ad diversa corpora, animam tandiu esse in corpore, quoadiu est mensura ex decreto naturae.

DE hominis cognitione, libertate, virtutibus, & statu. Peccata esse aequalia: peccatum nefandum contra naturam, esse contra naturam speciei, sed non individui: simplicem fornicationem non esse peccatum: posse facere peccata, esse dignitatem in causis superioribus: continentiam non esse virtutem, similiter nec humilitatem: castitatem non esse maius bonum, quam perfecta abstinencia: voluptatem corporis esse summum bonum: felicitatem haberi in hac vita: virtutibus naturalibus hominem esse proxime aptum ad felicitatem eternam: bonum quod homini contingit, consistere in virtutibus intellectualibus: hominem post mortem amittere omne bonum: non posse idem corpus numero redire: resurrectionem non dari, & philosopho non esse credendam: non dari excellentiorem gradum, quam vacare philosophiae: peccari solum passione, non voluntate, & potentijs superioribus, voluntatem necessario sequi id, quod ratio proponit, & hoc ex natura voluntatis, & ita sequitur rationem, ut animal brutum sequitur appetitum: voluntatem esse subiectam potestati corporum coelestium: nullum dari agens ad utrumlibet, conclusione facta de re aliqua facienda, voluntatem non manere liberam, & determinari ab appetibili, ut materia ab agente, cessantibus impedimentis, voluntatem manente passione & scientia, non posse agere contra, Magistri & discipuli scientiam esse unam, animam co-

Stoic.

gnosendo se, cognoscere omnia, quia habet species omnium rerum innatas; de Deo, non posse cognoscere nisi esse; animæ scientiam esse æternam; quia intellectus agens & possibilis sunt æterni, in hac vita nos posse cognoscere Deum per essentiam, humanas actiones non regi a providentia diuina; liberum arbitrium esse potentiam passiuam, non actiuam; hominem intelligere, esse propositionem falsam & impropriad, multas veritates fuisse ab æterno, quæ non sunt ipse Deus, nec animas glorificatas, nec corpora gloriosa fore in cœlo empyreo cum Angelis, sed in cœlo aqueo. Sacrificia oblata Deo nihil prodesse, sed habere naturaliter vim, si secundum illa aliquod opus incipiatur, characteres habere vim naturalem circa effectus, ad quos ordinantur, Deum per preces & sacrificia non posse placari, Prophetiam esse in nobis naturalem, orationes & præces ad aliquod bonum consequendum, vel malum fugiendū, ex se habere vim naturalem ad effectum producendum, unde continentur sub ordine naturæ, nostram beatitudinem consistere in cognitione vltimæ intelligentiæ.

Anic.

Auic.

Algaz.

Demo.

Auer.

Auic.

De quibusdam priuatis erroribus circa philosophiam naturalem. Res generari ex congregatione atomorum, & ex earundem dissolutione corrumpi; potentiam producendi non posse esse in solo agente, & a nullo agente posse produci contraria, in omni factione supponi materiam; omnes formas fieri ab intelligentia datrice formarum, quot sunt composita, tot esse principia prima, materiam & formam non differre secundum essentiam, entia declinare ab ordine causæ primæ, nō ab ordine ad reliquas causas agentes in vniuerso, formam non posse fieri nisi ab agente ex materia, causam secundam habere aliquam actionem, quā non accipit a prima, in causis efficientibus, cessante prima, non cessare secundam, modo agat secundum materiam suam agentia inferiora, & elementa nihil agere, sed omnia fieri a cœlesti harmonia, effectus omnium causarum

causarum mundi pertingere ad quodlibet indiuiduū, ex quacunque re plene cognita, posse totius mundi haberi notitiam tanquam per speculum totius harmoniæ cœlestis. Elementa esse æterna, sed facta de nouo secundum dispositionem, quam habent, vel ex chaos, æuum & tempus nihil esse in re, naturam in cœlis esse intelligentiam mouentem, formas non diuidi ad diuisionem materiæ, formam materiale non posse creari, nihil fieri casu, sed omnia ex necessitate, ex diuersitate locorum sequi necessitates euentuum, accidens non posse separari a subiecto, quia implicat contradictionem, & si separaretur esset æquiuoce accidens.

A T Q V E hi sunt præcipui errores, quos qui secure philosophari voluerit, vitare debet. Nec præterit fuisse quosdam alios, quos vel imperita multitudo, vel hæretici de rebus diuinis, & humanis habuere, vt de deorum multitudine, de duobus summis principijs bono, & malo, & nonnullos alios; sed nos eos speciatim numerauimus, quos ethnici philosophi introduxerunt, præsertim Auenroes, Auicenna, Algazeles, Alchindus, Auicembron, Rabbi Moses, & quidam alij, **Direct.** quos apud quosdam scriptores notatos inueni. **Inq.** Ad caute legendos antiquos & profanos Philosophos, & speciatim Platonem, prouiderunt Ioan. Bap. Crispi disputationes, & priuatim ad cauendos errores circa animam; circa Deum, atque operationes diuinas, circa Angelos, Dæmones, fatum, fortunam; mundum, cœlum, res politicas, summum bonum, & alia, ac etiam libri diui Thomæ Aquinatis contra Gentes, atque aliorum quorundam qui antiquorum Philosophorum errata sunt prosequuti. **F. Geor.**

Quam turpe sit philosophando inhoneste viuere.

Cap. VI.



QUONIAM uero nihil est, ut ipse existimo, quod magis, vel magistrum ad philosophiam recte docendam, vel discipulum ad eandem utiliter facileque discendam, commouere queat, quam si uterque, honeste, atque congruenter rationi vixerit: propterea in hac extrema huiusce nostrae Institutionis parte, quam turpe, quamque ab omni ratione alienum sit sapientiam profiteri, & insipienter viuere, demonstrare uolumus; ut huius rei deformitate inspecta, & verbo & moribus omnes philosophari uelint. Ad quem finem consequendum, potuissem quidem de laudibus, atque dignitate philosophiae longum habere sermonem, ut rei honestate Lectorum animi ad id quod uolo allicerentur; sed quoniam homines non minus alicuius rei turpitudine, quam honestate commoueri solent; idcirco, quam turpe sit, male uiuendo philosophari, & hoc vitae genere philosophiam suo honore spoliare, atque alijs inuisam reddere, mihi demonstrandum proposui: ut tanti facinoris magnitudine perspecta, omnes honestissime philosophari uelint. Ut omittam, quod ex ijs quae supra varijs in locis dixi, quantus sit decor, quanta laus, quantaque philosophiae praestantia, satis aperte intelligi a quouis potest; si nomen, si natura, si causae, si partes, si officia, si utilitates, necessitates, voluptatesque; quas secum affert aliquis inspexerit. Et quamuis in suscepto argumento longe lateque excurrere posset oratio; tamen, cum non tam dicere, quam monere uelim, ideo strictim breuiterque agam.

QUAM igitur flagitiosum sit, philosophari uelle, & parum honeste viuere, etiam ex ipsa uocis notatione cognoscere licet. Nam, si Philosophia sonat sapientiae studium, & philosophari sapientiae operam dare, quis

quis sapiētiae cognoscēde, aut recte docēde cupiditate eum teneri putet, qui male viuendo summæ insipientiæ luculentam significationem præbet? cum nulla maior dari possit stultitiæ significatio, quam contra rationem viuere, & sibi non sapere; vt certe non sapiunt, qui summo philosophiæ bono, dum male philosophantur, seipsos priuant. Quis philosophi nomine eum dignum iudicet, qui non veram solidamque sapientiam, sed insipientiam, hoc est vitam, omni virtutis sapore, & prudentiæ sale vacuam viuit? qui verbis laudat, quod factis vituperandum docet: qui moribus destruit, quod verbis ædificarat: in quo sanè sapientius quam isti, se gessit Epicurus insipientium omnium insipientissimus: qui etsi corruptam doctrinam traderet, tamen satis honeste, pro sua secta, viuebat. Neque hic mihi dicant, philosophiam esse veritatis notitiam, quæ intacta manet, etiamsi vita sit parum honesta: Nam qui solam veritatem quæ mente attingitur in Philosophia spectandam putant, isti non integram, sed dimidiatam, non absolutam, sed imperfectam sapientiæ formam vident, eamque alijs spectandam exhibent. Humana mens scientiæ luce ornata, & virtutum luminibus orbata, est veluti mens quædam diabolica, quæ multa videt, & omnia malitiose agit: veluti teterrimus carcer parua luce illustratus, & omni fælore refertus: veluti infernus quidam, vbi est ignis lumen cum tenebris permixtum: veluti monstrum quoddam, vna parte formatum, altera vero informe, vno oculo præditum, altero orbatum, vna manu integra, altera obtruncata, vna tibia recta, altera obtorta; & eo deformius atque aspectu horribilius, quo sub fucata veri specie, se vt pulchrum conspiciendum præbet: at, si quis istud tenue veritatis velamen remoueat, quanta sit turpitudine eius qui sine pietate atque honestate vitæ philosophatur, haud obscure cognoscet.

CAETERVM isti altero cæcati oculo absolutam Philosophiæ formam, aliasque eiusdem imagines, vide-

dere minime potuerunt. Est enim, ut meliores Philosophi docent, Philosophia similitudo Dei, cōmentatio mortis, omnium bene dictorum & factorum mater, magistra vitæ, & ut alias eius formas omittam, omnium vitiorum expultrix: quarum formarum nulla isti philosophorum generi (de illis loquor Philosophis, qui solum verbis & pallio philosophantur) cōuenit. Etenim, est ne fortasse Deo similis ille, qui inhoneste viuendo sibi impressam diuinitatis imaginem fœdat, & quantum in se est, delet? Commentatur is mortem, qui de ventre explendo, qui de amica fruenda, qui de pecunia cōparanda, qui de inani gloria colligenda, qui magis de vita propaganda, quam emendanda cogitat? qui inquā, nihil sublime, nihil diuinum, nihil homine dignum meditatur? Pariet ille honeste facta, qui solis dictis delectatur? se uitæ alienæ magistrum præbebit, qui inhonestæ vitæ exemplum præbet? expellet ille vitia, qui se vitij explet, & ut alios expleat (facinus) verbo, & factis curat? cum eos discipulos corrumpat, quos integros acceperat. Abeant igitur a perfectorum Philosophorum choro, isti inchoati, imperfecti, semipleni, & dimidiati Philosophi, ueri tamen, & absoluti, perfectique Sophistæ; quorum teterrimam formam, & deprauatas viuendi rationes supra ob oculos posuimus, & quanta sint vituperatione digni docuimus. Neque etiā totum Philosophiæ regnum vniuersamque ei subiectā materiam videre potuerunt: Siquidē nō solum rerum naturæ, sed et hominum mores, non solum aliorum vita, sed etiam sua, est subiecta Philosophiæ materia, & ut aiebat Epictetus, *ὁ βίος αὐτῶ ἐναστ*. Quare sapienter dicebat Democritus, optimam doctrinam esse, naturam per quam similem fieri: hac trasformari animam, & in melius dirigi, notasque illas quas natura nobis insinuit, quasi vetustate abditas, renouari. Nō magnum est virtutem cognoscere, diuus aiebat Cyrillus, sed studio se agere, certe id magnum est. Si verbum nomini in grammatica coniugamus, aiebat alius, perfectus sensus efficitur:

Apud
Aria. li.
1. c. 15.
Theod.
lib. 4.
li. 10. in
Io. c. 9.
Theoph.
Alex.

efficitur : quod sane non faciunt , qui philosophando sola nominum notitia ; reiecta actione ; delectantur : quibus illud Epictetum conuenit , vt vocari possint Philosophi , *μεχρι τῆ λέγειν ἀνευ τῆ πραττειν*, hoc est, vt verbum verbo reddatur , vsque dicere , sine facere . Maiorem itaque , & meliorem sapientiæ partem abscindunt , & altera sui regni portione Philosophiam priuant, qui sola cogitatione, non honestis actionibus eam contineri putant; nec tanti facinoris se reos cognoscunt ; cum omnium bonorum parentem a sua possessione depellant . Hi Philosophiæ studiosi , qui Philosophiam factis euertunt ? Hi Philosophiæ amatores , qui eius dominium minuant ? Hi Philosophiæ defensores, qui Philosophiam lacerant ; & vt e suo, ita ex aliorum animis, corrupte viuendo, eam eijcere contendunt ? Pro scelus ? Et quod rei atrocitatem auget, hi sæpe in Gymnasijs florent; hi audiuntur, hi laudantur, hi amplissima stipendia consequuntur : hi qui fustatis quibusdam lectionibus sibi imprudentes iuuenes conciliant, vt postea a pietate, & a melioribus magistris reuocent : hi qui potius philosophorum erratis, quam veritate christiana auditorum animos imbuere studet. Hos , quos tanquam maleficas syrenas obturatis auribus fugere deberent, iuuenes studiose sequuntur? Hos pro magistris habebunt sapientiæ, quos insipienter viuere cernunt ? Hos sibi integra iuuentus magistros eliget, qui sermonibus parum pudicis , & vitæ rationibus parum christianis , suos sectatores corrumpunt ? Qui cum non animaduertant vnde tantum diuinæ Philosophiæ bonum hominibus accesserit, a Deo nimirum ipso, ut etiam profani Philosophi, minore lumine illustrati, dixere, eo, ad ignominiam eius qui donauit, abutentur, eodemque offendunt eum, a quo acceperunt: quod sane omnes faciunt, qui nō ex Philosophiæ præceptis, contra insitas rationis notiones viuunt; si illi viuere dici possunt , in quibus nullus est virtutis sensus , nulla honesta uitæ operatio , & rationis motus nullus : Illi ,
inquam,

inquam, qui diuina gratia orbati, vere in mortuorum numero ponendi sunt. Quod si reprehensione & pœna digni censentur, & perpetua infamia notantur, qui sacras literas contaminant, & diuina mandata transgrediuntur, cur non etiam æterna infamia digni erunt qui diuinam philosophiam prauè viuendo corrumpunt? Ethnici philosophiæ studium vt diuinum coluerint, Christiani homines inter Christianos male viuendo deprauabunt? Ethnici integris operibus philosophiam commendauerint, & pro magistra vitæ habuerint, Christiani vero homines eandem suis deprauatæ vitæ rationibus odiosam reddent, atque contemnent? Cicerō dixerit, vnum diem bene & ex præceptis philosophiæ actum, peccanti immortalitati anteponendum esse, nostri vero philosophi, sed quid philosophos appellat? peccantis mortem, immortalitati honeste viuentis præferendam re ipsa existimabunt? Dixerit olim quidam, & alij dictum approbauerint, Ab Ioue Philosophos & Reges esse; at quis de malis philosophis id vere dictum putet? Quod si non sunt ab Ioue, vnde sint, ipsi videant. Quis igitur tanta ignorantiae caligine inuolutus est, qui non videat quantum sit scelus, donum cœlitus ad nostram vtilitatem, sumique parentis gloriam donatum, in suam aliorumque perniciem, & indantis ignominiam conuertere? Quis ita mente captus, vt non intelligat quanto se paricidio inquinet, qui vitæ parentem corrumpit? Quis ita ingratus, vt tanti boni auctori, pie honesteque viuendo, gratias non agat?

Q V I D porro de fine philosophiæ dixerim? quem qui non attingit, is beatitudinem omnium bonorum cumulum contemnit; quo quid stultius, quid horribilius cogitari, ut fingi potest? Quis vnquam ita mentis inops est inuentus, qui miser esse velit? vt sane omnes volunt, qui ex philosophiæ præceptis non viuunt, cum vna sola virtus, sit summum hominis in hac vita bonum, cætera omnia, Nugæ. Qui ita philosophantur, mentem suam

Tuf. 5.

Socr.
Pont.
lib. de
obed.

suam vacuum, sterilem, deformem, stultam, atque contumeliosam Deo reddunt: vanam, quia eam priuant diuina laude; qui est præcipuus Philosophiæ fructus: sterilem, quia ei subtrahunt fructum remunerationis æternæ: deformem, quia ei præcipuam partem adimunt, & talē reddunt, qualem quis redderet patonem, si ei caudam abscinderet, in qua eius præcipua pulchritudo est collocata: stultam, dum male philosophando magis stulti, quam sapientes efficiuntur: iniuriosam, dum creatoris gloriam, quam per philosophiæ notitiam ei reddere deberent, sibi iniquissime tribuunt; & se aliquid esse stultissime arbitrantur. Atque, hi demum sunt philosophi illi quos diuinus Paulus in suis cogitationibus euauisse dixit: qua sententia nulla grauior, nulla seuerior in hominem qui sapientiam profitetur, pronuntiari potest. Qui, cum veritatem, & Deum ipsum qui veritas est cognouissent, non ut debebant, eum coluerunt, ac proinde eorum cogitationes vanæ fuerunt. Quandoquidem illi proprie vani nuncupantur, qui apposite ad finem consequendum non agunt; ut sane omnes illi faciunt, qui rationi congruenter non viuunt. Quid tibi prodest, dic obsecro, o philosophe, in scholis, domive rerum naturas inuestigare, cælorum magnitudinem metiri, virtutis vim perpendere, eiusdem vtilitates assignare, eandem sequendam esse verbis docere, & in summa, veritatis lumen alijs præferre; si postea turpiter viuendo, tuam, aut potius omnium rerum naturam perueritis, tuarum actionum mensuram non seruas, virtutem pro nihilo ducis, eiusdem emolumenta respicis, genere vitæ fugiendam doces, & in peccatorum ténébris versaris. Caue miser, quia sic viuendo, non philosophum agis, sed Sophistam, non philosophiæ studes, sed pseudophilosophiam profiteris. Si istud esset philosophari, etiam nefarii omnes in philosophorum numero ponendi essent. Sed ut admonitio maiorem habeat auctoritatem, grauissimum Poetam hunc in modum canentem introducamus.

Rom. 2.

Pers.
Sat. 3.

Discite

*Disce nunc miseri, & causas cognoscite rerum.
 Quid sumus, aut quid victuri gignimur, ordo
 Quis datus, aut meta quam mollis flexus, & unde.
 Quis modus argento, quid optare, quid asper
 Utile numus habet, patria carisq; propinquis
 Quantum elargiri deceat: quem te Deus esse
 Iussit, & humana qua parte locatus, es in re.*

Arist. li.
 10. ethi.
 c. 2.

At quid de officio dicemus? quod, ut docuimus, est se, & alios recte instituere, seque morum magistrum ceteris præbere. Nam, si verum est, ut certe quidē est, magis & melius homines doceri re & exemplo, quam verbis; quam pessime suo fungetur munere philosophus ille, qui male viuit? qui re impugnat, quod verbis docuerat? quis affirmanti venenum esse perniciosum credat, si eum venenum sumentem viderit? quis fidem habeat dicenti mel esse præ dulce, si eo reiecto, absynthio se nutrit? quis eo non pergat, quò qui lumen se præferre ait, ire conspiciet? Neque hic mihi aliquis dicat, non quod fecerint, sed quod docuerint, esse faciendum; quia ut eos eorum magister docuit, Vulgus non distinguit. Et cum alijs medicamentum præbere volent, cur, si ipsi quoque erunt morbo infecti, non timebunt, ne sibi dicatur, Medice cura te ipsum; eijce prius trabem ex oculo tuo: atque etiam hoc, Tu qui cæcus es, te cæcis ducem præbes? tu qui inhoneste viuendo pasim impingis, & corruis alios illæsos duces? Sed ut grauior sit admonitio, ethnicū philosophū eos quorum cū vita pugnat oratio, redarguentem audiamus. Quod, inquit Cicero, mihi uidetur esse turpissimum. Ut enim si grammaticum se professus quispiā barbare loquatur; aut si absurde canat is, qui se haberi velit musicum, hoc turpior sit, quod in eo ipso peccet, cuius profitetur scientiam: sic philosophus in ratione vitæ peccans, hoc turpior est, quod in officio, cuius magister esse vult, labitur, artemque vitæ professus, deliquit in vita. Aperiant hic aures qui philosophiæ artem corrumpunt, ad hanc grauissimam hominis solo-

nata-

naturæ lumine illustrati sententiam, & eos pudeat, se-
que emendent, & officium illud quod in alios se exer-
cere profitentur, in seipsos exerceant prius. Sed ut ali-
quem ex nostris etiam audiamus, sanctus quidam Pa-
ter hanc sententiam huc pertinentem litteris cōsigna-
tam reliquit, Nihil esse calamitosius ea mente, quæ de
Deo extra Deum philosophatur, quod certe faciūt ij,
qui philosophando Deum non colunt, non venerātur;
quem finem philosophiæ assignarunt, qui melius phi-
losophati sunt; ut is certe assignauit, quisquis fuerit, qui
tale præceptum dedit.

Diadoc.

Si Deus est animus, nobis, ut carmina dicunt,

Auctor
Caton.

Hic tibi præcipue sit pura mente colendus,

Iure itaque optimo, vir grauissimus, & eloquentis-
simus Firmianus, contra Philosophum, qui Deum non
colit, dixit, Omnem doctrinam, quæ sine Deo est, esse
veluti corpus sine capite. Hæc, inquit, res efficit, ut phi-
losophi, etiam si natura sint boni, tamen nihil sciant, ni-
hil sapiant. Omnis doctrina, & omnis virtus eorum si-
ne capite est, quia Deum nesciunt, qui est virtutis ac
doctrinæ caput: quem qui nō agnoscit, licet videat, cæ-
cus est: licet audiat, surdus: licet loquatur, elinguis est.
Cum vero conditorem rerum, parentemque cognoue-
rit, tūc & videbit, & audiet, & loquetur. Habere enim
caput cœpit, in quo sunt sensus omnes collocati, hoc
est oculi, aures, & lingua. Nam profecto is videt, qui ve-
ritatem in qua Deus est, vel Deum in quo veritas est,
oculis cordis aspexerit: is audit, qui diuinas voces, ac
præcepta vitalia pectori suo affigit: is loquitur, qui cæ-
lestia differens, virtutem ac maiestatem Dei singula-
ris enarrat. Quare, non est dubium, quin impius sit, qui
Deum non agnouerit: omnesque virtutes eius,
quas habere, aut tenere se putat, in illa mortifera via
reperiuntur, quæ est tota tenebrarum. Quapropter, ni-
hil est quod aliquis sibi gratuletur, si has inanes virtu-
tes adeptus est: quia non tantum miser, qui bonis præ-
sentibus careat, sed etiam stultus sit, necesse est, qui la-
bores

borea in vita sua maximos suscipiat incassum. Nam, de-
 pta spe immortalitatis, quam Deus pollicetur in sua
 religione versantibus, cuius assequendæ gratia virtus
 appetenda est, & quidquid malorum acciderit perfe-
 rendum, maxima erit profecto vanitas, obsequi velle
 virtutibus, quæ frustra homini calamitates afferunt, &
 labores. Hucusque Lactantius: cuius sane doctrinam ab
 ijs diligenter considerari velim, qui sola rerum glo-
 riantur cognitione, & quibusdam civilibus moribus
 adeptis, se absolutos philosophos esse arbitrantur, si id
 quod cognoscunt ad pietatem, & Dei laudem non re-
 ferunt; quod qui faciunt, ij tandem vivere, vide-
 re, audire, & loqui, ut docte citatus auctor ait, cense-
 ntur. Ad quod faciendum suo exemplo sapiens nos ex-
 citavit, cum ornatissimam & summo artificio contextā
 orationem in Dei laudem ex intima philosophia de-
 promptam his verbis exorditus est. Memor ero ope-
 rum Domini, & quæ vidi annuntiabo in sermonibus
 Lib. 7. Domini opera eius: cuius orationis artificium nos ali-
 de orat. quando accurate explicuimus. Non ergo, ut hunc lo-
 diuino. cum cum eodem Lactantio concludam, ideo nasci-
 mur, ut ea quæ sunt facta uideamus, sed ut ipsum fa-
 ctorem rerum omnium contemplemur idest mente
 cernamus. Quare, si quis hominem qui uere sapit in-
 terroget, cuius rei gratia natus scit; respōdebit intrepī-
 dus ac paratus, colendi se Dei gratia natum, qui nos
 ideo generauit, ut ei seruiamus, seruire autem Deo, ni-
 hil aliud est, quam bonis operibus tueri, & conseruare
 iustitiam: quæ nihil aliud est, nisi pietas, pietas autem ni-
 hil aliud, quam Dei parentis agnitio. Summum igitur
 bonum hominis in sola religione est. Quid ergo phi-
 losophiæ magister scholam aperit? quid discipulus eam
 frequentat? quid ille in prælegendo, quid hic in au-
 diendo tot tantosque in cassum sumit labores? dum
 uterque totius naturæ, & humanæ uitæ notitiam, ad
 laudem eius qui fecit omnia non refert? Quæsiuit ali-
 quando uir antiquissimus, grauissimus, doctissimus,
 idemque

idemque sanctissimus Iobus unde, nam sapientia, quā cunctis rebus præferendam esse dixit, ueniat, & ubi nā sit locus eius, & cum neque in abyssis, neque in mare esse, & omnium oculos latere, & solum Deū eius locum noscere, dixisset, concludendo ab eodem Deo homini manifestatam fuisse his uerbis docuit. Et dixit homini. Ecce timor Domini ipsa est sapientia, & recedere a malo intelligentia. At, quidnam est Domini timor, nisi reuerentia & cultus ille, ac laus, qua perpetuo ab æternis mentibus in cælo, & ab omnibus rebus creatis in hoc mundo celebratur? in hunc enim finem omnia a summo illo huiusce uniuersitatis artifice fabricata fuere. Ideo aliquando de rerum molitione loquendo dixit, Cum me laudarent simul astra matutina, & iubilarent omnes filij Dei Cæli, ut regius Propheta cecinit, gloriam Dei enarrabunt, magnitudinem operum eius firmamentum indicabit: cælestes illi ignes lucem inaccessibilem in qua eorum opifex habitat, ostendent: tanta frugum copia qua omnes animantes pascuntur, eiusdem munificentiam patefaciet, tot tantarumque rerum ordo, & certa uicissitudo diuinam prouidentiam prædicabit, & denique omnia quæ in cælo, quæ in aere quæ in aquis, quæ in superficie, & uisceribus terræ sunt, & fiunt, pruinæ, pluuiæ, pisces, arbores, lapilli, & armenta, res inquam omnes ratione & sensu carentes Deum laudabunt, & gloriam eius enuntiabunt, & illi qui istarum rerum omnium, numerum, pondus, & mensuram se inuestigare, & noscere profitentur, elingues erunt, & rebus omnibus diuinas laudes conclamantibus, ipsi soli conticefcunt? Et honore præfato, tanquam asini ad liram erunt? dum a rebus omnibus, quarum uoces nulla est natio quæ non intelligat, ad diuinas laudes celebrandas mirifice imitantur. Et hæc est prima causa philosophandi, quam pie, ut solet, attulit Gulielmus Parisiensis, cuius uerba hic adscribere placet: Qua sua, inquit, altera est honor, & gloria creatoris, qui est finis præcipuus, & ultimus totius sapien-

Iob. 38.

Psal.
103.

sapientialis; diuinalisque magisterij : propter hunc finem enim philosophantes in rebus huiusmodi soli recte, vereque philosophantur in illis. Non enim hac de causa sola inuestiganda sunt magnalia & mirabilia creatoris, vt cognoscantur; quia potius vt ipsum magnificetur & agnoscatur esse Deus, ac dominus sæculorum, & suadeatur per hoc, vel potius ingeratur animabus humanis honorificentia cultus ipsius. Cognitio quippe sola, & enarratio laudum, atque magnalium ipsius, non ei debetur, nec sola perficit animas nostras; sed veritas, atque sinceritas vltimæ venerationis est ei debita propter eminentiâ gloriæ suæ, & altitudinis: & animabus etiam nostris debita est sicuti nobilis perfectio earum; & ipsa etiam est humanæ vitæ decus vnicum, & decus eximium. Esto igitur, Christianus præsertim philosophus, honeste viuendo, pieque docendo, veluti quidam bonus concionator, qui diuinâ attributa in creaturis collucentia laudet ac celebret; & ad idem faciendum suos auditores commoueat, vt uir doctrina & pietate insignis Titelmannus suos Lectores commouet, vt pulcherrimum pronuntiatum per eos adimpleatur, Bona Physica, facit bonam Ethicam. Ridebunt, hic fortasse aliqui, sed eorum risus stultitiæ & paræ pietatis significationem dabit. Sit philosophiæ schola in qua de diuinis operibus agitur, earum virtutum magistra, quibus Deus colitur. Sit bonorum morum officina eius domus, in qua ea tractatur ars, quæ est morum magistra, & cunctorum benedictorum & factorum mater. Nihil iocosum, nihil impudicum in eo exaudiatur loco, vbi bonis moribus formanda est iuuentus. Hæc si fierent, maior esset docentium auctoritas, maiorque discipulorum in præceptores reuerentia, & ita vtrique longe maiores suorum laborum perciperent utilitates, nec tam sæpe inurbane dicta, & immodeste facta in scholis audirentur, & viderentur, vt quibusdam in locis videntur, & exaudiuntur. Ex qua deprauata philosophandi ratione, factum est, vt Philosophia, quæ vt res quædam diuina

diuina colenda esset, male audiat, & vt philosophi nomen ingratum quiddam, & odiosum sonet, & vt parum illæ scholæ nunc frequententur, quæ olim erant celeberrimæ. Si itaque ex recta philosophandi ratione tam multa vitantur incommoda, & tot proficiscuntur commoda, & quidem multo plura, quam quæ enumerauimus, verus philosophiæ amator, nomen, rationem, regnumque philosophiæ conseruet: donum tam sublimē a summo parente datum non contemnat: ad propositum philosophiæ finem omni contentione adspiciat: suo illo præclarissimo fungatur munere: diuinum numen ex creatis rebus cognitum perpetuo colat, ne in suis cogitatis euanescat; quo, de homine sapientiam profitenti nihil dici potest absurdius: atque suæ arti pristinum honorem restituat: quam, vt omnium humanarum & bonarum disciplinarum dignissimam, omni tempore, apud omnes nationes prudentiores homines coluerunt, quam diuinitus accepimus. Eam dico artem, quæ rerum præstantissimarum notitiam præbet, quæ utilitates in maximas secum affert, quæ mirificis delectationibus animum explet; quæ est omnium virtutum mater, & vitiorum expultrix: quæ nos Deo similes reddit, & felices efficit: quam qui ignorat, se ipsum non cognoscit, qua inscientia nulla est magis damnosa & maiore vituperatione digna; cum a natura omnes homines, velint, nolint ad rerum causas cognoscendas sint propensi, easque cognoscere vehementer expetant: quam appetitionem qui explere non student, hi cum natura pugnant, sibi que sunt inimici. Per hanc denique disciplinam ea ab omnibus cognoscuntur, quæ cuique honeste viuere, & æternam felicitatem consequi volenti cognoscenda sunt; vnde veniamus, quid simus, vbi simus, quo, & per quam viam pergamus: ex quarum rerum ignoratione, quidquid est erroris in humana vita committitur, ex earum vero notitia, grauis illa, magnifica, constans, illustis, ac prope diuina sit Sapientis persona. Qui solus, vt vere & sapienter disputat M. Tul-

Lib. 3.
de fin. in
fine.

lius, rectius dicetur Rex, quam Tarquinius: rectius magister populi, quam Sylla: rectius dices, quam Crassus: rectius eius dicentur omnia qui scit uti solus omnibus: recte etiam pulcher, cum animi lineamenta sint pulchriora, quam corporis: recte solus liber, cum nulli dominationi, & cupiditati pareat: rectius etiam inuictus, cum eius animo nulla vincula iniici possint. Quod si hi illustissimi tituli, etiam seiuncti, & singuli ab omnibus tantopere desiderantur, & tot tantisque laboribus quærentur, & sæpe quidem numero frustra; cur omnes in una philosophi persona coniuncti, non quærentur? qua persona nemo est, modo velit, qui se induere non queat. In summa, ille doctus, ille clarus, ille nobilis, ille gloriosus, ille sublimis, ille Rex qui Deo serviens, dedignatur servire peccatis. Et ut hic cum M. Tullio concludatur locus, ad tantorum bonorum parentem conuersi dicamus, O vitæ Philosophia dux, o virtutis indagatrix, expultrisque vitiorum; quid non modo nos, sed omnino vita hominum, sine te esse potuisset? tu vrbes peperisti: tu dissipatos homines in societatem vitæ conuocasti; tu eos inter se primo domicilijs, deinde coniugijs, tu literarum & vocum communione iunxisti: tu inuentrix legum, tu magistra morum, & disciplinæ fuisti: ad te confugimus, a te opem petimus, tibi nos nunc totos penitus tradimus. Atque hæc sunt quæ in hac Institutione, in Dei gloriam & philosophari cupientium commoditatem, alijs quibusdam, ut minus necessarijs omiſſis, scribenda duximus.

Libri quarti finis.

Laus Deo & Beatæ Virgini Annuntiatae.

CATALOGVS

EXPOSITORVM

OMNIVM LIBRORVM

vniversæ Philosophiæ Aristotelis ,
atq; aliorum Scriptorum de re-
bus ad eosdem libros
pertinentibus .



CVM nemo sit tam perspicaci ingenio
præditus, vt non modo in vniuersa ar-
tium cyclopedia , sed nec in vno quidē
genere, etiamsi in eo diu fuerit versa-
tus, omnia quæ ad absolutam illius co-
gnitionem pertinent , se solo plene co-
gnoscere queat; hinc est, vt aliorum inuentis, iudicijq;
& scriptis omnino egeamus. Quorum Scriptorum etiā
laudabilis sis selectus , vt meliora potissimum legan-
tur: tamen, cum nullus sit adeo malus scriptor, qui ali-
qui boni non afferat, ideo omnes legendi sunt , præ-
sertim ab ijs, qui alios vel legendo, vel scribendo doce-
re uolunt. Quæ cum ita sint , ideo nos huic nostræ In-
troductioni hunc catalogum expositorum in om-
nes Aristotelis de Philosophia libros, & aliorum scrip-
torum de rebus ad philosophiam pertinentibus, non
sine magno labore , paucorum dierum spatio adijcere
curauimus. Ex qua industria, id commoditatis philoso-
phiæ operam daturi capient, vt sciant, quos auctores si-
bi comparare possint. Magni namque temper referre,
& hinc, bona parte, nostram doctrinam pendere existi-
maui, scire ubi nam, & a quibus res de qua quærimus
tractetur. Et quamuis, vt libere fateor, hunc laborem
non plene confecerim, uel plures afferendo qui afferri

potuissent, vel de ijs quos attuli iudicium ferendo, vel etiam accuratius citando, speciatim docendo quid, a quouis diligentius tractetur, cum id per tempus, & alia impedimenta mihi facere non licuerit nihilominus, id quod præstitimu, non erit inutile, nec fortasse ingratum. & occasionem alijs dedimus, vt aliquid magis absolutum in hoc genere præstent. Quod si incitandis librorum titulis, & argumentis non ita exacti fuimus, ea causa fuit, quia non omnes quos citauimus ipsi legimus, sed multos ab alijs relatos retulimus. Quare, si qua in parte, peccatum fuerit, sis nos excusabit, qui quæ dixi, nouerit. Accusabit autem eorum nemo, qui iuuandi studium animaduertet. Erat etiam in animo adscribendi eos qui de rebus Mathematicis egerunt, sed tempus non permisit, alias fauente Deo.

SCRIPTO

SCRIPTORES

DE PHILOSOPHIAE

VNIVERSE,

De origine, natura, vtilitate, necessitate,
laudibus, &c.



Drianis Cardinalis
de vera Philosophia lib. 4.

Antonij Posseuini

Apparatus Philosophiæ.

S. Augustin. lib. 8. de ciu. Dei.

Augustini Dathi Senens. orationes 7. in laudē Philos.

Augustini Valerij de recta ratione philosophandi lib. 2.

Eiusdem præfationes in varias partes Philosophiæ.

Quæ ratione in Aristotele verandum sit.

Bartholomæi Colonienſis de laudibus Philosophiæ li. 1.

Boetius Senerinus in libris de consolatione Philosoph.

Cœlius Rodig. variis in locis.

Danielis Hofmani de vsu Philosophiæ in Theologia.

Eusebius Cæsariensis in li. 11.

& 12. de præparat. Euang.

Francisci Piccolominei in prima parte lib. de scientia naturali.

Francisci Petrarchæ lib. 2. de vera sapientia.

Georgius Pachymerus de sex Philosophiæ definition.

Georgij Gemisti de Platonis, & Aristotelis Philosophiæ differentia.

Hieronymi Sauonarolæ tractatus de diuisione, ordine, & vtilitate scientiarum.

Iacobi Carpentarij comparatio Platonis cum Arist.

Iacobi Sadoleti de laudibus Philosophiæ lib. 2.

Ioan. Francisci Pici, de studio diuinæ, & humanæ Philos.

Ioan. Iacobi Breureri proœmium peripateticum.

Ioan. Iacobi Figurini bibliotheca Philosophorum classficorum chronologia.

Iodoci Clichthouei introductio in Physic. Metaphys. & Politicam.

Ludou. Carbonis Introductio in vniuersam Philos lib. 4.

H h 4 M. Tul.

M. Tullius olim in Hortensio,
cuius fragmenta leguntur,
in qq. Acad. de Finibus, in
quinta Tusculana & alijs in loc.
Nicolaus Cusanus de sapientia
idiota.

Nicolai Tauxelli, Philosophiae
triumphus, hoc est de Me-
taphysica disputandi ratio-
ne, &c.

Petri Franci Zini orat. de lau-
dibus Philosophiae.

Petrus Langerius.

Robertus Folieta de nonnul-
lis in quibus Plato ab Arist.
reprehenditur.

Richardus a S. Victore de stu-
dio diuinæ & humanæ Phi-
losophiae.

Richardus Pacæus de fructu,
& vtilitate artium & scient.

Seneca lib. 13. epist. 89. & lib.
14. epist. 90.

Sebastiani Foxij de natura phi-
losophiae, seu de Platonis &
Arist. consensione lib. 5.

Theodoret. de curandis Gre-
canicis affectionibus, & alij
quos lib. 3. cap. 1. nos hoc
opere citauimus.

In summa omnes fere aucto-
res, qui in libros, vel vniuer-
sos, vel priuatos Arist. scrip-
serunt, in suis præfationi-
bus, & prolegomenis.

SCRIPTORES
qui in omnes fere
Aristotelis libros ali-
quid exararunt.

A Egidius Romanus in 8.
lib. phys. &c.

Albertus Magnus.

Alberti de Saxonia qq. in om-
nes lib. naturalis philos.

Alexandri Aphrodisiensis cõ-
mentaria.

Alphõsi a vera cruce explana-
tio physica in omnes lib. na-
turales.

Andreæ Cæsalpini Arëtini
peripateticarum quæstio-
num lib. 5.

Auerros, siue Auenroes, &
Aueroy.

Augustinus Niphus Sueffan.
in omnes.

Bernardi Copij idea, siue par-
titio totius Philosophiae ex
Platone & Aristotele.

Chrysostomi Iauelli qq. &
epitomæ.

Conimbricensis collegij so-
ciet. Iesu cursus.

Frat. Petri de Castrouol Or-
dinis Minorum in omnes
naturales & morales.

Georgij Pachymeri paraphr.

Hermani Raiani Veldaslij
scholia in omnes lib. Arist.
naturales.

Iacobi

Iacobi Fabri Stapulensi: paraphrases in omnes physicos; metaphy. morales, Politicos, & œconomicos;

Ianduni quæstiones in phys. & metaph.

Ioachini Perionij versiones omnium fere librorum cū suis adnotationibus.

Ioannes Duns Scotus.

Ioannes de Magistris in phys. cœl. & alios.

Ioannes Maioris in omnes

Ioann. Versorij commentum vtile in lib. de cœl. &c.

Iulij Palamedis tabulæ in omnes lib. Arist.

Ludouici Ioã. in Philosophiã Arist. dictata.

Louanienses doctores.

Nicolaus Dorbellus, vel Orbellus in phys. Gen. met. anim. metaph. & ethicam.

Petrus Tartaretus in omnes natur. metaph. & morales. 6

Tiberij Bacilerij Bononiensis in omnes Physic.

D. Thomæ Aquinatis commentaria octo phys. de cœlo. &c. & in metaphy. & in omnes morales.

Thomas Bricot in oēs phys. metaph. &c.

Sunt & alij qui in omnes fere scripsere, qui suis locis citabuntur cum scriptores in singulos lib. recensibo.

IN OCTO LIBROS Physicæ Auscultationis.

Antonius Montecatinus in librum octauum.

Antonij Poli dilucidationes in præmiū physicorū.

Burlei, comment. & qq. in octo libros.

Caietanus Tienensis canonicus Patauinus.

Cæsaris Cremonini pædia in præm. phys.

Conradus Summethrat.

Dominici à Soto cômé. & qq.

Fortunati Crellij in octo lib. comment.

M. Francisci Sanfos in 8. lib. phys. quæstiones.

Francisci Toleti comment. & quæstiones.

Franciscus Vicomercatus.

Franciscus Vallesius.

Fratri Samuelis minorum in octo lib.

Genux Patauini lectiones.

Godofridus Cornubiensis in octo phys.

Gratia Dei in lib. physicos & in quosdam alios.

Guido Perpinianus.

Gulielmus Ocamus.

Henricus Gandauenſis.

Hidelgardis in 4. lib. phys.

Iacob. Almaynus in tres lib.

Cathalogus Authorum.

- Io. Bapt. Rubei** commentaria
 in octo lib.
Ioan. canonicus.
Ioan. Echius.
Ioann. Friderici Schroteri in
 lib. 1. annotat.
Ioan de Magistris.
Ioan Grammat. in 4.
Ioan. Verforius.
Io. Ludouici Cartarij in proe-
 mium de physico auditu .
Linconiens.
Ludouicus Buccaferrus.
Ludouici Cornel Hispani per
 scrutationes in octo li. phys.
M. Anton. Maioragij paraphr.
Michal Psellius.
Parisienses D.
Paulus Venetus.
Simplicius.
Siluestri Ferrariensis q. cum
 annot. Aquarij.
Themistius.
Thomas a Vio Caietanus.
 Et alij, quos supra in commu-
 nibus posui.
- ALII SCRIPTORES**
 de rebus ad octo lib.
 physicos pertinenti-
 bus.
- A**lexandri Piccolominei
 Philosophia naturalis,
 Italice.
Andreæ Fricij Modreuij phy-
 sica Arist. compendium &
 Archangeli Mercenarij dilu-
 cidationes.
Augustini Steuchi Eugubini
 libri de perenni philos.
Anicenna Hispalensis, medi-
 cus insignis.
Bassiani Landi Placentini opu-
 scula de motu, loco & tpe.
Benedict Pererij soc. Iesu lib.
Bessario Cardinalis de natura
 & arte.
Christophori Pezelij epitome
 Philosophiæ naturalis.
Claudij Căpesij Philosophiæ
 naturalis libri tres.
Cornelij Valerij Vltraiec. phy-
 si. instit. de natura.
Francisci Titelmani compéd.
 Philosophiæ naturalis, seu
 de cōsideratione rerum na-
 turalium libri 4 priores.
Francisci Bonamici lib. 10. de
 motu, lectione digni.
Francisci Piccolominei, parte
 1. & 3. de scientia naturali.
Georgij Vallæ Placentini de
 Physiologia lib. 4. & quæ-
 dam metaphysica.
Gerardi Marthesij epitomæ
 de rerum principiis.
Girelli Brixienfis de primo
 cognito.
Gulielmi Adolphi Scribonij
 rerum physicarum metho-
 dica explicatio in tres li-
 bros distincta Basil.
Gulielmi

Cathalogus Authorum.

Gulielmi Hirsaugiensis philosophicarum institutionum lib. tres.

Hermolai Barbari compendium Philosophiæ naturalis.

Hieronymi Balduini quæstio de forma corporeitatis, & primo cognito.

Hieronymi Sauonarolæ compendium totius Philosophiæ naturalis & moralis.

F. Honorati de Robertis, quæstiones tres, de subiecto philosophiæ, de primo cognito, & an intellectus cognoscit singulare.

Iacobi Aduberti Vindonij institutiones physice in 4. partes distributæ, quæ sunt veluti commentaria in lib. 8. phys. Lugd.

Iacobi Carpentarij descriptio vniuersæ naturæ: in præfatione late de ordine physiologiæ.

Iacobi Nanclanti de creatione rerum, de animæ immortalit. & de infinitate vnius principij.

Iacobi Zabarelle de rebus naturalibus in prioribus lib. Eiusdem de constitutione naturalis Philosophiæ.

Ioan. Francisci Pici de appetitu materiæ lib. 1.

Ioan. Loriceni compendia librorum Arist. physice. Ge-

nera. anim. paru. nat. de moribus & encomium philosophiæ.

Ioan. Pauli Pernumia Patavini philosophia naturalis ordine definitiuo tradita.

Ioan. Piscatoris scholæ in lib. physic.

Ioan. Tinnuli Perusini hortulus.

Ioan. Thomæ Fregij quæst. physice.

M. Antonio Zimaræ contradictiones, & conciliat locorum Arist.

F. Mori Saraceni a Foro Semprinio compendium physicum in tria commentaria distinctum; in primo de causis rerum, in 2. de effectibus naturalibus generatim, in 3. de corporibus speciatim, de cælo, elementis & mistis. Lug.

Mag. Nicolai Perusini de materia prima.

Pachymerij epitome 1 Arist. Philosophiam.

Pauli Veneti compendium Philosophiæ.

Petri Aemonis compendium Philosophiæ.

Pet. Ram. scholarum Physic. lib. 8. sed permissu.

Petri Nacherij soc. Iesu disputatio philosophica de loco.

Raphaelis volaterani Ifagog.
in singulos lib. 8 physic.
Vincentij speculum naturale
lib. 33.

Simplicius.

D. Thomas, & alij supra com-
muniter citati.

SCRIPTORES in libros de cœlo.

Albertelli siue Albertu-
cij quæstiones.
Alexan. Aphrodisens.
Augustinus Niphus.
Bonaurenture Vulcanij scholia.
Caietanus Tienensis.
Collegium Conimbr.
Genesius Sepulveda.
Genue lectiones.
Iac. Fab. Stapul.
Ioan. Argyropoli argumenta
in singulos libros quos lati-
nitate donauit.
Ioa. Damiani lib. duo de cœlo.
Ioan. Ianduni quæstiones.
Ioan. Versorij qq. de cœlo &
mundo.
Lucillus Philaltheus late, qui
interdum platonizat.
Maynetti, Maynetij com-
ment in lib. 1.
M. Ant. Maioragij paraphras.
Nicolaus Teatinus in lib. 4. de
cœlo.
Paulus Venetus.
Poli Laurendani i. li. 4. de cœlo.
Simon Gyneus in lib. Arist.
de mundo.

ALII SCRIPTORES de rebus pertinen- tibus ad libros de cœlo.

Alexander Achillinus de
orbibus, elementis, &
Intelligentiis.
Alexand. Picolom. de stellis.
Aristotelis lib. de mundo, sed
dubitatur, an sit Theophra-
sti, de qua re Cœlius Rod.
& Steuchus.
Auenroes de substantia or-
bis, in quem Niphus, &
Maynetus.
August. Steuchi Cosmopœia.
Benedictus Pererius in Gen.
Bernardini Calelli de mundi
creatione secundum Arist.
Christophori Clauij Sphæra.
Cleomedes de mundo græce
& Latine.
Crinitus de quinta essentia
ad vniuersum orbem dispo-
nendum, &c.
Dionysius Carthusian. lib. de
corporibus cœlestibus, in
primo tomo.
Federici Pendasii de substan-
tia cœli.
Francisc. Piccolomineus par-
te

Cathalogus Auctorum.

te secunda, & tertia.

Gaspar Contarenus de elem.

Gerardi Matthijsij epitome li.
1. de cœlo.

Gulielmus Parisiensis in lib.
vniuerso.

Iacob Zabar. lib. de natu cœli.

Ioan. Ferrerius Pedemōtanus
contra Arist. de æternitate
mundi, & de Idæis Plat.

Ioan. Francisci Pici de elemē-
tis lib. 1.

Ioan. Iouiniani Pontani tomo
tertio, qui est de cœlo.

M. Iosephi Mangoli disputa-
tio de mundo.

Nicolaus Orbellus de orbib.

Titelmanus in suo compend,
lib. 7.

IN LIBROS de generatione.

A Egidius Romanus.

Alberti de Saxonia q.

Augustinus Niphus.

Dominicus Bānes in li. duos.

Flaminius Nobilius in pri-
mum & secundum.

Franciscus Toletus.

Gerardus de Monte.

Ioan. Grammaticus.

Ioan. Versorius.

Lud. Iulci Buccaferri cōmen.

M. Anton. Minoragius.

Marfilii comment.

Nicolaus Orbellus.

Paulus Venetus.

D. Thomas, & alii supracitati.

ALII SCRIPTORES de rebus ad eosdem libros pertinentib.

C Arolus Bouillus lib. de ge-
nerat. eiusdem de nihilo,
vbi de materia prima, &
creatione.

Ioan. Iacobi Paulijs discepta-
tio de acretione.

Iacobi Mart. Scoti de prima
simplicium corporum con-
cretorū gener. disputatio.

Iacobi Zabar. de gener. & in-
teritu, react. nulli.

Petrus Tartoretus de intēsio-
ne & remiss. formarum.

Titelmanus in suo compēdio
libro 5.

IN LIBROS Meteororum.

A lberti Magni de mine-
ralibus, & rebus metal-
licis. lib. 5.

Alexander Aphrodicens.

Aristoteles lib. de mundo.

Augustin. Niphas.

Caretanus Tienensis.

Cœlij Calcagnini Paraphras.
Cœli

Catalogus Authorum.

Cœlij Rodigini Paraphraf.
Fortunati Crellij de fubiecto
 metereologiæ adhuc igno-
 rato, & de putredine.
Francifcus Vicomercatus.
Georgius Agricola.
Gerardus de Monte.
Ioan. Verforius.
Ludouicus Buccaferrus in 4.
 meteor.
Nicephorus Blemmides.
Olympiodorus.
Petrus Pomponatius in librũ
 4. dubitationes.
S. Thomas Aquinas.
Thomas Caietanus.
Tymonis quæftiones, & alij
 communiter fupra citati.

ALII SCRIPTORES de iisdem rebus.

Alexandri Piccolominei
 meteor.
 Alexan. lib. 4.
Carerij Patauini quæftio an
 metalla artis beneficio mu-
 tari poffint.
Antonius Galatheus de ori-
 gine fluminum.
Antonij Poli veteri digreffio
 de circulo lacteo.
Antonij Mizaldi metereolo-
 gia, fiue rerum aeriarum
 commentariolus.
Auguftini Gallefij de terre-
 motu. Bonon.
Balthafarus Hagelij societa-

tis Iefu de meteoris, me-
 tallo, lapide, &c.
Balthafarris Pifanelli metho-
 dus vniuerfa meterorum
 omnium. Romæ.
Claudij Alberici de terremo-
 tu oratio analytica.
Cœlij Rodigini paraphrafis
 in lib. met.
Felicit Accoromboni tracta-
 tus de refluxu maris.
Francif. Titelmanus in fuo
 compendio libro 6.
Frâcifcus Piccolomineus par-
 te quarta.
Frâcifci Vierij in libros me-
 teororum, Italice.
Fridericus Delphinus de flu-
 xu & refluxu maris, & de
 motu octauæ fphæræ.
Gerardi Dornei de natura lu-
 ce phyfica.
**Hieronymus Borrus Areti-
 nus** de fluxu, & refluxu
 maris, & de Nili inunda-
 tione, Italice. Et de cauffa
 motus grauium & leuicũ.
Iacob. Zabar. lib. de motu
 ignis, & libri de motu gra-
 uium & leuiũ regionibus
 æris, qualitatibus elemēt.
 colore cœlefti &c.
Ioan. Baptiftæ Flauij para-
 phrafes in lib. meteor.
Ioan. Felifcherus de Iridibus.
Ioan. Pontanus de meteoris
 carmine.

Ioan.

Catalogus Authorum.

Ioan. Carcei Metereologia.
 Isidorus libro 13. Etymologiarum.
 Iulius Cēsār Scaliger in lib. de subtilit. cōtra Cārdanū.
 M. Ioa. Martini Ephemerides meteorologicæ.
 M. Ioa. Fran. Ephemeris Metereologica.
 M. Michaelis Stanhusij de meteor. lib. duo.
 Nicolai Taurelij de putrefactione.
 Petri de Aliaco Tractatus super lib. meteororum, ubi de omnibus impressionib.
 Seneca in quæstionibus naturalibus.
 Theophrastus de igne & odoribus.
 Theophilus Kentmanni de exalationibus fumosis, & vaporosis, flatuosisque spiribus.
 Vuolfangi Meureri metereologia quæstionibus informata, &c.

IN LIBROS DE anima.

A Egidius Romanus.
 Alexandri paraphrases cum quæstionibus natural.
 Alphonsi Archiepiscopi Tolentani qq. in lib. de anima.

Antonij Poli in lib. 3. de ani.
 Apollinaris Offredi cōment.
 August. Niphus.
 Caietanus Tinensis.
 Chryf. Iau. Epit. & quæst.
 Francisci Toleti comment. & qq.
 Francisci Vicomercati in lib. 3. de anima.
 Ianduni quæstiones.
 Ioan. Grammaticus.
 Lucilius Philatheus.
 Nicolaus Tignosus.
 Petri Francisci de Syluestris quæstiones in lib. de anim.
 Quinctiani Brixienf. ord.
 Præd. comment. simplicius.
 Theophilus Zimara in librū 3. comment.
 S. Thomas, & alii supra citati.

SCRIPTORES alij.

A lberti Magni summa de homine.
 Andreæ Duodi de habitibus intellectus. lib. 6.
 Antonius Mocenicus de anima, vel de transitu animæ ad Deum.
 Ant. Montecatin. in lib. 1. de anima.
 Antonius in prima parte suæ summæ, in primis titul.
 Antonius Zeno Policola de natu-

Cathalogus Auctorum.

natura humana.

S. Augustinus lib. de immort.
animæ lib. de quantitate a-
nimæ. lib. de vera relig. c.
29. de origine animæ. epist.
157. lib. de ani. & eius orig.
ad Renat.

Balthasari Pisanelli de ani-
ma lib. duo, Italice.

Cardanus de immortalitate.

Caroli Bouilli de intellectu &
sensu, & lib. de sapiente.

Christophori Marcelli Veneti
vniuersalis de anima tracta-
tionis opus libris sex con-
tentum.

Chrysostomi Iauelli Tracta-
tus de immortalitate ani-
mæ secundum Arist. ubi re-
fellit eos qui cōtra sentiūt.

Claudij Alberici oratio de im-
mortalit.

Dionysius Carthusian. de ani-
ma & sensibus tomo 1.

Dominici de Flandria recol-
lecta, in libros de anima.

Fratri Calixti Neapolitani
ordinis obseruantia de tri-
plici statu aīæ iuxta Theo-
logorū Philosophorū prin-
cipia.

Fracaftori opuscula de intelli-
gentia & anima.

Fornarius de immortalit. aīæ.

Franciscus Piccolomineus par-
te quinta.

Franciscus Venerius.

Franc. Titelm in suo compen-
dio sex lib. posterioribus.

Genua de immortalit. animæ.

Georgij Scroetelij disputatio
de sensibus internis.

Iacobi Zabarellæ de facultati-
bus animæ in posterioribus
libris.

Ioachini Curei de natura &
differentijs colorum, sonori-
um, odorum, saporum, &
qualitatum tangibilium.

Ioan. Francisci Pici docta di-
sputatio de immortalitate
animæ.

Ioan. Ludou. viues de anima
& vita lib. 3. & de somno &
vigilia.

Iulij Castellani disputationes,
siue commentarii in libros
Aristo. de humano intelle-
ctu ex doctrina Christiano-
rum auctorum.

Mar. Antonij Marechalchi Bo-
noniens. de humana perfe-
ctione lib. 2. ubi, de anima.

Mar. Tulij Cicer. de immorta-
animæ & reminiscet. Tu-
scul. 1.

M. Aurelij Cassiodori de ani-
ma lib.

Marfilus Ficinus de Theolo-
gia Platonis.

Michaelis Sophiani lib. 3. de
anima.

Nemesius episcopus libro de
natura hominis, qui falso
adscri-

adscriptur Gregorio Nis-
seno.

Nicolai Taurellii de anima &
eius facultatibus.

Nicolai Carpentarii disputa-
tio de anima in communi
deque vegetatiuæ, & sensi-
tiuæ naturis, & propriis af-
fectionibus.

Petri Duodi peripateticarum
disputationū de anima. li. 7.

Petrus Martinez a Bera.

Priscianus Lydius in Theo-
phrast. de sensu, Phant. &
intellectu.

Proclus in Alcibiadem Plato-
nis de anima & Demone.

Rinaldi Odonis discursus de
mortal. & immortalit. ani-
mæ secundum Platonem
Italice.

Simō Portius de humana mē-
te & de coloribus.

Tertullianus lib. de anima.

Themistius.

Theophrastus de sēsu, phanta-
sia & intellectu cum expo-
sitione Prisciani Philosophi
Lydii.

IN PARVA naturalia.

Alberti Magni parua na-
turalia.

Alberti de Saxonia q̃stiones.

Alexander Aphodis.

Aristot. in lib. 2. de anima.

Augustinus Niphus.

Buccaferrus.

Buridani quæstiones.

Cælii Redigini comment. de
de sensu & sensili.

Collegium Coinbr i.

Gerardi de monte.

Ioan Versorius.

Leonicus Maynettus de sen-
su a sensili.

Leonicus Tomæus.

Lucretius Charus libro 4. de
somno & insomniis.

Michael Ephesius de longit. &
breuitate vitæ, & respirat.

Petri de Aluernia comment.
in parua naturalia.

Simonis Simonii comment. in
lib. de sent. & sens. & mem.

Themistius lib. de sōno & vig.

S. Thomas, & alii communiter
citati.

ALII SCRIPTORES

Artemidorus lib. de som-
nijs.

Augustini Ferrerij lib. de in-
somnia.

Cælij Calcagnini dialogus
de memoria. & paraphras.
in lib. de sensu & sens.

Cælius Rodiginus, de som-
nijs, in lib. 14. a cap. 40.

De fascino libri tres, vbi late
Paris. 1583.

Gulielmus Grattarolus de
somnia.

Iulius Cæsar Scaliger in Hip-
pocratē de somnijs.

Nicolai Taurellij de vita &
morte libellus.

Synesius de somnijs, cum Ar-
temidoro.

IN LIBROS DE historia anima- lium.

Albertus magnus
Auicenna.
Michael ephesus.

ITEM ALII Scriptores.

Aeliani de historia ani-
malium libri huc per-
tinent.

Cæsar Odonis lib. de ani-
malib. in quo Aristot. scri-
pta ad ordinem redegit.

Eduardus Vuottornus de
differentijs anim. libri 10.
Lutetiæ. 1552.

Epiphanijs Episcopi Cyprij
de animalium naturali bel-
lus. Romæ.

Hugonis presbyteri & Mona-
chi de natura animalium,
lib. 1.

Kirandæ cuiusdam lib. 4. d
remedijs & affectionib.
animalium.

Nicolai Leonici Thomæi pa-
raphrasis in lib. de anima-
lium motione, & quæstio-
nes naturales.

Paulus Belmissenus duos li-
bros priores de animalibu.

Arist. elegijs expressit.

Plinius libro 8.

De ruminantibus, liber edi-
tus Venetijs.

Vlissis Androuadi de historia
anim. libri 12.

IN LIBRIS DE partibus & gener. animalium.

Avenroes.
Daniel Furlanus.
Ioan. Grammaticus in lib. 1.
de part.
Michael Ephesus, & alij cita-
ti.

IN PROBLEMATATA

Petrus Apponenſis consilia-
tor.

ALIORVM PRO- blemata.

Alexandri Aphrodisens.
Antonij Ludouici me-
dici

Cathalogus Auſtorum .

- dici problematum lib. 5.
opus abſolutum .
Ioan. Bapt. Montani proble-
matum partim phyſicorū ,
partim medicorū liber. 1.
Leonis Nolani quæſtionum ,
ſiue problematum liber.
M. Ant. Zimaræ problem.
Problemata Ariſt. philoſo-
phorum , medicorumque
plurimum cum alijs quibuſ-
dam . Francoſ.

IN LIBRVM DE Phyſionomica.

- A**vguſtinus Niphus.
Benedictus Pererius cō-
tra Aſtologos Iudiciarios
lib. 3. ſeu de diuinatione.
Ioan. Picus, & alij.
Ioan. Baptiſtæ portæ de phy-
ſion. lib. cum figuris ,
Louaniennes in lib. 2. priorū.

SCRIPTORES de rebus memora- bilibus & occultis .

- A**riſtotelis libellus.
Aegidij Corrozet me-
morabilia italice.
Antonij Mizaldi de arcanis
naturæ lib. 4.
De memorabilium naturæ
Sylua Sympthiarum rerū
mundi.

- Antonij Ludouici medici lib.
5. de occultis proprietati-
bus.
Cardanus, ſed emendatus.
Cæſaris Euolij Neapolitani
de cauſſis Antipathiæ &
Sympathiæ rerum natura-
lium .
Franciſcus Petrarcha.
Gaudentij Merulæ lib. 4. re-
rum memorab. ſed expur-
gati.
Ioā. Baptiſtæ Portæ magia na-
turalis libri 4.
Ioan. Fernellij de abditis rerū
cauſſis.
Leuiniſ Lennius, Solinus.
Thomæ Thomæ Idea virida-
rii mundi, italice.

De plantis & herbis .

- A**riſtotelis de plantis
lib. 2. de falſo ei ad-
ſcripti, cum commentar.
Iulij Cæſaris Scalig.
Adami Louicerij naturalis hi-
ſtoriæ opus, ſtirpium, ani-
mantium, gemmarum, &
metallorum.
Adrianus Turnebus Lugdun.
Aemilius Macer.
Andreæ Ceſalpini de plant.
Caſtor Durantes de plantis.
Cœlius Rodiginus .
Chriſtophori a Coſta hiſtoria
aromatum.

Cathalogus Auctorum.

Dioscorides, & qui in eū scripsere, ut Mattioli.

Iacobus Dalechampius, Lug. an. 1585.

Iacobi Grescherii disputatio de plantis ex Arist. collecta.

Macri Philosophi libellus de virtutibus herbarum.

Plinius, a lib. 10. ad 17. & in Plinium extant expositiones, siue annotationes Hermolai Barbari, Pinciani Hispani, Gulielmi Budæi, & Stephani Aquæi.

Theophrasti libri de plantis, in quē scripsit Cæsar Odonus, Felix Acorambonus annotationes, Ficinus paraphrasim. Item Iulius Cæsar Scalig. sed purgatus.

ALII SCRIPTIORES
de rebus ad Philosophiam naturalem pertinentibus.
De Piscibus.

A Elianus lib. 17.
Benedictus Iouius Pauli frater, de lacu Lario, & eius piscibus.

Cælii Apicii lib. 10. de obsonijs & condimentis, ubi de mari & piscibus.

Franciscus Massarij in lib. 32. Plinii, qui est de piscib.

Gulielmi Rondelitti de aquatilibus Lugd.

Hippolyti Saluiani Romani de piscibus liber.

Iulius Cæsar Scaliger in lib. da subtilit. contra Cardan, ubi multa de aquatiliū natura.

Malatesta Fiorandus Ariminensis, de natura, & qualitatibus omnium piscium adhuc cognitorum, Italice.

Oppiani halieutica a Bodino versus Lutetiæ.

Paulus Iouius episcopus No-uocomens. de piscib. vrbis.

Petri Bellonii Cenomani de aquatilibus libri duo cum iconibus Parisiis.

Eiusdem liber Gallicus de piscibus, & de obseruationibus singularum rerum in variis locis visarum.

Petrus Gillius Gallus pisciū historiam illustrauit. Lud.

Theophrasti Lesbii libellus de piscibus.

Xenocrates de alimento ex aquatilibus, latine versus.

DE COLORIBVS.

A Ristotelis liber.

Simon. Pontij commentar.

DE FOSSILIB.
siue mineralibus,
& lapillis.

A Lbertus Magnus de lapidū virtutibus & rebus mine-

mineralibus.

Antonius Brasauola, in examine simplicium.

Auicennæ liber fossilium, siue mineralium.

Benedictus Arias Montanus de lapidibus vestium facrarum, in suo apparatu ad sacram scripturam.

Cælius Rodiginus, lib. 22. c. 21. & alibi.

Dioscorides.

Erasmus Stella de Gemmis.

Euax Rex Indiæ de Gemmis.

Franciscus Rubeus de Gémis nonnullis

Galenus lib. 9. de simplicium facultate.

Georgius Agricola lib. 6. de lapidib. fossilib. & metallis.

Ioan. Monchemius de Gémis & lapidib.

Ioã. Scotus, vel Chrysostomus de naturis omnium rerum.

Iosephus a costa, de natura noui orbis.

S Isidorus libro 16. & 17. etymolog.

Iulius Cæsar Scaliger. aduersus Cardanum passim.

Leonardi Pisarenensis de Gemmis, siue speculum lapidû.

Leonicensus de Polycratis Gémis lib. 1. c. 63.

Ludouicus Dulcis lib. 3. de varijs speciebus Gemmarum.

Morbodeus, alias, Morboidus.

Plinius de lapidibus & Gémis lib. 37. per totum, & alibi.

Polydorus de primo gemmarum vsu.

Polyphilus in hipnerotomachia de varijs gemmis, sed caute legendus.

Raphael Volateranus de Gemmis lib. 27.

Solinus in Polyhistor.

Theophrastus de lapidibus.

Tzetzes de sulphure lib. 12.

Vincentius in speculo. lib. 7.

DE THERMIS & aquis.

A Loylij Luscinij questionones de balneis.

Andreas Baceius Elpidianus de Thermis, & balneis, totius orbis lib. 7.

Bartholomæus a Cluiuo de Balneis.

Gabriel Fallopius de aquis fossilibus.

Matthæi Bandinelli Tractatus de Balneis.

Plutarchi libellus de fontium, & montium appellatione.

IN LIBROS METAPHYSICOS ARISTOTELIS.

A lberti de Saxonia questionones.

Alexandri Alensis in 12. lib. dilucida expositio.

Alexander Aphrodisæus.

Alexander de Alexandria.

Antonij Andreæ quæst.
Antonij Scaini, paraphrasis annotationes, & quæst.
Antonij Madij Ragusei in librum 12. metaphys.
Antonij Balduini Soc. Ies. disput. in primam phyl.
August. Niphus, & eius elucidar.
Dominici de Flandria quæst.
Flaminij paraphrases in 12. li.
Francis. Ricomer. in partem libri 12.
Franciscus Soarez, in Met. latissimæ.
Gabrielis Zerbi quæst.
Godofridus Cornubiensis in 12. met.
Gualtherus Burleus.
Iacobinus Barges.
Iacobi Pausij quæst.
Ioa. Duns Scotus.
Ioa. Philoponus in omnes.
Ioan. Piscat. Scholę.
Fr. Matthæi Aquarii quæst.
Nicolai Cruchij in libros metaphys. Scholia eruditissima.
Pauli Soncinatis quæstiones.
Petri Fonseca tomi duo.
Petrus Feltrius in 12 lib.
Simon Ardeus Venetus.
Syrianus, Venetiis.
Themistius.
D. Thom. Aquinas, & alij communiter citati.

ALII SCRIPTORES
 de iisdem rebus.

Alberti Magni opuscula, de causis, intelligentijs & de processu vniuersitatis.
Alexander Alensis in prima parte.
Bartholomæi Spinæ defensiones.
D. Thomæ, commentar. in lib. metaphy. contra Ant. And.
D. Bonauenturæ. opuscula, de reductione artiũ ad Theologiam, & itinerarium animæ ad Deum.
Celsius Rodiginus lib. 1. ubi multa de Deo.
Casparis Contareni Compendium primæ Philos.
Gulielmus Parisiens. in lib. de vniuerso.
Iacobi Gretschelij disputatio, Aristotelica, de intellig. & dæmonibus.
Iani Matthæi Tractatus, an sint dæmones.
Ioan. Lodou. Viues Metaphysica.
Iulij Carrarij Syreni de subiecto primæ Philosophiæ disputatio amplissima.
M. Anto. Nattæ. de deo libro 15.
Eiusdem lib. sex de pulchro, & vniuersi mundi fabrica hominis

Cathalogus Auctorum.

- hominis', aliarumque rerū
structura.
- Mer. Trismegistri Pymander
cum commentarijs Hanni-
balis Rosseli.
- Pet. Rom. schol. permissu.
- Scholastici in lib. 1. & 2. sen. q.
de rebus phylosophicis sub-
tiliter disputant.
- S. Thomæ prima pars. & con-
tra gentes.
- Teophrasti metaphysica.
- Scriptores nōnulli quo-
rum opera sunt pa-
rāda, & quidam alij
qui p̄termiſsi fuere.
- A** Chilleni opera varia.
- Alberti Magni opera.
- Andræ Chioui quæſtionum
philosophicarum & medi-
carum libri tres.
- Antonij Muſæ Braſauoli ope-
ra varia.
- Antonij Bernardi Mirandu-
lani libri de euerſione ſin-
gularis certaminis, in qui-
bus varia continentur.
- Aristotelis lib. qui decimus
hiſtoriarum inſcribitur, ver-
sus & illuſtratus ſcholiis a
Iul. Cæſare Scalii.
- Barnabæ Riccobini Rodigini
lib. 3. diſputationes tres, de
ſuprema omniū natura di-
uina, de felicitate, de ſen-
tentiarum communicatio-
ne, & variarum opinionum
cognitione.
- Bartholomæi Anglici ordinis
minorum de rerum pro-
prietate, lapidibus, herbis
arboribus, & animalibus.
- Bartholomæi Caſſanei catalo-
gus gloriæ mūdi, vbi de lau-
dibus rerum naturalium
& moralium, diuinarum &
humanarum.
- Bernardini Teleſii lib. 9. de re-
rum natura ex propria ſen-
tentia, ſed expurgati.
- Beſſario contra calumniato-
res Platonis.
- Conradi Coci Vimpine de ſo-
phorum erramentis.
- Cardani de rerum varietate,
& ſubtilitate, ſed purgati.
- Cornelii Valerii opera philo-
ſophica.
- Deſiderii Iacothii Vandape-
rani lib. de doctrina philo-
ſophorū ex Ciceronis ſcri-
ptis, cum ſentent. Cicero-
nis. Lugd.
- Felicis Accorōboni interpre-
tationes obſcurorum loco-
rum & ſententiarum om-
nium operum Ariſt. & Gal.
- Franciſci Valeſii de ſacra phi-
loſophia.
- Frāciſci Patricii diſcuſſiones
peripateticæ & c.
- Galeni varia opera ad philo-

Catalogus Auctorum.

- philosophiam pertinentia.
 Gasparis Sardi Ferrariensis de
 triplici philosophia com-
 mentariolus.
 Hortulus sanitatis, vbi de her-
 bis, plantis, auibus, animali-
 bus, lapidibus, & vrinis.
 Iacobi Mazonii de triplici ho-
 minum vita actiua, contem-
 plat. & relig. concl. § 177.
 Eiusdem in vniuersam Plat. &
 Arist. philosophiã, siue Pla-
 tonis & Arist. comparatio.
 Ioan. Pici opera.
 Ioan. Fran. Pici opera.
 Ioan. Iouiani Pontani opera.
 Iulii Cæs. Scal. exercitationes.
 Libellus de causis incerti au-
 ctoris cum comm. Aegid.
 & Iauelli.
 Margarita Philosophica per-
 fecta Cyclopædia.
 Marfil. Ficini opera in Plat. cõ-
 men. & de Philos. Platon.
 Mar. Anton. Zimaræ tabulæ,
 Theorem. & cõciliationes.
 Nicolai Contareni de perfe-
 ctione rerũ lib. 6. vbi varia.
 Petri Abani conciliat. contro-
 uersiarũ inter Philosophos
 & Medicos.
 Pomponatii uaria.
 Pompilius Azalus de omnib.
 rebus quæ continentur in
 mundo, cœlestibus, & terre-
 stribus. & math. Ven.
 Plotini opera.
 P. Gregorii syntaxis art. mĩr.
 Rationes methodicæ discendi
 omnes artes minimo qui-
 dem labore, Paris.
 Sebastiani Foxii opera.
 Simonis Portii opera.
 Scriptores in decem li-
 bros de moribus ad
 Nicomachum.
 Alberti Magni tractatus
 in omnes 10. lib. ethic.
 Auenroës.
 Audomaræ Taleus in lib. pri-
 mum ethic.
 Buridani quæst. in 10. lib. eth.
 Burlei cõmen. & dubitation.
 Chrysoft. Iauelli epitome.
 Cœli Calcag. paraphr. in li. 1.
 Conradi de Susata notabiles
 quæstiones in 5. lib. ethic.
 Donati Acciaiolii comment.
 Eustratii cũ aliis Græcis ex-
 positoribus, quos Io. Bern.
 Felician. restituit, & uertit.
 Gerardi Odonis cõmẽ. & qq.
 Guidonis Ariminen. scriptum
 in omnes.
 Hectoris Foresti in lib. ethic.
 prælectiones.
 Hermolaus Barbarus.
 Henricus de Vicmara.
 Iacobus Faber Stapul. cum an-
 notat. Clichthouei.
 Ioan. Maioris commentaria.
 Io. de Celaya expos. in eth.
 Io.

Catalogus Auctorum.

Io. Lud. Analysis lib. 5. ethici.
Ioan. Thom. Fregius lib. ethi.
perbelle exposuit per qq.
Addidit carmina ethica ex
poetis collecta ad mores
pertinentia.

Eiusdem analytica dispositio
librorum Cic. de offic. & li.
de amicitia, & de senectute
per quest. Additis quinque
orationib. de morali philo-
sophia Aristotelis.

Mar. Antonij Mureti in librū
5. ethic.

M. Ioannis Casij speculū mo-
ralium quæst. in vniuersam
ethicen.

Michael Angrianus.

Petrus de Spira.

Raphael Volaterani argumē-
ta in omnes lib. ethicos.

Samuelis Neilādi quæst. in li.
10. ethic. quos, per quæstio-
nes exposuit Theod. Zuin-
ger. scholijs & tabulis illu-
strati.

Stephanus Hocest.

S. Thomæ expositio.

Theodori Zuingerij tabulæ, &
comment. permissu.

Alij Scriptores de reb.
ad ethicen pertinen-
tibus.

A Driani Cardinalis lib. 4.
de vera Philosophia.

Alexandri Piccolomi Italice.
Almayni quæstiones mora-
les.

S. Ambrosij lib. de officijs.

S. Antoninus in tertia parte.

Ant. Bernardus Mirandul. in
lib. de euerfione sing. cert.

Antonius Posseu.

Arriani ex Epicteto. lib. quat-
tuor, ubi Stoicorum doctri-
na continetur.

Aristotelis alij libri ad mores
pertinentes: libellus de vir-
tutibus, quem Andræas a
Lacunas scholijs & exēplis
illustrauit. Item moralium
eudemiorum li. 2. Rhetor-
ico, de affectib.

Augustinus Valerius de ortu
& partitione philosoph. mor.
Carolus Bouillus, lib. de sa-
piente.

Chrysostomi Iauelli philoso-
phia moralis christiana.

Cœlius Calcagninus.

Cornelij Valerij Ultraiecta.
opera moralia.

Dionysius Carthusianus de
virtutibus, tomo 1.

Epictetus cum commentarijs
simplicij.

Felix Filiuccius, Italice.

Flaminij Nobilij de felicitate
li. 3. de uera & falsa volupta-
te, & de honore.

Francisci Piccolominei vniuer-
sa Philosophia de moribus
per

Catalogus Auctorum.

- per decem gradus explicata.
- Frânciscus Petrarcha de utraq; fortuna & uita solitaria.
- Georgius Gemistus de quatuor virtutibus.
- Georgij Vallæ Placentini de morali philosophia, lib. 1.
- Gubelmus Parisien tract. virtutibus.
- Gulielmi Adolphi Scribonij Ethica ex Aristot. & aliis summis Philosophis.
- Hermolai Barbari ethicæ cōpendium.
- Henrici Aquilij moraliū li. 2.
- Henrici Ariminensis de quatuor virtutibus cardinalibus tractatus ad ciues Venetos totam philosophiā moralem complectentes.
- Iacobi Stobei eclogæ morales ex varijs philosophis collectæ.
- Ioan. Iouin. Pant. opera moralia.
- Ioan. Baptistæ Possenuini dialogi de honore, italice.
- Ioan. Rodigni ethicorum libri tres.
- Ioan. Spinæ de tranquillitate animi.
- Iodoci Badij Ascensij syluæ morales ex varijs poetis collectæ.
- Isidorus Hispalensis de summo bono.
- Iulij Barbarani Promptuarij. tomo tertio, ubi de virtutibus.
- Leonardi Aretini dialogi de moribus.
- Ludouicus Carbo. lib. de pacificatione, vbi de iniurijs de honore, &c.
- Eiusdem de amore & concordia fraterna.
- Ludouici a Granata collectanea moralis philosophiæ in tres tomos distributa, ex Seneca Plut. & aliis Philosophis.
- Mar. Tullij lib. de officijs, amicitia, paradoxa, de finibus, & Tusc. quæstiones.
- M. Ioan. Cassij speculum moralium quæst. in vniuersam ethic.
- M. Io. Rigerij ethicor. libri 2.
- M. Oueni Guntheri libri ethicorum ad Nichoma. latinis versibus comprehensi.
- Martini Dumêsis lib. de virtutib. falso Senecæ adscriptus.
- M. Martini magistri quæstiones de fortitudine.
- Philippi Mocenici lib. de vniuersalibus institution.
- Philonis Hebræi opera.
- Platina de uero et falso bono.
- Platonis varij dialogi.
- Plutarchi opuscula varia, de vitio et virt. amicitia, &c.
- Remundi Sebundi dialogi de natura

natura hominis, &c.
Sebastiani Foxij ethicæ philosophiæ compendium.

Senecæ opera.

Simon Portius, an homo bonus, vel malus volens fiat.

Thesaurus Philosophiæ moralis græco latinû. Lugd.

Theophrasti characteres ethici, siue descriptiones morû cum commentario.

Theodor. Zuinzerii morû philosophia poetica, permissu.

D. Thomas in 1. 2. & 2. 2. qui omnium exactissime.

Vincentii speculum morale lib. 3.

Vitæ & mortis compendium diuerforû ad morum honestatem.

In libros Politicos Arist.

Antonius Montecatinus in lib. 1. late. Eiusdem paraphrases in Platonē de rep. & quinque veterum publicorum fragmenta.

Antonii Scayni quæstiones in octo libr. politicos.

Buridani quæstiones in eodem lib.

Chrysostomi Iauelli epitome polit. Arist. & Platonis.

Cæli Rodigin. paraphrasis.

Cyriaci Sotrozix lib. duo, novus & decimus, additi illis

octo quos Aristoteles scripsit; quos prius græcos, tû latinos fecit.

Donati Acciaoli comētaria.

Iacobi Fabri stapulen. introductio in Polit. cum commentariis Iodoci Clichthouei, & in omnes lib. annot.

Ioan. Genesii Sepuluedę enarrationes in omnes lib. poli.

Ioan. Versorii in lib. polit. comment.

M. Ludouici Valentix eptome librorum politicorum.

Martini Borrhai, alias cellarii annotationes permissu.

Pedro simon Abril commentaria, hispanice.

Petri victorii scholia, siue comētaria.

S. Thomæ commentar.

Theodori Zuingerii Tabulæ, cum scholijs Lambini, eiusdem comment.

Alij auctores, de rep. regno rege principe, &c.

Aegidius Romanus de regimine principum.

Alberti Magni Polit. lib. 8.

Alphonsus Tostat. de optima rep.

Eiusdem de regim. principû.

Alexander Piccolomineus de institutione hominis in libera ciuitate nati. Ethicæ

Cathalogus Auctorum.

- ca, & œconomica Italice.
- Alexius Salmanca Zamorensis de rep. Christi dialogi tres.
- Andreas Cæcus de monarchia.
- S. Antoninus in tertia parte summæ.
- Antonij Posseuini iudicium de scriptis Naue militis Galli.
- Ioan. Bodini, Philippi Mornei & Machiauelli.
- Eiusdem, miles Christianus.
- Eiusdem de honore, & duel.
- Antonius Palearius, de rep. ad senatum Lugdun.
- Baptistæ Alberti de repub. italiæ
- Basilij Imperatoris Roman. Præcepta ad Leonem filiū.
- Bartholomæi Philippe de consilio, & consiliarijs principum, ex hispano sermone, italice. Venet.
- Bartholomæus Diecius de consilio principis.
- Belarminij de translatione Imperij
- Berardi Baldi Vrbinas dialogi de Principe, italice.
- Caroli Sigonij de rep. Hebræorum & Atheniens.
- Commentariorum de regno & principatu recte administrando contra Macchiauellum. In quem impium hominem multi Scriptores stylum merito acuerunt, cum errores impietatis plenos disseminauerit, & ratione euerterendū non cōseruandarū ciuitatū docuerit.
- Cyri Spontoni Corona principum, italice.
- Eiusdem de remigine statuū.
- Cunerij Petri de Christiani principis officio.
- Dionysius Carthusianus de vita & regimine præsulū, principum, & militum.
- Emanuelis Palelogi Imperatoris præcepta eruditionis regie. Basil.
- Faustus a Lōgiano de institutione filij principis, italice.
- Fernandus Diaconus, qualis esse debeat dux religiosus.
- Frachettæ Idea de regimine statuum, italice.
- Francisci Patritij Senensis de regno lib. 9. & de repub. totidem cum annot. Ioan. Sanguinei.
- Francisci Raguelli leges politicæ.
- Franciscus Lucius de optima reip. gubernatione, & de laudibus Venetiarum, & de earum gubernatione.
- Fran. Panicaloꝝ speculum militiæ, italice.
- Frater Paulus Arrighius de bonitate Principis
- Frat.

Cathalogus Auctorum.

- Frat. Stephani a Lusignano** collecta quinque discursuum inscripti. coronę Regum & principum, Italicę.
- Gasparis Contareni** de rep. Veneta.
- Hieronymus Agerianus** de miseria principum.
- Hieronymus Cagnolus** de reſta principis institutione.
- Hieronymi Oſorij** de regis institutione lib. 8.
- Eiuſdem** de nobilitate ciuili. & Chriſtiana lib. 5.
- Eiuſdem** de gloria lib. 5.
- Hieronymi Garimberti**, de publicis regiminibus ciuitatum italicę.
- Horologium principum** italicę.
- Iacobi Fabri ſtapul.** Hecatonomiarum lib. 7. in quibus Socratis & Platonis leges ſummatim colliguntur.
- Iacobi Simance Episcopi** pacenſis collectanea de rep. & regno.
- Iaſonis de Nores** institutio Principis
- Ioan. Antonij viperani** lib. de regno & regē.
- Ioan. Auilę** epiſtola ad Aſſiſtentem Hiſpalenſem. extat in lib. epiſtolarum ſpiritualium.
- Ioan. Iouin. Pont.** liber de principe tom. 1.
- Ioan. Baptiſtę Pignę** princeps.
- Ioannes Boterus** lib. tres de regia ſapientia.
- Eiuſdem** de ratione ſtatus, italicę
- Eiuſdem** relationes, italicę.
- Ioan. Carnotenſis** epiſcopi polycraticon lib. 8. vbi multa continentur perinentia ad materias morales & ciuiles.
- Ioan. Gigas** de magiſtratu politico, & ei ſubiectis.
- Ioan. Marię Memmi** de Principe, rep. & alijs perſonis ciuilibus, Italicę.
- M. Ioan. Caſij** ſphęra ciuitatis, hoc eſt de rep. recte adminiſtranda, ſed emendata.
- Ioannes Opporius** de principis institutione, in ſuis lib. de legibus.
- Iulij Barbarani** Promptuariũ, in verbo Princeps & miles.
- Iulij Pollucis** Imperat. & Regis conditiones & dotes.
- Iuſti Lipſij** politicorum, ſine ciuilis doctriņę lib. 6.
- Leo Damno Saraceno** de regimine regnorum. italicę.
- Mar. Ant. Nattę** de principis doctriņa.
- Marci Fratę** de nobilitate, & uita nobilis & de Principe, italicę.
- Mambrinus Roſeus** de principe

Catalogus Auctorum.

cipe Christiano.
 Marius Salonius de principatu.
 Mutij Iustinopolit. catholica disciplina principū, italice.
 Nicolaij Biesij de rep. lib. 4.
 Omphalij ciuilis politiæ lib. tres.
 Olosander Platonius de optimo duce & officio eius. Italice, Iolitus.
 Pauli Parutæ Veneri, de vita politica, & Discursus politici, italice
 Petrus Bizarus de optimo Principe, bello & pace.
 Pet. Gregorij Tolos. de repub. lib. 26.
 Platonis lib. de rep. cum comment. Sebast. Foxij, & Beni Eugubini Decades.
 Platina de optimo ciue.
 Plutarchi opuscula nonnulla.
 Matthæus Bossus de regendo magistratu, iustitiâq; opusculum. Eiusdē opera moralia.
 Pogij Florentini de officio Principis.
 Propositiones, siue considerationes ciuiles Guicciardini, Lutini, & Sansouini, italice.
 Pythagoreorum fragmenta de rep.
 Oracula politica, cum floribus ex Plutarcho collectis, Italice. Aldo.

Sebastianus Foxius de Principis Institutione.

Synesij episcopi de regno bene administrâdo ad Archadium Imperat.

S. Thomæ Aquinatis de regimi. Principum opusculum.

Thomæ Bozij, de imperio virtutis, siue imperia pendere a veris virtutibus contra Macchiauellū lib. 2. De ruinis gentium & regnorum, de antiquo & nouo iure Italiæ.

Xenofontes pedia Cyri.

In libros œconomicos Aristotelis.

Alberti Mag. œcon. lib. 4
 Chrysostomi Iauelli Epitome.

Iacob. Faber Stap.

Ioan. Versorius.

Leonardi Aretini explicatio.

Leonardi Metini commentar.

Petrus de Castrouol.

S. Thomas, & alij citati.

Alij scriptores de rebus ad œconomiam pertinentibus.

Alexander Piccolomin. œconom. italice.

Aristotelis lib. de re familiari.

Chrys. Iau. œconomia Christiana.

Georgius Viuennus de officio

Cathalogus Auctorum.

ficio probi patris familias.
Georgij Vallæ Placent. de
œconomia lib. 3.

Ioan. Ludouic. Viuis de insti-
tutione femine Christianæ:
Eiusdem de officio mariti.

Laurentij a Villauincentio
œconomia circa pauperum
curam a Christo tradita

Ludouici Carbonis de amore
& concordia fraterna.

Nicolai Titi de regimine fa-
milie, italice.

Plutarchi opuscula quædam,
vt precepta nuptialia, de
pueris educandis.

Tiraquellus de legibus con-
nubialibus.

Xenophontis œconomicum
Raphaele Volat. interpr.

De liberis educandis.

Iacobi Sadoleti libellus.
Mapheij Vegij de ducatio-
ne puerorum, & claris eo-
rum moribus lib. 6:

Plutarchi opusculum de pue-
ris educandis

De nobilitate Honore & iniurijs.

Antonius Posenin.
August. Hippi de inimi-
corum lucro commenta-
riolus.

Flaminius Nobilius de nobili.

Ioan. Bapt. Possseuinus de ho-

nore.

Iodocus Clichthoueus de ve-
ra nobilitate.

Ludouicus Carbo in lib. de
pacificatione, vbi de iniur.
& honore & inimicis aman-
dis. Eiusdem opusculum de
amore & cōcordia fraterna;
Marci Fratae de nobilitate &
vita nobilis, & de principe,
italice.

Onufrij Zerabini de nobilita-
te ciuili & Christiana lib.
4. italice.

Oforij de nobilitate ciuili &
christiana & de gloria.

Platina de vera nobilitate.

Plutar. de utilit. ab inimicis ca-
pienda.

Stephanus Foxius de honore
Tassus. italice.

Tiraquelli tractatus de nobi-
litate, vbi latissime.

De honore & duello multi
scripsere, quos citatos in-
uenies in nostro lib. de Pa-
tificatione.

Scriptores exemplo- rum moralium.

Baptista a Campo Fulgoso.

Ioan. Baptista Egnatius.

Nicolaus Hanapus ex script.

Roberti Folietæ elogia Ge-
nuens.

Sabellicus

Vallerius Max.

QVONIAM amice Lector, vt initio dixi, ob temporis angustias, non potui hunc Catalogum maiore cum diligentia foras dare, vrgebat enim Typographus, ideo, quamuis vel omnino prohibitos, vel suspectos scriptores citare noluerim, tamen fortasse aliquis irrepsit; neq, enim omnes videre potui, quod si vnum vel alterum suspensum, vel suspectum citatum inuenies, obseruabis etiam modum, quo citatur, vt non nisi emendatus, vel permissu legatur. In summa, cum inter alias admonitiones quas ad recte philosophandi dedi, hanc posuerim, vt libri prohibiti non legantur, nec habeantur, si quis hac in parte peccare noluerit, indicem librorum prohibitorum consulat: & si aliquo suspenso, aut prohibito auctore vti voluerit, id non sine superiorum permissu faciat.

Finis Catalogi.



+ 2

25.00

Francisci Abbatis Carrette
Mutinensis.
H.

